

‘E R M H N E I A
L O G I C A.

Seu

SYNOPSIS LOGICÆ

BURGERSDICIANÆ

Explicatio,

Tum per NOTAS tum per EXEMPLA;

Authore

ADRIANO HEEREBOORD;

Phil. Profess. Acad. Leid. Primario.

Editio nova accurata.

Accedit ejusdem Authoris

P R A X I S L O G I C A.

CANTABRIGIÆ,

Ex Officina Joan. Hayes, celeberrimæ
Academiæ Typographi, 1670.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.

THE M. H. J. E. A.


THE M. H. J. E. A.

THE M. H. J. E. A.

THE M. H. J. E. A.

URBIUM HOLLANDIÆ, &c.
MAGISTRATUI SUPREMO.

Nobilissimi, amplissimi, spectatissimique Viri.

 Rigesimus primus labitur annus, ex quo, communi suffragio & publica authoritate *Illustriss. ac Præpotentiss. D. D. Ordinum Hollandiæ West-frisiæque*, in hujus *Provinciae Scholas*, ne tenera Juventus nimium distraheretur, alios præter libros, introducta est *Logica* Cl. Viri, Præceptoris ac Prædecessoris mei, *Franconis Burgersdicii*, in eum finem ab ipso, eorundem jussu conscripta, eorumque nominibus inscripta, *magna minorque*. Verum enim-vero, cum *magnam* tyronibus hujus artis nimium longam ac difficilem, *parvam* nimis brevem ac sterilem esse, experientia comprobasset, rogatus fui ac postulatus non semel à diversis diversarum Scholarum Rectoribus, ut *Synopsis* ejus, breviorum ac steriliorem, *Notis* atque *Exemplis*, ad captum tyronum accommodatis, auctiorem redderem ac fertiliorem: quod, tandem me exorari passus, ante sexennium præstiti;

D E D I C A T I O.

stiti; & res ista conatúsque noster (quod
præfiscine dictum esto) feliciter cessit cecidit-
que. Has curas cogitationésque, tertio nunc
recusas, *Nobiliss. Amplitud. Vestrarum Nomi-
nibus Illustriss.* inscriptum eo, ut *Synopsin*
istam *Burgerfdicianam* in Scholas vestrarum
Urbium introducatis, aut in eas invec̃tam, *No-
tis* ità à me & *Exemplis* illustratam, & tertio
editam, atq; emendatius auctiusque, in iisdem
retineatis, ad juventutis vestræ commodum,
& ut me *Authorem* in clientelam vestram re-
ciperedignemini. Scripsi *Lugduni Batavorum,*
Nonis Aprilibus, Anno 1657.

Illustriss. Amplitud. Vestrarum Devotiss. cultor,

Adrianus Heereboord, *Philosophiæ in*

Academia patria Professor primarius.

P R Æ.

P R Æ F A T I O
AD SCHOLARUM
Hollandiæ West-Frisiæq; &
aliarum Rectores.

Sisto vobis jam tertio, eruditissimi Viri, Synopsis Logi-
cæ Burgerſdicianæ, Notis à me, quantum potui, perſpi-
cuis & Exemplis illustratam. Quid me moverit ut
hunc laborem ſuſceperim, paucis olim expoſui verbis, Quin-
decim ſunt præter propter anni, ex quo Logicam publicè privatimq;
expono; ac jam aliquoties hoc curriculum à carceribus ad me-
tam decurri, in publicis lectionibus, nulli adſcriptus textus,
per locos inceſſi communes & generales rerum Logicarum
titulos, ſilum tamen ſemper ſecutus & ſeriem Logicæ majoris
Burgerſdicianæ, quod eam aut in Scholis jam prælibaſſent,
Logicæ ſtudioſi recenter ad Academiam promori, aut privatim
enarrationibus à me explicari audirent: in iis enim, ipſi In-
ſtitutionum Logicarum textui, de verbo ad verbum, tum
quoad theoremata, tum quoad commentarios, exponendo,
inſiſtere atq; immorari, conſuetudo mihi fuit, à longo tempore.
Sed enim, ut verum ſcietur, ipſa multorum annorum experien-
tia deprehendi, multa eſſe in Inſtitutionibus iſtis minùs com-
moda, ut pro privata prælectionis textu inſervire valeant, ne-
dum ut idonea ſint ad captum tyronum in triviali adhuc pulve-
re uſtantium; quippe & ſublimia nimis ſunt ac *μεταφυσικώτε-
ρα* quæ de prædicabilibus & affectionibus Logicis ibi tra-
dūtur & multa quoq; in iis exiſtunt, (ut eſt Modalium & E-
nunciationū & Syllogiſmorum doctrina,) quibus abſq; detri-
mento Scholaſtica atq; Academica juvenis carere poteſt: atq;
hinc factum quoque eſt, ut ſua prolixitate tediū fere pepererint
Logicæ ſtudioſis, qui ſæpe dimidia tantū earū parte audita, reli-
quam, & tamen longe uſiſſimam, in ſuper neglectui habuerunt.
Sed ne illarum Inſtitutionum Synopsis hîc mihi unquā ſatis
facere potuit, quod ſterilis nimirum illa eſſet & jejuna. Quare,

P R Æ F A T I O.

id consilii annos ante sex cepi, quod nunc me executum videtis, ut operam meā conferrem, & horas aliquot darem isti Synopsi per notas perspicuas & exempla illustranda: quod an assecutus fuero, vestri erit iudicii. Quicquid sit, nihil hūc egi ad pompā vel ostentationem ingenii, vel magnæ existimationis gloriam, sed ad utilitatem tantum studiosæ juventutis: neque aliquid detractum iri Clarissimi D. Burgerſidicii & præceptoris item & Prædecessoris mei, laboribus; nam textum ejus in Synopsi reliqui integrum, notasq; solum meas & exempla apposui. Neq; aliquid hūc tentatum est aut factum contra decretum Illust. D. D. Ordin. Hollandiæ ac West-Frisiæ, quo statuerunt publicæ auctoritatē, in Scholis suæ Provinciæ trivialibus recipiendam esse Logicæ Burgerſidiciianæ juxta Institutiones Synopsi: quia retinetur eadem, sed ad usum tantum & commodum majus Scholastica atq; etiam Academicæ juventutis accommodatur magis. Vos itaque, Viri clarissimi, doctissimi, operam hanc meam non tantum boni consulite, sed et utimini, ad juventutis commissæ vobis studia feliciter promovenda, quæ laboris mei fuit scopus.

Ceterum & hoc monitos vos velim, Viri ornatissimi, tertiam hanc epulveias nostræ Logicæ editionem, esse tertiam fere partem notis exemplisq; auctiorem, atque ita institutam, ut Logicæ tyronibus tum in schola triviali, tum in Academia inservire valeat: atq; ideo, quæ provectioribus, exercitioribus, atq; Academicis conveniunt studiosis, magis quam tyronibus scholasticis, uncis [] inclusi; atq; in illis ipsis quæ soli juventuti in Scholis etiamnum versanti proponenda atque exponenda veniunt, quadam adhuc, pro captu tyronum, omitti possunt; quod iudicio & prudentiæ Præceptorum, & laboris mei fructum atque eventum Deo committo.

Ludg. Bat. Postridie Nonas Aprilis MDCLVII.

Adrianus Heereboord, Philosophiæ in

Academia patriæ Professor primarius.

In

In summi piæ memoriæ
VIRI,
D. F. BÜRGERSDICIJ,
*Philosophia quondam in Academia Lugduno-
Batava Professoris,*
SYNOPSISIN LOGICAM,
à dignissimo ejus discipulo ac successore,
D. ADRIANO HEEREBOORDIO,
Leidenſi, Notis & Exemplis auctam, illustratam.



*Qui Sophia Doctor cæpit, Francone Magistro,
De ratione loqui, cum ratione loqui;
Qui patriis fessis Batavum successit Athenis
Vel novus Alcides vel novus alter Atlas;
Cui vel in arte sua jam lampada tradere Franco,
Discipulique velit vivere discipulus;
Exhibet hunc alium nobis Adrianus, eundem
Exhibet hunc nobis de ratione librum.
Hinc Burgerſdici, simul hinc Heereboordia cura,
Summæque dexteritas hujus & hujus adest.
Improbe quid dentes acuiſti, Mome! sinistro,
Improbe, quid spectas lumine? pulſus abi,
Candidus interpres quod Burgerſdicius ipse,
Ipse quod acturus, si superesset, erat,
Explicuit præcepta notis Heereboordius, & quæ
Nota minus fuerant, reddidit ille magis.
Siqua viderentur dubia tenebrosa juvenia,
Prætulit obscuris, prætulit ille facem.
Qua bene præcessit, salvo præeumis honore.
Hac bene promovit lucis amator iter.
Per Præceptoris vestigia tria tenellas
Dirigat ut mentes, porrigit ille manum.
Ingenue, sub quo profecerit ante, professus,
Discipulum doctæ se probat ille pium.*

*Improbe, quid dentes acuisſi, Mome? finiſtro.
Improbe, quid ſpectas lumine? pulſus abi.
Quin potius dediſce tuos ſemel, improbe, mores.
Quin tandem mecum diſcere diſce ſemel;*

*Demere nil operi, ſed & addere plurima; grates
Hoc bis agentis erit, bis referentis erit.*

Henricus Bruno.



PROLEGOMENA,

Sive

PRÆCOGNITA

AD

LOGICAM.

Vox *Philosophia* origine est Græca, & primum introducta à *Pythagora*; qui, cum coram *Leonte Phliasorum* rege multa præclare & sapienter differuisset, rogatus quamnam profiteretur artem, & in qua re esset sapiens, ex modestia respondit, se non σοφόν, sed φιλόσοφον id est, non sapientem sed sapientia studiosum esse: ab illo tempore, quæ sapientia ante dicebatur simplici voce, σοφία, dicta est φιλοσοφία, mansitque illud vocabulum in hoc usque tempus; ac licet proprie ex vocis origine significet *amorem sapientia*, hic tamen ipsam notat *sapientiam*, & quidem illam quæ naturæ viribus & naturali intellectus lumine acquiri potest.

Philosophia perfecte definiri nequit, quia est ens aggregatum, nam complectitur sub se plures habitus; qualicunque tamen descriptione explicari valet. Et, ut varias ac remotas *Philosophiæ* descriptiones omittamus, quæ videri possunt apud *Scheiblerum* in *Introductione ad Logicam*, & *Keckermannum* in *Præcognitiis Philosophicis*, nobis dupliciter definitur: vel, quod sit *Notitia rerum divinarum & humanarum*, quantum homo eas naturali intellectus lumine percipere potest; vel, quod sit *Compages ordinata scientiarum, prudentiarum & artium*: ubi tamen observetur, non ab omnibus philosophis, Artes sub ambitu *Philosophiæ* comprehendendi. Utramque definitionem explicatam dabimus.

Cum *Philosophia* dicitur *Notitia*, intelligenda est non actualis, sed habitualis; vox enim *notitia* ambigue sumitur: nam interdum significat actum ipsum cognoscendi,

• A

interdum

interdum habitum, id est, facilitatem cognoscendi intellectui inditam. posteriori modo hic accipitur. Per *res divinas* intelliguntur, tum Deus ipse, tum illa quæ à Deo vel immediate sunt creata, vel mediante natura sic sunt producta, ut ea facere nec potestatis, nec arbitrii sit humani. Per *res humanas* intelliguntur illa, quæ à Deo quidem fiunt, sed mediâte homine, & in quæ homo potestatem accepit, pro suo arbitrio ea faciendi vel non faciendi. Res divinæ vocantur aliis necessariae, res humanæ contingentes: de utrisque vide caput ultimum *Logicæ Synopsis Burgersdicianae, quæst. prima, in commentario*. Cum additur in definitione, quantum homo naturali intellectus lumine percipere valet, distinguitur Philosophia à Theologia: & ut hoc discrimen clarius pateat, notandum est, triplex dari lumen, quo intellectus humanus in intelligendo quasi illuminetur, nempe, lumen naturæ, gratiæ, gloriæ, Lumen naturæ omnibus hominibus commune est, estque nihil aliud quàm naturalis, & omnibus, sive Christianis sive Paganis, cōnata facultas intelligendi. Lumen gratiæ solis Christianis est proprium, vocaturque aliàs lumen fidei ac revelationis, & per illud cognoscitur res Theologicæ ex verbo Dei. Lumen gloriæ dicitur id quo illuminatur beatæ animæ, & angeli cōfirmati in statu glorificationis. Philosophia respicit solum lumen naturæ.

Porro, quod alteram spectat definitionem Philosophiæ, cum Philosophia dicitur *compages ordinata*, ejus significatur genus: constat autem ista ordinatio in eo quod certo ordine præcepta tradantur in Philosophia de rebus divinis & humanis. Cum additur, *scientiarum, prudentiarum & artium*, exprimuntur ista, ex quibus Philosophia aggregatur, &, ut sic loquar, compaginatur.

Genuinâ Philosophiæ definitionem explicatam excipit ejus Partitio seu Distributio, quæ institui solet vel in duo, vel in tria membra. Qui *Aristotelem* sequuntur pressius Philosophiam dividunt in Theoreticam & Præcticam: alii addant membrum tertium, partem *ποινητικὴν*. Pars Theoretica complectitur scientias, Præctica prudentias, *ποινητικὴν* artes. Scienciæ tres sunt, Metaphysica, Mathematica, Physica:

Physica : totidem sunt Prudentiæ, Ethica, Oeconomica, Politica: totidem Artes, Grammatica, Rhetorica, Logica. Si Philosophia tantum dividatur in duas partes, Logica non erit philosophiæ pars, sed instrumentum: si in tres, erit & pars philosophiæ, & instrumentum simul cognoscendi reliquas duas philosophiæ partes, quin & omnes omnino disciplinas.

Philosophiæ partes distinguuntur per objectum & finem. Objectum philosophiæ theoreticæ sunt res divinæ: finis est contemplatio, id est, solius veritatis perceptio. Objectum philosophiæ practicæ & ποιητικῆς sunt res humanæ, id est, tales, quæ sunt sitæ in potestate hominis ut fiant vel non fiant. Finis utriusque est operatio tum moralis tum artificialis. Exemplis hæc singula declarabimus. In Physica, verbi causa, agitur de cælo, stellis, elementis, nive, grandine, lapidibus, plantis, animalibus, &c. quæ omnia ut fiant, in nullius hominis potestate est collocatum; ideoque in illorum contemplatione mens humana acquiescit: nam quid ulterius intenderet? In Ethica agitur de virtutibus & vitis moralibus, quæ ab homine unoquoque vel fieri possunt vel non fieri; ideoque non tantum explicantur ut cognoscantur, sed ut in actum & exercitium deducantur. In Logica agitur de definitione, divisione, syllogismo, &c., quæ cognoscendi instrumenta non sufficit scire, sed oportet ea cognita ad praxin revocare. Hinc liquet finem Philosophiæ theoreticæ esse nudam veritatis contemplationem; nam stultum foret, intendere productionem aut coeli, aut stellarum, aut elementorum, aut ullius corporis naturalis, cum illa producere sit solius Dei, & nullius hominis: At verò cum homini concesserit Deus esse liberalem vel non, fortem vel non, iustum vel non, &c. id est, hanc vel illam virtutem exercere vel non, non tantum sufficit naturam virtutum & vitiorum cognoscere; sed oportet virtutes exercere, vitia fugere, quod est non tantum cognoscere, sed aliquid agere: Sic, cum in hominis potestate posuerit Deus, syllogismum facere vel non facere, non sufficit quoque cognoscere, quomodo syllogismus sit faciendus, sed oportet eum facere. Hoc tamen discriminis est inter opera-

tionem moralem, quæ pertinet ad Philosophiam practi-
cam, & artificialem, quæ pertinet ad Philosophiam *πρακτι-
κήν*, quod operatio moralis denominet operantem boni
vel malum, probum vel improbum; sed operatio artifi-
cialis tantum denominat operantem peritum vel imperi-
tum, scientem vel ignorantem. Sic, verbi causa, qui libe-
ralitatem, justitiam, aut alias exercet virtutes, dicitur vir
bonus aut probus, & qui contraria exercet vitia, dicitur
vir malus & improbus; at qui bonum facit syllogismum,
non ideo est vir bonus, nec, qui malum, ideo est vir malus.
Operationem moralem Græci vocant *πράξις*, Latini acti-
onem; artificialem vocant Græci *τεχνήν*, Latini effectio-
nem: hinc ars Aristoteli definitur *habitus effectivus*. Hoc
discrimen inter illa duo vocabula extra philosophiam *A-
ristotelis* non observatur, in ea tamen accurate observari
solet. De singulis scientiis Philosophiæ theoreticæ, Meta-
physica, Mathematica, Physica, ut & de singulis pruden-
tiis, Ethica, Oeconomica, Politica, nihil dicemus spe-
cialius; videri possunt *Scheiblerus in Logica & Metaphysica*,
Keckermannus in præcognitiis Philosophicis, *Alstedius in sua
Encyclopædia*, *Pererius in Physica*, &c.

Ad nostrum institutum pertinet tertia philosophiæ pars,
cujus membrum est Logica: cum enim ars sit habitus ali-
quid efficiendi, Logica autem bene percepta, in nobis effi-
ciat syllogismos, definitiones, divisiones, &c. merito ad
artes reducitur, quæ sub tertia Philosophiæ parte cõpre-
henduntur. Hoc insuper est notandum, & scientias, & pru-
dentias, & artes, esse concessas generi humano, ut ejus
ignorantia circa res quaslibet succurreretur: speciatim,
donum est divinum Logica, quippe quæ non quidem ex-
plicit res, sed modum tamen docet res quascunque cogno-
scendi, cujuscunque fuerint disciplinæ, & sic quasi univer-
salis est animi medicina, quæ omnis ignorantia tenebras
depellit. Dicitur enim Logica à voce *λόγος*, quæ vox sig-
nificat rationem, aut mentem, aut intellectum, quia ejus
nebulas removet & fugat, ut clarius ex ipso hujus *Synopsos
Logica & Commentariorum* corpore patebit.

INSTI-

(5)

INSTITUTIONUM
LOGICARUM
SYNOPSIS,

Sive

RUDIMENTA
LOGICA.

*Capita respondent capitibus Institutio-
num LOGICARUM majorum.*

LIBER PRIMUS.

CAPUT I.

Quæstio I. *Unde dicta est Logica?*

A Voce λόγος, quæ, inter cætera, tum *rationem* tum *orationem* significat. Logica enim dirigit intellectus nostri *rationem*, live conceptus, eosque docet apta *oratione* interpretari.

1. *Logica*) Vox *Logica* est adjectiva, & subintelligitur disciplina, ars, scientia, aut simile substantivum, est autem hæc vox origine Græca, derivata à voce

λόγος, quæ significat, inter alia, *rationem* & *orationem*, utraq; significatio hujus est loci. *Rationem* alii vocant sermonem internum; *orationem* sermonem

A 3

exter-

externum : quia ratio in mente latet, oratio in lingua patet. Logica aliis vocatur *Dialectica* ; quamvis Peripateticis, id est, iis qui Aristotelem præse sequuntur, hæc vox tantum illam partem Logicæ notet, quæ agit de Syllogismo topico, sive contingenti.

2. *Rationem*) Ratio significat vel ipsam facultatem ratiocinandi, quæ dicitur quoque *mens* & *intellectus*, vel ipsam ratiocinationem : illa vocatur ratio in actu primo, hæc, ratio in actu secundo. Posteriori modo hic sumitur, significatque ipsam intellectiōem mentis humanæ, seu conceptum ejus; sic ut *Intellectus nostri ratio*, seu *conceptus*, idem sit quod cognitio, intellectio, notio, apprehensio, cogitatio, conceptus.

3. Actus primus in Philosophia significat principium operandi, actus secundus ipsam operationem : sic, verbi causa, principium videndi, seu *visus*, est actus primus, ipsum *videre*, actus secundus; ita hoc loco, ratio in actu primo vocatur principium ratiocinandi, ratio in actu secundo dicitur ipsa ratiocinatio. Logica dirigit propriè, non rationem in actu primo, hoc est, ipsum intelligendi principium; sed dirigit rationem in actu secundo, id est, ipsas nostras intellectiōes.

[4. *Conceptus*] sive norio, definitur, *repræsentamen rei in intellectu* : illa repræsentatio fit per imagines rerum in intellectu receptas : nam ab omnibus rebus quædam profluunt effluvia, sive imagines, quæ res repræsentant, quando illæ per aerem devehun-

tur ad oculum aut cerebrum, ipsæ tamen nec videntur, nec intelliguntur, sed per illas omnia & videntur & intelliguntur. Repræsentationes rerum in oculo vocantur species visibiles, & in genere, sensibiles repræsentationes rerum in cerebro vocantur species intelligibiles : ipsum vero cerebrum idoneum est hisce imaginibus recipiendis quia est substantiæ flaccidæ, humidæ, & medullosæ.]

[5. *Species* dicitur ab inusitato verbo *specio*, quod olim significabat *video* ; ut proprie *species* sit imago rei delata ad oculum, quæ res videtur, sed per synecdochen hæc vox translata est ad imagines receptas in intellectu, quibus res intelliguntur. Est autem hoc plane admirandum, quod, cum nulla res quæ videtur aut intelligitur, vel oculum vel intellectum subeat, ab omni re effluant tales species, id est, imagines, quibus omnia videntur & intelliguntur, quæ vel oculo vel intellectui res repræsentant, atque ibi quasi pingunt : quemadmodum enim pictura repræsentat rem pictam, ita istæ species sive imagines repræsentant rem visam aut intellectam.]

[6. Quando anima ad repræsentationem rerum factam in cerebro attendit, dicitur *intelligere*, & vocatur tum *intellectus* ; & ipsa intellectio nihil aliud est quam repræsentatio rei ab intellectu perceptæ.]

7. Est vero cognitio mentis nostræ triplex, quæ à Logica dirigitur : una, quæ dicitur *apprehensio simplex*, & *prima mentis operatio* ;

peratio; altera, quæ dicitur *compositio* & *divisio*, & *secunda mentis operatio*; tertia, quæ dicitur *discursus*, & *tertia mentis operatio*. I. *Apprehensio simplex* est unius rei unica impressio, aut representatio, facta in intellectu aut cerebro per speciem intelligibilem unam; ut, cum simpliciter intelligitur *lapis*. Quemadmodum cum in speculum aut in ceram aliquam imprimitur unum sigillum, est representatio simplex sive una; & si speculum vel cera foret animata, esset apprehensio simplex: ita quoque cū in intellectu aut cerebro, quæ sunt instar speculi aut ceræ, una imprimitur res, *apprehensio dicitur simplex*, & ipsa res apprehensa, *thema simplex*. II. Duarum rerum impressiones duæ, in intellectu aut cerebro factæ per duas species intelligibiles, vocantur *conjunctio* & *divisio*, si scilicet affirmantur vel negentur res simpliciter apprehensæ; & res ipsæ vocantur *thema complexum*, *Conjunctio* & *divisio* idem significant, quod affirmatio & negatio: utraq; fundatur in ipsarum rerum consensu & dissensu, omnes enim res ita sunt conditæ à Deo, naturæ autore, ut, aliquo modo inter se conveniant, (hæc in intelligendo inter se debent conjungi, & in enunciando de se invicem affirmari) atque aliquo modo inter se discrepent, (quæ in intelligendo debent à se invicem dividi, & in

enunciando de se invicem negari:) hæc rerum conjunctio & divisio in intellectu facta nuncupatur *Judicium*. III. Quando plures impressiones rerum plurium inter sese disponuntur, tribusque enunciationibus comprehenduntur, & se mutuò notificant, vocantur *discursus*: ut, si mens apprehendat quid sit *lapis*, quid sit *figura quadrata*; & tum prober, aliquod corpus esse figuratum figura quadrata, per tertium & medium terminum *lapis*, (qui hoc notificat) erit *discursus*: ut, *Lapis habet figuram quadratam. Lapis est corpus. Ergo aliquod corpus habet figuram quadratam. Vel si prober lapidem esse quadratum, quia constat 4. lateribus: ut, Quod constat 4. lateribus, est quadratum. Lapis constat 4. lateribus. Ergo est quadratum.*

8. In hisce tribus cognoscendi vel concipiendi modis, intellectum aut rationem dirigit Logica.

[9. Omnis intellectio humana ad tres hæc mentis operationes referri potest: quicquid enim intelligas, vel apprehendis simpliciter, vel affirmas aut negas, vel ratiocinando ex præmissis conclusionem inferas, quod est *discursus*.]

10. *Aperta* id est, perspicua ac distincta, & quæ clare exprimat ac significet res intellectas, Oratoris ornatum Rhetorica, emendationem Grammatica spectat, claritatem Logica.

Quæst. II. Quid est Logica?

Logica est Ars conficiens instrumenta, iisque dirigens intellectum in cognitione rerum.

1. Trium sunt generum præcepta, quibus artes omnes, scientiæ, ac disciplinæ, docentur & discuntur. 1. *Definitio*, quæ explicat quid res sit: 2. *Divisio* quæ docet quotuplex sit: 3. *Canon*, qui exponit proprietatem, quæ nec definitione nec divisione percipi potuit: dicitur, etiam *maxima* aut *regula*.

2. Ab hisce trium generum præceptis, definitione, divisione, canone, accurate debent discerni *commentarii* quibus explicantur; quia plus libertatis est in commentariis quam in præceptis. Nam præcepta debent esse singulis disciplinis propria, & nullum præceptum, quod ad unam pertinet disciplinam, inferendum est aut inferendum disciplinæ alteri: sic, verbi causa, in hac ipsa Logica nullum debet inferi præceptum quod pertinet ad Physicam aut Metaphysicam, aut ullam aliam disciplinam: ideo singulis disciplinis suæ sunt definitiones, divisiones, & regulæ propriæ. At vero in commentariis, ibi licet ex quacunque disciplina proferre quæ faciunt ad explicationem præcepti præsentis: ita, verbi causa, in commentario alicujus vel definitionis, vel divisionis Logicæ, licet proferre exempla & alia, ex Physica, ex Metaphysica, Theologia, & quacunque disciplina.]

3. *Logica est ars*) In omni definitione duo sunt, *Genus* & *Differentia*. *Genus* significat naturam communem rei definitæ cum rebus aliis: *Differentia*, naturam rei definitæ propriam. Exempli

gratia, *Animal* est genus, quia significat naturam, homini, tanquam rei definitæ, cum rebus aliis, scilicet brutis, communem: *Rationale* differentia est, quia significat naturam soli homini propriam. Sic in definitione Logicæ, *Ars* genus est, quia significat naturam Logicæ cum Grammatica, Rhetorica, Medicina, aliisque artibus communem: reliqua verba *differentiam* designant, quia describunt naturam Logicæ propriam. Desumpta vero est *differentia à fine*, qui est *cognitio rerum*, ab officio quod est *conficere instrumenta*, à subjecto circa quod versatur, quod est *Intellectus*, seu potius intellectus operatio.

4. *Ars*) Duum sunt generum potentia in homine cum nascitur, quædam statim à nativitate operantur, ut facultas nutritrix, accretrix, videndi, &c. quædam non item, ut facultas loquendi, ambulandi, intelligendi, &c. & hæc, ut in actum prorumpant, egent frequenti actuum exercitio, quod inducit habitum, id est, aliquam producit qualitatem, quæ potentias, ante ineptas ad operandum, reddit faciles, promptas, atque expeditas in operando: talis habitus, intellectum facilitans in intelligendo, dicitur Logica, & vulgo *Logica habitualis*.]

[5. Atque hæc distinguitur à Logica extra mentem, libro contenta, quæ, quia nihil est aliud quam congeries præceptorum, id est, definitionum, divisionum, & canonum, recta methodo dispositorum, *systematica* dicitur. Logica ha-

habitualis sic vocatur, quia habetur, hoc est, possidetur ab intellectu hominis in quo est, & quia cum redditabilem, hoc est promptum & expeditum ad intelligendum; ideoque hæc in mente hominis, non extra eam, est: at systematica dicitur à systemate, id est, congerie præceptorum, quæ in unum librum ac codicem sunt compacta; ut cum aliquem rogamus, an Logicam discat *Aristotelis*, An *Rami*. Definitur vero hoc loco Logica habitualis, non systematica, ob hanc causam: Quia Logica illa debet definire, quæ finis est docenti ac discenti propositus; traditur enim Logica methodo analytica, quæ initium facit à fine, atque ab eo transit ad media, quibus finis acquiritur. Sed finis docenti ac discenti propositus, est Logica habitualis, quæ intellectum reddat habilem ad intelligendum; non systematica, quæ solo codice comprehenditur. Hujus Logicæ habitualis genus ponitur *ars non scientia*, non *habitus instrumentalis*. Tres sunt opiniones de genere Logicæ. Nonnulli illud faciunt Scientiam, ut *Conimbricenses* & *Scholastici*: nonnulli habitum instrumentalem, ut *Zabarella* & alii: nonnulli Artem, ut *Keckermannus* & *Author noster*. Sententia postrema est vera, quod per membra probatur.]

[6. *Ars* est genus Logicæ, quia est habitus, quo intellectus aliquid efficit, puta, definitiones, divisiones, syllogismos, & methodum, secundum præscriptum

rectæ rationis, id est, secundum præcepta quæ à recta ratione profluxere. Per rectam vero rationem intelligitur iudicium intellectus, nullis præjudiciis aut affectibus abreptum. Male nonnulli intelligunt per rectam rationem, incorruptam, & peccato originali carentem: talis quippe nulla datur; omnis enim intellectus humanus nascitur corruptus, sed illa dicitur recta ratio, quæ libera est ab affectibus pravis & præjudiciis. Quid affectus pravi sunt, experientia constat, & unusquisque in se nimis quam sæpe deprehendit; ut est ira, metus, &c. cum excedunt modum. Quid præjudicia sint, multi ignorant, aut ignorare volunt, qui tamen iis laborant: nempe, præjudicia voco, iudicia mentis lata de rerum veritate, antequam illa debite sint examinata, aut sæpe ad examen ne quidem vocata; ut, cum quis aliquid accepit tanquam verum ob auctoritatem solam alicujus, verbi causa, *Aristotelis*, vel quia hoc iudicium ab infantia sua circumgessit, & per solos sensus accepit, atque in eo acquievit, nullo unquam facto per intellectum, aut instituto per rationem examine.]

[7. Non est vero genus Logicæ *Scientia*: quia hæc in sola contemplatione subsistit & acquiescit; Logica vero non est contenta nuda cognitione præceptorum, de definiendo, dividendo, argumentando, &c. sed istam cognitionem transfert ad operationem, actum scilicet, definiendi, dividendi, &c. Non est genus

genus Logicæ, *habitus instrumentalis* aut *instrumentum*: quia nulum relatum, est genus entis absoluti; sed instrumentum seu habitus instrumentalis est relatum, Logica vero ens absolutum: ergo Logicæ genus esse non potest instrumentum, vel habitus instrumentalis. Probatur minor: Nam instrumentum refertur cum ad causam principalem cui inservit, tum ad effectum quod eo producit: Logica autem est ens absolutum, quia ponitur in prædicamento qualitatis, & quidem in prima specie, puta habitus; at qualitas tantum entia continet absoluta.]

[8. *Habitus instrumentalis* dicitur *Arts*, quæ instrumenta suppeditat alteri arti; quemadmodum ars frænaria & ephippiaria, frænæ & ephippiæ suppeditat, tanquam instrumenta, arri equestri: talis quidem habitus est Logica; nam suppeditat omnibus

aliis artibus modum conficiendi instrumenta cognitionis, definitionem, divisionem, syllogismum, &c. attamen habitus instrumentalis non est ejus genus, ob rationem allatam.]

9. *Instrumenta*) scil. interna, quibus aliquid cognoscitur, ut sunt Definitio, Divisio, Syllogismus & Methodus: non externa, quibus aliquod opus extra nos & mentem nostram producit. *vid. l. 2. cap. 1. quæst. in commentario.*

10. *Dirigens*) proprie id dirigitur, quod à recta via aberrat. Intellectus noster ante lapsum primi parentis nostri, in cognoscendo erat perfectus; post lapsum vero multum corruptus perfectionem istam amisit & à via perfecte cognoscendi procul aberravit: utque jam rem bene cognoscamus, opus nobis est Logica, quæ nos in rectam quasi viam reducat, & in ea retineat.

Quæst. III. Quot sunt partes Logicæ?

Dux: prior agit de *Thematibus*, eorumque variis affectionibus; posterior differit de ipsis *Instrumentis*, quibus themata tractantur, sive quibus intellectus dirigitur, cum in thematum sive rerum cognitione quærenda versatur.

1. *Dux*) Divisio Logicæ est non generis in species distributio, sed integri in membra. Prior pars Logicæ vocatur *Thematica*, quia circa themata versatur: posterior *Organica*, quia explicat organa, seu instrumenta cognoscendi, Prior libro primo, posterior secundo traditur.

[2. Dividitur hic Logica systematica, cum tamen fuerit de-

finita habitualis. Et ratio est, quia illa Logica definienda erat quæ erat finis, talis est habitualis; & illa dividenda quæ comprehendebat media, & talis erat systematica.]

3. *Thematibus*) Materia instrumentorum alia est ex qua, alia circa quam: materia circa quam sunt ipsa themata; & de his agit in Prædicamentis: materia

teria ex qua sunt affectiones dicabilibus usque ad finem libri thematum; de his agitur à Præ- primi.

CAPUT. II.

Quæst. I. Quid est thema?

THema est, quicquid intellectui cognoscendum proponi potest.

1. *Thema*) proprie significat quodcunque ponitur; per synecdochen generis, id quod ponitur ad cognoscendum. Cognitio nihil aliud est, quam imago & similitudo rei quæ est extra mentem, in mentem impressa; quemadmodum in speculum aut ceram imprimitur imago rei quæ est extra speculum aut ceram.

[2. *Thema* differt à conceptu: quod conceptus sit rei in intellectu representatio; thema sit res representata, & per representationem cognita; sive res cognita sit vera, ut lapis, sive ficta, ut regia solis: ideoque Thema est omne ens & non ens quod cognosci potest.]

Quæst. II. Quomodo dividitur thema?

In simplex & complexum.

Quæst. III. Quid est thema simplex?

Quod sine notionum complexione, sive, sine affirmatione aut negatione, apprehenditur: ut, *Socrates, disputat*, id est, (men disputeert) *respublica, hircocervus*.

1. *Quod sine*) Thema simplex definitur clarius, cum unius rei imago imprimitur in intellectum; *complexum*, cum plurium rerum imagines, exque inter se conjunctæ seu affirmatæ, vel disjunctæ seu negatæ, imprimuntur in intellectum: omnium clarissime definitur Thema *simplex*, de quo nihil affirmatur vel negatur; & *complexum*, in quo aliquid de alio affirmatur vel negatur.

2. Thema simplex unico mentis actu & ictu cognoscitur, quia res est una; ut, *lapis*.

3. *Disputat*) debet sumi indefinite pro *disputare*, vel actu *disputandi*: si enim subintelligatur definita persona, scilicet hic vel ille, esset aut significaret thema complexum. Melius dixisset Author *Disputatur*: quia sumitur & indefinite & impersonaliter; at nunquam sic sumitur vox *disputat*.

Quæst. IV. Quid complexum?

Quod apprehenditur, duabus pluribusve notionibus affirmatione

firmatione aut negatione copulatis : ut, *Socrates disputat; Ningit, pluit; itur, statur.*

1. Non sufficit, ut thema complexum pluribus mentis nostræ actionibus cognoscatur ; sed requiritur, ut per intellectiones alias aliquid de alio vel affirmetur vel negetur. Exempli gratia, *Amor Parentum erga liberos* non est thema complexum, licet apprehendantur & *parentes* & *liberi* & *amor*, quia nihil affirmatur aut negatur : sed cum dico, *Amor Parentum erga liberos est laudabilis*, est thema complexum.

2. Ergo, nec vocum, nec notionum multitudo aut coacervatio facit thema complexum ; sed affirmatio aut negatio de aliqua re.

Hic quidem multæ sunt voces ac notiones ; est vox ac notio *amoris, parentum, liberorum* : sed de istis nihil affirmatur aut negatur, nihil dicitur, & una vox interdum thema complexum significat, quia affirmationem aut negationem involvit, ut, *ningit* : nam verba impersonalia activa significant thema complexum, quia subintelligitur aut involvitur nominativus tertiæ personæ, ut, *ningit*, scilicet cælum, aer, vel nubes ; non item sic impersonalia passiva. Ideoque *itur, statur*, non sunt exempla thematis complexi, sed simplicis.

Quæst. V. Quotuplex est thema simplex ?

Duplex ; universale, & singulare.

Quæst. VI. Quid est universale ?

Universale est, quod de pluribus suapte natura prædicari aptum est ; [sic ut nomen & natura rei universalis multiplicetur in illis pluribus, de quibus dicitur.] ut, *homo, equus, planta.*

1. *Prædicari* est idem id Logice quod de alio dici, seu posteriori loco in enunciatione poni ; quemadmodum id quod ponitur loco priori, dicitur *subjici* : unde exorta sunt nomina *subiecti* & *prædicati*, quæ significant partes enunciationis. [Dicitur vero aut prædicatur universale de pluribus, & quoad nomen & quoad definitionem, quatenus & nomen & definitio thematis universalis de pluribus enunciari potest ; sicuti de Petro,

Paulo, Joanne, singulisque hominibus, enunciatur & nomen & natura hominis. Hæc universalium de pluribus prædictio fundatur in eo, quod eorum natura pluribus inest ; natura enim hominis inest Petro, Paulo, Joanni, reliquisque hominibus.]

2. Notanda hinc sunt verba *suapte natura* : quia ad thema universale non sufficit, ut de pluribus prædicetur ; sed & debet natura illa, quæ prædicatur, inesse

esse illis pluribus, de quibus prædicatur, sic *canis* non est universale thema respectu canis domesticæ, marini, & cælestis, quia non inest illis natura communis canis.

[3. Vulgo quidem dicunt, prædicari sequitur inesse, & modus prædicandi sequitur modum essendi, aut inessendi; ideoque quod prædicatur de pluribus, etiam pluribus inest, & thema universale de pluribus prædicari non posset, si non inesset pluribus, saltem inesse per naturam posset: sic autem inest pluribus, ut & natura & nomen thematis universalis in singulis multiplicetur quibus inest, & de quibus prædicatur; sic ut ista plura, singula sibi naturam universalem possideant, distinctam in singulis. Ita, verbi causa, homo prædicatur de Petro, Paulo, Joanne, quia natura humana singulis inest, sunt enim singuli, homines: ac sic inest, ut in singulis multiplicetur. sunt enim multi homines, scilicet tres; & singuli habent naturam humanam sibi propriam, distinctam à natura humana alterius; quæ enim natura humana, id est, quod corpus, & quæ anima rationalis est Petri, ea natura humana, illud corpus, illa anima, non est Pauli, non est Joannis. Hinc liquet, cur Deus non possit dici thema universale, quamvis de pluribus personis, scil. tribus, Patre, Filio, & Spiritu Sancto, prædicetur, & natura divina illis pluribus insit: quia scilicet illa non multiplicatur in illis, sic ut singulæ personæ habeant

distinctam naturam divinam, singulis propriam, & sunt tres dii; sicuti Petrus, Paulus, Joannes habent distinctam naturam, singulis propriam, & sunt tres homines: ideoque, Deus non est universale thema respectu trium personarum Patris, Filii, & Spiritus Sancti, sicuti homo quidem est respectu Petri, Pauli, Joannis.]

[4. Est aptum) Universale non exigit actu plura, de quibus re ipsa & de facto prædicatur; sed sufficit, ut natura universalis sit talis, quæ de pluribus prædicari potest, si ista plura existant. Ita animal erat universale, solo existente bruto, nondum condito homine; quia licet tum de solo bruto prædicaretur actu, attamen, quia, poterat prædicari etiam de aliis, scil. hominibus, universale fuit, sic homo, solo existente Adamo, non poterat nisi de illo uno prædicari actu, nam reliqui homines non erant, de quibus prædicaretur; fuit tamen universale, quia non repugnabat naturæ hominis, ut de pluribus aliis prædicaretur, si, & quando crearentur.]

[5. Universale vulgo dici solet Logicis, totum potentiale, & non actuale; quia nec genus, ut animal, exigit ut actu plures sint species, hominis; nec species, homo, exigit ut actu plura sint individua, ut Petrus, Paulus, &c. hinc natum est illud axioma philosophorum. Genus conservari potest in una specie, & species in uno individuo.]

6. Sol, etsi unus est, est tamen thema

thema universale, quia per naturam aptus est prædicari de pluribus, si plures soles condantur; ha-

berent enim & isti eandem naturam calefaciendi, illuminandi, & c. cum nostro sole.

Quæst. VII. Quid est singulare?

Quod de uno tantum suapte natura prædicari aptum est [quia uni tantum inest, sc. enti reali] ut, *Alexander*, *Bucephalus*, hæc *pyrus*.

1. *Singulare* thema proprie & per se non prædicatur, sed subiicitur: verum cum prædicatur, prædicatur tantum de uno.

[2. Cum natura Dei non uni tantum inest, sed pluribus, nempe tribus personis, nec de uno tantum, sed de tribus, Patre, Filio, Spiritu Sancto, prædicatur, non videtur esse thema singulare.

3. Resp. primo hæc intelligitur tantum & definitur thema

singulare finitum, non autem infinitum, quale est Deus. Secundo cum thema singulare dicitur de uno prædicari tantum; & uni inesse tantum, intelligitur illud unum tanquam inferius & subordinatum, non tanquam collaterale, & coordinatum. At Deus non dicitur de tribus personis, nec natura divina illis inest, ut inferioribus aut subordinatis, sed ut collateralibus ac coordinatis.]

Quæst. VIII. Quomodo vocantur singularia?

Individua. *ἀτομα*.

Quæst. IX. Quare?

Quia dividi non possunt in plura ejusdem nominis ac naturæ, [sc. singularis.] *Alexander* enim dividi non potest in plures *Alexandros* tales, qualis fuit rex Macedonum, nec *Bucephalus* in plures *Bucephalos*: at homo dividi potest in plures *homines*, puta in *Socratem* & *Platonem*; & equus in plures *equos*, puta in *Bucephalum* & *Cyllarum*, &c.

[1. Et si plures obtinuerint nomen *Alexandri*, non tamen ideo ej. sdem numero fuerunt nominis, quia non omnibus nomen *Alexandri* impositum est ab iisdem scilicet parentibus, eisdem ob causas, eodem tempore ac loco, & sub iisdem singularibus

circumstantiis: nec eadem natura fuit *Alexandri* hujus, quæ fuit *Alexandri* alterius, intelligendo naturam singularem; quia hic *Alexander* non fuit iste: hic Rex fuit, doctus, fortis: at ille, subditus, indoctus, ignarus, &c.

Quæst. X. Quotuplicia sunt individua?

Duplicia; determinata, & vaga.

Individua dicuntur *determinari*, quando certo loco & tem-

pore circumscribantur: *vaga* contra.

Quæst.

Quæst. XI. Quos modis determinantur individua?

Quatuor modis. 1. nomine proprio; ut, *Plato, Socrates, Bucephalus, Melampus*. 2. nomine comuni sive appellativo, quod per excellentiam sumitur pro proprio; ut, *Philosophus pro Aristotele, Orator pro Cicerone*. 3. pronomine demonstrativo; ut, *hic, ille homo*. 4. periphrasi; ut, *Apostolus gentium, id est Paulus*.

Cum nomen appellativum sumitur pro proprio, est Synecdoche generis.

Quæst. XII. Quid est individuum vagum?

Quod effertur pronomine incertæ partis; scil. in numero singulari; ut, *aliquis, quidam homo*.

1. *Aliquis, Quidam* dicuntur pronomina incertæ partis, quia non designant certam aliquam personam, scilicet, Petrum vel Paulum. Græci eleganter hoc exprimunt per ὁ δὲνα.

2. *Individuum vagum* non habetur pro individuo, quia additum subiecto non facit enunciationem singularem, sed particularem; ut, *aliquis homo est doctus*, vid. quæst. 9. cap. 29. lib. 1.

CAPUT III.

Quæst. I. Quæ sunt spectanda in themate simplici?

Primo, *Categoria & Affectiones*, scil. rationis, quæ ex variâ rerum habitudine ad se invicem, & ex modo quo intellectus eas concipit, atque inter sese comparat, oriuntur: deinde *Interpretatio & Affectiones*, sc. orationis, quas intellectus vocabulis affigit ex modo conceptus suos interpretandi.

[1. *Categoriæ* sunt inventæ in hunc finem, ut tanto facilius intellectus humanus versaretur circa res cognoscendas, qui admodum juvatur, si res cognoscendæ ipsi distinctæ, & certo ordine ac serie proponantur, quod fit in Categoriis: sunt enim ex sicuti mappæ geographicæ, in quibus varia mundi regna, regiones, provinciæ, urbes, pagi, maria, flumina, aliæque mundi loca repræsentan-

tur, ut tanto facilius cognoscantur; ita etiam in categoriis, res cognoscendæ, quæ in hoc universo sunt innumerabiles seu ordine ac serie digeruntur, & per suas classes disponuntur, ut uno quasi intuitu conspiciantur, & sic facilius cognoscantur: in quem finem tabulæ categoricæ adornatæ sunt à Keckermanno aliisque, quas sapius contemplari utilissimum fuerit Logicæ studiosis: nam præter hunc generalem

ralem usum quem Categoriz præstant, quod res omnes cognoscendas redigant in certum ordinem, ut tanto facilius cognoscantur, specialem habent usum in doctrina definiendi; ex his enim, tabulis prædicamentali-
bus inspectis, facile est invenire & genus & differentiam, uti hoc postea docebitur; inserviunt quoque divisionibus instituendis, ex iisdem enim facile est reperire cujuscvis generis partes, in quas divisio institui solet: sed ante omnia inserviunt con-
ficiendis syllogismis; ex iis enim accipere est ingentem copiam ac segetem terminorum mediorum, quibus in omni syllogismo ad probandum est opus.]

2. Spectantur in themate simplici *Categoriz*, quando consideratur ad quam categoriam thema simplex pertineat.

3. *Categoriz*. Quia res cognoscendæ sunt quamplurimæ, & numero fere infinitæ, non potest commode intellectus versari circa illas cognoscendas, nisi ad certas classes & capita certa reducantur, quæ solent vocari *Categoriz*.

[4. *Categoria* vox est forensis, notatque idem quod *accusatio*; quæ quia non potest fieri, nisi actor aliquod crimen de reo prædiceret, per synecdochen speciei translata est in Logicis, ad significationem generalem significatque idem quod *prædicatio*: hic tamen non ipsum actum prædicandi notat, sed rem quæ prædicatur. Latini philosophi barbare dixerunt *Prædicamentum*.]

5. *Affectiones rei* vocantur, quæ conveniunt rebus in se, & per se, ex natura sua, etsi nec a ratione intelligantur, nec oratione proferantur: sic *risibilitas* & *eruditio* conveniunt homini.]

[6. *Affectiones rationis* dicuntur, quæ conveniunt rebus, quatenus menti nostræ obijciuntur cognoscendæ, & quæ extra cognitionem mentis rebus non competunt, nec sunt, nisi quando & quamdiu mens intelligit: sic *esse speciem* convenit homini.]

7. *Affectiones vocis* sunt, quæ conveniunt rebus quatenus oratione proferuntur; ut, *esse subiectum* aut *prædicatum*.

[8. Hic intelliguntur affectiones secundi & tertii ordinis, quia & rationem & orationem dirigit Logica.]

[9. Logica nullas tradit aut explicat *affectiones rei*, unde neque est disciplina realis; sed illæ exponuntur in aliis Philosophiæ partibus. Ita affectiones rei quæ Deo competunt per naturam suam, explicat Metaphysica, ut sunt Dei simplicitas, unitas, immensitas, æternitas, &c. eadem explicat affectiones rei, quæ Angelis conveniunt ex natura sua, ut sunt spiritualitas, incorruptibilitas, &c. eadem explicat affectiones rei, quæ animæ rationali competunt per naturam suam, ut sunt immortalitas, indivisibilitas: affectiones rei quæ competunt quantitati, sive numero, sive magnitudini, ut varias figuræ, & cæteras, explicat Mathematica: affectiones rei quæ competunt corporibus ut sunt locus, motus, tempus, calor, frigus, gravitas,

gravitas, levitas, color, sonus, &c. explicat Physica. Logica vero explicat tantum *affectiones* tum *rationis*, tum *orationis*, id est, docet tantum modum per rationem cognoscendi, & per orationem proferendi *affectiones* rei in aliis disciplinis explicari solitas; unde hæc dicitur disciplina Rationalis, aut etiam Notionalis.]

10. Per *habitudinem rerum* intelligitur, partim rerum convenientia, partim discrepantia.

[11. Deus ita res omnes sapienter condidit, ut aliquo modo inter se convenient, & aliquo modo discrepent: sic videmus hominem cum bruto convenire in animali, discrepare in rationali; terram cum aqua convenire in frigore, differre in siccitate; plantas & animalia convenire in eo, quod nutriantur & crescant, discrepare in eo, quod hæc sentiant, illæ non item. Hæc convenientia rerum & discrepantia, vocatur *habitus*, quia per eam utraque res diverso modo ad se invicem habent: & hanc mutuam rerum *habitudinem* contemplari, non tantum jucundum est philosophanti, sed & utile ad *affectiones* rationis & orationis inveniendas; quod, quomodo fiat, in commentario statim subjuncto docetur.]

12. *Concipit*) id est apprehendit, intelligit.

[13. *Affectiones* rationis in themate simplici dicuntur *oriri* ex eo, quod mens hominis, contemplando res in prædicamentis dispositas, in iis deprehendat quandam vel convenientiam,

vel discrepantiam: verbi causa, cum mens contemplatur prædicamentum substantiæ, cognoscit in eo collocatū hominem & brutum, & deprehendit ea convenire in communi natura & ratione animalis; hinc hominem & brutum, *species* facit, ut animal, *genus*. Deinde, cum mens genus de specie (animal de homine aut bruto) enunciat, & sic conceptus suos exprimit, vocat animal, *prædicatum*, & hominem vel brutum, *subjectum*. Illæ sunt *affectiones* rationis, hæc *vocis*.]

[13. Intellectus hominis formaturus *affectiones* rationis, quæ vulgo dicuntur entia rationis, aut etiam notiones secundæ, ut sunt genus, species, &c. primo simpliciter apprehendit res in categoriis dispositas: secundo, eas inter se comparat; comparando quandam earum inter se deprehendit & convenientiam & discrepantiam: tertio, aut convenientiam rejicit, cognoscendo solam discrepantiam, aut discrepantiam rejicit, cognoscendo solam convenientiam: & sic aut unum aut alterum abstrahit, ac cognoscendo præscindit à rebus simpliciter apprehensis, & inter se comparatis; & sic format *affectionem* rationis. Verbi causa, intellectus, contemplando categoriam substantiæ, apprehendit simpliciter hominem, brutum, ibi collocata; apprehensa inter se comparat; comparando deprehendit hominem & brutum convenire in eo; quod ambo sint animalia, id est, quod sint substantiæ corporeæ, viventes, sentientes; discrepare in

eo, quod homo sit rationalis, brutum irrationale: quando nunc tantum intelligit id in quo homo & brutum conveniunt. scilicet ad animal, abstracta & præcisa, id est, non intellecta rationalitate aut irrationalitate, format de animal, affectionem rationis, quæ vocatur genus, de homine, quæ vocatur species: si abstracto & præciso, id est, non

intellecto, animali aut homine intelligat tantum id in quo homo & brutum discrepant, scilicet rationalitatem, aut irrationalitatem, format affectionem rationis, quæ dicitur differentia; & sic se res habet in aliis affectionibus rationis, quæ sequuntur categorias, uti affectiones orationis sequuntur interpretationem.]

Quæst. II. Quid est categoria?

Categoria est series seu ordo rerum sub eodem summo genere gradatim dispositarum.

1. *Res in prædicamentis disponuntur*, vel secundum gradus superiores & inferiores, vel secundum gradus collaterales. Genera & species priori modo; ut, animal & homo: differentia posteriori modo disponuntur; ut, rationale & irrationale.


2. *Rerum*) Ergo non vocum, non affectionum rationis, quas vulgo entia rationis vocant.

3. Errant autores illi, qui putant in categoriis disponi tantum genera, species, differentias,

& individua hoc est, ipsas illas notiones secundas sive affectiones rationis; nihil minus: sed hic disponuntur ipsæ res & affectiones, quæ sub istis vocabulis affectionum rationis latent ac significantur.]

4. *Dispositarum*) Dispositio rerum in prædicamentis secundum gradus inferiores & superiores dicitur subordinata; sed in eodem gradu collateralis aut coordinata: utramque videre est in hac tabula.

Substantia.



Dispositio rerum in prædicamentis, tum subordinata, tum coordinata, fundamentum est quo nititur doctrina convenientiæ

tiæ & diversitatis coordinatæ ac subordinatæ: habet quoque u-
sum in syllogismo qui vocatur
Sorites, & alibi.

Quæst. III. Quot sunt categoriæ?

Decem: substantia, quantitas, qualitas, relatio, actio, passio, ubi, quando, situs, & habitus.

[1. Quare sint decem Categoriarum non plures, non pauciores, solida ac sufficiens ratio dari nequit. Quot vero sunt categoriæ, tot sunt summa genera prædicamentorum, *ἡ δὲ κατηγοριῶν μὲν ἑστὶν*, id est, eorum quæ diverso modo prædicantur; non vero entium, *τῶν ὄντων*, quasi quæcunque in diversis sunt prædicamentis, diversa sint entia reipsa inter se distincta. Nihil minus.]

[2. Res in prædicamentis dispositæ dupliciter possunt spectari: vel ratione prædicationis de se invicem, quo modo spectantur in Logica; vel ratione entitatis quæ singulis competit; quo modo considerantur in Metaphysica. Priori modo falsum est, illa omnia esse diversa entia, quæ in diversis collocantur prædicamentis; posteriori modo verum est; sed tum non fuerint

decem prædicamenta ut fortasse priori modo constitui possent; sed vel duo tantum, substantia & qualitas; vel ad summum tria. Si addatur quantitas, & hæc distinguatur à materia; nam certe relatio non potest dici ens, est enim tantum habitudo & respectus unius entis ad aliud; nec actio nec passio sint entia, quia significant tantum modum, quo aliquid agit aut patitur, aut quo aliquid fit; multo minus ubi, quando, situs & habitus, sunt entia; nam significant tantum modos, qui non sunt entia, & semper distinguuntur à rebus modificatis, quæ sunt entia.]

3. Notandum, vero est bene, id quod in uno est prædicamento, non reperiri in alio; quemadmodum miles qui sub uno vexillo militat, non potest militari sub alio.

C A P U T.

Quæst. I. Quid est substantia?

Substantia est res per se subsistens, & substans accidentibus; ut, *spiritus, corpus, cælum, ignis, aqua, lapis, arbor, equus, &c.*

1. Res idem est quod ens vel ens reale, habetque hic locum generis communis substantiæ & accidenti [significat vero id quod non est nihil, sive id quod existit in hoc universo, aut saltem

existere potest. Vulgo dicunt philosophi, quod habet essentiam vel existentiam. Per essentiam intelligunt rei uniuscujusque naturam, qua est aliquid, non vero nihil, & qua ab aliis

B 2 rebus

rebus distinguitur, & qua cognoscitur ac definitur, sive illa res inveniatur in mundo, sive non: per existentiam intelligunt id, quo unaquæque res stat, & reperitur extra causas producentes. Hæc duo vocabula multum distinguuntur: nam tempore hyberno rosa non habet existentiam, quia non invenitur tunc in mundo posita extra causam sui producentem; habet tamen essentiam, qua non est nihil, sed qua definitur, atque ab aliis plantis, rebusque omnibus distinguitur: nam etiam cum rosa non existit, verum est, *rosa est flos rubri coloris, grati odoris, &c.* quæ est ejus qualiscunq; definitio. Jam vero utrumque hoc, & essentiam habere, & existentiam, convenit enti, sive rei, prout est genus tum substantiæ tum accidentis.]

[2. Ens sumitur, vel ut participium, vel ut nomen; quemadmodum multa participia, amissa significatione temporis, degenerant in nomina; ut cum dico *amans vini*, amans est nomen, *amans vinum*, est participium. Ens, ut participium præsentis temporis, significat id quod jam nunc est in rerum natura, & ei respondet in abstracto existentia: ens ut nomen, amittit significationem temporis, nec significat id quod nunc est, sed saltem quod esse potest, & ei respondet in abstracto essentia; ipsum enim ens est concretum, quia est adjectivum. Substantia utroque modo dicitur ens, sed potissimum cum sumitur ens ut nomen: ac tum iterum accipitur

vel late, vel strikte. Late, ens significat omne id quod non est nihil; quo sensu etiam relationes, actiones, passiones, & omnes modi rerum possunt dici entia. Tam late hic non sumitur, cum substantia dicitur ens; sed strikte, prout ens vulgo dicitur reale, atque comprehendit sub se hæc quatuor, substantiam, accidens. Deum, creaturam; quod ens reale, quidnam sit, vix aliter definiri potest, quam enumeratione istorum quatuor.]

[3. Quærent philosophi quale genus sit ens, an univocum, an analogum, respectu substantiæ & accidentis: univocum vocatur, quod æqualiter convenit suis speciebus; analogum, quod inæqualiter. Scotistæ tenent prius; Thomistæ posterius: & hoc quidem videtur probabilius, nam accidens debet substantiæ quod sit ens, est enim à substantia, tanquam à causa, & in ea existit, & extra eam ne esse quidem potest; at substantia non debet accidenti quod sit ens: ergo majori jure ens dicitur de substantia quam de accidente: consequenter, ens inæqualiter dicitur de utroque, ideoque est genus analogum; nam absolute dicitur de substantia, sed de accidente secundum quid, id est, per & propter substantiam; inde Aristoteles fere semper accidentia vocat *ὄντα*, id est, entis entia, substantias vocat simpliciter *ὄντα*, id est, entia.]

4. Cum substantia dicitur per se subsistere, non significatur omnimoda

nimoda ejus independentia, hæc enim convenit soli Deo; sed tantum indicatur, eam non dependere ab alio, scil. ente creato, tanquam à subjecto, scil. inhæfionis; licet ab alio, scil. Deo, dependeat tanquam à causa efficiente: sic enim omnis substantia creata dependet à Deo.

[5. Aliquid dependet ab alio, vel tanquam à subjecto, scil. inhæfionis, vel tanquam à causa efficiente. Quod dependet à subjecto, sc. inhæfionis, dependet à re creata, in qua est & non subsistit per se, sed per rem creatam: hoc modo omnis substantia est independens, & subsistit per se; nulla enim dependet ab alia re creata, tanquam à subjecto inhæfionis. Quod dependet à causa efficiente, dependet ab ente increato, à quo est: sic nulla creatura est independens, aut subsistit per se; omnis enim subsistit per Deum, creatorem & sustentantem omnia. Nam res omnes, præter Deum, vel dependent à Deo, tanquam à causa, & efficiente & conservante: (ut enim nihil seipsum potest producere, ita nec seipsum potest conservare, & sic nulla substantia creata per se subsistit) vel res creatæ dependent, quædam ab aliis rebus creatis, non tanquam à causa efficiente & conservante sed tanquam à subjecto, in quo sunt, ut extra illud inveniri atq; existere nequeant; tales res creatæ vocantur *accidentia*, ac dicuntur inhærere substantiæ. Sic ut hæc duo opponantur, *per se subsistere*, quod convenit substantiæ, diciturque eam non esse in alia re, tan-

quam in subjecto, scil. inhæfionis; & *inhærere substantiæ*, ut subjecto scil. inhæfionis, quod convenit accidenti, diciturque, id non per se subsistere.]

6. *Substare accidentibus*) significat, esse subjectum accidentium, scil. inhæfionis.

7. Illa verba, *substans accidentibus*, proprie non pertinent ad definitionem substantiæ in genere, sed tantum spectant definitionem substantiæ creatæ. [Deus enim substantia est, non accidens; & substantia est, quatenus est ens sumptum, & ut participium, & ut nomen, tum late, tum strictè: præterea, per se subsistit, quia nulli subjecto inhæret: sed non potest dici substare accidentibus, nam in Deo nulla sunt accidentia, quippe quæ imperfectiorem aliquam important, Deus autem est perfectissimus.]

8. Clarius potest definiri *Substantia*, res, seu ens reale, quod nullius creaturæ eget operâ, ut existat, atque in illa sit; *Accidens*, res, seu ens reale, quod alterius creaturæ eget operâ, ut existat, & in illa sit. Vel sic: Substantia est res seu ens reale, quod nulli rei creatæ inhæret, ut subjecto inhæfionis; *Accidens* est res, seu ens reale, quod alteri rei creatæ inhæret, ut subjecto inhæfionis.

[9. Subjectum inhæfionis denominatur ab accidente quod inhæret, denominatione intrinseca; subjectum adhæfionis denominatur sive ab accidente, sive à substantia, quod velquæ adhæret, denominatione extrinseca, sic cum dicitur *paries*

est albus, est denominatio intrin-
seca; cum dicitur, *Petrus est to-*
gatus, est denominatio extrin-

seca, aut, paries est visus, quia
nec toga Petro, nec visio parieti
inest.]

[Quæst. II. Quid est per se subsistere?

Non esse in alio, ut in subiecto. Hâc enim ratione distinguitur substantia ab accidentibus, utpote quæ semper alicui subiecto inhærent; quorum adeo esse nihil aliud est quam *inesse*.]

[Quæst. III. Quid est, esse in subiecto?

Esse in subiecto dicitur, quod cum in alio sit non ut pars, non potest tamen existere separatum ab eo, in quo est.]

[1. Subiectum in philosophia aliud est inhætionis, aliud denominationis. Prius vocatur illud, cui illud ens inest, & quidem accidens. De hoc hic est sermo, cum quæritur, quid sit *esse in subiecto*: sic paries est subiectum inhætionis respectu alboris. Posterius est, quod denominatur ab alio tale vel tale, licet ei non inest: sic quis denominatur togatus à toga, quæ tamen non inest ipsi, sed adest. De hoc subiecto hic non agitur. Ut vero aliquid sit in subiecto inhætionis, requiritur.]

[2. Primo, ut id quod inhæret sit ens reale, aliud & distinctum ab illo in quo inhæret quod significatur, cum accidens dicitur *esse in alio*.]

[3. Secundo, debet illud quod inheret in alio, non esse pars subiecti in quo inest, nec debet esse pars compositi, ut compositum ex illo & subiecto ipso constituitur: hoc est quod dicitur, accidens nec partem esse essentialem, quia nec subiecti, nec compositi essentiam constituit;

nec integram, quia & subiectum & compositum sine illo integrum esse potest.

[4. Tertio, debet accidens, si ve illud quod est in subiecto, ita arcte conjungi cum subiecto, ut non possit in hoc mundo existere alio loco & tempore, quam quo loco & tempore existit subiectum. Potest quidem accidens, verbi causa, albor, tolli, auferri, separari à subiecto in quo est, verbi causa, pariete, si scilicet hic denigretur: sed hoc fieri non potest, ut ille arbor qui est in pariete hoc, inveniatur extra parietem in quo est, alibi existere in rerum natura: hinc est quod dicant Logici, accidentis *esse est inesse*.]

[5. Substantia ergo, aut in nullo est subiecto, ut *Petrus*; aut, si sit in subiecto, est in eo ut pars, ut *homo* in *Petro*, aut *animal* in *homine*; aut potest extra subiectum, in quo est, existere, ut *anima rationalis* in *homine*: sic substantia secunda, *homo*, est in prima scilicet: *Petro*, ut pars primæ, scil. *Petri*; & *anima rationalis* est in

in corpore, sic ut possit extra corpus existere.]

[6. Si una ex tribus hisce conditionibus in accidente requisitis abest, res substantia est: ita anima canis substantia est, quia deest conditio secunda; est enim pars essentialis totius compositi, canis, quia est ejus forma. Non vero deficit prima conditio; anima enim canis revera est in

subjecto suo, scil. corpore, tanquam in alio: neque etiam tertia; cum enim mortuus est canis, mortua etiam anima est, quia non potest existere, mortuo cane. Anima hominis est substantia, quia deficit & secunda & tertia conditio: est enim pars essentialis hominis ejus forma; & extra corpus, subjectum suum, existere separatim potest.]

Quæst. IV. Quotuplex est substantia?

Duplex, prima, & secunda.

Quæst. V. Quid est substantia prima?

Substantia singularis: ut, Alexander, Bucephalus.

Quæst. VI. Quid secunda?

Substantia universalis: ut, homo, equus.

[Quæst. VII. Quomodo discerni primam substantiam à secunda?

Prima substantia non dicitur de subjecto, nec inhaesionis nec denominationis, cum ipsa omnibus subjiatur. Alexander enim de nullo dicitur, nisi de seipso. At substantia secunda, quamvis in subjecto non sit, scil. inhaesionis, dicitur tamen de subjecto, scil. denominationis, nempe de primis substantiis sibi subjectis: Homo enim dicitur de Alexandro, Socrate, Platone, &c. Equus de Bucephalo, Cyllaro, &c.]

[1. Dicit de subjecto] idem est, atque quoad nomen & definitionem subjecto tribui: sic & nomen & definitio substantiæ secundæ (verbi causa, hominis) tribuitur substantiæ primæ (verbi causa, Petro.) Nomen hominis, ut cum dico, Petrus est homo; Definitio autem, ut cum dico, Petrus est animal rationale.]

[2. Cum substantia secunda sive universalis dicatur de prima sive singulari, ut Petrus est

homo, & accidens quoque dicatur de eadem, ut, Petrus est doctus, quaeritur, an eodem modo praedicentur & accidens & substantia universalis de singulari. Resp. quod non: Nam accidens dicitur de substantia singulari, ut Petrus est doctus, tanquam de subjecto inhaesionis; nam doctrina est ens aliud & distinctum à Petro, cui inhaeret, nec est pars Petri, nec potest existere separatim à Petro; præterea prædica-

tur de Petro in concreto & adjectivè, nam non licet mihi dicere in abstracto & substantive, *Petrus est doctus*: Sed substantia secunda sive universalis dicitur de prima sive singulari, ut *Petrus est homo*, sed sic, ut non sit ens distinctum ab ea, & sit pars ejus; neque enim homo est ens distinctum à Petro, & est pars Petri,

unde etiam Petro non inhæret, sed tantum cum denominat, estq; Petrus subiectum non inhætionis, sed denominationis tantum præterea homo dicitur de Petro substantive & in abstracto, non adjectivè aut in concreto neque enim dico, *Petrus est humanus*, adjectivè, sed *Petrus est homo*, substantive.]

Quæst. VIII. Quot sunt notæ substantiarum?

Sex.

Quæst. IX. Quæ est prima nota?

Non esse in subiecto: nimirum, quia per se subsistit.

1. Hæc non tam est nota, quam quidè essentia ipsius substantiæ, quia per se subsistere, quod idem est cum *τὸ* non esse in subiecto, definitionem substantiæ ingreditur; at vero, quod alicujus rei definitionem ingreditur, ejus essentiam constituit: omnis vero nota aliquid significat, quod nec ex definitione, nec ex divisione rei potuit cognosci, & notat aliquid, essentiam rei consequens, exprimiturque *canone*, *maxima*, aut *regula*. Cum vero dicitur, substantiam non esse in subiecto, intellige subiectum inhætionis;

nam secunda substantia est in prima, ut in subiecto denominationis, ut *homo* in *Petro*.

2. Subiectum inhætionis est id, in quo aliquid est tanquam accidens: sic *homo*, seu natura humana, non est in *Petro*, ut in subiecto inhætionis: quia accidens non est pars subiecti aut compositi, at natura humana est pars Petri. Subiectum denominationis est, de quo res simpliciter prædicatur: sic *homo* est in *Petro*, ut subiecto denominationis, quia de Petro prædicatur.

Quæst. X. Quæ secunda?

Dici de aliis synonymis; hoc est, quoad nomen & quoad definitionem. Hæc nota convenit secundis substantiis, non primis, quia primæ de nullis dicuntur.

1. Sic *homo* dicitur de *Petro*, & *Paulo*, & cæteris individuis, quoad nomen & quoad definitionem: nam dico, & *Petrus est homo*, & *Petrus est animal rationale*.

& definitionem) est, quando & nomen & definitio unius, tribuitur alteri: sic & nomen & definitio hominis tribuitur Petro.

[3. Quæri hic solet à Logicis, cum definitio hominis tribuitur Petro, ut, cum dico, *Petrus est animal*

2. *Dici de aliis quoad nomen*

animal rationale, an illa definitio tribuatur Petro, ut definitio hominis, an, ut definitio Petri. Resp. utroque modo; nam eadem est definitio individui, quæ est speciei. si quis enim rogetur ut definiat hominem, speciem, dicet, est animal rationale, si rogetur, ut definiat Petrum, iterum dicet, est animal rationale, quæ est definitio hominis, quocumque: itaque animal rationale Petro attribuitur, & de eo prædicatur, tum ut definitio hominis, tum ut definitio Petri. Et causa hujus rei hæc est, quia individua non habent differentiam essentialem propriam, imo non habent essentiam aliam, quam quæ est specierum, & ei tantum addunt varia accidentia, quibus individua à se invicem distinguuntur: ut ergo eadem est essentia speciei quæ est individui hominis, scilicet quæ Petri, eadem etiam utriusque est definitio, scilicet animal rationale. Sed cum definitio generis tribuitur speciei, animalis homini, tribuitur ei, ut definitio generis tantum, non item, ut definitio speciei; hæc enim propriam ac peculiarem habet definitionem, distinctam à definitione generis. Verbi causa, animal, genus, definitur substantia corpora-

rea, mixta, vivens, sentiens: at hæc non est definitio hominis, speciei: est quidem pars ejus definitionis, sed non tota ejus definitio; ut enim homo definiatur, præter ista quæ definiunt animal, requiritur etiam rationale, quod in definitione animalis non reperitur, & in definitione hominis poni debet, quippe quod significat ejus differentiam specificam, facitque alteram partem definitionis, qua definitus homo.]

4. Dicitur de aliis quoad solum nomen est, cum nomen alicui tribuitur, non vero definitio: ut, *albor* tribuitur parieti quoad nomen in concreto, id est, per adjectivum, cum dicitur, *Paries est albus*; at definitio alboris, parieti tribui nequit per substantivum in abstracto.

5. Accidens dicitur in concreto, tribui substantiæ, quando per adjectivum de subiecto suo enunciat: nam si propria voce ac substantive enuncietur, ne quidem quoad nomen substantiæ tribui potest: sic non licet mihi dicere, *paries est albor*, substantive, sed *paries est albus*, adjective; sed substantiæ secundæ dicuntur de primitivo quoad nomen, etiam substantive: sic, *Petrus est homo*, & *Petrus est animal rationale*.

Quæst. XI. Quæ tertia.

Significare rōdē n, hoc aliquid, id est, tale quid quod digito demonstrari potest. Hæc nota convenit tantum primis substantiis.

1. Sic Petrus, Paulus, hæc arbor, hic lapis, &c. possunt monstrari digito.

[2. Vulgo dicitur, & vere, Universalia non incurrunt in sen-

sus ideoque substantiæ secundæ non possunt digito monstrari, quia sunt entia aut themata universalialia.]

Quæst.

Quæst. XIII. *Quæ quarta?*

Non habere contrarium. Substantia enim substantiæ non est contraria per se, sed per qualitates: ut, *aqua & ignis.*

[1. Vox illa, *contrarium*, sumitur vel late, vel stricte, Late dicuntur contraria quælibet opposita: sic Aristoteles in Physicis, principia corporum naturalium, formam & privationem, vocat contraria, quæ non sunt contraria stricte dicta; nam hæc sunt duo entia, at privatio est non ens, & opponitur formæ non contrarie, sed privative: & tam late in hac nota sumitur quoque vox, *contrarium*, nam si stricte sumas, prout contrarietas significat certam oppositionis speciem, qua duo entia sub eodem genere plurimum distant; certe substantia una alteri est contraria. nam homo & brutum sunt substantiæ, & sunt contraria; sunt enim duo entia, habent commune genus, animal, sub quo, tanquam duæ species, plurimum distant, nempe per differentias suas específicas, rationale & irrationale: sunt vero contraria, non per qualitates, sed per se, seu per suas formas substantiales, quæ sunt substantiæ, & non qualitates; & ipsæ, scilicet anima rationalis & irratio-

nalis, æque sunt contraria, atque homo ac brutum: præterea, aqua & ignis non tantum per qualitates, calorem & frigus, siccitatem & humiditatem, sunt contraria, sed per ipsas suas formas substantiales: consequenter, sunt contraria quatenus sunt substantiæ; quomodo enim fieret, ut à formis non contrariis emanarent qualitates contrariæ, quales sunt aqua & ignis?]

2. Contraria hic dicuntur, quæ se mutuo expellunt ex eodem numero subiecto, invasionis scilicet: sic substantia substantiæ non est contraria, quia nullo est in subiecto ergo non possunt ex eo se expellere; ut homo & brutum.

3. Si vero contraria definiantur, ut *cap. 22. hujus lib. 1.* omnino una substantia alteri est contraria: verbi causa, homo & brutum sunt duo entia absoluta, & quidem substantiæ, quæ sub eodem genere, sc. animali, plurimum distant; nam differunt formis contrariis; homo enim est animal rationale; brutum, irrationale.

Quæst. XIII. *Quæ quinta?*

Non recipere magis & minus. Una enim eademque substantia non fit magis aut minus substantia, quam erat antea. Nam puer crescens non fit magis homo, aut magis substantia, quam erat primo nativitatis suæ momento.

1. *Recipere magis & minus* (significat hoc loco), definitio- nem substantiæ uni magis tribui quam alteri, vel prædicari per

per adverbia magis & minus.

[2. Dicimus vulgo, substantiæ sunt positæ in indivisibili, quin quoad essentiam non possunt augeri: aut minui, ut quidem quoad quantitatem: deoque vir est quidem major homo quam puer, sed non est magis homo; nam definitio hominis, & essentia ejus, quod sit animal rationale, non magis competit viro quam puero, & non minus puero quam viro.]

3. In hac nota, substantia universalis cum altera universalis, ut homo cum bruto, vel singularis cum altera singulari ejusdem ordinis, ut, Petrus cum Paulo; vel substantia una eademque cum se ipsa confertur, ut, Petrus juvenis cum seipso sene, nam si substantiam primam cum secunda contuleris, nota hæc fallit: ut, Petrus collatus cum homine, est magis substantia, & homo est minus substantia.

[4. Quod autem homo dicatur minus substantia, Petrus magis substantia, ejus rei ratio hæc est,

quia homo existit per Petrum, & reliquos singulares homines, at non contra.]

[5. Non dicitur Petrus magis substantia, aut homo minus substantia, respectu definitionis substantiæ, quæ essentiam ejus exprimit, quod non sit ens per se subsistens & substans accidentibus; hoc enim & homini & Petro convenit ex æquo: sed cum dicitur Petrus magis substantia, homo minus substantia, respicitur modus existendi aut subsistendi; quia enim universalis existunt in singularibus, genera in speciebus, species in individuis, etiam homo, ens ac thema universale, existit in Petro, Paulo, Joanne, reliquisque hominibus singularibus, istæ vero substantiæ singulares in nulla alia existunt. Hinc est quod Logici dicunt, substantiis primis tolli secundas: nam si tollantur Petrus, Paulus, Joannes, reliquique homines singulares, tollitur omnis homo universaliter.]

Quest. XII. Quæ est sexta nota?

Unam eademque numero substantiam suscipere contraria, [scilicet, quando potest subire mutationem.] sic licet aqua frigida, mutatione sui calida fiat, manet tamen una eademque numero aqua.

1. Exceptio est, nisi qualitas à substantia sit inseparabilis: sic ignis calidus nunquam potest sic mutari, ut recipiat frigus.

CAPUT V.

Quest. I. Quid est quantitas?

Quantitas est accidens, quod per se partem habet extra partem.

1. Per se id est, non per aliud: nam substantia & qualitas habent partem extra partem, non

per se, quatenus sunt tales, sed per quantitatem.

[2. Dis-

[2. Disputari solet inter philosophos, an quantitas sit ens distinctum à materia. Si fuerit accidens, haud dubie erit ens distinctum à materia, quæ est substantia; nam accidens & substantia sunt entia distincta. Multi existimant quantitatem esse aut ipsam essentiam materiæ, aut modum quendam materiæ proprium, & ab illo inseparabilem, ergo sic judico, quantitatem non esse ens, multo minus accidens, distinctum à materia; non tamen eam facio eandem cum materia; sed habet se quantitas ad materiam, ut proprium quarto modo ad subiectum, & uti se habet unitas, veritas, bonitas, ad ens: sunt quidem multæ proprietates, entia distincta à subiectis, sed ut sunt quædam, tantum modi subiectorum, atque inter has est quantitas.]

3. *Quantitas*) primum tenet locum inter accidentia, quia illa sequitur materiam, reliqua accidentia, formam: sicut autem materia est prior forma, ita accidens quod sequitur materiam, est prius accidente quod sequitur formam.

4. *Habere partem extra partem*) significat, habere partes situ, loco, & spatio diffusas & disjunctas. [vocantur hæ partes integrales & quantitativæ, oppositæ essentialibus vel entitativis, quæ loco, situ, & spatio non sunt diversæ, sed quæ se mutuo penetrant, permeant, pervadunt; ut sunt, anima & corpus.] *Brachium, manus, digitus, pes, caput*, sunt

partes quantitativæ, situ & spatio differentes; distat enim brachium à manu, manus à digito, capite, pede, &c. *Animarationalis & corpus* sunt partes quidem hominis, sed non sunt loco, situ, aut spatio diverso contenta; ubi enim anima est, ibi & corpus, & vice versa; quam diu scilicet constituunt hominem.

[5. Et hoc disputari solet, an essentia quantitatis, seu ratio formalis ejus, consistat in extensione entitativa, an quantitativa. Pontificii eam collocant in extensione entitativa, nos in quantitativa. Extensionem entitativam vocant extensionem partium in ordine ad se; quantitativam appellant extensionem partium in ordine ad locum. Sed extensio entitativa nulla est; nam *extendi* & *extensio* nihil aliud significant, quam loco & situ & spatio disjungi: est quidem alia entitas capitis, pedis, brachii, & singulorum membrorum, sed etiam loco disjunguntur ac situ; nam quo loco situm est caput, non eodem situs pes, aut brachium: ideoque impossibile est; ut membra corporis Christi sint quoad entitatem distincta, & non sint distincta quoad locum, aut dabitur dimensionum penetratio. Ergo extensio entitativa nulla est, nisi eadem sit quantitativa; & nihil est extensum extensione partium in ordine ad se, nisi idem sit extensum extensione partium in ordine ad locum.]

Quæst. II. *Quotuplex est quantitas?*

Duplex: continua, & discreta.

Quæst.

Quæst. III. Quid est quantitas continua?


Cujus partes, communi termino copulantur.

[1. Sedulo cavendum est, ne partes quantitatis continuæ confundantur cum terminis; nam multum differunt: ex partibus enim quantitas componitur, ex terminis non item, sic linea non componitur ex punctis, quia puncta sunt termini, & inchoantes & claudentes lineam; sed componitur ex lineis minoribus, tanquam partibus sui: sic tempus non componitur ex momentis, quia sunt termini inchoantes, copulantes, & claudentes tempus; sed componitur ex præterito & futuro, partibus temporis.]

[2. Distinguendum est accurate inter terminos & partes quantitatis continuæ. Partes sunt id, quod copulatur alteri: Termini sunt id, quo fit copulatio, & quia quantitas continua dividi potest in infinitum, ideo non dividitur in terminos, sed in partes minores, & usque minores. Et hinc est quod linea non componatur ex punctis, sed ex lineis minoribus; quia, in quæ aliquid dividitur, ex iisdem componitur: sed linea major dividitur in minores, non in puncta: ergo ex minoribus componitur lineis, non ex punctis.]

3. Terminus quantitatis vel

quantitatem inchoat, vel claudit, vel partes in medio conjungit: sic punctum & inchoat lineam, claudit, & ejus partes medias conjungit.



In hac magnitudine, terminus *A* lineam inchoat, *B* claudit, terminus *C* & *D* partem parti conjungit.

[4. Partes quantitatis continuæ sunt divisibiles, suntque semper minor quantitas continua ejusdem generis: ita partes lineæ sunt lineæ minores, Terminus est, aliquid in quantitate indivisibile, scilicet eo modo, quo dividi potest ipsa magnitudo quam terminat: sic punctum est terminus lineæ, quia non potest dividi in longitudinem, imo nullo modo; & linea est terminus superficiei, quia non potest dividi in latitudinem, ut quidem dividi potest superficies; & superficies est terminus corporis, quia non potest dividi in crassitiem, ut quidem potest corpus; alioquin linea & superficies suo modo sunt divisibiles sed tum non ut termini, verum ut species quantitatis spectantur. Vide commentarium quæst. 19. hujus cap.]

Quæst. IV. Quotuplex est?

Duplex: magnitudo, & tempus.

Quæst. V. Quid est magnitudo?

Magnitudo est quantitas permanens.

1. *Quantitas permanens*) dicitur, cujus omnes partes simul sunt, & coëxistunt, & simul possunt conspici. Sic omnes partes (nimirum longitudo, latitudo & crassities) alicujus corporis simul coëxistunt, & conspici possunt.

Quæst. VI. *Quot sunt species magnitudinis?*

Tres; linea, superficies, & corpus.

Quæst. VII. *Quid est linea?*

Linea est magnitudo uno modo divisibilis; ut, *ulna, milliare, stadium.*

1. *Uno modo*) id est, in longitudinem. Per *ulnam* intellige, non *ulnam* corpoream, quæ mensurat ætèr, sed longitudinem, quæ *ulna* mensuratur passivè: sic per *milliare* & *stadium* intelligitur longitudo, quæ utroque mensuratur.

Quæst. VIII. *Quid est superficies?*

Superficies est magnitudo duobus modis divisibilis; ut, *jugerum.*

1. *Duobus modis*) id est, in longitudinem & latitudinem.

2. Per *jugerum* non intelligitur ipse campus, sed planities campi, quæ & longa est & lata.

[3. Dicitur linea vulgo. longitudo sine latitudine, & superficies, latitudo sine crassitie, non quod in rerum natura detur corpus vel tantum longum, vel tantum latum, nam omne corpus est præditum trina dimensione, scil. longitudine, latitudine, & crassitie; sed linea & superficies sic dicuntur, quia potest longitudo concipi & cogitari, non concepta & non cogitata latitudine; & latitudo, non concepta aut cogitata crassitie, quemadmodum in atramento simul reperiuntur quidem fluiditas & nigror, potest tamen nigror concipi sine fluiditate, & fluiditas, non concepto nigrore: sic aliquis mensuraturus jugerum,

mensurat tantum latitudinem & longitudinem, neque ullo modo cogitat de crassitie ipsius jugeri.]

[4. Certe nulla datur magnitudo ullius corporis, quin sit longa lata, & crassa: sed potest tamen intellectus hominis concipere longitudinem alicujus rei, non concepta ejusdem latitudine, & utramque, non concepta crassitie. Longitudo sola concepta, vocatur linea; longitudo & latitudo simul conceptæ, dicuntur superficies; longitudo latitudo & crassities simul conceptæ dicuntur corpus seu corpulentia: nihil enim impedit, ut mens humana rem unam cogitet, non cogitata re alia, licet inter se sint conjunctissimæ. Atque hoc etiam hic notandum venit, quod vocula *sine*, interdum neger, interdum præscindat: ut, cum dico, *bruium est sine anima*

anima rationali, hinc negat; sed cum dico de homine erudito, quod sit homo sine eruditione, non nego eruditionem de ipso, nam est eruditus, sed dico, hominem concipi posse, non concepta eruditione. Hinc oritur distinctio inter abstractionem negationis, qualis est prior, & præcisionis, qualis est posterior, de qua utraque in doctrina de Proprio. cap. 13. hujus lib. 1.]

5. Accurate hæc duo debent distingui, ex rebus conjunctis unam rem intelligere, non intellecta re alia, & res duas intelligere, sed intelligendo unam rem de alia negare: nunquam potest corpus intelligi, negata aut longitudine, aut latitudine, aut crassitie; sed potest intelligi longitudo, non intellecta latitudine, & latitudo, non intellecta crassitie.]

Quæst. IX. Quid est corpus?

Corpus est magnitudo tribus modis divisibili. Huc pertinet omnis quantitas substantiæ corporeæ, quia omne corpus trina dimensionem præditum est.]

1. *Dimensio* vocatur, qua res aliqua potest mensurari; diciturque illa, trina in corpore, quia corpus mensurari potest & secundum longitudinem, & secundum latitudinem, & secundum crassitiem. [Queritur, an non detur quarta dimensio, aut quinta, nempe profunditas, aut altitudo, nam secundum utramque corpus mensurari potest. Resp. profunditatem & altitudinem non esse distinctam dimensionem à crassitie: nam omne quod est crassum, respectu termini supe-

rioris est altum, respectu inferioris est profundum; quod liquet in monte, qui est longus, latus, & crassus, & respectu apicis aut fastigii dicitur altus, respectu pedis aut *basos* dicitur profundus.]

2. *Tribus modis* id est, in longitudinem, latitudinem, & crassitiem, ut cubus.

3. *Corpus* hic significat, non substantiam materiale, oppositam spiritui, (ut in prædicamento substantiæ) sed corpulentiam, id est, crassitiem.

Quæst. X. Qui sunt termini magnitudinis?

Termini lineæ, sunt puncta; superficiæ, lineæ; corporis, superficies.

[1. *Terminus*] omnis, qui magnitudinem vel inchoat, vel claudit, vel continuat, semper est indivisibilis, id est, nunquam potest dividi in istam magnitudinem quam terminat: & sic dicitur *linea* terminus *superficiæ*, quia non potest dividi in latitu-

dinem, nam in longitudinem divisibilis est; sic & *superficiæ*, quamvis possit dividi in longitudinem & latitudinem, quia tamen non potest dividi in crassitiem. dicitur terminus *corporis*, Ideoque distinguendum est inter lineam ac superficiem spectatas

statas ut species quantitatis, & sic sunt divisibiles; & ut terminos, sic sint indivisibiles, scilicet ista divisione, qua dividi potest ipsa magnitudo quam terminant.]

[2. Omnis terminus cujuscunque quantitatis est indivisibilis, vel simpliciter, ut *punctum* quod est terminus *lineæ*, hoc enim nullo modo dividi potest; vel secundum quid, hoc est, non

potest dividi eo modo quo dividitur ipsa magnitudo quam terminat, licet dividi possit alio modo: sic *linea*, quæ est terminus *superficie*i, non potest dividi in latitudinem; in quam dividitur *superficies*, & sic est indivisibilis; licet dividi possit in longitudinem, ac sic non est terminus *superficie*i, sed species magnitudinis distincta à *superficie*.]

Quæst. XI. Quid est tempus?

Tempus est quantitas continua fluens; ut, *hora, dies, annus, olympias*.

[1. Ut natura temporis recte intelligatur, sciendum est, quod tempus partim sic ens reale, partim ens rationis: ens reale est, in quantum significat durationem corporum: ens rationis est, in quantum istam durationem mensuramus; hoc enim à nobis est, durationem rerum per dies, menses, annos numerare.]

[2. Tempus) Aristoteli definitur, *numerus motus secundum prius & posterius*, in qua definitione, *numerus* sumitur, non pro numero numerante, sed pro numero numerato; ut hic sit sensus, tempus est numerus, id est, tempus est duratio corporis numerata. *Motus* intelligitur potissimum cælestis, & post cælestem artificialis, qualis est in gnomonibus. *Secundum prius & posterius*, si-

gnificant partes temporis priores & posteriores: pars temporis prior est, quæ præterit, pars posterior temporis est quæ futura est, momenta non sunt partes temporis, sed termini tantum, & inchoantes, & continuantes, & claudentes tempus.]

3. Omnis quantitas habet partes extra se invicem, sed interdum simul existunt, uti sunt partes magnitudinis; interdum non simul existunt sed una post aliam, uti sunt partes temporis, quæ nunquam sunt simul: quemadmodum unus quadrans horæ existit post alterum; sic hora decima existit post nonam, undecima post decimam; sic dies Martis existit post diem Lunæ, Mercurii post Martis, dies Jovis post Mercurii, &c.

Quæst. XII. Qui sunt termini temporis?

Momenta, sive τὰ νῦν. His enim copulantur partes temporis, sicut partes lineæ copulantur punctis.

1. Partes temporis) sunt præteritum & futurum, præsens

non est pars temporis, sed terminus, partem temporis præteritam

ritam conjungens futuræ parti : nam omne tempus divisibile est ; at presens est indivisibile.

[2. Recepta est opinio, Omne continuum est divisibile in infinitum : at tempus est continuum : ergo & divisibile in infinitum : omne autem divisibile, in par-

tes dividitur, aut saltem dividi potest, quæ ipsæ partes ulterius dividi possunt : sed momenta omnimodo sunt indivisibilia ; ergo non possunt dici partes temporis ; nam nihil tam velox est ac momentum, si enim concipias, jam aufugerit.

Quæst. XIII. Quid est quantitas discreta ?

Quantitas discreta est, cujus partes non copulantur communi termino ; ut, duo, tria, decem.

1. Decem unitates nullo communi vinculo colligantur.

2. *Quantitas discreta* vocatur una voce, *numerus* ; estque is vel numerans, vel numeratus : numerans, aliis abstractus, formalis, ut, unum, duo, tria, atque hic pertinet ad hoc prædicamentum ; numeratus, aliis concretus, materialis, dicitur ipsa res quæ numeratur, ut, decem libri, mille pedes, estque aliorum prædicamentorum.

[3. Disputari solet, an unitas sit numerus, quia unitas est indivisibilis, quantitas autem, ut omnis numerus, est divisibilis. Resp. si rem ex vero iudicemus, non est unitas numerus : nam numerus est unitatum collectio ; at unitas non est collectio ; ergo non est numerus : præterea, unitas est principium numeri ; at principium non est idem cum principio ; ergo nec unitas est eadem cum numero.

Quæst. XIV. Quid de loco, oratione, ac motu statuendum ?

Locus definitur, superficies corporis ambientis : atque hæcenus referri debet ad superficiem. Oratio & Motus non sunt species quantitatis, sed quanta per accidens,]

[1. *Superficies*) idem est quod latitudo seu planities, estque vel convexa, vel concava, locus est superficies utriusque generis. Dicitur vero *superficies corporis ambientis*, quia non quilibet latitudo, sed ea tantum est locus, quæ proxime aliud corpus cingit, & rem locatam intra se continet.]

[2. Cum locus definitur *superficies corporis ambientis*, non est existimandum, illam definitionem esse perfectam : nam omnis

locus est triplex dimensionis ; ac superficies est tantum duarum dimensionum, est enim tantum longitudo & latitudo : insuper extimum cælum non esset in loco, si locus esset superficies corporis ambientis, quia nullam superficiem ullius corporis extra se habet, alioquin non foret extremum. Mellius definitur, *spatium rei locatae*.]

[3. *Oratio & motus*) dicuntur quanta per accidens, quatenus partes habent diversas, & sibi

invicem succedentes : orationis partes sunt voces ; & partes motus, sunt partes termini ad quem, id est, ejus quod motu producitur, ut partes calefactionis sunt partes caloris.]

[4. *Oratio*] spectari potest, ut vox ; & sic est qualitas tertiæ speciei, est enim sonus : vel spectari potest, ut constat dictionibus ; & ut dictiones constant syllabis, syllabæ literis : hoc posteriori sensu dicitur *oratio*, quantitas, quatenus dividi potest in vo-

ces, & voces in syllabas, & syllabæ in literas.]

[5. *Motus*] dicitur quantitas respectu termini ad quem : quia enim is semper est divisibilis, & *motus* non distinguitur à termino ad quem, ipse motus dicitur quodque divisibilis, & consequenter quantus ; nam nihil est divisibile, nisi quantum : quodcumque enim dividitur, in partes dividitur ; sed solum quantum aut quantitas habet partes ; ergo solum dividi potest.]

Quæst. XV. Quot sunt notæ quantitatis ?

Tres.

Quæst. XVI. Quæ est prima nota ?

Non habere contrarium.

1. Illa non sunt confundenda, habere contrarium, & suscipere contrarium : hoc certum est, quantitatem unam non esse contrariam alteri, sic, verbi causa, unus dies non est contrarius alteri, quatenus est temporis, sed potest dici contrarius alteri, ratione frigoris aut caloris, & sic potest suscipere qualitatem contrariam.

2. Contraria se mutuo expellunt ex eodem subiecto : expellere est agere : at quantitas cum ejus nulla sit efficacia, non agit, quia sequitur materiam quæ est principium passivum, non activum.]

3. Quantitas una, alteri non

est contraria per se ac ratione sui, quamvis possit esse contraria ratione qualitatis advenientis : sic tempus hybernium est contrarium æstivo, non per se, sed per frigus & calorem, qualitates utrinque advenientes.

4. Quantitas potest recipere contrarium, ut linea recta potest fieri curva, scilicet materialiter, sui.

5. Debet distingui accurate inter hæc duo, habere contrarium, & suscipere contrarium : quantitas nulla alteri contraria est, nec linea superficiei, nec superficies corpori ; sed tamen potest eadem linea suscipere contrarium, ut, ex recta fieri obliqua.

Quæst. XVII. Quæ secunda ?

Non recipere magis & minus. Quantitas quidem major fit, sed non fit magis quantitas.

1. Recipere magis & minus) significat, definitionem uni magis com-

competere quam alteri : atqui definitio quantitatis, quæ definitur accidens, quod per se partem habet extra partem, non magis competit quantitati magnæ quam parvæ, non magis giganti quam nano.

2. Quantitas major, non est magis quantitas quam minor, quia definitio & essentia quanti-

tatis, qua definitur accidens habens partem extra partem, non magis convenit majori quantitati quam minori. Sic trabs centum-pedalis, est quidem major trabe decem-pedali; sed non est magis quantitas trabs centum-pedalis quam decempedalis, quia non minus convenit definitio quantitati huic quam isti.

Quæst. XVIII. Quæ tertia?

Res ab illa dictæ æquales, aut inæquales.

1. In prædicamento substantiæ, quantitatis, & qualitatis, fundatur ratio triplex, tum convenientiæ, tum discrepantiæ : quæ conveniunt in substantia dicuntur eadem, quæ discrepant, diversa; quæ conveniunt in quantitate, dicuntur aut æqualia, aut paria, quæ discrepant, aut inæqualia, aut imparia, prout fuerit quantitas continua, aut discreta;

quæ conveniunt in qualitate, dicuntur similia, quæ discrepant, dissimilia.

2. A quantitate continua res dicuntur æquales aut inæquales : sic trabs decempedalis, est æqualis trabi decempedali.

3. A discreta quantitate res dicuntur pares aut impares : sic duo equi, sunt pares duobus hominibus.

CAPUT VI.

Quæst. I. Quid est qualitas?

Qualitas est accidens, à quo subjectum quale duntaxat denominatur.

1. Definitio qualitatis hæc est imperfecta, quia ipsa est summum genus, quod perfecte definiri nequit; ideoque hæc definitio non est exigenda ad leges perfectæ definitionis. Porro cum qualitas definitur accidens, intelligi potest vel physicum, quod inhæret, vel Logicum, quod denominatur; est enim qualitas accidens utriusque generis : ita color, & inhæret parieti albo, & eum denominat, unde qualitatis subjectum est tum inhærentis,

tum denominationis.]

2. Res in aliis accidentum prædicamenti dispositæ, ab iis quoque quales dicuntur; sed non quales tantum, verum etiam alio nomine denominantur : quod ut intelligatur, notandum est, quod variæ sint formulæ, quibus aliquid de alio quæritur; scilicet, quid est res? qualis est res? quomodo res se habet? quanta est res? quid agit? ubi est res? quando est res? &c.

3. Ad primam quæstionem ;

C 2

quid

quid est res? responderetur ex primo prædicamento substantiæ: ad secundam quæstionem, qualis est res? responderi potest ex omnibus reliquis novem prædicamentis; sed ex iisdem responderi potest ad alias & reliquas interro-

gandi formulas, excepta qualitate, ex qua tantum responderetur ad solam hanc, quæstionem, qualis est res? non item ad alias; & hoc est quod significat Author, cum inquit, à qualitate subiectum quale duntaxat denominari.

Quæst. II. Quot sunt species qualitatis?

Quatuor: 1. habitus & dispositio, 2. potentia & impotentia naturalis. 3. patibilis qualitas & passio. 4. forma & figura.

1. Quod singulis qualitatibus duo dentur nomina, id non est factum, quasi sub nominibus duobus distinctæ dicentur qualitates; sed significatur tantum una qualitas, gradu, tempore, perfectione, aut alia circumstantia accidentali distincta à seipsa, vel alia suæ speciei.

2. Levis aliqua hujus aut illius artis perceptio, verbi causa. Musica, vocatur dispositio; ejusdem

peritia plena perfectaque, vocatur habitus: quibus duobus vocabulis non significatur duplex qualitas, sed est una eademque qualitas, quæ nunc venit nomine dispositionis, quando scilicet adhuc est imperfecta, nunc venit nomine habitus, quando est perfecta; ut hic tantum sit discrimen graduum perfectionis aut imperfectionis: & sic se res habet in aliis speciebus qualitatis.

Quæst. III. Quid est habitus?

Habitus est qualitas adventitia ad operandum cum facilitate.

[Adventitium hic opponitur naturali, prout illud dicitur tale, quod vel naturam rei constituit, vel constitutam immediate sequitur: priori modo, dicitur naturalis homini rationalitas, posteriori, risibilitas; & hoc sensu secunda species qualitatis, scil. potentia, dicitur naturalis. Adventitium ergo est, quod nec constituit naturam subiecti, nec eam constitutam immediate consequitur: sic nullus

habitus essentiam hominis constituit, neque enim est ejus anima, neque ejus corpus; nullus quoque essentiam hominis immediate consequitur, neque enim ullus, est proprietas hominis, aut cum illo recipitur: nam non licet mihi dicere, omnis homo est eruditus, aut, omne eruditum est homo, ut quidem dico, omnis homo est risibilis, &, omne risibile est homo. Habitus ergo dicitur adventitius

ventitius, quando præter naturam & proprietates subiecto superaccedit, sive infundatur à Deo, sive frequenti actuum exercitio comparetur ab homine: prioris exemplum est donum linguarum, quod Deus infudit Apostolis tempore Pentecostes; posterioris exemplum est eruditio, quæ frequenter studendo acquiritur: priores habitus dicuntur infusi, posteriores acquisiti. Finis autem omnium habituum est promptitudo & facilitas in operando: sic per donum linguarum, Apostoli prompte & facile linguas quasvis sunt locuti; per eruditionem acquisitam, homo prompte & facile res quasvis cognoscit.]

[1. Non debent hæc duo vocabula confundi, *acquisitum* & *adventitium*. omnis habitus est qualitas adventitia, sed non omnis est qualitas acquisita: habitus enim infusus est qualitas adventitia, sed non acquisita; nam repugnat eundem habitum esse infusum, & acquisitum: sic & habitus innatus & concretus sunt qualitates adventitiæ, sed non acquisitæ. Nempe quatuor generum sunt habitus: innati, ut peccatum originis; concretati, ut iustitia originalis; infusi, ut donum linguarum in Apostolis; acquisiti, ut Musica, sive ars canendi. Hi omnes sunt qualitates adventitiæ, quia nullus istorum habituum, aut essentiam hominis constituit, aut constitutam immediate sequitur, quod in singulis patet. Nam peccatum originis nec essentiam hominis constituit, nec eam

immediate sequitur, quia ab ea abesse potest, absuit enim ab essentia humana Christi; at quod essentiam rei constituit, aut eam immediate sequitur ab ea abesse nullo modo potest: sic iustitia originalis adventitia est qualitas, quia ab essentia humana abesse potest, uti nunc ab omni homine abest; ideoque nec essentiam hominis constituit, nec eam immediate sequitur: non tamen est qualitas acquisita, nec hæc prior; nam primus homo iustitiam originalem suis viribus non acquisivit, sed fuit ei concreata; nec nos peccatum originis acquisimus, sed illud nobis est connatum. Sic & habitus infusi sunt quidem qualitates adventitiæ, quia neque essentiam constituunt, neque eam immediate sequuntur, nam donum linguarum in Apostolis nec fuit essentia illorum, nec proprietas: non tamen hic habitus loquendi diversis linguis, fuit qualitas ab Apostolis acquisita studio & labore, neque enim studuerant, sed coelitus à Deo infusa. At quarti generis habitus, ut artes omnes & scientiæ, verbi causa, Musica sunt qualitates simul & adventitiæ & acquisitæ, Musica enim nec essentiam hominis musici constituit, neque eam, ut proprium, immediate sequitur, ergo est adventitia: præterea, quia neque connascitur musico, neque concreatur, neque infunditur, sed frequenter canendo acquiritur, est insuper qualitas acquisita.]

3. Habitus alii sunt corporis, alii sunt animi. Priores sunt

qui opère & beneficio organorum corporis exercentur, ut ars nandi. Posteriores sunt, vel intellectus vel voluntatis. Habitus intellectus vulgo dicuntur intellectuales; suntque, intelligentia, scientia, sapientia, prudentia, &

ars: Voluntatis habitus sunt vel boni, vel mali; boni sunt virtutes morales, mali sunt vitia. Hi omnes sunt adventitii & acquisiti crebris actionibus. Fides est qualitas quidem adventitia, sed non acquisita, verum infusa.

Quæst. IV. *Quid dispositio?*

Dispositio, est habitus imperfectus.

Dispositio, differt ab habitu, gradu tantum, seu imperfectione.

Quæst. V. *Illustra rem exemplo.*

Si quis in arte aliqua, scientia, aut virtute, puta Logica, Physica, aut Justitia, aliquantulum profecit, is dispositione affectus est: si quis, artis, scientiæ, aut virtutis culmen attingit; is dicitur esse præditus habitu.

Quæst. VI. *Quid potentia naturalis?*

Potentia naturalis, est qualitas sensibus non obvia, qua subjectum natura sua aptum est ad agendum vel patendum.

[1. Omne operandi principium, est vel potentia naturalis, vel habitus, inter accidentia; vocaturque utrumque in Philosophia actus primus, quemadmodum ipsa operatio dicitur actus secundus.]

[2. Notanter dico, inter accidentia. Ipsa forma substantialis, à qua potentiæ naturales fluunt, & in qua habitus recipiuntur, est principium operandi, sed inter substantias; & est actus primus, sed substantialis: at vero potentiæ naturales, habitus sunt actus primi, sed accidentales: hinc, cum anima, quæ est forma, definitur actus primus, additur substantialis, quia est substantia: at visus est actus primus, quia principium est vi-

dendi; sed accidentalis, quia est accidens.]

3. Nullus actus primus, sensu externo percipitur; bene tamen actus secundus: sic nec potentia canendi, nec habitus canendi ipsa Musica, auditur; sed vero, utriusque operatio, tunc canere, & sic in aliis.

[4. Actus primus, cum est naturalis potentia, vel spectatur ut proprietas animam consequens; vel, ut certæ parti corporis alligatus: priori modo nunquam tolli potest à subjecto; posteriori modo potest tolli & iterum tollitur una cum actu secundo. Verbi causa, potest tolli & tollitur à surdo tunc audire, actus secundus; item potentia audiendi, actus primus, prout alligatur auribus,

auribus, ex quarum indispotione aufertur : sed non potest tolli potentia audiendi, in quantum immediate sequitur animam hominis sentientem, scilicet enim unā ab homine tolleretur ipsa anima sentiens, atque homo surdus, non amplius foret animal, quod est absurdum.]

[5. Omnis potentia naturalis, in rebus animatis & organicis, dicitur vel prima, vel secunda : prima, quæ cum ipsa anima per totum corpus est diffusa ; secunda, quæ certæ parti corporis & organo alligatur, illa tolli non potest, hæc potest. Verbi causa, visus, prout est proprietas animæ sentientis, cum ipsa anima sentiente diffunditur per totum corpus ; & sic tam parum tolli potest ab homine, quam parum tolli potest ipsa anima sentiens : sed cum spectatur visus, prout potentia videndi alligatur oculo, quatenus eā parte corporis, & isto tantum organo videmus, tolli potest. Priori modo, visus, ut est potentia prima, nullo modo aufertur a cæco, quia sic cæcus exueretur anima sentiente, consequenter & natura animalis, ac non esset animal, quod est falsum : sed posteriori modo, visus, ut est potentia secunda, est actus primus & principium operandi,

æquæ ac potentia prima, sed actus secundus est ipsa operatio ; verbi causa, videre est actus secundus, visus est potentia secunda, & actus primus. Potentia videndi, ut extra oculum, immediate sequitur animam sentientem, & cum ea diffunditur per totum corpus, est & potentia prima, & actus primus.]

[6. Nec potentia naturalis, nec habitus, incurrunt in sensus, ut quidem tertia & quarta species qualitatis : possumus videre aliquem ambulante, sed non potest videri potentia ambulandi, neque habitus. Differt tamen potentia naturalis ab habitu, quod potentia naturalis fluat à natura, habitus non item : nascimur enim præditi potentiâ sentiendi, vivendi, tangendi, audiendi ; sed non nascimur præditi habitu ; ille vero crebris actionibus acquiritur, aut inditur aliunde : illa facit subiectum agere vel pati ; hic facilitatem confert agendi vel patiendi. Unusquisque quidem canere potest, sed non cum facilitate, servans modulos, & iis sese accommodans : qui vero servant istos modulos, illi canunt cum facilitate. Posse canere est à potentia naturali ; facile & bene canere est ab habitu.]

Quæst. VII. Quid impotentia ?

Impotentia, est diminuta potentia.

Quamvis particula *in* plerumque neget, ut, *indoctus, injustus* ; hic tamen non negat potentiam naturalem, sed eam ponit, verum imperfectam & imminu-

tam. Norandum hic venit discrimen inter potentiam naturalem primam & secundam, quod in rebus animatis & organicis solum habet tantum. Pri-

ma fuit immediate ab anima, aut organo adstringitur, cujus estque proprietates ejus, à subje- beneficio functiones suas exercet. to suo inseparabilis. Potentia Hæc tolli potest atque imminui: secunda est eadem quæ prima, & de hac intelligitur definitio impotentia.

Quæst. VIII. *Adde exemplum.*

Ingenium, indoles, memoria, sensus, robur, &c. sunt potentia, sive facultates naturales: quum hæc dotes admodum imperfectæ sunt, veluti si quis *obtusio* sit ingenio, *labili memoria, infirma valetudine*, &c. dicuntur impotentia.

Quæst. IX *Quid est qualitas patibilis?*

Patibilis qualitas est, quæ efficit passionem in sensu, [hoc est, quæ facit sensum pati.]

1. Clarius, Patibilis qualitas est, quæ percipitur uno sensu externo.

2. Dicitur hujus tertie speciei qualitas, *patibilis*, active, non passive; non quia ipsa aliquid patiatur, sed quia ipsa facit aliud pati: sic *frigus* nihil patitur, sed facit manum vel tadium pati.

3. Quodcunque aliud recipit, id dicitur *pati* ab eo, quod recipit; *pati* enim, est recipere affectum agentis in se; quia igitur patibilis qualitas recipitur in sensu, facit sensum pati.

4. *Pati* non significat, primo, tolerare injuriam, nec secundo, commoveri, quo sensu affectus dicitur *passio*; sed tertio, recipere in se qualitatem: vel realem, ut cum manus recipit calorem; vel intentionalem, ut, cum oculus recipit colorem, id est, coloris imaginem, quam vocant speciem visibilem.

[5. Omnis *passio* à patibili qualitate in sensum introducta, duplici sit modo: vel sic, ut ipsa

qualitas organon sentiendi subeat, illudque penetret; tali modo calor ipsum subit tadium: vel sic, ut non ipsa qualitas, sed ejus imago atque simulachrum organon sentiendi attingat; sic color ipse visum aut oculum non intrat, cum videtur; nam manet in re colorata, sed ejus tantum imago aut simulachrum visum in oculo, subit atque attingit: hanc vulgo vocant speciem visibilem, & intentionalem, quia à visu quasi intenditur, tanquam medium ad videndum.]

6. Sic visus videndo patitur, quia recipit effectum coloris & lucis in se, scilicet species visibiles, quibus in oculo impressis, videt. Species visibiles & omnes sensibiles, vulgo intentionales, sunt imagines rerum visibilium ac sensibilium, quæ ab iis fluunt, per aërem vagantur, & in oculo atque cæteris organis sentiendi recipiuntur; & sic efficiunt visionem, cæterasque sensiones.

7. Per *sensum* intellige exter-
num, non internum.

8. *Sensus* dicitur externus, qui
in exteriori parte corporis fun-
ctiones suas exercet; ut *visus* in
oculo, *auditus* in aure, &c. inter-
nus, qui in interiori parte corpo-
ris, puta *cerebro*, operatur; ut
phantasia, *memoria*, &c.

[9. Quia patibiles qualitate s
sunt objecta sensuum externo-
rum, & objecta agunt in sensus,
eosque movent, ipsi sensus pati-
untur, ideoque dicuntur potentie
passive: itaque licet *videre*, *au-
dire*, &c. Grammaticè sint verba
activa; Logice tamen passionem
significant.]

Quæst. X. *Quid passio?*

Passio est patibilis qualitas, quæ subito fit & cito perit.

Quæst. XI. *Da exemplum.*

Lux, *color*, *sonus*, *odor*, *sapor*, *calor*, *frigus*, *humiditas*, *siccitas*,
gravisitas, *levitas*, &c. sunt qualitates patibiles, si ali-
quandiu permaneant in subiecto: at si cito evanescant, ut
pallor ex metu, *rubor ex verecundia*, dicuntur passionēs.

Quæst. XII. *Quid est figura?*

Figura, est qualitas orta ex terminatione magnitudi-
nis: ut, *triangulum*, *circulus*, *sphæra*, *pyramis*, *cylindris*.

1. Tria hæc sunt distinguenda
accurate.

I. Quantitas sive *magnitudo*, ut
linea.

II. *Termini* magnitudinis, ut
lineæ sunt puncta.

III. Id, quod oritur ex *magni-
tudinis* (puta, lineæ aut linea-
rum) *terminatione*, punctis facta.

b ab } quantitas, scil.

Δ } 3. linearum, aut

a c ac } 3. lineæ.

a b c sunt termini linearum.

2. Quod ex lineis cum suis
terminis oritur, est *figura*. Hoc
tertium, vocatur *figura*: quæ in
rebus quantis est quidem cum
& sub colore, consideratur ta-
men sine colore; quando enim
spectatur cum colore, vocatur
forma, & definitur quæstione
sequente.

Quæst. XIII. *Quid est forma?*

Forma est figura cum colore; ut, *pulchritudo*, *deformitas*.

1. *Forma* hæc non significat al-
teram partem corporeæ substantiæ,
sed formositatem: quo sensu dici-
mus, aliquem esse *formam venustâ*

Quæst. XIV. *Quomodo differt figura & forma
à patibili qualitate?*

Patibilis qualitas uno tantum; figura & forma pluri-
bus sensibus percipitur.

Quæst.

Quæst. XV. Quot sunt notæ qualitatis?

Tres.

Quæst. XVI. Quæ est prima nota?

Habere contrarium. Nam calor frigori, & albor nigro-
ri contrarius est.

[1. Hæc nota, non convenit secundæ aut quartæ speciei qualitatibus, sed tantum primæ aut tertiæ: quia qualitates secundæ & quartæ speciei sibi invicem quidem opponuntur, ut cæcitas visui, surditas auditui, sed privative, non contrarie; quia alterum eorum, quæ hic opponuntur, non est vera res, sed vera rei negatio; at contrarietas est inter duo vera entia: cæcitas autem & surditas sunt veri entis, scilicet visus & auditus; negationes, sic & deformitas, est pulchritudinis negatio. Non tamen omnibus qualitatibus primæ & tertiæ speciei convenit hæc nota, quædam enim earum opponuntur privative, non contrarie; ut lux & tenebræ, scientia & ignorantia, scilicet pure negationis, non prave dispositionis.]

2. Ignorantia pure negationis dicitur, quando ipsi termini atque voces ignorantur, quibus aliquid effertur, qualis est in rustico, respectu rerum mathematicarum, Ignorantia prave dispositionis dicitur, quando termini & voces quidem sciuntur, sed sub illis cognitis, errore tenetur opinio, atque totius enunciationis veritas ignoratur: ut, si quis sciat quid significet vox cælum, quid igneum, atque existimet cælum esse igneum, quod falsum est; is dicitur laborare ignorantia prave dispositionis, quia ipsius intellectus, dum errat circa hujus enunciationis veritatem, prave disponitur. Prior ignorantia privatio est; posterior, habitus contrarius scientiæ.

Quæst. XVII. Quæ secunda?

Recipere magis & minus. Alius enim alio doctior, melior, aut prudentior est.

[1. Recipere magis & minus, idem est quod intendi & remitti.]

[2. Res duobus modis augeatur & minuitur; vel per partes, vel per gradus. Cum res augeatur per partes, dicitur extendi, cum minuitur per partes, dicitur contrahi; & habet utrumque locum in quantitate, cum res sit vel major, vel minor. Res augeatur per gradus, cum manens

sub eadem quantitate, atque sub iisdem partibus, in iis recipit plures essentia suæ gradus; ac tum dicitur intendi; minuitur per gradus, cum manens iterum sub eadem quantitate, atque iisdem partibus, aliquot gradus essentia amittit, & tum dicitur remitti: hoc utrumque, habet locum in qualitate. Hæc nota non convenit omni qualitati,

tati, non saltem figuræ; unum enim triangulum non est magis triangulum quam alterum; sed iis tantum competit qualitatibus quæ contrarium habent, ut in prima & tertia specie; vel etiam iis, quarum subiectum inæqualiter disponi potest, ut in secunda specie: ita verbi causa, visus acutior est in juvene, minus acutus in senē quia oculus, subiectum ejus, melius est dispositus tempore juventutis, quam senectutis. Qualitas dicitur remitti, cum admiscetur ei qualitas contraria; intendi dicitur, cum liberatur à contraria qualitate: sic tantum intenditur calor aquæ, quantum liberatur à frigore; & tantum remittitur calor, quantum ei admiscetur frigoris.]

3. Si aqua, certa quantitate, in omnibus sui partibus incalescat, primum tepescet, tum incalescet, tandem effervesceat: illa caloris accessio successive facta, dicitur fieri per gradus, & ipse calor intendi; si aqua calefacta sibi relinquatur, sensim redibit ad pristinum frigus: cum sic frigesceat in iisdem sui partibus, dicitur calor remitti. Sed quando aquæ jam calefactæ ad aliquot gradus affunditur nova aqua frigida, calor prioris aquæ, quia ad affusam quoque aquam sese extendit, eam calefaciendo,

dicitur non intendi, sed extendi, & quia per frigus affusæ aquæ aliquot gradus sui perdit, dicitur remitti.

[4. *Recipere magis & minus*] significat, vel adverbia *magis & minus* prædicari de qualitatibus, vel definitionem qualitatis in genere aut in specie magis uni qualitati quam alteri, huic quam illi, vel minus convenire. Si priori modo sumantur adverbia, conveniunt qualitatibus in concreto spectatis; dico enim recte, Petrus est magis doctus, Joannes est minus doctus: si secundo sensu accipiantur ista vocabula & applicentur qualitatibus in abstracto consideratis, nota ista fallit; quia non est verum, nec recte dictum, doctrina Petri, est magis doctrina, & Joannis est minus doctrina, quasi definitio doctrinæ, ejusque essentia magis competat doctrinæ Petri, quam doctrinæ Joannis; nam essentia & definitio cujuscunque rei in indivisibili sunt posite.]

5. Dicitur qualitas spectari in concreto, quando spectatur cum subiecto in quo est; sic doctus significat doctrinam in docto: in abstracto consideratur, quando consideratur absque subiecto in quo est; sic doctrina significat doctrinam animi, non significato homine docto, in quo est.

Quæst. XVIII Quæ tertia?

Res ab illa dici similes, aut dissimiles.

Duo entia, quæ conveniunt in substantia, dicuntur eadem; quæ non conveniunt in substantia, dicuntur diversa: quæ conveniunt in quantitate, dicuntur æqualia;

quæ non, inæqualia; vel paria, aut imparia: quæ conveniunt in qualitate, similia dicuntur; quæ non, dissimilia.

CAP.

CAPUT VII.

Quæst. I. Quid sunt relata?

Relata sunt, quæ, id ipsum quod sunt, aliorum esse dicuntur, vel alio aliquo modo ad aliud referuntur.

1. *Relata*) dicuntur à *referendo*; Græce Aristoteli *ῥεφέρεται* quasi dicas, quæ *ad aliud* scilicet sunt: nam relatio non inest proprie subiecto, uti quidem quantitas & qualitas; sed significat tantum respectum unius ad aliud.

2. *Aliorum vel alio modo*) id est, quæ de alio prædicantur in casu genitivo, vel in casu alio, dativo, ablativo, &c.

3. Distinguendum est relatum à relatione; hæc significat habitudinem ejus quod refertur, ad aliud ad quod refertur; at relata significant ea, quæ ad se invicem referuntur.

[4. Quantum differunt abstractum & concretum, tantum distinguuntur relatio & relatum: relatio enim est abstractum, ut paternitas, dominium; relatum est concretum, ut pater, dominus] Relatio nihil aliud est quam *relatio* sive habitudo unius ad aliud; relatum est id quod se habet ad aliud quocunque modo: itaque hæc duo non debent confundi, non magis, quam albor & album.

[5. Accidentia sunt duorum generum: alia sunt in subiecto, & vulgo vocatur physica, quæ sunt entia vera distincta à substantiis quibus insunt, ut quantitas & qualitas & exigunt subiectum inhesionis; alia non sunt pro-

prie in subiecto, sed ordinantur ac referuntur ad subiectum in quo non sunt, quod tamen denominant, & de quo prædicantur, unde exigunt subiectum denominationis aut prædicationis, & vocantur accidentia Logica: suntque relatio, & sex postrema reliqua prædicamenta. hæc, accidentium eorum quæ sunt vera entia, nomen non merentur, quia non sunt talia: sed sunt tantum modi fiendi, existendi, operandi, & denominationes extrinsecæ, quæ omnia impune possunt tribui Deo; unde non absurdum est, relationes Deo tribuere.]

6. Deo nulla accidentia tribui debent quæ insunt subiecto, ut quantitas & qualitas, hæc enim imperfectionem involvunt, & compositionem inferunt ex pluribus entibus realibus ac distinctis, nimirum ex substantia & accidente; sed in Deum non cadit imperfectio, nec talis compositio: at vero accidentia quæ non insunt subiecto, sed quæ illud tantum denominant, logica, non physica, Deo tribui possunt, quia nullam includunt imperfectionem, & nullam interunt compositionem, utpote quæ non sunt entia realia, ac distincta à substantiis, sed tantum habitudines, vel modi, vel denominationes

nes externæ, quæ omnia non hil interjecta, de quibus vide sunt entia realia, sed media negationis, inter ens reale & ni- Metaphysic. Burgerſicii lib. 1. cap. 3.

Quæst. II. Explica definitionem exempli.

Pater dicitur, *filii* pater; *dominus*, *servi* dominus; *majus* *minore* majus; *simile*, *simili* simile. Hæc enim referuntur ad aliud, hoc quod sunt, ideoque sunt relata. At *tenebra* dicuntur quidem *lucis*, verum non dicuntur *lucis* *tenebra*, sed *lucis* *privatio*; & *Alexander* dicitur quidem *Philippi*, sed non dicitur *Alexander Philippi*, sed *ſitus*. Hæc ergo dicuntur quidem aliorum, sed non dicuntur aliorum, hoc quod sunt; ac proinde non sunt relata.

Quæst. III. Quotuplicia sunt relata?

Duplicia; alia secundum dici, alia secundum esse.

Quæst. IV. Quæ vocas relata secundum dici?

Quæ cum sint res absolutæ, nomine tenus referuntur ad aliud: ut, *ſcientia* & *ſcibile*, seu id quod ſcitur; *ſenſus*, & *ſenſibile* seu id quod ſentitur.

Quæst. V. Quæ secundum esse?

Quorum tota eſſentia, conſiſtit in reſpectu ad aliud: ut, *pater* & *ſilius*, *maritus* & *uxor*.

[1. *Relata secundum dici*, primo, & per ſe ponuntur in prædicamentis aliis; ſic *ſcientia* & *ſenſus* ponuntur in prædicamento qualitatis: relata tamen vocantur, quia *ſcientia* non eſt, niſi ſit aliquid quod ſciatur; nec *ſenſus* eſt, niſi ſit aliquid quod ſentiat. Vocantur ergo *relata* reſpectu objecti ſui, ad quod referuntur.]

[2. *Scientia* & *ſenſus*, ſi ſpectentur in ordine ad ſubjectum, verbi cauſa, hominem, qui ſcit & ſentit, ſunt in prædicamento qualitatis; *ſcientia* enim eſt habitus, qui intellectum hominis reddit facilem ad ſciendum, & *ſenſus* eſt potentia qua homo à

natura aptus eſt ad ſentiendum; & ſic ambo ſunt entia absoluta: ſed quia nulla datur *ſcientia*, niſi detur res, quæ ſcitur, nec *ſenſus*, niſi detur res quæ ſentitur; propter illam habitudinem & reſpectum ſcientiæ & ſenſus ad objecta ſua, ambo collocantur in hoc prædicamento relationis.]

3. *Relata secundum esse* ſunt, quæ in nullo alio prædicamento quam relationis reponuntur, ille homo quidem qui eſt pater, eſt in prædicamento ſubſtantiæ; ſed pater non item.

4. *Relata secundum dici* ſunt, cum voces ex primaria ſignificandi vi ſignificant res abſolutas,

tas, in nullo respectu positas, ut *scientia*; hæc vox audita atque intellecta, infert animo notionem habitus, rei absolutæ: sed relata secundum esse sunt, cum voces ex prima significandi vi

significant res sitas in respectu ad aliud; ut vox *pater* audita & intellecta, menti importat notionem ejus qui genuit, cum respectu ad eum quem genuit.

Quæst. VI. *An non aliter etiam dividuntur relata?*

Dividuntur etiam in relata realia, & rationis.

Quæst. VII. *Quenam sunt realia?*

Quæ sua natura referuntur ad aliud: ut, *dominus & servus, magistratus & subditus.*

1. *Relata dicuntur realia*, quæ ex parte sui, nulla cogitatione hominis intercedente, inveniuntur ad se invicem referri: quem-

admodum Philippus est pater, & Alexander filius, nemine cogitante.

Quæst. VIII. *Quæ rationis?*

Quæ sola mentis opera referuntur ad aliud: ut, *dextrum & sinistrum.*

1. *Relata rationis dicuntur*, quæ ad aliud referuntur eatenus tantum, quatenus a mente humana cognoscuntur, extra quam cognitionem ad aliud non refe-

runtur; ut genus & species: & quod hoc sit sinistrum, illud dextrum, ab homine est, qui istam relationem & *transmutare* potest.

Quæst. IX. *An hæc omnia pertinent ad hanc categoriam?*

Non. Nam relata secundum dici, cum habeant essentiam absolutam, sunt aliarum categoriarum: [relata rationis, cum sint a mente, huc quoque non pertinent.]

[1. Est & alia divisio relatorum utilissima, in prædicamentalia & transcendentalia: priora dicuntur, quæ in hoc prædicamento tantum inveniuntur, ut, *pater & filius*; posteriora, quæ

transcendunt omnium prædicamentorum limites; ut *causa & causatum, subiectum & adjunctum, &c.* Huc proprie faciunt relata priora.

Quæst. X. *Quanam sunt in unaquaque relatione consideranda?*

Subiectum, fundamentum, terminus, relatum & correlatum.

1. Non est existimandum, quod hæc quatuor vocabula, subiectum,

ctum, terminus, relatum, correlatum, significant quatuor res; sed subjectum & relatum, significant unam eandemque rem, uti & terminus & correlatum: nempe Philippus absolute spectatus ut homo generans, dicitur subjectum; & Alexander, ut homo generatus, dicitur terminus; idem Philippus spectatus ut pater, cum respectu ad eum quem genuit, dicitur relatum: & idem Alexander spectatus ut filius, cum respectu ad eum a quo genitus est, dicitur correlatum. Fundamentum quoque interdum significat rem distinctam à subjecto & termino, interdum non, ut in commentat. quest. 12. dicitur.

2. Relatio, nihil est aliud, quam mutua rerum habitudo & respectus; Græce *συνεχισμός*, ut habitudo ab habere: itaque duo semper exigunt, unum

quod refertur; alterum ad quod refertur prius. [Atque hic inter omnia ad se invicem rerum respectus, extendit se latissime comprehenditque præterea rerum inter se convenientiam, atque à se invicem discrepantiam.] Id quod refertur ad aliud vocatur subjectum, id ad quod aliud refertur dicitur terminus. Hæc duo sunt in omni relatione; sed interdum aliqua causa datur, cur unum referatur ad aliud, eaque distincta ab utroque, & subjecto & termino; vocaturque fundamentum; interdum nulla datur causa, distincta à subjecto & termino, cur unum referatur ad aliud. Quando illud quod refertur, sc. subjectum, spectatur cum ista habitudine qua refertur ad aliud, vocatur Relatum: quando illud aliud, puta terminus, spectatur cum habitudine opposita vocatur Correlatum.]

Quest. XI. Quid est subjectum?

Subjectum est, cui inhaeret relatio. Sic melius; Subjectum est, quod refertur ad aliud.

1. Relatio proprie non inhaeret, sed significat habitudinem, & respectum, quod unum refertur ad aliud. Hoc quod refertur,

subjectum dicitur: sic Philippus, qui refertur ad Alexandrum, ut pater, est subjectum paternitatis.

Quest. XII. Quid fundamentum?

Fundamentum est, quo mediante, relatio inhaeret subjecto. [Melius; Fundamentum est, quo mediante, subjectum ad aliud refertur.]

1. Non omnia relata exigunt fundamentum distinctum à subjecto & termino, sed illa tantum, in quibus relatio non existit, subjecto & termino positis. Ita relatio dominii non existit,

etiam si existat Petrus & Paulus, subjectum & terminus; sed opus est, ut accedant conditio & locatio, dominii fundamentum: sed, ut existat relatio similitudinis inter duo ova, non requiritur

ritur fundamentum distinctum ab ipsis rebus similibus, aut earum essentia; nam unum ovum coexistens alteri ovo, eo ipso, alteri est simile.

[4. Omnis rerum convenientia & diversitas, nihil est aliud, quam unus rei ad aliam relatio: neque enim potest una res convenire cum alia, neque ab alia distingui, nisi una ad aliam referatur. Sic convenientia inter Petrum & Paulum, qua conveniunt in substantia, relatio est quædam, qua referuntur ad se invicem in quantum ambo sunt homines, ac conveniunt in communi natura humana, prout ambo constant ex anima & corpore; hæc convenientia duorum in substantia vocatur identitas: sic inter duo ligna, quæ ambo sunt decem pedum, & conveniunt quantitate, est relatio quædam, quæ hic dicitur æqualitas: sic convenientia ovi unius cum altero in

oblonga figura, & colore albo, est relatio unius ovi tanquam subiecti ad alterum tanquam terminum, & hæc dicitur similitudo. In hisce tribus relationum generibus, fundamentum non est distinctum a subiecto & termino, sed illis tantum existentibus, & ipsæ existunt relationes.]

[3. Totidem sunt oppositæ relationes diversitatis, inæqualitatis & dissimilitudinis: nempe cum duæ substantiæ a se invicem discrepant, ut homo & brutum, in eo quod homo sit substantia rationalis, brutum sit substantia irrationalis; hæc substantiarum discrepantia, seu diversitas, seu distinctio, est relatio quædam: sic inæqualitas duarum magnitudinum, quarum altera sit centum, altera sit decem pedum, est relatio quædam: sic dissimilitudo duarum qualitatum, ut alboris & nigroris, est relatio quædam.]

Quæst. XIII. Quid terminus?

Terminus est, cum quo subiectum in relatione comparatur.

Terminus) id est, ad quod subiectum refertur: sic Alexander est terminus paternitatis, quia ad eum Philippus refertur, ut pater,

Quæst. XIV. Quid est relatum?

Relatum, est subiectum cum relatione.

Relatum) non differt re ipsa a subiecto, sed tantum ratione ac respectu: sic Philippus spectatus cum paternitate, ut pater, est relatum; sine ea consideratus, est subiectum.

Quæst. XV. Quid correlatum?

Correlatum, est terminus cum relatione opposita.

Correlatum) idem quoque est cum termino; & differunt quoque solo respectu ac ratione: sic Alexander spectatus cum filiatione, ut filius, est correlatum; sine ea consideratus, est terminus.

Quæst.

Quæst. XVI. *Illustra hæc omnia exemplis.*

In relatione patris ad filium, subjectum est aliquis homo, puta, *Philippus*; fundamentum, *generasse*; terminus, alius homo *Alexander generatus*; relatum *pater*; correlatum, *filius*, Philippus enim propterea est pater Alexandri, quia Alexandrum generavit. Contra, in relatione filii ad patrem, subjectum est *Alexander*; fundamentum, *generatum esse*; terminus, *Philippus qui generavit*; relatum *filius*; correlatum, *pater*.

1. Ex exemplo hoc patet, relationes esse mutuas, hoc est, inter subjectum & terminum intercedere relationes duas; in quarum una quod fuerat subjectum fit terminus in altera, & vice versa. Relatio patris ad filium vocatur paternitas, incipitque à patre, & definit in filium: relatio filii ad patrem vocatur filiatio incipitque à filio, & definit in patrem: hinc, quod in una relatione est relatum, in altera est correlatum, & vicissim.

[2. Quod videantur relationes duæ non mutue, id proficiscitur ex defectu & inopia vocabulorum; sæpe enim fit, ut, vel relatio vel correlato, non sit positum idoneum vocabulum: sic relatio quædam est inter partem & totum, & sæpe alterutri significando non est posita idonea vox, ac tum, ut, appareat relationem esse mutuat, vocabulum aliquod est, fingendum, v. c. ala ut pars refertur ad totum, tanquam subjectum ad terminum, relatum ad correla-

tum; & hic est irrelatio mutua, sed quæ non apparet, quia termino sive correlato non est positum idoneum vocabulum: quodnam enim illud est? an avis? ut dicas, ala est avis ala; sed non licet reciproce dicere, omnis avis habet alas, dantur enim aves quæ carent alis: hic itaque, fingendum est vocabulum, & dicendum, omnis ala est alata ala, & omne alatum habet alas. Sic in alio exemplo, caput ut pars refertur ad totum, tanquam subjectum, & relatum ad terminum & correlatum: hic iterum termino & correlato nullum positum est nomen; nam non illud est vocabulum corpus; quamvis omne caput sit corporis caput, non tamen, vice versa, omne corpus est capitis corpus, quia dantur corpora quædam interdum *capitata*, id est, sine capite: ergo & hic fingendum est vocabulum, dicendumque, omne caput est capitati caput, & omne capitatum est capitis capitatum.]

Quæst. XVII. *An relatum & correlatum semper differunt appellatione?*

Non semper: sæpe enim idem nomen utriusque est:

D

ut,

ut, *amicus, hospes, rivalis, &c.* Atque hæc vocantur relata æquiparantiz. Cætera, quæ appellatione differunt, ut *dominus & servus, pater & filius*, dicuntur relata disquiparantiz.

Et Petrus, qui refertur ad Paulum in relatione amicitiz, vocatur amicus, & Paulus, ad quem

refertur Petrus, vocatur amicus; uterque eodem nomine.

Quæst. XVIII. Quot sunt notæ relatorum?

Quinque.

Quæst. XIX. Quæ est prima nota?

Habere contrarium. Amicus enim & inimicus, simile & dissimile, contraria sunt.

Sensus hujus notæ non est, quod relatum sit contrarium correlato, nam se mutuo ponunt; nam pater est filii pater, & contra; at contraria se mutuo tollunt: sed sensus est, quod subiectum unius relationis, sit contrarium subiecto alterius relationis; aut, quod fundamentum unius relationis, sit contrarium fundamento alterius relationis; non

quidem semper, & in omni relatione, sed interdum in quibusdam. sic *amicus & inimicus* sunt contraria, quia fundamentum unius, scil. amicitiz, est contrarium fundamento alterius, scil. inimicitiz, concordia animorum discordia: sic *simile & dissimile* sunt contraria, quia subiecta, v. c. altor & nigror, sunt contraria.

Quæst. XX. Quæ secunda?

Recipere magis & minus. Aliud enim alio similis est aut dissimilis ei cum quo comparatur.

1. Hæc nota non convenit omnibus relatis, ut nec precedens prima; sed iis tantum, quorum vel subiecta vel fundamenta contrarium habent, aut recipiunt magis & minus.

[2. Nota hæc, *recipere magis & minus*, convenit relatis in concreto spectatis, non in abstracto consideratis; ut & nota precedens, *habere contrarium.*]

Quæst. XXI. Quæ tertia?

Reciprocari: nam pater est filii pater, & filius vicissim est patris filius.

1. *Reciprocari* dicuntur, duo quæ in enunciatione convertuntur, hoc est, quorum subiectum ponitur loco prædicati, & vice

versa: hoc aut fit, vel in casu recto, vel in casu obliquo. In casu recto reciprocantur subiectum & proprium; in obliquo, relatum

tum & correlatum. Exemplum prioris est, homo & risibile; nam omnis homo est risibilis & omne risibile est homo: exemplum posterioris est in textu quæst. 21.

2. Reciprocatio relatorum, & conversio mutua subiecti ac præ-

dicati, sæpe non apparet, quia desunt vocabula idonea ad exprimendum vel subiectum, relatum, vel prædicatum, correlatum: & hinc fit, quod nonnullis videantur ac dicantur esse relationes non mutuz.

Quæst. XXII. *Quæ quarta?*

Esse simul natura: nimirum, quatenus relata sunt. Et si enim qui pater est, prius fuit quam filius; non tamen prius pater fuit quam filium haberet.

Subiectum prius quidem natura sæpe & tempore est terminus, v. c. Philippus Alexandro: sed relatum non est prius correlato; non enim prius est in Phi-

lippo ut sit pater, quam in Alexandro ut sit filius: simul enim & Philippus est pater Alexandri, & Alexander est filius Philippi.

Quæst. XXIII. *Quæ quinta?*

Esse simul cognitione; Unum enim relatum nequit sine altero cognosci.

1. Prius quidem potest cognosci subiectum, sc. ille homo qui est pater, quam terminus, sc. ille homo qui est filius; sed non cognoscitur prius aliquem esse patrem, nisi simul cognoscatur illum habere filium: sic cum cognosco Philippum esse patrem Alexandri, simul cognosco etiam Alexandrum esse filium Philippi.

[2. Illa res quæ refertur ad aliam, ut est res absoluta, prior natura est, sæpe etiam cognitione ac tempore, illa re ad quam refertur, prout & illa est res absoluta, & sic subiectum est

prius natura, & sæpe etiam cognitione ac tempore, terminus; sed tamen relatum nunquam aut natura, aut cognitione est prius correlato. Hoc est, quod scholastici efferunt suis terminis; Relata sunt simul natura & cognitione formaliter, non vero materialiter aut subjective: clarior; esse absolutum relati, prius natura aut cognitione est, vel saltem esse potest, esse absolutum correlati; sed esse respectivum unius, nunquam prius est ullo modo quæ esse respectivo alterius.]

CAPUT VIII.

Actio est [modus] à quo dicimur agere.

[1. *Actio & passio* constituunt duo prædicamenta, propter diversum modum prædicandi; alioquin, si respiciatur diversa entitas, non sunt diversa prædicamenta, quia non sunt diversa entia: vocantur autem una voce communi *modus*, qui, ut est à movente, dicitur actio, ut est in mobili, dicitur passio; ut calefactio est actio in quantum est ab igne, & est passio in quantum est in aqua, quæ calefit.]

2. *Actio & passio* non sunt duæ diversæ res, sed sunt unius ejusdemque rei habitudines diversæ, quibus refertur dum fit, nunc ad agens, & dicitur actio, nunc ad patiens & dicitur passio.

[3. Quando categoria dicitur *series rerum*, vox ista *rerum* sumenda est latissime, prout comprehendit & vera entia, & verorum entium modos.]

[4. Voca ens sumitur vel latissime, pro eo quod est aliquid, & non est nihil; sic comprehendit non tantum substantiam & accidens, sed & illa quæ neutrum sunt, ut privationes, relationes, modos rerum: vel strictius, pro ente reali, quod est vel substantia, vel accidens, vel Deus, vel creatura, & sic excludit relationes, privationes, ac modos entium. Totidem modis sumitur vocabulum res: ac latissime quidem accipitur in definitione categoriæ, quando definitur series rerum; & sic actio & passio,

quamvis sint medi, sub hac latissima significatione voculæ res constituunt prædicamenta.]

[5. Per *modus* intelligo aliquid in rebus, quod non est res ipsa, quod non est nihil: suntque modi, vel fiendi, vel essendi, ut unitas, vel existendi, vel operandi; id est, res diverso modo vel existunt, (Deus existit independenter, creatura dependenter à causa efficiente; substantia per se, accidens in alio ut subiecto) vel operantur & fiunt, vel sunt. Actio & passio sunt modi quibus res operantur & fiunt: sic calefactio non est ipse ignis qui calefacit, non aqua quæ calefit, non calor qui fit; non est tamen nihil, sed est ipsum fieri caloris, & modus quo ignis operatur, & calorem efficit in aqua.]

[6. *Modus*) nullus, est vel substantia, vel accidens, quia nullus est ens reale, quod in substantiam & accidens dividitur: sic nullus modus est Deus, vel creatura, quia nullus est ens reale, quod in Deum & creaturam dividitur: sed omnis modus est vel in substantia, vel in accidente, vel in Deo, vel in creatura; estque medium negationis inter omnia ista, quia de omnibus istis, quatenus sunt talia, modus negatur.]

[7. Deus dicitur existere independenter, quia à nullo existentiâ

stentiam suam accepit; creatura dependenter, quia eam accepit à Deo: substantia dicitur existere per se, quia nulli creaturæ existentiam suam debet; accedens existere dicitur in alio ut in subiecto, quia existentiam suam debet substantiæ creatæ, cui inest, tanquam subiecto inhærentis.]

[8. *Modus* in genere potest describi, quod sit aliquid veri entis ac realis, quo illud vel fit, vel est, vel existit, vel operatur; atque tam late sese extendit, ut non tantum in rebus creatis, sed & in Deo inveniatur, in quo sunt tres modi subsistendi, constituentes tres personas, Patrem, Filium & Spiritum S. sunt & modi operandi, creatio, conservatio, cooperatio. In creaturis, tum substantiis tum accidentibus, varii occurrunt modi; & quibus fiunt, & quibus sunt; & quibus existunt, & quibus operantur.]
Actio est *modus*, quo res operatur.
Passio est *modus*, quo res fit.

[9. Norandum autem bene est, nunquam debere confundi modum cum illa re, cujus est modus; sic calefactio est modus quo ignis calefacit, & qua calefit, neque debet illa confundi cum igne, neque cum aqua, nam distinguitur ab utroque: sic in alio exemplo, gradus luminis, quibus illud in meridie est lucidius, circa auroram & crepusculum est mi-

nus lucidum, sunt modi luminis, & distincti ab ipso lumine; sic & gradus caloris, quibus nunc magis nunc minus incalescit, sunt modi caloris. Ubi & Quando sunt modi existendi: *Actio* est modus operandi respectu agentis, est modus fiendi respectu termini ad quem, est modus existendi respectu patientis.]

10. *Actio* & *passio* diversas constituent categorias, propter modum prædicandi diversum; alia enim est quæstio, quid agit res, & alia, quid patitur, sunt quoque inter se distinctæ aliquo modo; nam aliud est verberare, aliud vapulare; aliud calefacere, aliud calefieri: attamen non sunt aut modi aut motus diversi, multo minus res diversæ; nam unus idemque est *modus*, & motus & operatio, qua ignis calefacit ut agens & aqua calefit ut patiens; qua Petrus verberat, & Paulus vapulat. Quemadmodum eadē est via, qua Haga Leidam, & Leida Hagam tenditur, & idem est spatium in monte, quod respectu fastigii est acclive, respectu basis est declive; ita quoque eadem est operatio & actio respectu agentis, ut calefactio respectu ignis, & passio respectu patientis, ut eadē calefactio respectu aquæ: sic quoque est eadem calefactio qua frigus expellitur, tanquam terminus à quo, & calor acquiritur, ut terminus ad quem, in aqua.

Quæst. II., Quid est agere?

Agere est aliquid efficere.

Quæst. III. *Quid est passio?*

Passio, est [modus] à quo dicimur pati.

Quæst. IV. *Quid est pati?*

Pati, est recipere effectum agentis.

1. *Pati*) hic non significat tollerare aut perferre; nam sic paries, tanquam res inanimata, dici non posset pati; attamen patitur, quando denigratur, & sic sumitur vox passio, in definitione patibilis qualitatis.

[2. *Effectum*) vel realem ut cum manus recipit calorem ignis; vel intentionalem (qui sic dicitur, quia intenditur ut medium sentiendi aut intelligendi) ut cum oculus recipit species seu imagines rei visæ.]

Quæst. V. *Da exempla:*

Generare, augere, calefacere, movere, &c. sunt actiones: *generari, augeri, calefieri, moveri,* sunt passiones.

Quæst. VI. *Quanam sunt in actionibus spectanda?*

Agens, patiens, terminus à quo, & terminus ad quem.

[1. In omni actione tria semper inveniuntur, *agens, terminus à quo, terminus ad quem*; sed non semper inveniuntur *patiens*, verum tunc tantum, quando terminus ad quem actio terminatur, est accidens, quod requirit substantiam tanquam subiectum inhaesionis; ita calor, terminus ad quem calefactionis, quia est accidens, requirit substantiam in qua sit, atque hæc est subiectum, sive patiens, in quo est calefactio: sed cum terminus ad quem actionis est substantia aliqua completa, actio non requirit subiectum sive patiens: ut in creatione est tantum agens Deus; terminus à quo, non esse creaturæ; terminus ad quem, esse completum creaturæ; sed nullum est patiens aut subiectum, in quo sit creatio, Deus enim omnia creavit ex nihilo.]

[2. Substantia completa dicitur, quæ utramque sui partem obinet essentialem: substantia incompleta dicitur altera pars essentialis, vel materia tantum, vel forma tantum.]

[3. Quando Deus dicitur omnia creasse ex nihilo, id dupliciter intelligi potest: vel ex nihilo materiæ sive subiecti, cum nulla creationem præcedit materia aut subiectum, quæ dicitur creatio immediata, quo modo Deus creavit cælum & terram; vel ex nihilo sui, sive termini ad quem, quando quidem præcedit creationem aliqua materia, sive subiectum, sed tamen in illa, aut in illo, nihil præcedit ipsius rei creandæ, quæ dicitur creatio mediata, quo modo Deus creavit Adamum ex gleba terræ, & Evam ex costa Adam; nam nihil Adami creandi

di erat in ista gleba terræ, nec Evæ erat creandæ in costâ Adam, ante utriusque creationem.]

4. *Agens* est principium à quo est actio. *Patiens* est subiectum in quo est actio. *Terminus à quo* est id, quod in actione deponitur atque amittitur. *Terminus ad quem* est id quod per actionem acquiritur & possidetur.

5. Oppositio inter terminum à quo & ad quem, est vel priva-

tiva, quando terminus à quo est privatio termini ad quem, ut in illuminatione, tenebræ sunt privatio lucis; vel est contraria cum terminus à quo est res positiva, vere opposita termino ad quem, ut in calefactione, frigus est calori contrarium. Cum terminus à quo & terminus ad quem opponuntur privative, actio est perficiens; cum contrarie, corrumpens.]

Quæst. VII. *Declara hæc omnia exemplis.*

In calefactione, agens est ignis aut sol; patiens, is qui calefit; terminus à quo, frigus; terminus ad quem, calor, à quo calefactio nominata est. Similiter in generatione hominis, agens est pater; patiens, semen; terminus à quo, privatio humanæ formæ in semine, sive, non esse hominem; terminus ad quem, is qui generatur: nam qui generatur, ex non homine fit homo.

Quæst. VIII. *Quot sunt notæ actionis & passionis?*

Dux; *habere contrarium, & recipere magis & minus*: nam calefactio frigefactioni contraria est; & alia magis, alia minus calefaciunt aut frigefaciunt, calefiunt ac frige fiunt.

1. Hæ notæ non conveniunt omni actioni aut passioni; sed tantum iis quæ habent terminos ad quem contrarios, aut recipientes magis & minus,

[2. Dicitur actio *habere contrarium*, id est, una actio alteri contraria est, propter terminos ad quem contrarios; id est, quando terminus ad quem unius actionis, est contrarius termino ad quem alterius actionis: ut v. c. exsiccatio est contraria humectationi, quia exsiccationis termi-

nus ad quem, *siccitas*, est contrarius humectationis termino ad quem, *humiditas*. Quando terminus ad quem unius actionis, non est contrarius termino ad quem actionis alterius, actio non habet contrarium; sic *figurare* non habet actionem contrariam, quia terminus ad quem figurationis est quantitas aut figura; at quantitas aut figura non habet contrarium; figura enim sexangularis, non est contraria octangulari. Interdum una actio alteri contraria est non

quia termini ad quem utriusque sunt contraria, sed quia uni eademque; utriusque termino ad quē accidunt contraria: sic generatio & corruptio, auctio & diminutio, sunt contraria, quia substantiæ

& quantitati, quæ contrarium non habent, accidit, isti esse & non esse, huic, magnum & parvum. Hæc eadem applicanda sunt notæ secundæ de receptione *magis & minus*.

CAPUT IX.

Quæst. I. *Quid est ubi?*

Ubi est modus, [sc. existendi] quo res finitæ alicubi esse [i. e. existere] dicuntur.

[1. Cum modus sit triplex, scendi, essendi, id est, existendi, & operandi, *Ubi est modus* secundæ generis. Existere autem dicitur id quod stat, id est, constitutum est in hoc universo, sive rerum natura, extra causas suas producentes.]

[2. Modus, quo res finitæ alicubi sunt, duplex est: unus, qui convenit corporibus; alter, qui spiritibus. Corpora alicubi sunt *circumscriptione*, id est, ita ut ab aliis corporibus circumscribantur, & alia excludant ex eodem loco. Causa est quantitas; quia si duo corpora possent esse in eodem loco, daretur corporum ac dimensionum penetratio: ideoque, quo loco est corpus Pauli, eo non est corpus Petri. At spiritus sunt alicubi *definitione*, id est, definiuntur quidem certo spatio, ut hic sint, & non alibi, multo minus ubique (hoc enim soli Deo convenit); ita tamen sunt in spatio, ut non circumscribantur à partibus spatii, neque ex eodem spatio alia corpora excludant, quia quantitate carent, ideoque nulla hic est dimensionum penetratio: ita potest angelus esse in eodem

spatio in quo est Petrus, & anima est in eo spatio in quo est corpus.]

[3. Circumscribi ab alio corpore dicitur id, quod sic est in loco, ut partes ejus respondeant partibus loci: ita ut quæ pars corporis, verbi causa, pes, est in una parte loci, in eadem non sit pars alia corporis, ut caput; quo enim loco pes est, eodem non est caput.]

[4. Dimensio vocatur in philosophia, magnitudo qua unumquodque corpus potest mensurari: estque triplex, longitudo, latitudo, & crassities; unde omne corpus dicitur præditum trinâ dimensione. Penetratio dimensionum vocatur, quando unius corporis longitudo, aut latitudo, aut crassities, est in eodem loco in quo est alterius corporis qualiscunque dimensio; quod si possibile esset, jam unum corpus fieret ac foret alterum, & non amplius essent duo corpora, sed unum corpus: nam, quemadmodum physicae dimensiones si invicem penetrant, fieret una dimensio; sic & materia unius corporis, quæ penetrat materiam alterius corporis,

poris, sit eadem cum illa, consequenter unum corpus sit aliud, atque sic non erit amplius unum: ergo duo corpora non possunt esse in eodem loco simul, quia hinc sequeretur dimensionum & materię penetratio, quę est impossibilis; qua admissa, duo corpora non amplius essent duo, sed facta essent unum, quod est contra hypothesin ipsam adversarium.]

[5. Notandum est, omne quod existit, esse in loco. Deus est in omni loco; omnia enim replet, quia immensus est; & ideo *ubi*, in quo est Deus, vocant *repleti-vum* philosophi: Creaturę sunt in certo loco, non omni; verum

modo diverso, qui expositus est nunc.

6. Nota, in hoc prædicamento collocari, non rem quę est in loco, illa enim ad substantiam pertinet; non ipsum locum, qui pertinet ad quantitatem; sed modum, quo creatura est in loco. Nota insuper, vocem *ubi* non hic sumi interrogative, ut cum dico, *ubi* est Petrus? sed definitive, pro ubicunque: idemque dicendum est de *quando*. Et, si liceret per Latine linguę genium, melius hoc prædicamentum vocaretur *ubietas*, quam *ubi*; quia significatur tantum ratio & modus existendi in loco.

Quęst. II. Quomodo differt *ubi* à loco?

Locus, solis corporibus tribuitur; *ubi*, etiam spiritibus. Deinde, *loci* vocabula pertinent ad quęstionem, qua quęritur, *quanta* res sit; at vocabula hujus categorię spectant ad quęstionem, qua quęritur, *ubi* aut *unde* res sit, vel *qua* & *quo* abierit; ut, *domi, foris, ruri, in foro, in curia, &c.*

[Quia *locus* ab Aristotele definitur per superficiem, & superficies est species quantitatis, & quantitas soli corpori convenit; ideo locus pertinet ad quantitatem, & tantum convenit corpo-

ribus: at si locus definiatur per spatium rei locatę, etiam angeli & spiritus dici possunt esse in loco. Locus strictę dictus competit corporibus solis; sed late sumptus, etiam spiritibus.]

Quęst. III. Quid est quando?

Quando est modus, [sc. existendi,] quo res finita aliquando [existere, seu] esse, fuisse, aut fore dicuntur.

1. *Finite*) id est, creatę: nam Deus non aliquando, sed semper esse dicitur, quia est æternus.

[2. Quodcunque existit, existit in tempore. Deus est in omni tempore, quia ab æterno fuit, in æternum est, & erit. Creaturę

existunt in certa temporis parte, nam aliquando non fuerunt, quędam nunc sunt, quędam adhuc erunt. Sed modus quoque hic diversus est, quo res creatę sunt in tempore; nam spiritus alio modo, quam corpora dicuntur

cuntur esse in tempore : nempe, cum tempus dicat successionem partium (nam unus dies alium sequitur, & hora una aliam) corpora quoque habent in se suarum partium successionem, spiritus vero, non item : unde, ut nullæ

spiritus partes respondent partibus loci, ita nec respondent partibus temporis.]

3. Nota hic quoque, quando non sumi interrogative, ut, cum dico, quando veniet Petrus ? sed definitivè, pro aliquando.

Quæst. IV. Quomodo differt quando à tempore ?

Eodem fere modo, quo ubi à loco. Nam tempus proprie tribuitur rebus physicis, quæ in successione consistunt, & mutationibus obnoxie sunt : quando tribuitur etiam rebus permanentibus. Deinde, temporis vocabula solvunt quæstiones quæ sunt per *quandiu*; vocabula hujus categoriæ solvunt quæstiones, quæ fiunt per *quando*; ut, *hodie, cras, heri, æstate, vere, calendis, nonis, consule Manlio, &c.*

[1. Tempus ideo tribuitur corporibus tantum, quia consistit in partium, id est, præteriti & futuri, successione, quæ in solis corporibus locum tenet, in quibus una pars alteri succedit, quod patet ex eorum incremento: cum enim manus crescit, aut digiti, aut totus homo, una particula in accretione ad alterum accedit. Sed quia angeli non crescunt, nec habent partes sibi invicem succedentes (nam essentiam possident totam simul :) hinc est quod eorum duratio non dicatur tempus, sed ævum. Præterea, tempus est species quantitatis continuæ, i-

deoque iis convenit tantum quæ quantitatem habent continuam : at eam habent sola corpora, non spiritus : ergo tempus est tantum corporum.]

3. Nota ex textu, res recte dispesci in *successivas*, ut corpora ; & *permanentes* ut spiritus.

4. Res successivæ sunt, in quibus dantur partes essentiae, quæ diversis temporis partibus sibi invicem succedunt : ut fit in omnibus corporibus. Res permanentes sunt, in quibus nullæ sunt partes, quæ diverso tempore sibi invicem succedant; at non sunt tales in angelis & animabus rationalibus.

Quæst. V. Quid est situs ?

Situs, est modus seu ordo partium [sc. integrantium] inter se : ut *sedere, stare, pronum, supinum esse.*

[1. Partes integrantes sunt quæ loco & situ à se invicem distant; ut, pes, caput, &c.]

2. Ordo partium) qui à natura est, ut, quod caput loco supremo sit, pedes infimo, vocatur situs

naturalis : qui est à voluntate, dicitur voluntarius, ut, *sedere, stare, &c.*

3. Situs) tantum invenitur in corporibus, quia sola corpora partes habent, spiritus, non item.

Quæst.

Quæst. VI. *Quid est habitus?*

Habitus est modus, quo vestis, aut aliquid instar vestis, corpori circumpositum, appensum, aut alio aliquo modo adjunctum est: ut, *vestitum, armatum, togatum, galeatum, hastatum, barbarum, tapetibus instratum esse, &c.*

[1. *Habitus*) hoc loco distingui debet ab habitu in prima specie qualitatis, & ab habitu qui opponitur privationi, de quo cap. 22. quæst. 12.] 2. *Habitus* hic nec significat vestem, nec substantiam quæ vestitur, sed modum quo vestitur.

CAPUT X.

Quæst. I. *Atque hæc de thematum simplicium categoriis; quid porro sequitur?*

Affectiones, quas diximus ex varia rerum in categoriis dispositarum collatione oriri.

[1. *Affectiones*) thematum simplicium, vel sunt philosophicæ, vel logicæ: illæ reales, hæc notionales dicuntur. ac rationis. Hic intelliguntur *affectiones* logicæ, seu notionales, seu rationis, quæ conveniunt rebus, in quantum menti proponuntur cognoscendæ: nam affectiones reales, seu philosophicæ, quæ conveniunt rebus in se & natura sua, absque respectu ad mentem cognoscentem, in aliis disciplinis ac philosophiæ partibus traduntur. Exempla affectionis philosophicæ. sunt risibilitas, eruditio, probitas, magnitudo, &c. in ho-

mine; figura, color, &c. in lapide. Exempla affectionum logicarum, sunt genus, species, &c.]

[2. *Affectiones logicæ* sic dicuntur, quia in Logica explicantur: vocantur & *notionales*, quia earum adminiculo res noscuntur: vocantur & *rationalis*, quia ratio intelligens iis utitur tanquam instrumentis. Contra, affectiones *philosophicæ* dicuntur, quæ in aliis præter Logicam, philosophiæ partibus doceri solent: vocantur & *reales*, quia rebus conveniunt per naturam suam, sive cognoscantur ab intellectu, sive non.]

Quæst. II. *Quotuplices sunt affectiones [sc. rationis] thematum simplicium?*

Duplices; aliæ sunt simplices, aliæ conjunctæ.

Quæst. III. *Quas vocas simplices?*

Quæ singulæ singulis rebus seorsim conveniunt: ut, prædicabilia, totum & pars, causa & causatum, subjectum & adjunctum,

Affectus

Affectio simplex dicitur, quæ mundus; res una alia est subiectum, in una aliqua re invenitur; ita ut paries; alia adjunctum, ut albor: vid. c. 20. quæst. 1. in com.

Quæst. IV. *Cur vocas has affectiones simplices?*

Quia, licet genus, *animal*, referatur ad speciem, *hominem*; totum, *corpus*; ad partem, *caput*; causa, *Deus*, ad causatum, *mundum*; subiectum, *homo*, ad adjunctum, *rifibilitatem*; alterumque sine altero non consistat; unaquæque tamen res seorsim, genus, totum, causa, aut subiectum dici potest.

Exempli gratia, corpus non fit totum, nisi in respectu, ad membra tanquam partes: tamen esse totum, convenit uni rei, puta,

corpori, sicut esse partem, convenit uni quoque rei, puta, vel manui, vel pedi, &c.

Quæst. V. *Quid sunt prædicabilia?*

Prædicabilia sunt, quæ de pluribus vere, proprie, naturaliter atque immediate affirmantur.

[1. *Prædicabilia*) debent distinguî à prædicamentis. Licet utraque vox deriveretur à prædicando; hoc discrimen est: quod prædicamenta significant ipsas res quæ prædicantur, prædicabilia modum quo prædicantur, sic homo & animal, ambæ istæ res, sunt in prædicamento substantiæ; sed cum animal dicitur de homine, modus ille quo prædicatur, ut genus de specie, est inter prædicabilia inveniendus, genus enim & species sunt prædicabilia: modus autem quo animal prædicatur de homine hic est, quod prædicetur de eo in quid, & de pluribus specie differentiibus prædicetur; nam prædicatur non tantum de homine, sed & de bruto, quæ sunt duæ species distinctæ: atque hic modus prædicandi facit animal genus, hominē speciem, utrumque prædicabile.]

[2. Exstat in Aristotelis organo tractatus cujusdam Porphyrii, sub nomine *εἰσαγωγῆς*, in quo agit de prædicabilibus, qui ab interpretibus Aristotelis præmitti solet doctrinæ categoriarum, quia in eo explicantur hæc nomina, genus, species, differentia, proprium, accidens, quia horum vocabulorum maximus est usus in categoriis intelligendis; nam in illis, sub uno summo genere disponuntur species cum suis differentiis, & proprietatibus sæpe, atque accidentibus. Eum tamen ordinem non secutus est author, quia hæc prædicabilia oriuntur & eruantur ex rebus per categoriarum classes dispositis, inter se collatis, & à se invicem abstractis, eo, quo capite tertio explicatum est, modo: itaque primum dispositionem oportet

portet cognoscere, ipsam in categoriis rerum dispositionem, ex quarum comparatione & aliæ affectiones rationis oriuntur, antequam & ipsa & hæ tradantur.]

[3. *Prædicabile in genere* quidem dicitur de omni eo, quod de altero enunciatur, sive affirmetur sive negetur : sed speciatim hoc loco dicitur de iis quæ affirmantur de alio, sic, ut quæ de alio negantur, huc non pertineant. Prædicabilia dicuntur aliis Logicis universalia, non tamen bene : quia non omnia prædicabilia prædicantur de pluribus, ut quidam universalia ; solum enim genus & species prædicantur de pluribus, nempe genus de pluribus speciebus, quia natura generis pluribus speciebus inest ; & species de pluribus individuis, quia natura speciei pluribus individuis inest : sed differentia, proprium, & accidens, sunt quidem prædicabilia, non tamen universalia, quia, si referantur ad subiecta sua quibus insunt, prædicantur tantum de uno, quia uni tantum insunt. Si dicas, rationalitatem, quæ est differentia, & risibilitatem, quæ est proprietas, inesse pluribus hominibus, scilicet Petro, Paulo, Joanni, &c. respondeo, id quidem verum esse, sed non sunt tamen aut differentia, aut proprietas Petri, Pauli, Joannis, &c. sed ipsius atque unius hominis, de quo immediate prædicantur, solum : non sic de Petro, Paulo, Joanne ; quod enim de iis dicantur, id fit, quia sunt homines : & cum rationalitas ac risibilitas prædicantur de

rationalitate Petri, Pauli, Joannis, amittunt & deponunt notionem & rationem differentie ac proprii, atque induunt notionem ac rationem generis vel speciei : atque idem dicendum est de accidente, quod omne & unumquodque, quia uni inest subiecto (neque enim unius albor potest inesse pluribus subiectis,) de uno quoque tantum dicitur subiecto ; sed cum albor prædicatur de albore parietis, chartæ, nivis, lætis, &c. non habet rationem accidentis, sed, vel generis, vel speciei. Itaque prædicabilia non tantum de pluribus, sed & de uno prædicantur, ut differentia, proprium, & accidens, quatenus sunt talia, id est prædicabilia. Ita rationalitas, ut differentia est, dicitur de uno & solo homine : risibilitas, ut est proprium, de eodem tantum : color, ut est accidens, de corpore tantum. Quando ista tria prædicantur de pluribus, verbi causa, rationalitas & risibilitas de rationalitate & risibilitate Petri, Pauli, Joannis, &c. color de albore, nigrore, rubedine, &c. non sunt amplius differentia, proprium, & accidens sed prædicantur ut genera & species, respectu eorum de quibus dicuntur ; & quia prædicantur de pluribus, dicuntur universalia, sicut quoque ipsa genera & species : sed cum prædicantur de uno tantum, non sunt universalia, sed prædicabilia solum.]

4. *Vere* id est, non falso : quæcunque igitur prædicantur falso, non sunt prædicabilia : ut cum dico, *Lapis est homo, homo,*
quia

quia prædicatur falso de lapide, non est lapidis genus, nec species nec differentia, nec proprium, nec accidens.]

5. Prædicatio *propria* dicitur, quæ fit verbis usitatis in nativa significatione; ut, *homo est animal*.

6. *Impropria*, quæ fit verbis tropicis; ut, *mors est somnus*.

7. Prædicatio *naturalis* est, cum prædicatur superius de inferiori; ut, *homo est animal*: concretum de abstracto; ut, *lac est dulce*: accidens de substantia; ut, *homo est doctus*: si contra fiat, prædicatio est non naturalis.

[8. Prædicatio *immediata* est, quando inter prædicatum & sub-

jectum nullum est subjectum medium; ut, *animal sentit*: *mediata*, contra; ut, *Petrus sentit*; nam inter *Petrum* & *sentit*, medium subjectum est animal; Petrus enim sentit, quia est animal, vid. lib. 2. cap. 22. quæst. com. ult. pag. 214. Talis prædicatio dicitur *immediata ex parte subjecti*, ac distinguitur à prædicatione *immediata ex parte causæ*, quando non datur causa media, cur prædicatum subiecto insit.]

9. Notandum est, has conditiones in definitione generali prædicabilium positas, esse repetendas ad speciales singulorum prædicabilium definitiones.

Quæst. VI. Quot sunt prædicabilia ?

Quinq: genus, species, differentia, proprium, accidens.

C A P U T XI.

Quæst. I. Quid est genus ?

GENUS est, quod de pluribus specie differentibus prædicatur, in quæstione qua quæritur, quid res sit; ut,

Quid est homo, aut bestia ? animal. Quid pyrus, aut pomus ? arbor.

1. Genus *generis* est *Prædicabile*; quod hic. & in reliquorum prædicabilium definitione subintelligitur.

2. Variæ sunt formulæ, quibus aliquid de re aliqua quæri potest: sed duæ potissimum eminent, scilicet, *quid res sit*, *qualis sit*, atque hæc tantum spectantur in prædicabilibus. Dicitur vero hoc vel illud prædicabile prædicari in hac vel illa quæstione,

qua responderetur ad quæstionem hanc vel illam de re institutam. Genus & species tantum prædicantur ad quæstionem factam hac formula, *quid est hæc aut illa res ?* Differentia, proprium & accidens, ad quæstionem factam hac formula, *qualis est hæc aut illa res ?*

3. Genus prædicatur in *quid*, sed imperfecte ac confuse: ut, si quis roget, *quid est Petrus ?* atque

que ipsi respondeatur, *est animal*, eo ipso, tantum imperfecte & confuse cognoscitur natura Petri. Species prædicatur in quid perfecte, attamen confuse: ut, si quis roget, *quid est Petrus*? atque ipsi respondeatur, *est homo*; cognoscitur quidem perfecte natura Petri, non tamen distincte; utraque enim pars essentialis Petri, materia ejus & forma, puta, corpus & anima ejus rationalis, involvuntur ambo in una voce, *homo*. Sed definitio prædicatur in quid & perfecte & distincte: ut, si quis roget, *quid est Petrus*? & ei respondeatur, *est animal rationale*, eo ipso, perfecta cognitio Petri gignitur, & distincta partium ejus.

[3. Specie dicuntur differre, quæ differunt essentialiter, id est, quæ ita sese habent, ut aliqua pars essentialis inveniatur in uno, quæ non inveniatur in alio: sic in homine invenitur anima rationalis (pars ejus essentialis) quæ non invenitur in bruto; & in bruto invenitur anima irrationalis, (pars ejus essentialis) quæ non invenitur in homine.]

4. Solent in philosophia hæc duæ phrasæ distingui; differre essentialiter, & differre essentia. Individua, ut Petrus & Paulus, differunt essentia, sed non essentialiter: species, ut homo. & brutum, differunt essentialiter. Differre essentia dicuntur illa, quæ sic se habent, ut essentia unius non sit essentia alterius, licet nulla pars essentiæ inveniat in uno, quæ non item reperiatur in altero: sic essentia Petri non est essentia Pauli, nec e-

nim materia & forma ejus, corpus & anima rationalis illius, sunt materia & forma, corpus & anima rationalis alterius, scilicet Pauli, nulla tamen pars essentiæ est in uno, quin eadem sit in altero: uti enim materia Petri est corpus organicum, forma est anima rationalis: ita materia quoque Pauli est corpus organicum, & forma est anima rationalis. At vero, quæ differunt essentialiter, sic se habent, ut in uno sit vel alia materia, vel alia forma, quàm est in altero: sic in bruto quidem est eadem materia, quæ in hominē, corpus scilicet utrobique organicum, sed in homine forma est alia, anima scilicet rationalis, quæ non est in bruto; & ideo non tantum essentia, sed essentialiter differunt. Quæ essentia, tantum differunt numero; quæ essentialiter, differunt specie.]

5. Partes essentielles compositi, sunt materia & forma: quando earum altera invenitur in uno composito, non item in alio, ea dicuntur differre specie: sicuti contra, quando materia & forma eadem reperiuntur in compositis duobus, ea dicuntur differre numero, quia materia & forma unius compositi non est materia & forma alterius compositi.]

6. Verba significantia actum in definitionibus; plerumque per potentiam explicari debent: sic, prædicatur hic significat, quod prædicari potest; & in definitione accidentis, quod adest & abest, id est, adesse & abesse potest.

Quest.

Quæst. II. *Quid est species?*

Species est, quæ collocatur sub genere, ita ut de ea genus prædicetur in quæstione, qua quæritur quid sit.

Species collocatur sub genere) directe, secundum gradus superiores & inferiores; differentia indirecte, secundum gradus collaterales; species enim (ut homo) collocatur directe descendendo ab animali, sub animali; sed diffe-

rentia (rationale) non collocatur directe sub animali, sed à latere, quod liquere potest inspicienti tabulas prædicamentales à Keckermanno, Eustachio, aliisque consecras.

Quæst. III. *Quotuplex est genus?*

Duplex: summum sive generalissimum, & medium sive subalternum.

[Quomodo dividitur genus? Alium est remotum, aliud proximum. Remotum est, inter quod & speciem, aliud intercedit genus: proximum, inter quod & speciem, nullum intercedit genus, atque hoc semper est unum,

illud scil. quod in categoria proxime adjacet species; remota vero genera sunt numero plura: sic hominis genus proximum, est solum animal; remota sunt, vivens, mixtum, corpus, substantia.]

Quæst. IV. *Quotuplex species?*

Item duplex: infima sive specialissima, & media sive subalterna.

Quæst. V. *Quid est genus summum?*

Quo non est aliud superius genus.

[1. Genus summum & species infima opponuntur; nam genus summum nunquam est species, & species infima nunquam est genus; sed genus subalternum & species subalterna non opponuntur; nam eadem res simul est, & genus subalternum, & species subalterna, sed respectu tamen diverso, sic, verbi causa, substantia nunquam est species, homo nunquam est genus; corpus, mixtum, vivens, animal, sunt vel genera vel species; genera, quotiescunque referuntur

ad illa, quæ in tabulis prædicamentalibus sunt infra se; species, quando referuntur ad illa quæ sunt supra se.]

[2. An species, dicta infima, tantum debeat dici species, ut homo, & nunquam genus; atque, an individuum, ut Petrus, tantum debeat dici individuum, & nunquam species; gravissima est inter Peripateticos & Ramæos quæstio: illi affirmant, & sic quoque author noster; hi negant; nam Ramus diserte in sua Logica hominem vocat genus, &

& Petrum ac Paulum aliaq; individua vocat species. Quod si illa tantum sunt species, quæ constant genere & differentia specifica seu essentiali, non videntur individua esse species, quia hæc talem differentiam non habent: differentia enim essentialis desumitur à forma: ut rationalitas, ab anima rationali; sed in individuis non sunt diversæ formæ; ergo quoque non habent differentiam essentialem, quæ speciem

novam constituat; ideoq; specifica non est, nisi hîc cum Ramo dicas & Ramæ s, differentiam essentialem inter Petrum & Paulum quidem dari, sed utramque esse ignotam.]

3. Genera summa sunt decem, totidem puta, quot sunt categoriæ. Si daretur genere summo aliquid *superius*, non esset genus *summum*: summo enim nihil est *superius*.

Quæst. VI. Quid est species infima?

Quâ non est alia inferior species.

1. Species *infima*, dicitur aliis *ima* vel *specialissima*, quæ proxima est individuis; ut, homo, qui proximus est Petro, Paulo, &c.

2. Si daretur species *inferior* *infima*, tum illa non esset *infima*. Datur quidem aliquid *inferius*

specie *infima*: sed vero illud non est species, sed individuum, quia non est universale, sed singulare; at species est universale. sic homines inferiores sunt Petrus, Paulus, Joannes; sed hi non sunt species: verum individua, quod patet ex c. 2. quæst. 9.

Quæst. VII. Quid est genus subalternum?

Quod respectu inferioris est genus, & respectu superioris species.

Genus *subalternum*, respectu inferioris prædicatur, respectu superioris subjicitur; quod li-

quet ex quæst. 9. hujus capituli, & ex tabulis prædicamentali-
bus.

Quæst. VIII. Quid est species subalterna?

Quæ respectu superioris est species, & respectu inferioris genus.

Species *subalterna* & genus *subalternum* non sunt duo entia distincta, sed significant unum idemque ens, quod geminum habet nomen: & vocatur genus,

si referatur ad aliquid *infra* se; & species, si referatur ad aliquid *supra* se: sic animal est genus hominis, & species viventis.

Quæst. IX. Illustra rem exemplo.

In categoria substantiarum, substantia est summum genus

nus; *homo*, infima species; quæ inter substantiam & hominem interjecta sunt, ut, *animal*, *vivens*, *mixtum*, *corpus*, sunt genera, & species subalternæ. Nam *animal* est hominis genus, & species viventis; *vivens* est genus animalis, & species mixti; *mixtum*, genus viventis, & species corporis; *corpus* est genus mixti, & species substantiæ. Eodem modo res se habet in cæteris categoriis.

Quæst. X. *Quanam species constituit secundum prædicabile?*

Infima. Species enim subalterna prædicatur, ut genus, sed subjicitur, ut species.

1. *Infima*) Discrimen inter speciem intimam & subalternam, hoc est, quod species infima, sive subjiciatur sive prædicatur, semper teneat rationem speciei, at subalterna, non item: sed hæc, cum subjicitur, rationem habet speciei, at cum

prædicatur, rationem tenet generis.

[2. Cum dico *animal* est *vivens*, *animal* est species, idem est genus: at cum dico *homo* est *animal*, *homo* est species; & cum dico, *Petrus* est *homo*, iterum est species.]

Quæst. XI. *Quomodo definitur species specialissima?*

Hoc modo: Species est, quæ de pluribus & numero differentibus prædicatur in quæstione, qua quæritur, quid sit res: ut, *Quid est Socrates, Plato?* *homo*. *Quid Bucephalus, Cyllarus?* *equus*. *Quid Phylax, Melampus?* *canis*.

[1. *Numero*) dicuntur differre, quæ ita sese habent, ut in uno nulla inveniatur pars essentialis, quin eadem reperiatur in alio: quemadmodum in Petro invenitur anima rationalis, & corpus organicum, seu debitis organis instructum; at hæc utraque pars essentialis reperitur quoque in Paulo, Joanne, aliisque hominibus individuis: sed differunt tantum in eo, quod hæc essentia unius, exempli causa, Petri, non sit essentia alterius, exempli causa, Pauli, & quod corpus & anima Petri non sit corpus & a-

nima Pauli. Et quia numerari possunt essentia & partes essentielles Petri, quæ faciunt hominem unum, puta Petrum, atque insuper numerari possunt essentia & partes essentielles Pauli, quæ faciunt hominem secundum, puto, Paulum; ideo dicuntur Petrus & Paulus differre numero.]

2. Res dicuntur differre, vel genere, vel specie, vel numero. Quæ differunt genere, differunt tota essentia: quæ differunt specie, differunt parte essentia: quæ differunt numero, nec tota essentia,

sentia, nec parte essentia differe- unius, scilicet Petri, non sint es-
rant, sed utrinque conveniunt; sentia aut partes essentielles alte-
tantum differunt, quod hæc es- rius, scilicet Pauli.]
sentia, & hæc partes essentielles

CAPUT XII.

Quæst. I. *Quid est differentia?*

Differentia est, qua res à re differt.

Hæc generalissima est differentia definitio.

Quæst. II. *Quotuplex est differentia?*

Duplex; accidentalis & essentialis.

Quæst. III. *Quid est differentia accidentalis?*

Qua res differunt accidentibus: idque vel ab aliis; sic Europæus differt ab Afro, colore; vinum ab aceto, sapore: vel etiam à se invicem; sic doctus differt à seipso indocto, senex à seipso puero.

1. *Accidens* hîc vocatur id, quod nec materia nec forma est compositi nec pars essentia ejus; sed quod vel materia, vel forma, vel essentia supervenit.

[2. *Accidens* hîc Paulo latius sumitur, quam cum opponitur substantia diciturque hoc loco, omne id quod est extra essentiam alterius, sive ipsum sit substantia, sive accidens prædicamentale, sive medium aliquod inter substantiam & accidens interjectum, ut privatio: exempli gratia, differentia accidentali differt togatus à palliato, per togam & pallium, quæ sunt sub-

stantia; Æthiops ab alio homine, per nigrorem & alborem, quæ sunt accidentia prædicamentalia; cæcus à surdo, per surditatem & cæcitatem, quæ nec substantia nec accidentia sunt, sed privationes.]

3. Res differunt accidentibus vel separabilibus, vel inseparabilibus. Posteriori modo differunt corvus & cygnus; nam nigror à corvo, & albor à cygno naturaliter non possunt separari: priori modo differunt Petrus doctus & Paulus indoctus; doctrina enim & ignorantia naturaliter separari possunt ab homine.

Quæst. IV. *Quid est differentia essentialis?*

Quæ [ut rationalitas] addita generi [ut animali] speciem [ut hominem] constituit, & ab oppositis speciebus essentialiter distinguit.

[1. *Differentia essentialis* dicitur, quæ petitur à parte aliqua essentialis, quæ est pars definitionis qua species definitur : ut *rationalitas* petitur ab anima rationali (forma, & parte essentiali hominis ;) *rationalitas* addita animali, generi, constituit hominem, speciem, unde vocatur *differentia constitutiva* ; atque insuper hominem à bruto, specie opposita, essentialiter distinguit, unde vocatur *differentia divisiva* : & hominem ex parte definit, partes enim definitionis hominis sunt, *animal* & *rationalis*. Itaque *differentia constitutiva* & *divisiva* non sunt duæ diversa differentie, utcumque sint diversa nomina, sed ejusdem differentie munera diversa, orta ex respectu diverso quem differentia dicit nunc ad genus, quod dividit, nunc ad speciem, quam constituit : sic *rationalitas*, differentia vocatur *divisiva*, respectu animalis, quod dividitur per *rationalis*, & oppositam differentiam *irrationale* ; & dicitur *constitutiva*, respectu hominis quem constituit.]

[2. Respectus diversi non inferunt aut ponunt diversas res, nec essentialis rerum multiplicant, sed reperiuntur sæpe in una eademque re : ita unus idemque

homo respectum dicit diversum, qua pater, ad filium, qua maritus, ad uxorem, qua magistratus, ad subditos. Unde videre est, quod diversitas definitionum non necessario inferat diversitatem rerum, cum fundari illa possit in sola diversitate respectuum : idem enim homo aliter definitur qua pater, aliter qua magistratus, & diversa sunt officia ejusdem hominis, pro triplici isto respectu diverso ; ita etiam hic eadem differentia, verbi causa, *rationalitas*, aliter definitur ut dicit respectum ad genus animal, quod dividit, & aliter definitur quatenus dicit respectum ad speciem, hominem quem constituit ; unde respectu prioris muneris vocatur *divisiva*, respectu posterioris, *constitutiva*.]

[3. Accurate distingui debet differentia specifica à differentia numerica. Prior vocatur, quando res duæ aut plures ita se habent, ut aliqua pars essentialis sit in uno, quæ non sit in alio ; atque hæc proprie est differentia essentialis : posterior dicitur, quæ res ejusdem omnimodo essentialis, differunt tantum eo, quod hæc non sit illa, quæ vulgò accidentalis differentia appellatur ; an recte nunc non dixerim. Illa dicuntur differre specie, hæc numero.

Quæst. V. *Quanam sunt munera differentie essentialis ?*
Dividere genus, & speciem cum genere constituere.

Quæst. VI. *Da exemplum.*

Facultas ratiocinandi dividit animal, & addita animali constituit hominem.

Quæst.

**Quæst. VII. Quanam differentia constituit
tertium prædicabile ?**

Differentia essentialis : differentiarum enim accidentales pertinent ad quartum & quintum prædicabile.

[1. Differentia essentialis dicitur, quando tertium illud, quo differunt duo, est pars essentialis ; quando tertium

illud, quo differunt duo, est accidens, sive proprium, sive commune.]

Quæst. VIII. Quomodo definitur differentia essentialis ?

Hoc modo : Differentia essentialis est, quæ de pluribus vel numero, vel etiam specie differentibus, essentialiter prædicatur in quæstione, qua quæritur, qualis sit res : ut, *Quale animal est homo ? rationale. Qualis ars Logica ? quæ instrumenta conficit, iisque dirigit intellectum in cognitione rerum.*

[1. Prædicari essentialiter) est prædicari, ut pars essentialis, & quidem ut forma : sic rationalitas est pars essentialis hominis, de quo prædicatur. Per vocem essentialiter distinguitur differentia à proprio & accidente, quæ prædicantur accidentaliter, quia non sunt partes essentielles subiecti, de quo dicuntur ; unde nec ejus definitionem ingrediuntur : sic nec risibilitas, nec eruditio, hominem vel constituunt, vel definiunt, ut quidem facit utrumque rationalitas. Exemplum differentiarum, quæ prædicatur de pluribus differentibus numero, est rationalitas respectu Petri & Pauli. Exemplum differentiarum, quæ prædicatur de pluribus differentibus specie, est potentia sentiendi seu sensibilitas, differentia animalis respectu hominis & bruti, de quibus prædicatur.

[2. Hæc tria æquipollent ; esse

partem essentialem alicujus rei sive essentialiam rei constituere, sive definitionem rei ingredi : nulum istorum competit proprio aut accidenti, sed, præter genus & speciem, differentiarum tantum essentiali.]

[3. Nemo hic errer, nec existimet differentiam, quæ dicitur de pluribus numero, ideo esse differentiam numericam ; quia non est differentia individuum, sed speciei, quæ prædicatur de individuis numero differentibus : sicut rationalitas differentia est hominis, speciei, & prædicatur de Petro, Paulo, reliquisque individuis numero differentibus. Sic nemo putet differentiam, quæ de pluribus specie differentibus prædicatur, ideo esse specificam ; nam est generica, quia est differentia generis quæ de speciebus dicitur : sic potentia sentiendi, differ-

rentia animalis, generis, prædicatur de homine & bruto, differentibus specie.]

[4. *Differentia* quæ prædicatur de pluribus differentibus numero, vocatur *specificæ*, quia est differentia speciei; quæ prædicatur de pluribus differentibus specie, est *generica*, quia est differentia generis. Exemplum differentiæ specificæ est rationali-

tas quæ prædicatur de individuis distinctis numero, Petro, Paulo, Joanne. Exemplum differentiæ genericæ est sensibilitas, quæ prædicatur de homine & bruto, differentibus specie, quia sunt diversæ species.]

5. Per id quod differentia prædicatur in quale, distinguitur à genere & specie, quæ prædicantur in quid.

CAPUT XIII.

Quæst. I. *Quot modis dicitur proprium?*

Quatuor modis. Proprium primo modo dicitur, quod convenit soli alicui speciei, sed non omnibus illius individuis; ut, *hominem esse statuarium*. Secundo modo, quod convenit omnibus individuis alicujus speciei, sed non solis; ut, *hominem esse bipedem*. Tertio modo, quod convenit soli alicui speciei, omnibusque illius individuis, sed non semper, ut, *hominem ridere*, aut *canescere*. Quarto modo, quod convenit soli alicui speciei, omnibusque illius individuis, & semper; ut, *hominem risibilem esse*.

1. Quantum discriminis est inter actum primum & secundum, seu principium operandi & ipsam operationem; tantum discriminis est inter proprium quarto modo & tertio modo, *Risibilem esse* significat actum primum, & prin-

cipium operandi, quod est proprium quarto modo; *ridere* significat actum secundum, & ipsam operationem, estque proprium tertio modo.

Hic proponitur tantum distinctio vocis.

Quæst. II. *Quanam propria constituunt quantum prædicabile?*

Propria quarti modi: reliqua pertinent ad quintum prædicabile.

Quæst. II. *Quid est proprium quarto modo?*

Proprium est, quod non declarat, quid res sit, & tamen soli inest, & cum ea reciprocatur. Sic *risibilitas* reciprocatur cum *homine*, (omnis enim homo risibilis est; & qui- cunque risibilis est, etiam est homo) *facultas hiniendi* cum *equo*, *larrandi* cum *canis*, &c.

1. Proprium dicitur non declarare quid res, id est subiectum; quia

nec ex toto nec ex parte continetur in essentia subiecti, neque ejus

ejus definitionem ingreditur : sicut quidem genus & differentia continentur ex parte, in essentia ejus de quo dicuntur, & ambo definitionem ingrediuntur; species vero continetur ex toto, in essentia ejus de quo dicitur, totamque ejus definitionem absolvit. Sed proprium neutro modo in essentia subjecti includitur, verum essentiam ejus consistit utam immediate sequitur; ideoque proprium dicitur essentiali subjecto, non constitutive, (nam non constituit essentiam subjecti, sicut faciunt genus, species, differentia) sed consecutive, quia essentiam subjecti jam constitutam consequitur proxime. Verbi causa, risibilitas nec ex toto, nec ex parte essentiam hominis constituit; nam tum deberet ingredi definitionem hominis quod non facit, nam homo definitur *animal rationale*, absque mentione *risibilis*: at genus, *animal* & differentia, *rationale*, utrumque, ex parte essentiam hominis constituit, atque etiam definit; homo vero (species) ex toto Petri (individui) essentiam & constituit & definit.

[2. Illud dicitur *declarare quid res sit*, quo responderetur ad questionem institutam hanc formulâ, *quid est res?* quemadmodum sic prædicantur in quid genus & species; & quamvis differentia non simpliciter prædicetur in *quid*, Logicis tamen dicitur prædicari in *quale quid*, quia est qualitas essentialis: at proprium, uti accidens, nec prædicatur in *quid*, nec in *quale quid*; id est, nec

prædicatur in quale essentialiter, ut differentia, sed tantum in quale accidentaliter; & ideo non declarat quid res sit, id est, quænam sit rei quidditas sive essentia, sed rei constitutæ in sua quidditate sive essentia accidit,]

[3. Hic observandum hoc est quoque, quod esse de essentia alicujus, dupliciter etiam intelligatur, vel constitutive, vel consecutive: priori modo de essentia hominis est rationalitas, posteriori modo risibilitas.]

[4. Contineri in essentia alicujus rei, sive ejus definitionem ingredi, idem significant; utrumque sit duobus modis, vel ex toto, vel ex parte; convenitque generi, speciei, differentiæ. Genus & differentia ambo ex parte tantum ingrediuntur definitionem, & constituunt essentiam ejus, de qua dicuntur; ita & animal, & rationale & irrationale, ex parte hominem vel brutum definiunt ac constituunt: sed species, homo, ex toto essentiam Petri, Pauli, aliorumque de quibus dicitur, & definit & constituit. At proprium, neutro modo vel constituit vel definit essentiam subjecti sui de quo dicitur; sic risibilitas, quæ dicitur de homine, nec ex toto, nec ex parte hominis essentiam vel definit, vel constituit; nihilo minus dicitur essentialis homini & naturalis, quia tam arcta est colligatio inter illam & hominem, ut essentia hominis nunquam inveniri possit, nisi inveniat quoque risibilitas, & vice versa: atque pariter dicendum est, de omni proprio & subjecto.]

3. Vox *soli* excludit à proprio alia subiecta; non subordinata, genera, species & individua; sed opposita, scilicet species ejusdem generis contrarias: sic risibilitas inest soli homini, sic, ut non excludat Petrum vel Paulum, & cætera individua quæ homini subordinantur, sed, ut excludat oppositum, brutum.

[6. Cum proprium dicitur inesse *soli* subiecto, significatur illud non posse communicari subiecto alteri alterius speciei oppositæ; at non repugnat, ut proprium unius subiecti cui inest soli, nihilominus communicetur subiectis inferioribus ac subordinatis: quia subordinata non sunt opposita: verbi causa, risibilitas inest soli homini, ideoque non potest inesse speciei oppositæ, scil. bruto; sed non repugnat quo minus inest Petro, Paulo, & inferioribus ac subordinatis, individua enim subordinantur speciei: & ratio est, quia ipsa natura hominis inest Petro, & Paulo, non item bruto; unde & proprietas hominis inesse potest Petro, & Paulo, non item bruto.]

[7. Gravissima est quæstio, an proprium possit communicari subiecto alteri, quam ei cui inest; si enim uni soli inest, non potest inesse alteri: attamen calor, proprium ignis, videtur communicari ferro. Resp. communicatio tripliciter accipi potest. Vel ut superius aliquid communicet inferiori, Genus speciebus, species individuis; & hæc Aristoteli dicitur *μίσξις*:

sic dicitur species *μίξις* generis, quatenus particeps sit naturæ & proprietatum quæ sunt generis; & sic animal. genus, naturam suam, qua est substantia, corporea, vivens, sentiens, & omnes suas proprietates communicat homini & bruto, speciebus; & homo, species, naturam humanam & proprietates suas, ut risibilitatem, communicat Petro, Paulo, reliquique individuis: hanc communicationem admittimus. Alia est communicatio quæ dicitur *συρδύσις*, qua duæ naturæ unitæ sibi invicem una alteri communicant suas proprietates; ut qua ignis ferro igni communicat calorem. Tertia communicatio Græce dicitur *κοινωνία*, quæ ex duabus naturis ac rebus separatis, una alteri sibi oppositæ, proprietates suas communicat; ut, qua ignis communicat calorem aquæ. Hæc utraque posterior communicatio à nobis hic negatur: nam ignis non communicat ferro calorem suum, aut aquæ calefactæ; sed sui similem, & specie eundem, non numero, in ferro & aqua efficit. Id enim proprie dicitur communicari, quod subiectum, in quo est, deserit, & in aliud in quo non erat transit: at calor non deserit ignem, cum vel ferrum reddit ignitum, vel aquam calefactam; nam ille calor qui in ferro est ignito, aut aqua calefacta, nunquam fuit in igne, sed est ab igne productus, manisque igni suus calor internus qui est proprietas ejus. Et impossibile est talis communicatio

nicatio proprii, & transitus de uno subiecto in aliud, quia accidens non potest migrare de subiecto in subiectum; sed omne proprium est accidens. Itaque distinguatur inter communicationem & effectiorem, in utroque exemplo allato est effectio caloris, non communicatio, aut, si eam placet sic vocare, distinguatur inter communicationem effectivam & subiectivam: ignis quidem calorem alteri rei communicat, eum producendo, ut effectum, sed non eum amittendo, & transfundendo in aliud subiectum. Hinc sequitur, quod nulla detur realis communicatio idiomatum sive proprietatum naturæ divinæ in humanam. Est & alia quæstio nominis gravis, An propria possint separari à subiecto suo separatione reali, ut

inveniatur subiectum, non existente proprio, aut detur proprium, non existente subiecto. Resp. quod non; quia sic subiectum & proprium non reciprocarentur; quæ enim reciprocarentur, se mutuo ponunt & tollunt: at vero si aut proprium à subiecto, aut subiectum à proprio posset separari, ut uno existente, non existeret alterum, non se mutuo ponerent & se mutuo tollerent, & sic non reciprocarentur, quod est contra naturam & definitionem.]

8. Reciprocatio hic fit in casu recto; in relatis fiebat in casu obliquo: dicimus enim, omnis homo est risibilis, & omne risibile est homo; sed non dicimus, omnis pater est filius, aut, omnis filius est pater; sed omnis pater est filii pater, & omnis filius est patris filius.

Quæst. IV. Quid est accidens?

Accidens est, quod abest & adest sine subiecti interitu: hoc est, quod sine contradictione de subiecto suo affirmari & negari potest.

[1. *Accidens* huius loci, opponitur proprio, estque prædicabile, & distinguitur ab accidente, ut vocant, prædicamentali, quod opponitur substantiæ: sc. hoc accidens latius patet accidente prædicamentali; nam accidens prædicamentale quod est ens substantiæ inhaerens, nunquam potest esse substantia, quia ei opponitur; sed vero accidens prædicabile, ut vestis, potest esse substantia, & opponitur essentiæ]

[2. Totum discrimen inter accidens prædicamentale & prædicabile in eo est situm, quod accidens prædicabile aliquando possit esse substantia, prædicamentale nunquam.]

[3. *Accidens* prædicamentale vocatur illud, quo omne ens in prædicamentis dispositum, dividitur in substantiam & accidens; sunt autem novem prædicamenta accidentium, unum substantiæ: hæc inter se sic pugnant, ut nunquam unum possit esse

esse aliud; nam sunt species oppositæ, quæ in æternum confundi nequeunt, & quodcunque est in prædicamento substantiæ, id nullo modo esse potest in ullo prædicamento accidentis; potest tamen id, quod est substantia, contineri sub accidente hujus loci, quinto scilicet prædicabili, ut toga, quia potest abesse & adesse sine hominis interitu.]

4. *Adest & abest.*) Alterum horum verborum intelligendum est de actu, alterum de potentia: ideoque hæc verba sumi debent, non in sensu composito, quasi eodem tempore unum idemque accidens adsit & absit subjecto; sed in sensu diviso, ut accidens, quod nunc adest, possit abesse, & vice versa; ita, qui albor nunc est in pariete, potest abesse à pariete, sine destructione parietis.

5. Sensus compositus est, cum duo prædicata opposita enunciantur de eodem subjecto, intellecta de eodem tempore, qui sensus est falsus.

6. Sensus divisus est, quando duo prædicata opposita enunciantur de eodem subjecto, sed intellecta de tempore diverso, qui sensus est verus. Hac de re vide in doctrina de sophismate compositionis & divisionis.

[7. *Interitus* est vel physicus, vel logicus. *Physicus* est rei destructio atque corruptio: *Logicus* est enunciationis contradictio. *Interitus logicus* dicitur, quia per contradictionem interit & destruitur veritas prioris enunciationis; ut, cum huic enun-

ciationi, *ignis est elementum*, contradicitur per hanc, *ignis non est elementum*, prioris enunciationis veritas quasi annihilatur & interit. Uterque intelligi potest. Nam 1. sanitas tollitur ab homine, non destructo homine, & si à corvo tolleretur nigror, non tamen interiret corvus: at si ab homine tolleretur risibilitas, ejus proprium, destrueretur ipsa hominis essentia, quia propria emanant ab essentia subjecti, id est, ea posita ponuntur, sublata tolluntur, & vice versa; ita posita anima rationali ponitur risibilitas, & posita risibilitate ponitur anima rationalis, & sublata alterutra, tollitur altera, unde 2. contradictio est, dicere, *homo non est risibilis*; nam tantundem est, ac si dicas, *homo non est rationalis*, id est, *homo non est homo*: at nulla est contradictio, si dicas, *homo non est sanus*, aut, *corvus non est niger*; neque enim hoc idem est, ac si dicas, *homo non est homo*, aut, *corvus non est corvus*; quia nec sanitas ab hominis essentia, nec nigror ab essentia corvi emanat, nec enim se mutuo ponunt & tollunt.]

[8. *Omnis* quidem contradictio est falsitas, sed non omnis falsitas contradictio: si dixeris homo non est rationalis, & falsum dicis & contradictorium; tantundem enim est; ac si dicas, homo non est homo. Illud autem dicitur contradictorium in enunciatione, quando prædicatum tollit essentiam subjecti, aut id dicit, quo essentia subjecti destruitur; sed falsum dicitur, quando simpliciter prædicatum

dicatum affirmatur de subiecto, quoderat negandum, & vice versa. Accidens inseparabile, ut est nigror in Æthiope, si negetur de subiecto, dicendo, Æthiops non est niger, est enunciatio quidem falsa, sed non contradictoria, quia prædicatum, non esse nigrum, non tollit nec destruit essentiam subiecti, scilicet Æthiopis; neque enim hæc enunciationes æquipollent, Æthiops non est niger, & Æthiops non est homo, aut non est animal, aut non est rationalis: ac si proprium negaveris de subiecto, dicendo, homo non est risibilis, non tantum enunciatio hæc est falsa, sed insuper contradictoria; quia non esse risibilem, destruit essentiam hominis, & tantundem est, ac si dicas, homo non est rationalis, aut, homo non est homo, & ratio est, quia risibilitas ab essentia hominis emanat, id est, illa posita ponitur: sed nigror non emanat ab essentia Æthiopis; nam neque ab ejus materia, neque ab ejus forma fluit: ac risibilitas fluit à forma hominis, anima scilicet rationali.]

9. Quæ se mutuo ponunt &

tollunt, non possunt à se invicem separari, nec de se invicem simul affirmari & negari, sine contradictione: tali modo se habent proprium & subiectum: sed quia accidens & subiectum possunt à se invicem separari. nec se mutuo ponunt & tollunt, etiam possunt de se invicem affirmari & negari, non quidem absque falsitate, sed tamen absque contradictione. Scilicet accidens non potest affirmari & negari de eodem subiecto sine falsitate; si enim enunciavero eruditionem, negando de homine, qui est eruditus, falsa erit enunciatio: ac potest accidens affirmari & negari de eodem subiecto sine contradictione; quia negando eruditionem de homine erudito, non destruitur essentia hominis, nec prædicatum tollit essentiam subiecti. sed vero, cum proprium negatur & affirmatur de eodem subiecto, ut cum dico, homo est risibilis, & homo non est risibilis, posterior enunciatio non tantum falsa est, sed & prædicatum tollit essentiam subiecti; tantundem enim est, ac si dicas, homo non est homo.

Quæst. V. Quotuplex est accidens?

Duplex; separabile, & inseparabile.

Quæst. VI. Quid est accidens separabile?

Quod naturaliter à subiecto suo separari potest; ut stare, sedere, sanitas, eruditio, &c.

[1. Separari] vel significat simpliciter tolli aut auferri, ut hic; vel significat diverso loco existere, quo sensu dicitur, Quæ-

cunque separantur, aut separari possunt, distinguuntur realiter.]

2. Naturaliter id est, naturalibus mediis, seu naturæ viribus.

Quæst.

Quæst. VII. Quid inseparabile?

Quod naturaliter nequit à subjecto separari; ut, *nigror in corvo, albor in cygno, nigror in Æthiope.*

Quæst. VIII. Quomodo dici potest, *accidens inseparabile esse accidens*, si non possit separari à subjecto suo?

Accidens inseparabile revera nequit à subjecto separari, & ideo dicitur inseparabile: idem tamen separari potest à subjecto, cogitatione, & hæcenus dicitur accidens, in eoque à proprio distinguitur, quod ne cogitatione quidem potest à subjecto separari.

1. *Separatio*, seu abstractio unius rei ab alia, vel sit reipsa, quemadmodum albor separatur a pariete eum denigrando; vel sit per mentem, rationem aut intellectum, idque dupliciter: vel ut mens ex duabus rebus conjunctis alteram de altera neget, quæ vulgo dicitur abstractio negationis, vel remotionis; vel, ut mens ex duabus rebus alteram cogitet atque intelligat, altera non cogitata, non intellecta, quæ dicitur abstractio præcisionis. Separatio præcisionis vocatur abstractio simplex; separatio negationis, abstractio complexa sive composita. Ratio utriusque est, quia prout fit per apprehensionem mentis simplicem; posterior per operationem mentis complexam, scilicet per compositionem & divisionem. *Accidens separabile* potest separari separatione reali à subjecto, ut sanitas ab homine, cum sit æger, ut detur homo non sanus: *inseparabile* non potest; nam nunquam invenitur corvus qui non sit niger: hoc tamen potest separari separationi mentali, tum negationis, tum præcisionis, nam potest corvus concipi, & negato & præciso

per rationem nigrore: at proprium à subjecto separari nequit, nec separatione reali, quia non invenitur homo qui non sit risibilis; nec mentali ulla, quia risibilitas non potest concipi, vel negato vel præciso homine: sed potest subjectum separari à proprio separatione mentis simplici, seu abstractione præcisionis; non potest separari à proprio separatione reali, aut abstractione mentis complexa, sive negationis: nam homo potest concipi, non quidem negata, sed præcisa, seu non concepta risibilitate. Differentia à subjecto, & subjectum à differentia, nullo plane modo possunt à se invicem separari, nec reali separatione, nec mentali, sive negationis sive præcisionis: nam nec reperitur homo qui non sit rationalis; nec potest homo concipi, negata rationalitate, nec præcisa rationalitate; & vice versa.]

[2. Quod subjectum concipi possit, non concepto proprio, seu quod abstrahi possit à proprio, abstractione mentis simplici, v. c. *homo*, conceptu essentiali, quod sit animal rationale, intelligi possit non intellecta risibili-

biliteate, ejus rei causa est, quod risibilitas hominis, & proprietatis subjecti sui essentiam & definitionem non ingreditur: contra, quod proprium non possit abstrahi à subjecto, abstractione mentis simplici, v. c. *risibilitas* non possit concipi, quin in illo conceptu risibilitatis, involvatur conceptus *hominis*; ejus rei causa est, quod subjectum ingrediatur definitionem & essentiam proprii; risibilitas enim definitur facta mentione hominis, secundum quæst. 8. cap. 2. lib. 2.]

3. Discrimen inter abstractionem simplicem & complexam est, quod in priorem non cadat falsitas, unde vulgo dicitur, Abstrahentium non est mendacium; in posteriorem falsitas cadat. V. c. si quis ignem apprehendat, non apprehenso calore, is nec fallit, nec fallitur, nec mentitur, utrunque ignis & calor à parte rei nunquam separentur; sed qui & ignem & calorem apprehendit, utrumque alterum de altero negando, ut concipiat ignem non esse calidum, is & fallit, & fallitur, & mentitur.

4. Quando accidens inseparabile abstrahitur à subjecto, abstractione complexa, sive negationis, ut cum quis concipit & *Æthiopem* & *nigrorem*, alterum de altero negando, is quidem falsum concipit; sed non tamen id quod implicat contradictionem, id est, quod essentiam subjecti destruit: sed qui abstrahit proprium à subjecto, aut differentiam, is implicat contradictionem, id est, concipit id, quod essentiam subjecti destruit. V. c. qui concipit hominem non esse risibilem, aut non esse rationalem, is non tantum falsum concipit, sed tantundem ac si conciperet hominem non esse hominem: nam rationalitas est pars essentialis hominis, ideoque homo concipi nequit ut totum, nisi conceptis omnibus partibus; risibilitas, etsi non sit pars essentialis hominis, quia tamen ita arcta necessitudine homini connectitur, ut se mutuo ponant & tollant, hinc fit, ut non possit mens concipere hominem non esse risibilem, quin simul concipiat hominem non esse hominem.]

CAPUT XI.

Quæst. I. *Quid est totum?*

Totum est, quod constat plurium convenienti unione.

[1. Caput hoc inscribitur de toto & partibus, quia & hæc est affectio logica, sive rationis, conveniens themati simplici in quantum ab intellectu conferatur cum aliò themate simplici:

tum enim deprehenditur omne thema simplex vel esse totum vel pars, sumpta utraque voce quam latissime. Difficile autem satis est intellectu, quomodo res spirituales & indivisibiles dicen-

dicantur esse totæ in loco divisibilis; quemadmodum vulgo dicitur anima esse tota in toto corpore, & tota in qualibet parte corporis, sc. hoc sensu, quod nulla pars corporis sit expers animæ rationalis, hæc tamen non sit in partibus corporis per partes sui, sed modo indivisibili, quia ipsa est indivisibilis; qui tamen modus præsentia, difficulter est comprehensibilis: & hoc quoque sensu dicitur Deus totus in hoc mundo, & omnibus mundi partibus.]

2. Vox hæc, *totus, a, um*, vel effertur de substantiis immaterialibus, vel de materialibus: priori modo sumitur negative, posteriori positive; & sic hic definitur. Totum negative partes negat: sic Deus, cum dicitur esse totus ubique, significatur esse ubique non per partes sui. At to-

tum positive ponit partes, & præter eas, *partium unionem*: ut totius quasi materia sint partes, quæ significantur voce *plurimum*; & quasi forma sit *unio*. Debet autem vox hæc, *partes*, latissime extendi.

3. Quemadmodum diversa est natura spiritus & corporis (nam spiritus caret materia, ideoque & quantitate, consequenter & partibus; corpus prædictum est materia, ideoque & quantitate, consequenter & partibus) ita alio modo de spiritu, alio de corpore dicitur vox hæc, *totus, a, um*: nempe, spiritus est totus in spatio aut loco divisibili, modo indivisibili, id est, ut non habeat partes in se, quibus respondeat partibus spatii aut loci; sed corpora sunt in loco divisibili modo divisibili, quia habent partes in se respondentes partibus loci.

Quæst. II. *Quotuplex est totum?*

Duplex; aliud per se, aliud per accidens.

Quæst. III. *Quid vocas totum per se?*

Cui partes insunt per se.

Melius: Quod partibus suis est essenziale, vel cui partes sunt essentielles.

Quæst. IV. *Quid per accidens?*

Cui partes insunt accidens.

1. Melius: Quod partibus suis non est essenziale, vel cui partes non sunt essentielles.

2. Partes dicuntur per se inesse, quando aut totum suam essentiam largitur partibus, aut partes largiuntur essentiam suam toti: si neutrum fiat, partes insunt per ac-

cidens, & est totum per accidens. Animal, respectu hominis & bestia, est totum per se, quia essentiam, qua est substantia, corporea, vivens, sentiens, suam largitur homini & bestia; quia, quod homo aut bestia vivat aut sentiat, ideo est, quia est animal:

mal: idem animal est totum per se respectu corporis & animæ, quia corpus & anima, partes, essentiam suam largiuntur animali, toti; quod enim animal sit extensum in longum, latum, & profundum, debet corpori, quod nutriatur, crescat, loco se moveat, &c. debet animæ. Sed quando homo dividitur in doctum & indoctum, tanquam totum in partes, nec partes hinc largiuntur essentiam toti, nec totum, partibus.

[3. Ut dijudicari possit, num aliquid sit totum per se, an per accidens, hoc signum infallibile docebit: quotiescunque aliquod totum disponitur in enunciatione cum una ex partibus, sic, ut appareat relatio totius ad partem,

toties est totum per se: contra, quando disponitur in enunciatione totum & una partium, & non apparet relatio totius ad partem, est totum per accidens. ut, si dixerò, herba calefacit, nemo mortalium hinc dijudicare valeat, herbam se habere ut totum, calefacere ut partem, quatenus dividitur in calefacientem & frigefacientem: sed unusquisque facile dijudicabit, esse dispositionem causæ & effecti, uti revera est: at cum dico, homo est animal, hinc apparet nulla alia relatio quam totius ad partem, non vero causæ ad causatum, vel subiecti ad adjunctum, aut contra, Exempla vid. quæst. 12, & 14, hujus cap.]

Quæst. V. Quanam partes dicuntur toti inesse per se, & quæ per accidens?

Partes per se inesse dicuntur, cum aut ipsum totum partibus essentiale est, aut partes toti: per accidens, contra.

Quæst. XI. Explica rem exemplo.

Animal est totum per se respectu hominis & bestiae, [scil. priori modo, id est, ut totum partibus essentiale] & respectu corporis ac animæ, [scil. posteriori modo, ut partes respectu servorum & liberorum, bonorum & malorum. Nam animal pertinet ad essentiam hominis & bestiae; illiusque essentia ex corpore & anima constituitur: at liberum aut servum, bonum aut malum esse, non convenit homini ratione essentiae, sed sunt accidentia, quæ ad essentiam extrinsecus accedunt.

1. Priori modo, id est, cum totum suam essentiam largitur partibus quemadmodum anima

modo, cum partes largiuntur essentiam suam partialem toti, ut corpus & anima faciunt animalis aut homini. Cum neutrum sit,

fit, est totum per accidens; sic *libertas* & *servitus* non largiuntur essentiam homini, nec homo largitur essentiam *libertati* aut *servituti*; ideoque, cum *homo* dividitur in *servum* & *liberum*, ut partes, est divisio totius per accedens.

2. Qui dicunt, totum per se esse, cujus partes sunt ejusdem prædicamenti, illi intelligunt hoc non tantum de partibus inter se, sed & cum toto collatis: nam si

eri potest, ut aliquod totum per accidens habeat partes inter se ejusdem prædicamenti, ut liquet in exemplis notatis; attamen partes non sunt ejusdem prædicamenti cum toto. Omnia ista tota quæst. 16. notata, sunt tota per accedens, &c.

3. Sic, v. c. *libertas* & *servitus* sunt in eodem prædicamento relationis: at homo, qui ut totum, dividitur in *liberum* & *servum* tanquam partes, est substantia,

Quæst. VII. Quotuplex est totum per se?

Quadruplex; universale, formale, essenziale, & integrale.

1. Totum universale dat essentiam partibus, genus speciei, species individuis: contra, totum formale, essenziale, integrale, ac-

cipit essentiam à partibus, & partes dant essentiam toti; quod in exemplis videre est, quæst. 12.

Quæst. VIII. Quid est totum universale?

Totum universale nihil aliud est quam genus respectu specierum, aut species respectu individuorum: & quia species in genere, & individua in specie, non actu, sed potentia continentur, factum est, ut totum universale sit appellatum totum potentiale; cæteræ species totius dicuntur totum actuale.

1. Species) hîc vocantur partes generis, in quantum genus, ut totum, in species distribuitur, ut in partes; ut animal in hominem & bestiam: si vero genus spectetur, ut pars definiens speciem, species est totum formale, & genus est tum pars speciei; ut cum homo definitur per animal. Sic & individua sunt partes specierum, prout species est totum universale, quod in individua dividitur; ut, cum homo dividitur in Petrum & Paulum: contra,

species est pars individui, in quantum individuum definit, ut, cum Petrus definitur animal rationale.

[1. Vel genus confertur cum una specie, ut animal cum homine, & sic genus est speciei pars, & quidem formalis, ut animal, hominis, qui, ut totum formale, per animal tanquam partem formalem unam, & per rationale tanquam alteram, definitur: vel genus confertur cum omnibus speciebus suis simul-

mul sumptis, ut animal cum homine & bruto simul; & tum genus est totum universale, ut animal; species sunt partes universales, ut homo & brutum.]

[3. Ex hoc precedenti commentario solvi potest hæc obiectio, Quod est pars speciei, non potest dividi ut totum in species ut partes; sed genus est pars speciei; ergo non potest dividi in species. Resp. Utrumque verum est, & genus est pars speciei, & item, ut totum dividitur in species, ac unaquæque species est pars generis, si distinguatur totum & pars: cum genus dicitur pars speciei, & species totum, quod ex genere & differentia constat, intelligitur totum formale, item & partes formales: at contra, quando genus dicitur totum, & species pars generis, intelligitur totum universale, item & talis pars.]

[4. Totum universale nihil est aliud quam thema universale, quod, puta, non requirit ut actu prædicetur de pluribus, sed quia sufficit, ut per naturam de pluribus prædicari possit si illa existant, ideo totum universale recte dicitur totum potentiale.]

[5. Totum universale dicitur potentiale, quia universale definitur, quod de pluribus natura sua prædicari potest: itaque, genus non requiritur omnes suæ species actu sint, nec species requiritur omnia sua individua actu sint. Sic animal erat genus, cum solum existeret brutum, & homo erat species, cum solus existeret Adam. (hinc videre est, quod genus possit conservari in una specie, & species in uno individuo) Reliqua omnia tota requirunt, ut omnes suæ partes actu sint, ideoq; dicuntur totum actuale. Vide exempla Quæst. 12.]

[6. Sic, verbi causa, totum formale seu definitum respectu partium definitium, homo respectu animalis & rationalis, generis & differentia, quibus definitur, requirit ut ambo actu sint; & idem homo ut totum essentialie respectu partium essentialium, requirit ut ambo sint actu, scilicet & corpus & anima rationalis; & dein homo ut totum integrale respectu membrorum, capitis, pectoris, ventris, &c. requirit ut omnia actu sint, si enim harum partium aliqua absit, non est totum.]

Quæst. IX. Quid est totum formale?

Totum formale nihil aliud est, quam species respectu generis & differentia, quibus definitur.

1. Species) sive sit subalterna, sive infima; utraque enim est totum formale, quia utraque definitur potest per genus & differentiam.

2. Totum formale) est omnis res definita, respectu partium definitium; ut homo respectu animalis & rationalis, quæ duo hominem definiunt.

F

Quæst.

Quæst. X. Quid est totum essenziale?

Quod constat materia, [sc. ex qua, non in qua, non circa quam, vid. comm. quæst. 5. cap. seq.] & forma.

1. Hinc materia & forma vulgo dicuntur partes essentielles, & totum dicitur compositum.

Quæst. XI. Quid est totum integrale?

Quod partem habet extra partem.

1. Totum integrale differt à toto essentiali; quod partes totius essentialis se mutuo pervadunt, & loco ac situ non differunt: ut anima permeat totum corpus, nec est in alio loco aut spatio quam ipsum corpus: partes totius

integralis se mutuo non pervadunt, sed loco ac situ differunt ac discernuntur; ut, caput est alio loco, & alibi situm quam pes manus, venter, &c. nec se mutuo penetrant.

Quæst. XII. Declara harum specierum discrimen exemplo aliquo, puta, animalis.

Animal est totum universale respectu hominis & bestiae, [quia essentiam suam dat homini & bestiae; & homo est totum universale respectu Petri Pauli, &c. quia essentiam suam humanam, animam sc. rationalem & corpus, dat illis;] & *animal* est totum formale respectu corporis viventis & sensus (destituit enim, corpus vivens sentiens.) totum essenziale respectu corporis, ventris, artuum, &c. [hæc tria posteriora tota accipiunt essentiam suam à partibus.]

1. Totum universale vocatur logicum, quia universale ad Logicam pertinet.

2. Totum formale dicitur metaphysicum, quia partes totius formalis, genus & differentia, vulgo dicuntur materia & forma metaphysica, quia conveniunt tam spiritibus quam corporibus: at materia & forma physica, conveniunt solis corporibus.

3. Totum essenziale nuncupatur physicum, quia partes ejus, ma-

teria & forma, ad physicam pertinent.

4. Totum integrale appellatur mathematicum, quia illud consideratur mathematica.

5. Partes totius universalis differunt re ipsa; ut, homo & brutum.

6. Partes totius formalis differunt ratione; ut, animal & rationale.

7. Partes totius essentialis differunt re ipsa, sed non loco; ut, anima & corpus.

8. Partes

8. Partes totius integralis differunt reipsa, & simul loco; ut pes, manus, caput, &c.

9. Dicuntur partes differre reipsa, quæ diversa constituunt entia, diversasque habent essentias, ac inter sese distinguuntur, nemine cogitante: ita differunt Petrus & Paulus, homo & brutum, partes universales; anima & corpus, partes totius essentialis; caput, pectus, crura, &c. partes integrales. Ratione yero

differunt partes, quæ non constituunt diversa entia, sed cum unum faciant ens, per rationem tamen ut duo apprehenduntur entia, & quidem duobus actibus: sic differunt animal & rationale, partes formales, quæ constituunt unum ens, unam substantiam, unum hominem, qui cum non possit à nobis uno conceptu intelligi, discerpitur quasi in duas partes, scil. animal, & rationale, quibus & concipitur, & definitur.

Quæst. XIII. Quomodo dividitur integrale?

In homogeneum & heterogeneum, sive simile & dissimile

Quæst. XIV. Quid est totum homogeneum?

Quod partes habet ejusdem nominis ac naturæ; ut, substantia inanimata, aqua, vinum, caro, lapis; item magnitudo, tempus, motus, &c.

1. Non requiritur ut in toto homogeneo partes sint ejusdem naturæ ac nominis cum toto; sufficit, si eandem habeant naturam ac idem nomen inter se: sic quælibet pars carnis vocatur ca-

ro, & habet hanc naturam ut nutriat; & quælibet gutta maris vocatur gutta, & humectat; non tamen habet idem nomen cum toto mari, quia non potest quælibet gutta maris dici mare.

Quæst. XV. Quid est totum heterogeneum?

Quod partes habet diversi nominis ac naturæ; ut, substantia animata; item exercitus, ecclesia, mundus, & id genus alia.

1. In toto heterogeneo requiritur, ut partes sint diversi nominis ac naturæ & inter se, & à to-

to: sic partes humani corporis & nomine & natura differunt à corpore toto, & inter se.

Quæst. XVI. Quoruplex est totum per accidens?

Quadruplex: 1. vel enim causa diversorum effectuum totum dicitur; 2. vel effectum diversarum causarum; 3. vel subjectum diversorum adjunctorum; 4. vel adjunctum diversorum subjectorum. Sed hæc de re plura in doctrina de divisione.

1. Exempla totius per accidens sunt; 1. cum herbæ dividuntur in calefacientes & frigefacientes; 2. cum calor dividitur in eum qui à sole, & in eum

qui ab igne producitur; 3. cum homo in doctum & indoctum; 4. cum morbi dividuntur in morbos animi, & in morbos corporis.

CAPUT XV, & XVI.

Quæst. I. Quid est causa?

CAusa est, cujus vi res est.

[Multa sunt metaphysicæ & Logicæ communia, ut doctrina de toto & parte, causa & causato, subiecto & adjuncto, &c. sed modus considerandi utrobique est diversus: spectantur enim illa in metaphysicis ut dividuntur ens reale, suntque notiones primæ, id est, affectiones entis realis, primo omnium de eo cognitæ; in logicis spectantur ut sunt principia definiendi, & res quaslibet cognoscendi, atque ut sunt notiones secundæ, id est, quæ secundo loco de ente cognoscuntur.]

[1. Causa] spectatur vel metaphysice, ut est affectio rei, ac philosophica; & sic ejus genus est principium; vel logicè, ut est affectio rationis, & logica, Vulgo ens rationis; & tum genus ejus non est principium, sed notio secundæ, aut affectio logica seu rationis; hoc enim ei commune, specie, & differentia, est commune.]

[3. Genus causæ spectat metaphysice est principium; omnis enim causa principium est, sed non omne principium causa est; ideoque principium latius patet causa. Principium est primum unde aliquid fit, est, operatur,

aut cognoscitur; atqui multa sunt principium rei quæ sit, non tamen causæ: sic privatio in physicis est principium, & primum à quo corpus naturale fit, non tamen ejus est causa; rursum locus & tempus possunt dici principia conservationis corporum naturalium, quatenus hæc sine iis existere nequeunt; non sunt tamen locus & tempus, causæ conservantes corpora naturalia: porro adjunctum potest esse principium cognoscendi subiecti. Principium cognoscendi est vel complexum, vel incomplexum: complexum est axioma sua luce clarum: ut *Totum est majus sua parte, Idem non potest esse & non esse, Nihil est causa sui ipsius*, &c. incomplexum est terminus simplex deducens in cognitionem alterius termini simplicis; ut subiectum deducit in adjuncti, genus in speciei notitiam, & vice versa.]

[4. Quod principium latius pateat causa, vel ex eo patet, quod in divinis Patet dicitur principium Filii, at non potest dici ejus causa: præterea, adjunctum est principium cognoscendi saltem ipsius subiecti, sed

non

non est causa; privatio est principium corporis naturalis, sed non causa.]

[5. Cum principium dicitur esse unde aliquid fit, est, aut cognoscitur, addi debet, aut operatur; nisi principium operandi sub principio fiendi quis comprehendat.]

[6. De principiis complexis intelligendum est illud vulgatum philosophorum. *Contra negantem principia non est disputandum.*]

[7. Verum ut ratio causæ constet, ratio principii explicanda venit. Duo requiruntur ad rationem principii; primo, ut sit prius alio; secundo, ut illud aliquo modo à priori dependeat, aut dum fit, aut dum existit, aut dum operatur, aut dum cognoscitur, aut omnibus modis simul, aut aliquibus horum. Causa est principium sui causati omnibus modis simul.]

[8. Principium cognoscendi

insuper, non fiendi, non essendi non operandi, est vel complexum vel incomplexum. Principia cognoscendi complexa habent locum in demonstrationibus & scientiis, suntque potissimum axiomata, id est, enunciationes tam manifestæ veritatis, ut absque omni probatione, sola vocabulorum significatione accepta, ab audientibus vel legentibus assensum impetrent: tale principium cognoscendi non est causa; sed incomplexum est, aut terminus, aut thema, aut principium simplex, quo mens nostra provehatur in cognitionem effecti, tanquam alterius thematis aut termini simplicis.]

9. Vi) id est efficacia, seu virtute; ut cum dicimus, vi ignis calefieri aquam: non violentia, quo sensu invitum per vim dicitur in Ethicis.

Res) id est, causatum.

Est) id est, fit vel constat.

Quæst. II. Quid est causatum?

Quod à causis [producitur aut] constituitur.

Quæst. III. Quor sunt causæ?

Quatuor; materia, forma, efficiens, & finis.

1. Causæ istæ quatuor dividuntur in internas & externas. Discrimen inter causas internas & externas, est hoc; quod causæ internæ nunquam possint causare sine externis, externæ vero possint sine internis: ut, cum Deus creavit angelos ad gloriam suam, causa efficiens fuit Deus, finis gloria ejus: sed hic nulla fuit materia, nulla forma,

utraque enim carebant angeli. Deinde causæ internæ aliquam imperfectionem involvunt in causando, quia sunt partes causati, omnis autem pars imperfecta est; sed causæ externæ nullam imperfectionem involvunt in causando, quia non causant largiendo suam entitatem; sed tantum conferendo suam virtutem: nam architectus, vel bi causa

non confert domni suum esse quod habet, sed tantum suam vim ædificandi; ideoque causæ internæ de Deo dici nequeunt; externæ ipsi tribui possunt: Deus enim, nullius rei aut materia est aut forma, idem tamen omnium rerum est efficiens ac finis; hæ enim causæ nullam imperfectionem involvunt in causando. *Interna* dicuntur, quæ ipsam causati essentiam ingrediuntur ut partes constituentes; suntque materia & forma: *externæ*, quæ causatum quidem producunt, non tamen illud constituunt ut partes; suntque efficiens & finis, exempli gratia, Anima, forma, & corpus, materia, partes sunt constituentes hominem, vel essentiam hominis; sed vero faber li-

gnarius & inhabitatio, efficiens & finis, non sunt partes domus constituentes, sed eam tantum producentes.

[2. Non est absurdum, ut eadem res, & causa sit & pars, licet diversæ sint affectiones logicæ, pars & causa, quia respectus hic est diversus: nam materia & forma, corpus & anima rationalis, dicuntur partes, in quantum constituunt compositum, scilicet hominem; sunt causæ, in quantum causant, seu producunt suo modo hominem ut causatum: ut eadem res ac substantia, idemque homo, esse potest & pater respectu filii, & maritus respectu uxoris; respectus enim diversi non faciunt diversas res.]

Quæst. IV. An ut causa, ita quoque causatum dividitur?

Non; una enim & eadem res est causatum omnium causarum: idque, *compositum* dicitur respectu materiæ & formæ, *effectum* respectu efficientis, & *medium* sive *destinatum* respectu finis.

1. Causatum respectu materiæ & formæ) idem habet nomen & vocatur *compositum*, quia materia & forma semper simul causalitatem suam exercent: sic nunquam corpus sine anima, nunquam anima sine corpore, hominem constituit.

2. Quia materia & forma sunt concausæ, id est, simul causant, etiam utriusque causalitas philosophis uno venit nomine, verbi causa, unio; nam ad compositum producendum & constituendum, debet materia uniri formæ, & forma materiæ.

Quæst. V. Quid est materia?

Materia est causa interna, ex qua res fit, aut constat. Exempli gratia, semen est materia viventis, ex qua fit; corpus est materia, ex qua constat: illa solet appellari *materia generationis*; hæc *materia compositionis*.

1. *Materia*) vulgo dividitur
divisione vocis, non rei, in *mate-*
riam in qua, quæ subiectum, ut
mensa respectu coloris; *circa*
quam, quæ objectum, ut tabula
respectu pictoris; & *ex qua*, quæ
causa est, atque huius loci, ut li-
gnum respectu mensæ.

2. *Materia* ex qua, solis con-
venit corporibus; *materia* in qua

& circa quam, etiam spiri-
tibus: sic rationalis anima est
materia in qua suarum potentia-
rum & habituum, eadem est ma-
teria circa quam creationis.

3. *Materia* generationis voca-
tur etiam *transmutationis*; &
materia compositionis dicitur
quoque *constitutionis*.

**Quæst. VI. An materia generationis & materia
compositionis semper diversæ sunt?**

Non semper. Nam scammum fit & constat ex ligno;
nubes, ex vapore; glacies, ex aqua.

[1. *Materia* vulgo dividitur
in *primam* & *secundam*. *Materia*
prima est *materia* universalis, *se-*
cunda, particularis seu singularis,
quia operatio est simplex in ma-
teria singulari. *Materia* *prima*
est capax omnium formarum, non
quoad existentiam, sed quoad
essentiam: id est, non potest
existere sub omnibus formis
simul; sed ejus essentia non
repugnat, ut successive existat
sub omnibus; existit enim in
materiis secundis, quæ varias,
imo omnes formas sui variatio-
ne suscipere valent temporibus
diversis.]

[2. De *materia* *prima* multa
oriole disputantur à philosophis.
Brant qui eam faciunt ens, co-
æternum Deo, ut Aristoteles;
& illi qui eam, licet creatam,
faciunt ens distinctum à mate-
ria qualibet singulari, quippe
nil est aliud quam universale, at
universalia non existunt nisi
in singularibus. Nempe sic se
res habet: quia & cælum habet
aliquam materiam, ex qua con-

stat, præter suam formam, & ali-
quam quoque habent elemen-
ta, item & mineralia, & plan-
ta, & bruta, & homines, &
omnia corpora naturalia; illud
commune, ex quo omnia con-
stant præter formam, nihil est
aliud quam *materia* *prima*, id-
eoq; magis est ens rationis quam
ens reale, quia universalia sunt
entia rationis; & cum ei tribui-
tur essentia & existentia distin-
cta, id intelligendum est respec-
tu formæ, non respectu mate-
riæ secundæ seu singularis in
qua est: nam essentia & existen-
tia materiæ primæ, ut rei uni-
versalis, est ipsa essentia atque
existentia omnium materialium
singularium; at vero essentia &
existentia materiæ, distincta est
ab essentia & existentia formæ,
quia duo sunt distincta princi-
pia corporum naturalium. No-
tandum autem est hic, non dici
materiam *primam* aut *secun-*
dam eo sensu, quo divisa sunt
substantia in *primam* & *secun-*
dam: nam substantia *prima*

fuit substantia singularis, & secunda, universalis; at materia prima est universalis, & secunda, singularis. Porro & hoc sciendum est, divisionem materiæ

in primam & secundam, non esse divisionem generis in speciem, imò ne quidem divisionem rei, sed tantum distinctionem vocis.]

Quæst. VII. Quid est forma?

Forma est causa interna, per quam res est id quod est. Sic anima est forma viventis, figura forma statuae, &c.

[1. Forma] spectatur vel logice, vel physice; quæ duplex consideratio non debet confundi. Logice spectata, nihil est aliud quam ratio essentiae cujuscunque rei, sive sit naturalis, sive artificialis; unde etiam forma dividitur in naturalem & artificialem: sic in exemplis auctoris, forma naturalis viventis est anima; figura autem statuae est forma artificialis; illa substantialis, hæc accidentalis. Forma vero physice spectata, est principium corporis naturalis internum activum: estque substantialis, non accidentalis; naturalis, non artificialis. Ex confusione autem formæ logicæ & physice error ille ortus est in communi philosophia, quod in substantiis omnis forma logica, id est, ratio essentiae, putetur esse forma physica, id est, substantia; at eo nihil potest cogitari falsius: quid enim? in uno eodemque Petro sunt multæ formæ logicæ, seu rationes essentiae, una qua est homo, altera qua est animal, tertia qua est vivens, quarta qua est mixtum, quinta qua est corpus, sexta qua est substantia: quid ergo? an totidem erunt Petro formæ physice, id est, totidem substantiæ, aut formæ substantiales? nihil minus,

& error hic inde ortus est, quod vox græca *εἶδος*, quæ proprie significat essentiam, derivatur enim ab *ὤν* & *ὅς*, interdum sit versa per substantiam, quæ tamen græce dicitur *ὕλη* unde putarunt, omnem diversam rationem essentiae, esse diversam rationem substantiæ, & omnem formam logicam, esse diversam formam physicam. Sed refutatur hic error; primo, quod forma logica, seu ratio essentiae, invenitur etiam in accidentibus, atque ipsa sæpe sit accidens, ut figura in statua, & tunc saltem illa non potest dici substantia, ut tum ratio essentiae non sit idem, quod ratio substantiæ, nec essentia, quod est substantia: nam figura est essentia statuae, qua est statua, non tamen est substantia; aut est ratio essentiae in statua, non tamen ratio substantiæ. Secundo, si totuplex esset substantia, aut forma substantialis, quotuplex est essentia aut ratio essentiae in substantia, ergo totidem dabuntur formæ substantiales in uno eodemque composito, quot sunt rationes essentielles in eodem composito: posterius est falsum; ergo & prius. Minor probatur: Rationes essentielles, sive essentiae aliis dicuntur attributa

tributa quidditativa, aut prædicata essentialia; quibus vocibus significatur id, quo responderi potest ad quæstionem, quid est res? ut, si quis rogetur, quid est Petrus? potest respondere, est homo, est animal, est vivens, est mixtum, est corpus, est substantia: tot sunt in Petro rationes essentialiæ tot attributa quidditativa, tot prædicata essentialia; sed non sunt tot formæ substantiales physiciæ, id est, tot substantiæ distinctæ: attamen tot sunt in eo rationes essentialiæ, seu formæ logicæ; ergo aliud est forma logica, aliud forma physica, quod erat probandum.]

[2. Esse rerum, est vel commune, vel proprium: prius est à materia, posterius à forma, sic corpus homini commune est cum brutis, materia utrisque; anima

rationalis homini propria, & forma ejus, hinc specifica rerum differentia à formis desumi solet.

[3. Forma græcis sæpe dicitur *εἶδος*, id est, species, quia speciem constituit, & ab alia specie essentialiter distinguit; ac tum solet vocari differentia specifica, aut essentialis, aut hæc, unde desumitur.]

4. Quod res sit seu existat, hoc debet & materiæ & formæ, ut quod sit seu existat homo, debet & animæ & corpori: sed quod res sit talis, aut talis, hujus vel illius speciei, puta, quod sit homo, & non brutum, debet soli formæ & non materiæ; ideoque forma est causa per quam res est id quod est, id est, per quam res est talis vel talis speciei, scilicet rationalis potius quam irrationalis, &c.

Quæst. VIII. An res non est etiam per materiam?

Omnino: sed per materiam, non est id quod est, hoc est, non est certa species. Quod enim res sit, hoc æque materiæ debetur ac formæ; sed quod sit hoc potius quam illud, id totum debetur formæ.

1. Utilissima & usitatissima est divisio formæ in materialem & immaterialem: cujus divisionis membra longe aliter sunt intelligenda, quam cum dividitur substantia in materialem & immaterialem; nempe substantia materialis dicitur, quæ materia constat, ut parte componentè; immaterialis, quæ non constat illa: sed forma dicitur materialis, non quasi materia constet, tanquam parte componente, hoc enim sensu nulla forma datur materialis, nam cum forma

non foret causa, sed causatum ac compositum: sed dicitur forma materialis, quæ cum sit & existit, & cum operatur, à materia dependet; immaterialis contra dicitur, non quod careat materia, licet hoc sit verissimum, sed quod nec in fieri, nec in esse, nec in operari, dependeat à materia: talis est unica & sola anima rationalis, reliquæ omnes formæ, præter hanc sunt materiales.

[2. Cum anima rationalis dicitur forma immaterialis, duplici

plici nomine sit vocatur: primo, quia nulla constat materia tanquam parte componente, uti quidem constat corpus; secundo, quia non dependet à materia in fieri, esse, & operari, ut anima vegetans, sentiens, & omnes a-

liæ formæ, sunt quidem materiales, non quatenus constat materia tanquam parte componente, neque enim sunt corpora; sed sunt materiales, quatenus à materia dependent in fieri, esse, & operari.]

CAPUT XVII.

Quæst. I. Quid est causa efficiens?

CAusa efficiens est causa externa, à qua res, vera causalitate proficiscitur.

1. De ordine causarum, quænam sit prima disputari solet à philosophis. Multi putant finem esse causarum primam, quia ante efficientem, materiam & formam causat; nam inhabitatio primum movet efficientem, antequam ædificet, & formam domus in materiam introducat: alii primam causarum faciunt materiam, quia illa omni actioni, excepta creatione, præsupponitur. Author noster incipit à materia. Ob illam causam Ramus & alii incipiunt ab efficiente, quia ante ullam aliam causam existit efficiens, puta, Deus. Sed in causarum ordine, quænam tractetur primo loco, non multum est situm.]

2. Ut commentarii hujus questionis, & etiam quæst. 1. e. 18. bene intelligantur, sciendum est, quod *efficientis causalitas* dicitur vera, quia revera effectus productionem attingit, & ab efficiente quadam virtus derivatur, terminata in ipsum effectum: causalitas vero, *finis* dicitur metaphorica, quia non attingit immediate ipsum effectum, nec in eum terminatur,

& non est alio modo causa effecti, quam impellendo efficientem ad agendum. Itaque accurate debet discerni duplex causalitas finalis respectus: unus, quo refertur ad efficientem; alter, quo refertur ad causatum. Causalitas finis respectu efficientis est vera & propria, non metaphorica aut impropria; nam vere impellit efficientem, estque ille impulsus realis: sed respectu causati, finis causalitas non est vera nec realis, quia reapse finis non attingit ullo modo causati productionem, utpote quæ nondum est; & ideo dicitur finis causa causati per causalitatem metaphorica, id est, impropria.]

3. Vocatur *efficientis*, uti finis, causa externa, quia neutra essentiam causati ingreditur. ut pars constituens; sicut quidem faciunt *materia & forma*; quæ ideo dicuntur causæ internæ, uti notatum est ad quæst. 3. cap. præced.

[4. Efficiens & finis attingunt tantum causatum sua virtute, non largiendo essentiam suam; sed differunt in eo, quod efficiens

efficientis virtus in ipsum terminetur causatum; virtus vero finis, non nisi per & propter efficientem, quem agendum movet, & sic per ac propter eum, causatum attingit. quæ ipsius motio metaphorica dicitur, non quia efficientem revera non moveat; sed quod efficientem verè movendo, improprie & secundum similitudinem effecti productionem attingat. Ita inhabitatio non aliter producit domum, quam inhabitantem movendo ad ædificandum: at ipse architectus, sua ædificandi virtute ipsam domum attingit immediate.]

5. Vera causalitas efficientis opponitur motioni metaphorice finis, quæ idem significat, ac si diceret motionem sive causalitatem impropriam, ac per similitudinem: quemadmodum enim homo pictus, qui est similis homini vivo, non est verus homo, & sicuti significatio vocis metaphorica non est propria, sed impropria; ita causalitas aut motio metaphorica, est causalitas ac motio impropria, & non vera. Notandum vero est, dupliciter esse habitudinem & re-

spectum finis: vel enim respicit efficientem, quem movet & impellit ad agendum; vel respicit ipsum causatum, quod ab efficiente producit; sicuti inhabitatio respicit vel ædificantem, vel domum. Respektu efficientis, finis non agit causalitate metaphorica, sed vere ac propria; nam inhabitatio vere ac proprie movet ædificantem sed respectu causati, ipsius domus quæ propter inhabitationem, ut finem extruitur, agit metaphorice, & causalitate impropria, ac non vera; quia cum finis, verbi causa, inhabitatio, ante causati, scilicet, domus, productionem non existat, vere & proprie agere non potest; non entis enim nullæ sunt affectiones aut operationes sive affectiones physicae, licet ei tribui possint operationes morales. qualis est impulsus & motio efficientis ad operandum, facta à fine nondum existente: quemadmodum eruditio nondum acquisita, movet & impellit studiosum ad studia. Et hæc faciunt ad intelligendum quoque quæst. 1. cap. 18. & commentarium subiectum.

Quæst. II. Cur dicis causalitate vera?

Ut causam efficientem à fine distinguerem. Nam res effecta etiam proficiscitur à fine, sed causalitate sive motione metaphorica.

1. Improprie dicitur causatum esse à fine: nam à sive ab proprie est nota solius causæ efficientis;

quemadmodum ex materia, per formam propter finem est symbolum ac character.

Quæst. III. Quot modis dividitur causa efficiens?

Octo potissimum modis.

[1. Divisio causæ efficientis petitur vel ab effectu, vel à modo causandi. Quæ divisiones sunt authoris, petiæ sunt à modo causandi, qui ut est diversus, ita facit causæ efficientis species diversas: sola divisio causæ effi-

cientis in procreantem & conservantem, desumpta est à diversitate effecti; nam aliud est effectum causæ procreantis, aliud conservantis, procreans efficit causæ existentiam, conservans effecti existentis durationem.]

Quæst. IV. Quæ est prima divisio?

Causa efficiens alia est emanativa vulgo dicta, alia activa.

1. Omisit au hor divisionem causæ efficientis in procreantem & conservantem, quæ tamen maximi est usus. *Procreans* vocatur, quæ producit ipsum rei esse seu existere, facitque ut res, quæ ante non erat seu existeret, nunc sit seu existat. *Conservans* dicitur, quæ rei nunc existenti largitur in existendo continuationem, facitque, ut in existentia quam accepit à causa procreante perseveret. Hæ causæ, interdum sunt distinctæ; ut, cum parentes procreant sobolem, nutritrix eam conservat: interdum utraque est eadem; ut, cum Deus dicitur & procreans, & conservans causa mundi. Notandum vero est, causam conservantem æque esse veram speciem causæ efficientis, atque procreans, quia vera causalitate & vero influxu

influit in causatum quod conservat.

[2. Nonnulli Logici causam conservantem exterminârunt ex numero causarum efficientium, quasi causa conservans nihil sit aliud quam non corrumpens, aut non destruens: sed plus dicit causa conservans, quam rei non corruptionem, aut non destructionem: certe ad eam nulla requiritur causalitas: sed causa conservans aliquid dicit amplius, nempe realem influxum in rem ipsam, quæ conservatur. Atque hoc manifestissime patet exemplo solis, qui est causa conservans laminis à se procreatis; non tantum quia illud non destruit aut corrumpit, sed quia continuo influxu, eoque vero ac reali, radios suos diffundendo, usque & usque continuat.]

Quæst. V. Quanam causa vocatur vulgo emanativa?

A qua res immediate, ac sine ulla actione media, emanat. Sic ignis est causa caloris sui interni, qui in se manet; omnisque forma est causa emanativa suarum proprietatum.

1. In causa emanativa non est causalitas distincta ab ejus existentia; sed ejus essentia posita,

statim ponitur & causatum existere; unde, hæc causa & causatum suum se mutuo ponunt & tollunt:

tollunt : sic, posita anima rationali ponitur ejus potentia intelligendi, & vice versa ; & posita anima vegetante, ponitur potentia nutriendi, & vice versa.

2. *Immediate* id est sine omni medio, quodcumque tandem illud fuerit. At activa causa admittit non tantum medium, patiens, aut conditionem ad agendum requisitam, sed & actionem mediam, quæ distincta est ab existentia tum causæ tum causati : ita ignis, præter materiam combustibilem, & præter approximationem sui ad eam, elicit combustionem.

Quæst. VI. Quid est causa activa ?

Quæ effectum producit agendo. Sic ignis est causa caloris externi [quem in alio producit] in eo qui calefit.

[1. Cum & actio ipsa, & effectum actione productum, sit ab efficiente, verbi causa, & calefactio, & calor in aqua productus, ab igne, difficilima est quæstio, qualis causa sit efficiens respectu actionis, ignis verbi causa respectu calefactionis, an activa, an inactiva. Quin sit causa activa caloris in aqua producti, nullum est dubium ; sed qualis sit causa efficiens respectu calefactionis, non facile est dictu. Nam si calefactionis est causa activa, oportet dari aliquam aliam actionem, qua mediante ista calefactio sit producta ab igne, & sic ibitur in infinitum, quod est absurdum : si sit causa ejus emanativa, ergo calefactio nunquam poterit tolli ab igne, quia causa emanativa & effectum se mutuo ponunt ; sed poni potest ignis, non posita

qua materiam combustibilem consumit.

[3. Causa emanativa dividi solet in internam & externam : interna dicitur, quæ est in eodem subiecto, in quo est effectum emanans ; ut anima rationalis est in eodem homine, in quo est potentia intelligendi : externa dicitur, quæ est in alio subiecto quam in quo est effectum emanans ; sic interpositio terræ inter solem & lunam, causa emanativa eclipsios, non est in luna, in qua ut subiecto est eclipsis tanquam effectum emanans.]

calefactione, quod exemplo ignis in fornace Babylonica nec calefacientis, nedum comburentis injectos juvenes, probari solet : aut danda sic erit tertia species causæ efficientis, quæ nec sit activa nec emanativa, Resp. non necesse est, ut detur tertium genus causæ efficientis, nec ignem calefactionis esse causam activam, nec ullam causam efficientem esse causam activam suæ actionis, sed emanativam : si dicas, effectum non posse tolli à causa emanativa ; & actionem posse tolli, non sublata causa efficiente, concedo prius, nego posterius : nam neque calefactio, neque combustio ablata fuit ab igne in fornace Babylonica, licet injectos juvenes illos nec calefecerit, nec combusserit ; nam quomodo non tantum calefacere, sed aduere

adurere potuisset circumstantes iste ignis, quod refertur Danielis capite tertio, si sublata fuisset vel calefactio, vel combustio? Quid igitur, quæ causa est, quod non sint calefacti vel combusti isti iuvenes? Respond. causam esse, non actionem sublatam vel calefaciendi vel comburendi, sed impeditum à Deo positum in ipsis corporibus juvenum injectorum, quo minus & calefactio & combustio potuerint illa consumere.]

2. *Causa activa* præter existentiam, habet virtutem qua effecti productionem juret & promoveat, quæ est distincta ab ejus essentia & existentia; quemadmodum calefactio est distincta ab essentia & existentia ignis calefacientis.

3. Ex generali definitione causæ, constat, tria esse consideranda: ipsam causam quæ causat; vim, sive virtutem, sive causalitatem quæ causat; & rem, sive causatum quod à causa per causalitatem producit. Hæc tria plerumq; sunt distincta inter se, non tamen semper. Causa quidem & causatum semper distinguuntur sed causalitas, seu vis ac virtus causandi, non semper distinguitur ab ipsa causa, sive ejus existentia: sicuti hoc patet in causa emanativa, ubi tantum duo reperiuntur, ipsa causa & causatum; causalitas vero nullo modo distinguitur ab ipsa causæ existentia, sed simul atque hæc causa existit, eo tem momento existit causatum. Sed longe secus res se habet in cau-

sa activa, ubi tria sunt distinctissima, causa, causalitas, causatum: neque ista causa posita existendo, statim sequitur existere causatum; sed causa diu potest fuisse in rerum natura, ut tamen non existerit causatum. Exemplum utriusque est in igne, à quo proficiscitur calor duplex; unus igni internus, atque in eo manens, qui est ignis proprietas, & ab eo nunquam separatur; alius igni externus, qui ab igne extra se producit in corpore alio, & non proprietas est ejus, sed effectus caloris interni, qui proprietas ignis est. Caloris interni, ignis est causa emanativa; externi, activa; ratio est, quia simul atque ignis existit, ipso illo instanti existit calor, qui internus est igni, & ejus proprietas; nam subjectum & proprium ne ad momentum quidem à se invicem separari possunt, ideoque hic nulla est causalitas distincta ab existentia ignis, quæ calorem sibi internum producat: verum calorem externum producit ignis in aqua per causalitatem, scilicet calefactionem, tanquam actionem mediam, distinctam à sui ipsius existentia; neque enim statim atque ignis existit, eo ipso temporis articulo calorem producit in aqua; potest enim diu in rerum natura existere ignis, ut non calefaciat aquam. Itaque totum discrimen inter utramque causam hæc, emanativam & activam, consistit in voce *immediate*, quæ in causa emanativa excludit omnia media, quæcunque cogitari possunt: sed

sed causa activa admittit inter se & causatum mediam actionem, distinctam à se & causato; quemadmodum generatio est distincta à patre generante, & filio genito. Atque hinc oritur, quod dicamus vulgo, causa e-

manativa & causatum se mutuo ponunt & tollunt, & posita causa emanativa ponitur causatum: quod neutrum verum est de activa; neque enim hic causa & effectum reciprocantur.

Quæst. VII. *Quæ est secunda divisio?*

Causa efficiens vel est immanens, vel transiens;

Quæst. VIII. *Quæ est causa immanens?*

Quæ producit effectum in seipsa. Sic dicitur intellectus causa suorum conceptuum.

1. Vocatur *causa immanens* clarius, quando effectum & causa sunt in eodem subjecto, scil. inhesionis; quemadmodum intellectus & conceptus, id est, species intelligibilis qua intellectus intellèxit, sunt in eadem anima rationali.

[2. Non est confundenda causa immanens cum emanativa: nam omnis quidem causa emanativa interna est immanens, sed non omnis immanens est emanativa; datur enim causa activa immanens, nempe intellectus, est causa & activa & immanens: sunt enim hæc tria; intellectus, causa; intellectio, actio; species intelligibilis in intellectu manens, causatum.]

[3. A multis hæc duo solent confundi, causa immanens & emanativa, sed pessime; nam datur causa immanens quæ non sit emanativa, sed activa; sic ut hæc duo debeant distingui, Omnis causa emanativa est immanens, sed non omnis causa immanens est emanativa: nam in causa emanativa tantum duo sunt, causa, & causatum; in activa, tria sunt, causa, causalitas, & causatum: at hæc tria inveniuntur sæpe in causa, immanente; sic intellectus est causa, intellectio, causalitas, species intelligibilis, aliis idea, aliis verbum mentis, est causatum, & tamen intellectus est causa immanens.]

Quæst. IX. *Quæ transiens?*

Quæ producit effectum extra se. Sic architectus est causa domus; qui projicit, causa projecti lapidis.

1. *Causa transiens* dicitur quando effectum extra efficiensem abit, sic domus est extra architectum.

[2. Circa causam transeuntem duo sunt observanda. Primum est, ut causa transiens causatum attingat, vel sua existenti-

tia five supposito, sicuti aqua abluens manum tali modo attingit manum; vel virtute five causalitate, quemadmodum ignis tali modo attingit manum, tam calefaciendo, sol aërem, eum ill. minando; neque enim ipsum corpus ignis manum, aut corpus solis aërem attingit, sed utriusque tantum virtus, in igne calefaciendi, in sole illuminandi, pertingit vel ad manum, vel aërem: hinc natum est illud axioma, *Nihil agit in distans*, id est, in illud quod tam longe à se est remotum, ut neque sua existentia neque virtute attingere valeat. Alterum requisitum in causa transeunte est, ut illa sit dissimilis patienti, vel quoad speciem, vel quoad gradum: sic frigus agit in calorem, ubi est di-

stinctio speciei; vel major calor in minorem, ubi est distinctio graduum.]

[3. Acris est disputatio inter philosophos, utrum aliquid agere possit in distans, id est, an possit agens agendo attingere terminum à se remotum & distantem, sic, ut neque existentia agentis, neque virtus ad illum pertingat. Resp. quod non: nam si objectum eo usque removeatur ac distet ab agente, ut neque existentia, neque virtus agentis eo pertingat, nulla dabitur actio: quia in omni actione requiritur ut patiens five objectum approximetur agenti; at qui nulla erit approximatio, si agens, neque existentia, neque virtute objectum five patiens attingat.]

Quæst. X. Quæ est tertia divisio?

Causa efficiens alia libera est, alia necessaria.

Quæst. XI. Quanam causa dicuntur libera?

Quæ consulto [id est, ex iudicio rationis] causant. Sic, qui pro arbitrato suo ambulat, domum struit, bella gerit, aut aliud aliquid agit, dicitur causa libera istarum rerum quas efficit.

[1. Consulto causare] est agere ex prævio consilio ac rationis iudicio; quo modo agunt tantum causæ rationales, ut Deus, angeli & animæ rationales. Deus agit ex prævia ratione, non ex consilio proprie, quia non consultat: homines agunt interdum ex prævio iudicio simpliciter, ut dum appetunt finem ultimum; interdum ex præcedenti consilio, cum versantur

circa media indifferentia, quæ non necessario cum fine ultimo coherent. Aliæ omnes causæ agunt necessitate naturæ, à qua instigantur, quia ante actionem non ineunt rationem, an velint agere aut non agere, sed naturæ instinctu ad actionem prouunt: neque enim deliberat ignis, an velit urere, neque etiam iudicat sibi esse urendum, quia ratione caret. Necessitas naturæ

naturæ dicitur, quæ oritur ab alio principio quam voluntas. Libertas, quæ causam denominat liberam, est potestas faciendi quod libet; hoc vero libet quod rationi placet; illud rationi placet, quod post consultationem vel rationem initam, ab illa judicatur esse faciendum; itaque esse causam liberam, tantum cadit in agentia ex ratione, aut prævia consultatione. Deus quidem non consultat; nam hoc aliquam imperfectionem, puta, vel ignorantiam, vel dubitationem, in ipso poneret; attamen agit ex ratione, atque omnia facit ex consilio voluntatis suæ, *ad Eph. 1.* nam sapienter omnia fecit, facitque. Præter Deum, non tantum ex ratione, sed & ex consultatione prævia agunt homines. An & consultant angeli, multum disputari solet: videtur tamen, cum non omnia sciant, in illos cadere consultatio; agunt saltem ex præcedaneo rationis iudicio. In homine vero sunt duum generum actiones; quædam sunt ipsi communes cum rebus aliis, quædam homini propriæ. Quæ sunt prioris generis, circa eas interdum est causa libera, interdum necessaria: verbi causa, quod crescat, quod nutriatur, quod bene vel male valeat, quod vitam suam ad certum tempus perducatur & non ultra, &c. horum omnium causa est necessaria; sed quod videatur, audiat, appetat, amet, oderit, irascatur, loco se moveat, vigilet: &c. harum actionum est causa libera: exercet autem eas,

quia vult, & vult, quia iudicat per rationem: non quod ad singulas hujus generis actiones singula explicite ferantur iudicia, neque enim ad singulos motus digitorum in clavicymbalo, aut ad singulos motus pedum versus hunc aut illum locum, singula fert iudicia homo; sed unum tantum generale elicit, in quo implicite involvuntur iudicia specialia ad singulares actiones requisita. Circa actiones vero homini proprias, quales sunt intellectus & voluntatis, homo semper & tantum est causa libera; uti & circa omnes actiones quæ ab intellectus iudicio & voluntatis imperio proficiuntur, uti sunt omnes actiones morales, civiles, domesticæ, familiam regere, rempublicam administrare, unicuique suum tribuere, &c.]

2. Illa duo sunt accurate discernenda, consilium & iudicium rationis. Consilium significat deliberationem; sed multa sunt absque deliberatione, & tamen libere: appetimus finem ultimum indeliberate, neque enim quisquam deliberat, an velit esse beatus; attamen expetit beatitudinem ex prævio rationis iudicio; nam non expetit illam, nisi ut iudicaverit illam esse expetendam: ad causam tamen liberam plus requiritur quam iudicium rationis, nam requiritur insuper consilium, id est, consultatio seu deliberatio, quæ non cadit nisi circa illa quæ indifferenter se habent, qualia sunt media omnia quæ non necessario cum fine ultimo coherent,

Hinc manifestum est, Deum esse causam liberam, non isto sensu, quasi agat ex consilio, neque enim consultat; sed quia agit ex prævia ratione: nihil enim agit nisi sapienter; at sapientia est aut habitus, aut actus rationis.]

[3. Natura & naturale interdum opponitur violento, interdum voluntari aut voluntario in Ethicis. Dicitur motus hominis delapsi in fossam, quando ex illa extrahitur, motus violentus, quia est contra naturam, principium internum, rei gravis, ut moveatur sursum, & sic ille motus est violentus; sed si spectetur ratione voluntatis ejus qui ex fossa extrahitur, est motus liber, quia

vult extrahi: itaque quamvis oriatur à principio externo, scilicet ab extrahente, quia tamen is, qui extrahitur vult extrahi, est motus non necessarius, sed liber.]

[4. Verissimum est, quod omnem actionem voluntatis præcedat aliquod rationis judicium, sed illud est vel explicitum, vel implicitum: explicitum vocatur illud quod fertur in actionibus deliberatis; implicitum dicitur illud quod non quidem ad singulas actiones instituitur, sed quod in genere fertur, & in quo involuntur atque implicantur judicia singularia, de actione hac aut illa instituenda.]

Quæst. XII. Quanam dicuntur necessaria?

Quæ causant necessitate naturæ. Sic lapis descendens, ignis ascendens, aut urens materiam idoneam, dicitur causa necessaria motus; aut ustionis.

[1. *Necessitas naturæ*] vocatur, quæ corpus aliquod naturale ex instinctu naturæ agit, sine prævia deliberatione aut consultatione, aut rationis judicio, quo modo lapis necessario tendit deorsum: & distinguitur à necessitate coactionis, quæ est à principio externo cogente, ut cum fur necessario ascendit ad patibulum; & à necessitate determinationis, quæ vel à Deo omnia agentia determinante, quo sensu omnia fiunt necessario quæ fiunt, quia Deus decrevit ea fore, & causas secundas in tempore applicat atque determinat ad ea facienda; vel ab intellectus judicio determi-

nante voluntatem hominis, quo sensu homo appetit necessario summum bonum, quia intellectus judicat illud esse appetendum, & ad illud voluntatem determinat. Prima sola necessitas, puta *naturæ*, libertatem tollit, non item reliquæ. Necessitas actionis libertatem non tollit, quia voluntas cogi non potest, & omnis coactio est in actibus imperatis. Necessitas determinationis libertatem non tollit, quia non tollit voluntatem agentis; nam voluntas consentit in agendo; igitur nec Deus, nec intellectus, determinando voluntatem hominis, hoc efficit, ut homo agens
id

id ad quod determinatur ; agat illud contra voluntatem.]

[2. Vox *necessitas* multis modis sumitur : interdum oritur à principio interno , interdum ab externo. Necessitas quæ hîc intelligitur est à principio interno , quod est ipsa natura , vel materia , vel forma rei. Necessitas quæ oritur à principio externo , libertatem non tollit. Dicitur autem principium externum , quæcunque conditio posita extra ipsam causam , quæ agit necessario : illa vero conditio vel antecedit , vel concomitatur , vel sequitur causam , quæ agit necessario. Quæ conditio antecedit , est vel decretum Dei , vel præscientia ejus , vel concursus prævius : quæ conditio concomitatur causam necessariam , est concursus Dei simultaneus ; nam eo præsentem non potest non fieri , quin causa agat , unde etiam vocatur necessitas temporis præsentis : quæ conditio sequitur causam necessariam , ea facit necessitatem finis ; sic necesse est aliquem studere , si velit eruditionem. Omnes autem hæ conditiones , si ve præcedant , si ve concomitentur , si ve sequantur causam necessariam , optime conspirant cum causa libera : nam nulla earum libertatem tollit , uti quidem facit necessitas interna , quæ ideo vocatur necessitas naturæ ; quia natura est principium internum. Quod necessitas actionis dicatur libertatem tollere , id intelligendum est de actibus imperatis , sed non elicitis : vocantur autem actus imperati ,

qui à facultatibus inferioribus ex imperio intellectus instituntur ; sic videre , & omnes actiones sensuum externorum sunt imperatæ , quia videmus & sentimus quando volumus , & volumus quando judicamus : actus vero eliciti , sunt ipsum judicium & imperium voluntatis , in quæ non cadit coactio ; neque enim cogi potest , ut aliter judicet quam judicat , neque voluntas , ut aliud velit quam vult.]

[3. Præter hominem , angelos , & Deum , reliquæ omnes causæ sunt necessariae. Necessitas autem alia est interna , in ipsis causis , quæ agunt necessario ; alia est externa , & aliunde in causas , quæ agunt necessario , derivata. Intelligitur hîc prior , quæ vocatur naturæ necessitas (natura enim est principium agendi internum) non vero posterior , qualis est necessitas coactionis & determinationis divinæ : nam cum quis agit quippiam necessario coactus , id quod ipsum cogit , extra illum est ; ita carnifex extra furem est , qui ab eo cogitur ascendere , & coactus ascendit necessario scalas ad patibulum ; sic & cum homo agit necessario necessitate determinationis divinæ , uti quando agit illa quæ & Deus decrevit & præscivit , ut ageret , & qui ad agendum ipsum determinat , illa quoque necessitas est à principio extra hominem ; neque enim provenit à natura hominis , quæ ipsam ad hoc agendum tantum determinet , quod agit ex necessitate decreti , præ-

scientiæ, ac determinationis divinæ, quia sic auferretur ab ipso potestas non agendi, vel aliud agendi, quod non fit: ideoque, nec necessitas hæc neque prior impedit, quo minus homo sit & maneat causa libera istarum actionum quas agit, coactus ac determinatus à Deo. Sed, neque hic intelligitur necessitas determinationis factæ à iudicio intellectus humani ultimo, licet sit interna homini, quia externa adhuc est ipsi actioni, quam homo ex illo prævio iudicio instituit: ut cum quis proficiscitur Hagam aut Amstelodamum, quia iudicat pro ratione rerum suarum, omnibus expensis circumstantiis, illud esse faciendum, is, postquam iudicium illud larum est, necessario iter suscipit; non tamen naturæ necessitate, neque enim naturali instinctu determinatur ad hanc actionem; tantam habet enim & servat, etiam cum nunc iter facit, potestatem non faciendi iter, seu illud alio instituendi quam Hagam versus aut Amstelodamum. Sed causæ necessariæ non habent potestatem ullam aut non agendi, aut agendi aliud, quam hoc ipsum quod agunt: ut ignis non habet potestatem frigefaciendi, aut non cale-

faciendi, cum omnia ad calefaciendum sunt requisita, neque unquam deliberat an calefacere velit; sed talem accipit naturam, ut non possit non calefacere, atque ideo dicitur calefacere necessitate naturæ.]

[4. Causæ liberæ libertas consistit in simultate potentiae, sed non in potentia simulatis: hoc est, causa libera agit libere, etiam si non possit non agere hoc quod agit, quia habet potestatem & non agendi, & agendi aliud, quam quod agit, in sensu scilicet & tempore diviso; sed non habet causa libera talem potestatem, qua simul agat & non agat, nam hæc potentia simultatis contradictionem implicat; fieri enim nequit, ut aliquid agens simul & agat & non agat, ideoque illa potentia simultatis nullo modo cadit in causam liberam.]

[5. Intellectus, ejusque iudicium, est quidem internum homini, quia est intra hominem: est tamen externum actioni imperatæ, quæ ab homine exercetur: verbi causa, quando aliquis iudicat, esse huc aut illuc eundum, illud iudicium est quidem intra hominem judicantem, & sic ei est internum; attamen externum est respectu ejus abitionis.]

Quæst. XIII. Quæ est quarta divisio?

Causa efficiens alia est per se, alia per accidens.

Quæst. XIV. Quid est causa per se?

Quæ producit effectum naturæ suæ, aut consilio consentaneum.

1. *Causa per se* producit effectum consilio suo consentaneum, cū est causa libera; & nature sue conveniens, cum est necessaria.

Quæst. XV. Quid causa per accidens?

Quæ effectum producit præter consilium, aut naturæ suæ propensionem.

1. *Causa per accidens* præter naturæ suæ propensionem, quando consilium prædicat effectum) est necessaria, quando est libera; & præter

Quæst. XVI. Explica rem exemplis.

Cum piscator pisces capit, dicitur causa per se capturæ piscium; cum extrahit aureum tripodem, dicitur causa per accidens: illud enim proposuerat, hoc evenit præter consilium. Similiter, cum animal sibi simile generat, dicitur causa per se generati animalis; cum generat monstrum, dicitur causa per accidens: quia hoc accidit præter propensionem naturalem animalis. Dicitur etiam alio modo causa per accidens: sed vide hæc de re Institutiones nostras.

1. Hæc divisio intelligenda est de causis creatis & secundis, non de prima & increata, scilicet, Deo; nihil enim fit præter Dei intentionem aut consilium: hoc enim si esset, aliquid fieret præter Dei vel scientiam vel voluntatem. quod utrumq; in Deo arguit imperfectionem; quicquid enim fit, id Deus & decrevit ut fieret, & scivit fore, antequam fiat: bonum quidem decrevit & scivit fore, sic, ut ipse illud cum creatura faceret; malum vero sic decrevit & scivit fore, ut non faceret, sed ut permitteret tantum fieri à creaturis: & sic Deus nullius, seu rei, seu actionis, est causa per accidens. Mala quidem fiunt contra voluntatem Dei revelatam: hoc est, contra ipsius legem; sed non

præter voluntatem Dei decernentem: sic enim mala eximerentur providentiæ divinæ, quod impium est.

[2. Vulgaris est distinctio, apud metaphysicos & theologos, voluntatis divinæ, in voluntatem signi & beneplaciti: priorem vocant revelatam, posteriorem occultam. Voluntas signi aut revelata, dicitur illa, qua Deus significat quid fieri velit ab homine; ac melius diceretur signum voluntatis divinæ: ad hanc pertinent omnes leges verbo Dei expressæ; & contra hanc voluntatem Dei multa fiunt, quando, scilicet, homo illa facit quæ Deus vetat, aut illa non facit quæ Deus jubet. Sed voluntas Dei arcana illa dicitur, quæ Deus omnia

decrevit aut ipse facere, aut permittere ut fiant ab homine. Decrevit, facit, & ipse facit, ea quæ sunt bona : at mala decrevit quidem ut fierent ; non tamen se efficiente , sed permittente tantum : & contra hanc voluntatem arcanam, occultam, decernentem , aut beneplaciti, nihil fit, nec præter eam aliquid fit. Si enim aliquid fieret, sive bonum sive malum, aut præter, aut contra eam, tum aliquid fieret præ-

ter Dei intentionem : atqui illud diceret aliquam imperfectionem in Deo. Si roges, an hac voluntate Deus voluerit aut ordinaverit mala culpæ , seu peccata ; Resp. omnino, quia novit ex malis bonum elicere: sunt enim peccata ipsi medium illustrandæ, tum misericordiæ in condonando, tum iustitiæ in puniendo: si enim peccata permittere non decrevit, non potuisset aut misericordiam suam aut iustitiam patefacere,

Quæst. XVII. Quæ est quinta divisio ?

Causa efficiens alia est principalis ; alia minus principalis.

1. *Causa principalis*) dividitur in univocam & æquivocam. Causa univoca est, quando causa & effectus sunt ejusdem speciei; ut, cum calor efficit calorem, aut mus generat murem, &c. Causa æquivoca est, quando causa & effectus sunt diversæ speciei; veluti cum sol producit mures ex putri materia.

[2. Causa univoca vulgo dicitur effectum suum continere formaliter, quia eadem forma est causæ, quæ est effecti; sic eadem forma est anima sentiens muris

gignentis quæ est muris geniti. Causa vero æquivoca dicitur effectum suum continere eminenter ; quia licet non habeat formam eandem quæ est effecti, habet tamen in se virtutem aliquam eminentem, qua formæ effecti productionem attingat: sic licet sol non sit animatus, animæ tamen tum vegetantis tum sentientis productionem, tum in plantis tum in brutis, attingit sua virtute, qua influit in productionem omnium effectuum subcælestium.]

Quæst. XVIII. Quam vocas principalem ?

Quæ sua virtute effectum producit.

1. *Principalis causa*, dicitur sui virtute effectum producere, id est, non tantum virtute quæ in se existit, sed & quæ, nulla causæ secundæ alterius virtute eget ad causari productionem: sicut, ex opposito, causa dicitur

minus principalis, quæ eget præsentia & virtute alterius causæ secundæ. Dico notanter *alterius causæ secundæ*; quia causa secunda, sive principalis sive minus principalis, eget virtute causæ primæ ad operandum: in

Deo

Deo enim non tantum sumus & vivimus, sed & movemur.

2. Vocula illa *sua* significat non tantum aliquem agendi virtutem inesse causæ principali, nam & illa inest instrumentis singulis, sua, cultro scindendi, penicillo pingendi, calamo scribendi, &c. nec tantum notat, causas principales habere virtutem sibi propriam, licet dependentem à Deo; sed significat, virtutem causæ principalis non dependere à virtute alterius causæ secundæ: cujus contrarium videre est in causis instrumentalibus, quæ licet habeant in sese virtutem existentem, atque etiam dependentem à Deo; insuper dependent à virtute causæ alterius secundæ, sine cujus præsentia & auxilio operari non possunt: quemadmodum nec culter scindere, nec calamus scri-

bere potest, etsi habeant virtutes in se & scindendi & scribendi, nisi insuper, præter Dei concursus, applicentur atque adjuvantur à manu scindentis, scribentis, causæ secundæ.

[3. Errant, qui causam principalem definiunt, quæ virtute independenti effectum producit: sic enim solus Deus foret causa principalis, utpote cujus virtus à nullo dependet; & creaturæ omnes forent causæ instrumentales, aut minus principales, quia virtutem habent dependentem à Deo: atqui hoc absurdum est, ut nulla creatura sit causa principalis actionis suæ, & effecti: ideoque ad rationem principalis sufficit, ut habeat virtutem non dependentem ab alia causa secunda, licet omnis creaturæ virtus dependeat à causa prima, nempe Deo.]

Quæst. XIX. *Quam minus principalem?*

Quæ principali causæ inservit ad effectum producendum.

Quæst. XX. *Quotuplex est causa minus principalis?*

Triplex; causa procatartica, causa proegumena, & instrumentum.

Quæst. XXI. *Quam vocas causam procatarticam?*

Quæ causam principalem efficientem extrinsecus incitat ad agendum.

1. Ad causam procatarticam referri quoque debet objectum, quando movet potentias cognoscentes, intellectum aut sensum; ut cum color movet visum ad videndum: nam quando movet potentiam appetentem, re-

ferri debet ad finem; ut cum bonum, scilicet, esca, movet voluntatem ad sui appetitionem.

2. Objectum est vel terminativum, vel motivum. Priori modo dicitur, quatenus est terminus actionis cujuscunque, &

sic pertinet ad adjunctum ; sic tabula est objectum pictoris , in quantum pingendo terminatur in tabulam. Motivum dicitur, quatenus non tantum terminat actionem agentis, sed movet insuper agentem ad operandum : atque tum refertur vel ad causam efficientem, cum illud movet potentias cognoscentes, sic dicimus vulgo, *objecta movent sensus* ; vel ad finem, ut cum dicimus, eruditio movet studiosum ad studendum. Primo sensu ut motivum, huc ad causam pertinet procacitatem.

[3. Objectum motivum nunquam tribui debet Deo; nam ille a nullo objecto extra vel impellitur, vel incitur, vel movetur ad agendum : at objectum terminativum impune ei tribui potest, sic objectum divinæ creationis est hic mundus ; quia creando in ipsum terminatur.]

4. *Causæ procacitatis* quoque species est causa moralis, quæ agit suadendo vel dissuadendo : sic causa moralis lapsus primorum parentum fuit serpens, aut diabolus.

5. Receptra est divisio causæ efficientis in physicam & moralem. Physica dicitur, quæ reali & naturali virtute effectum producit, ut ignis calorem : moralis dicitur, quæ vel activa applicat passivis ; ut si quis ignem

sumat, & admoveat tecto stramineo, est causa combustionis, non physica, quasi ipse sua virtute naturali ædes comburat, sed moralis, quia ignem, principium activum combustionis, applicat tecto stramineo, principio combustionis passivo ; vel quæ agit hortando & dehortando, & per rationes motivas, ut David fuit causa moralis occisi Uriæ ; non quod physice sua naturali virtute ipsum occiderit, sed quia hortatus est Joabum, ut ipsum collocaret in prima acie : & sic dicunt jurisconsulti, quod quis per alium facit, per se ipsum facere censetur : posteriori modo huc pertinet.]

[6. Utilissima est divisio causæ efficientis in physicam & moralem, circa arduam quæstionem de conversione hominis ad Deum : nam quæri hic solet, siue Deus causa moralis, an physica conversionis nostræ, hoc est, an Deus tantum proponat media, ut hortationes, monita, consilia, de nobis convertendis, an vero ipsam conversionem in nobis operetur, posterior sententia vera est : neque enim Deus tantum nos hortatur, ut nos convertamus ; sed ipse nos convertit, intellectum illuminando, voluntatem renovando ; nam operatur in nobis, & velle, & perficere.]

Quæst XXII. *Quam proegumenam ?*

Quæ causam principalem intus disponit, vel etiam pro-
ritat ad agendum.

1. *Causa proegumena* bonarum & malarum actionum, sunt affectus boni vel mali : quemadmo-

dum bonæ vel malæ valetudinis causa proegumena, est bona vel mala corporis temperatura.

Quæst,

Quæst. XXIII. *Quid est instrumentum?*

Quod causæ principali in ipsa rei effectione subservit.

1. Melius definitur, quod à causa principali secunda adjuvatur, elevatur, applicatur ad effectum, quod sola attingere non valet: neque enim calamus ex se solus scribere potest, nisi à manu ad scribendum adhibeatur ac promoveatur.

2. Notandum est, omne instrumentum producere effectum se nobilius, & quod se solo attingere nequit: causa vero principalis effectum producit, vel se igno-

bilius, vel sibi par atque æquale.

3. Causæ instrumentali sua quoque inest virtus qua operatur, quæ in diversis instrumentis est diversæ; in cultero ad scindendum, in securi ad findendum: nulla tamen ex se sola est sufficiens ad effecti productionem, sed, præter influxum causæ primæ, indiget adjumento alterius causæ secundæ, à quo ad operandum applicetur. At principalis solius causæ primæ influxu eget.

Quæst. XXIV. *Declara hanc divisionem exemplo.*

Causa principalis ædificii, est architectus sive faber; causa procatarctica, merces, aut is qui mercedem pollicetur; causa proegumena, lucri cupiditas; instrumenta, serra, securis, &c.

Quæst. XXV. *Quæ est sexta divisio?*

Causa efficiens, vel est prima, vel secunda.

Quæst. XXVI. *Quæ causa dicitur prima?*

Quæ non pendet à causa priore. Estque vel absolute prima, [qua non datur prior in universum] ut, *Deus*; vel prima in suo genere [creaturarum, qua datur prior in alio genere entis increati] ut, *cælum, anima*. Deus enim est prima causa omnium rerum: cælum est prima causa motuum ac mutationum naturalium & animalium; anima prima causa operationum vitalium; non absolute, sed in genere causarum naturalium.

1. Causa secunda seu inferior, pendet à prima seu superiori tribus modis; vel quoad entitatem, id est, essentiam & existentiam, vel quoad causalitatem, vel quoad utrumque. Primus

modus est, cum causa prima largitur secundæ quod sit; secundus modus, cum ei largitur quod operetur; tertius modus, cum illi largitur utrumque: scilicet dependet à patre primo modo;

do ; calamus in scribendo à manu, secundo modo ; creatura à Deo, tertio modo.

2. Quia nulla creatura potest seipsam producere, in tantum dependet à causa prima, quæ facit illam omnem esse : sed nulla quoque creatura potest seipsam traducere in actum, & potentiam agendi, sic, ut postea operetur, cum ante non operaretur ; in Deo enim & ab eo omnia moventur, quia facit ut omnis creatura se moveat, eam præmovendo : sed nec creatura potest seipsam in suo esse, quod accepit à Deo, vel ad momentum conservare : ideoque non tantum quod sit, & quod operetur, Deo debet ; sed etiam quod duret ac perseveret. Et hæc est triplex creaturæ indigentia, quæ indicatur commentario ultimo hujus quæstionis.

3. *Causa absolute prima* definitur, *qua in universum* aut totum, *nulla datur prior* : in suo genere *prima* dicitur, *qua datur alia prior in alio genere* operationum. Sic in genere operationum supernaturalium, aut fidei aut resuscitentia, & immaterialium, ut intellectus aut volitionis, datur prior causa cælo, scilicet ipse Deus.

4. *Mutationes naturales*) vocantur, quæ non pendent à voluntate hominis, sed à natura, prout opponitur voluntati rei cujusque per certas causas operantis : ut, quod planta crescat vel exarescat, est operatio plantæ naturalis ; item quod sol ab oriente moveatur in occidentem, est actio naturalis solis.

5. Natura interdum opponitur arti, interdum vi, interdum voluntati. Primo modo corpus naturale distinguitur ab artificiali : estque illud, quod producit ab agente naturali, quo modo producit planta ; hoc, quod ab artificiali, quo modo domus producit ab architecto. Secundo modo motus dividitur in naturalem & violentum : priori sensu dicitur, qui oritur à principio interno, scilicet forma, ut cum lapis naturaliter, sponte sua, movetur deorsum ; posteriori sensu dicitur, qui oritur à principio externo, ut cum lapis movetur sursum, à manu projicientis. Tertio modo dicitur causa agens necessitate naturæ, naturalis ; & causa libera, voluntaria : uti hoc explicatum est quæstione hujus capituli duodecima : atque hoc tertio sensu hic sumitur, ut *mutatio naturalis* dicatur omnis motus qui producit ab ulla causa, quacunque demum, præter voluntatem hominis.]

6. *Mutationes* sive *actiones materiales*) sunt, quæ proficiuntur à corporibus, scilicet ab anima vegetante & sentiente, formis corporum materialibus ; ut sunt, ambulare ; videre. crescere, &c. immateriales sunt, quæ proficiuntur ab anima immateriali, scilicet rationali, ut intelligere, velle : harum actionum causa non est cælum, quod non influit in voluntatem aut intellectum hominis.

7. *Operationes vitales*) dicuntur, quæ proficiuntur à principio vitæ, id est, anima : ut nutrire,

triri, sentire, ratiocinari: contra, descendere deorsum in lapide est actio non vitalis, quia lapis non habet animam qua vivat.

8. Actio Dei, ut causæ primæ, est vel creatio, qua omnia dependent à Deo, dum sunt; vel conservatio, qua creaturæ dependent à Deo, dum fiunt; vel concursus sive cooperatio, qua causæ secundæ dependent à Deo, dum operantur.

9. Triplex est creaturæ omnis indigentia ob quam triplici modo dependet à Deo: primum, nulla creatura potest seipsam producere, nihil enim est causa sui ipsius; ideoque indiget alio à quo producatur, qui est Deus; deinde, nulla creatura potest seipsam vel ad momentum temporis conservare, si enim posset ad unum momentum, cur non ad plura? si ad plura, cur non ad aliquod tempus? si ad aliquod tempus, cur non in æternum hoc præstare valeat? ideoque indiget alio à quo conservetur, qui iterum est Deus; sed & nulla creatura est primum sui motus, ideoque indiget alio à quo ad agendum, cum ante non ageret, applicetur, &, ut lo-

quantur, à potentia ad actum traducatur, qui iterum non est alius quam Deus. Primus modus dependentiæ creaturarum à Deo dicitur creatio, secundus conservatio, tertius cooperatio sive concursus. [Creatio immediata est, cum aliqua res produciatur & ex nihilo subiecti, & ex nihilo termini: creatio mediata est, cum aliquid produciatur ex nihilo termini, non subiecti.]

[10. Creatio immediata fit ex nihilo subiecti, quando ipsum subiectum creatione produciatur (dicitur aliis fieri ex nihilo materiæ); sic Deus creavit cælum & terram immediata, quia nullum subiectum sive materia, utriusque creationem præcessit: at creatio fit mediata, cum eam præcedit aliquod subiectum sive materia, attamen nihil præcedit ipsius termini ad quem creandi, in materia aut subiecto: unde dicitur ista creatio fieri ex nihilo termini, vel sui, vel rei creandæ; quo modo creatus est Adam, cujus creationem præcessit gleba terræ, tanquam materia & subiectum creationis ejus, attamen nihil Adami creandi inerat in ista gleba terræ.]

Quæst. XXVII. Quanam dicuntur causa secunda?

Quæ pendent ab aliqua priore causa: idque vel à causa absolute prima (sic omnes causa creatæ secundæ causæ dicuntur); vel etiam à causa priore in suo genere; sic instrumentum dicitur causa secunda respectu causæ principalis.

Quæst. XXVIII. Quæ est septima divisio?

Causa efficiens alia est universalis, alia particularis.

Quæst.

Quæst. XXIX. *Quid est causa universalis?*

Quæ, eadem efficientia cum aliis causis concurrat ad plura specie effecta; ut, *cælum*.

1. *Causa universalis* dicitur ad productionem viventium & concurrere ad plura effecta, quia non viventium. Per *efficientiam* concurrat ad plures species effectorum; sicut *cælum* concurrat efficientis.

Quæst. XXX. *Quid particularis?*

Quæ sua efficientia tantum unum [non numero, sed specie] effectum producit; ut, *natura cujusque rei naturalis*.

1. *Particularis causa effectum* producit tantum unum, non numero, sed specie: ita pater est causa particularis, licet pater producat plures numero filios, quia tantum producit homines, & non alias species corporum naturalium; sic ignis tantum producit calorem & non frigus, &c.

[2. Quando causa universalis & particularis concurrunt ad eundem numero effectum, denominatur effectus tamen à causa particulari tantum, non ab universalis; quia particularis ad istum effectum solum, universalis ad plura aliarum specierum effecta concurrat: ideoque licet Deus, ut causa universalis, & homo, ut particularis, concurrant ad ambulandum, item Deus & ignis ad comburendum; non tamen Deus dicitur ambulare aut comburere, sed homo ambulare, & ignis comburere, quia

homo tantum ambulat, ignis tantum urit, nec homo ad urendum, nec ignis ad ambulandum concurrat: sed Deus & ad ambulationem hominis, & ad ustionem ignis, & ad omnes causarum actiones, eadem efficientia concurrat.]

[3. Hoc commentario vera ratio indicatur, cur, cum causa universalis, ut Deus, concurrat ad omnes omnino actiones omnium causarum, non tamen ab iis denominetur, neque enim dicitur, aut ambulare cum homine, aut urere cum igne. Alii hanc causam dant, quia Deus, causa universalis, non potest informari ab ambulatione & ustione, ut quidem homo ambulans & ignis urens ab illis informantur, sed hæc ratio non tam est solida, quia valde improprie homo ambulans, & ignis urens, dicuntur à suis actionibus informari.]

Quæst. XXXI. *Quæ denique est octava & ultima divisio?*

Causa efficiens alia est proxima, alia remota.

Quæst.

Quæst. XXXII. *Quenam dicitur proxima?*

Quæ effectum producit immediate, sive, quæ ipsa cum effecto coniungitur; vel ratione existentia suæ, vel ratione virtutis, vel ratione utriusque. Quarum, quæ sua existentia cum effecto coniungitur sine ulla virtute media, speciali appellatione *proxima* dicitur, [estque sola emanativa.

Causa dicitur duobus modis *proxima*.

[1. Vel absolute, inter quam & effectum nihil intercedit medium, nec causa alia alterius, nec causa ejusdem ordinis aut speciei, nec causalitas virtutis agendi, nec conditio ad causandum requisita, uti est approximatio patientis ad agens: & talis est sola causa emanativa, uti anima rationalis respectu potentia intelligendi & omnis forma respectu proprietatis.]

[2. Vel dicitur causa proxima in suo genere, inter quam & effectum non intercedit alia causa ejusdem ordinis aut speciei, licet intercedat causa alterius ordinis, causalitas, & conditio ad causandum requisita: sic pater est causa proxima filii, licet ad filii productionem quoque, concurrat mater, sed ut principium passivum, non activum, sicuti pater; licet concurrat semen utriusque, ut instrumentum; licet & ipsa generatio, ut actio; & conditio ad productionem filii requisita. Sensu secundo & posteriori hinc in quæst. 32. sumitur *causa proxima*.]

[3. Tres sunt modi, quibus causa aliqua proxima coniungitur effecto: 1. existentia, qualis est sola emanativa, quia inter

hanc causam & effectum nulla intercedit alia causa media, nec alia causalitas, nec aliquid quod cogitari potest; sed ipsa existentia causæ, sine ullo medio est ratio producens effectum, ideoque existentia causæ emanativæ & effecti immediate coniunguntur.

2. Causa proxima coniungitur effecto quoad virtutem tantum; sic, ut existentia causæ non coniungatur existentia effecti, sed intercedat inter causam & effectum media causalitas atque actio, imo interdum alia causa diversi ordinis, hoc est, vel diversi generis vel diversæ speciei: diversi generis, ut, cum præter efficientem, concurrat materia; diversæ speciei, ut, cum præter causam principalem, concurrat instrumentalis ad effecti productionem. 3. Coniungitur causa proxima effecto & existentia & virtute, quando causa sua existentia attingit existentiam effecti, & simul sua virtute. Primi modi exemplum est anima rationalis, causa proxima & emanativa, & risibilitas, effectum; atque huiusmodi causa proxima dicitur causa proxima absolute. Secundi modi exemplum est pater, causa proxima filii, licet intercedat causa proxima alterius ordinis, id est,

est generis; nimirum in genere causæ materialis, semen utriusque parentis; in genere causæ formalis, anima rationalis: & architectus est causa proxima extructarum ædium, licet intercedat inter ipsum, ut causam efficientem principalem, & inter ipsas ædes. tanquam effectum, causa alterius ordinis & alterius speciei, scil. instrumentalis, nempe alii fabri, ejus ministri, & ferra, securis, malleus, & cætera instrumenta; atque hæc dicitur causa proxima in suo ge-

nere. Tercii modi exemplum est Deus, causa proxima omnium operationum & effectuum, & existentia & virtute sua: nam Deus intime conjungitur omnibus causis secundis operantibus, & quoad existentiam, nam quia immensus est, nullibi includitur, nullibi excluditur; & quoad virtutem suam, quia ejus virtus & potentia ad omnia se extendit, est enim omnipotens, juxta versiculum.

Enter, præsentier Deus est, & ubique potenter.]

Quæst. XXXIII. Quæ remota?

Quæ effectum producit media causa propinquiore; sive, quæ neque existentia, neque virtute sua cum effecto conjuncta est.

Quæst. XXXIV. Da exempla.

Avus est causa remota *nepotis*, *pater* est causa proxima *fili*i; sed appellatione generali, causæ emanativæ sunt causæ proximæ; appellatione speciali, causæ proximæ absolute.

I. Sic anima rationalis est causa proxima absolute risibilitatis, & ignis, caloris, qui est in se; quia inter causam hanc utramque & effectum utriusque, nihil intercedit medium, sed utraque causa conjungitur effectui suo, existentia. *Avus* neque existentia, neque virtute attingit productionem *nepotis*, & inter eum

& nepotem intercedit *pater*, causa propinquior; ideoque *avus* est causa remota *nepotis*: at *pater*, non quidem existentia, sed virtute generandi attingit productionem *fili*i, & non intercedit causa propinquior, qualis est *pater*; ideoque est causa proxima *fili*i; sed in suo genere.

CAPUT XVIII.

Quæst. I. Quid est finis?

Finis est causa, *cujus gratia* res est; hoc est, quæ sui amore incitat causam efficientem ad agendum, & ad consecutionem

Samuel Wood. ejus Liber: 1656.

secutionem sui. Sic eruditio dicitur finis studiorum, quia studiosus eruditionis amore impellitur ad studendum. Hic impulsus vocatur *motio metaphorica*.

1. *Finis*) est causa externa, sicut & efficiens. Ejus nota & signum est præpositio *propter*: propter finem enim quodvis causatum producit. Finis tamen ipse, causatum non attingit immediate, sed media causa efficiente: est enim finis, causati causa, quatenus efficientem movet ad agendum: unde finis causalitas dicitur *motio metaphorica*, quia, sicut metaphora denotat significationem vocis impropriam; sic hæc motio metaphorica finis, respectu causati est motio impropria, quamvis respectu efficientis sit motio propriissima. E. causa, inhabitatio refertur ad efficientem, quem movet & impellit ad ædificandum: hic motus & impulsus est verus ac proprie dictus; nam inhabitatio vere ac proprie movet & impellit efficientem ad ædificandum: sed si inhabitatio refertur ad domum, dicitur causalitas ejus (qua domus productionem attingit tanquam finis ejus) *motio metaphorica*; quia domus productio est ab inhabitatione per efficientem, quem movet, quem impellit.

2. *Finis* dupliciter spectari potest: velut intentus, vulgo in intentione; vel ut obtentus, vulgo in executione. Finis intentus dicitur, qui nondum possidetur; sed propter quem possidendum media adhibentur: atque hic solus est causa. Finis obtentus dicitur, qui jam per me-

dia est acquisitus, sic ut media non amplius adhibeantur: & ille est effectum, non causa. Sic, verbi causa, sanitas nondum accepta, & intenta ab ægro & medico, est causa propter quam adhibeantur medicamenta: sed cum nunc medicamentorum & medicorum usu est comparata: non amplius est causa propter quam medicamenta adhibentur, nam illa tunc cessant; sed potius est effectum ipsius medici, ab ægro ante, sed nunc sano, obtentum & possessum.

[3. Quia omne bonum spectari potest, vel ut intentum ac nondum acquisitum, vel ut obtentum & acquisitum, atque omnis finis bonus est; etiam finis spectatur vel in intentione, vel in executione. Quando autem dicitur omnis finis bonus, id intelligendum est cum gemina distinctione, & finis, & boni, hoc sensu scilicet: omnis finis vel ultimus vel subordinatus, est bonus vel vere, vel apparet. Quis sit finis ultimus vel subordinatus, explicatur questione tertia ac quarta hujus capituli. Bonum autem verum dicitur, quod tale est quale esse apparet; bonum autem apparens tale non est quale apparet: furtum apparet furi bonum, non tamen est tale; virtus & est, & apparet bona.]

[4. Nullus finis movet efficientem, nisi cognoscatur; non tamen semper cognoscitur ab illa

illa efficiente causa quam move-
 Nempe duum generum sunt cau-
 sę efficientes : quędam cognos-
 cunt, quędam non item, quę cog-
 noscunt, vel sensu utuntur vel ra-
 tione : sensu, ut bruta ; ratione,
 ut homines, angeli, Deus. Non
 cognoscunt plantę & res inani-
 mes, seu simplices, ut cęlum &
 elementa : seu mixtę, ut meteora
 & mineralia : omnes tamen istę
 res agunt propter finem cogni-
 tum, non a se, sed a Deo, a quo
 ad finem singulis pręfixum per
 divini numinis providentiam di-
 riguntur. Bruta cognoscunt fi-
 nem, propter quem agunt, ma-
 terialiter, non formaliter, hoc
 est, cognoscunt rem quę est finis,
 sed non qua est finis, id est, non
 cognoscunt rationem & relatio-
 nem mediorum ad finem, finis
 ad media ; hoc enim altioris est
 ordinis, quam ut a sensu percipi
 valeat, atque soli intellectui pa-
 teret : ideoque homines, angeli,

Deus, cognoscunt finem formaliter, hoc est, non tantum rem quę
 est finis, sed & qua est finis, id
 est, cognoscunt rationem & re-
 lationem mediorum & finem, &
 finis ad media.]

[5. Cum finis dicitur movere
 efficientem, sensus est, quod mo-
 veat appetitum efficientis, qui
 duplex est : unus innatus seu na-
 turalis, qualis est in rebus inani-
 matis & plantis ; alius elicitus,
 qui iterum est duplex : vel sen-
 sitivus, sic dictus, quia eo nihil
 appetitur, nisi quod sensibus pri-
 mo fuerit perceptum, & reperi-
 tur in brutis ; vel rationalis, sic
 dictus, quia eo nihil appetitur,
 nisi quod ratione prius fuerit co-
 gnitum ac dijudicatum, & repe-
 ritur in homine, angelis, Deo,
 diciturque una voce, voluntas.
 Finis movet appetitum & ratio-
 nalem in homine, & sensitivum
 in brutis, & naturalem in rebus
 omnibus aliis.]

Quęst. II. Quoruplex est finis?

Duplex ; subordinatus, & ultimus.

1. Est & alia divisio finis, in
 finem cuius, & cui.

2. *Finis cuius*, est id ipsum
 quod expetitur ; ut, *sanitas* a
 medico.

3. *Finis cui*, est id in cuius gra-
 tiam aliquid expetitur ; ut, *ager*
 respectu medici.

4. *Finis cuius*, est res expetita
 & intenta : *finis cui*, est persona
 propter quam & expetitur & in-

tenditur. *Finis cuius*, proprie est
 causa, & magis quam finis cui.

5. In rebus creatis finis *cuius*
 est ignobilior fine *cui*, & finis *cui*
 nobilior fine *cuius* ; ita *ager* est
 nobilior *sanitate* : sed cum finis
cuius est ipse Deus, finis *cui* ho-
 mo, a quo tanquam summum bo-
 num expetitur, finis *cuius* est
 nobilior fine *cui* ; nam Deus est
 nobilior homine.

Quęst.

Quæst. III. Quid est finis subordinatus?

Qui refertur ad finem ulteriorem, [& vulgo vocatur medium.]

1. Medium omne, quia quoque finis est, licet subordinatus, bonum est; verum non bonitate sua sed bonitate finis ultimi ad quem ordinatur: sic portio ama-

ra, quæ est medium recuperandæ sanitatis, per se non est bona, id est jucunda; attamen fit bona, quia bona seu jucunda est valetudo quæ per eam recuperatur.

Quæst. IV. Quid ultimus?

Qui non refertur ad ulteriorem.

1. Hoc utrumque intelligendum est de fine spectato in executione, qui vocatur, quando jam post media executioni mandata, est acquisitus, vel per ea etiamnum acquiritur; opponiturque fini in intentione, qui ante actionem efficientis intenditur: sic sanitas in ægro, ante usum medicamentorum, est finis in intentione, quia simpliciter expectitur; sed cum medicamenta usurpantur ab ægro, est finis in

executione; quia sanitas jam executioni mandatur.

2. Finis in intentione: vulgo dicitur, qui nondum est obtentus, sed tantum intentus ab efficiente; effque proprie causa, quia propter eum obtinendum agit efficiens. Finis in executione est is qui nunc obtinetur ab efficiente, effque effectum ejus. Priori modo eruditio est finis studiosi, quamdiu eam non possidet: posteriori modo, cum eam jam possidet

Quæst. V. Quot modis dicitur finis ultimus?

Duobus modis. Vel enim finis absolute ultimus est, ut felicitas: vel in suo genere; sic cognitio veritatis est ultimus finis Logicæ.

1. Cum felicitas dicitur finis ultimus, intelligi potest vel ultimus in hac vita, vel ultimus post

hanc vitam: utroque modo hæc intelligi potest.

CAPUT XIX.

Quæst. I. Quid est subiectum?

Subiectum est, cui aliquid præter essentiam [id est extra essentiam, non supra, non contra] adjungitur: [ut essentiam subiecti nec producat, nec constituat, nec ex toto, nec ex parte.]

H

1. Essen-

[1. *Essentia*) hic idem est quod natura: diciturque aliquid vel secundum essentiam aut naturam, vel supra eam, vel contra eam, vel præter eam: quæ quatuor loquendi rationes: accurate debent discerni. Illud dicitur *secundum* essentiam aut naturam, quod eam vel producit naturaliter, vel eam constituit: illud dicitur *supra* essentiam aut naturam, quod supernaturali potentia Dei producitur: illud dicitur *contra* essentiam aut naturam, quod illam destruit ac tollit: illud dicitur *præter* essentiam aut naturam, quod ei & producit & constituit supervenit, sive naturaliter sive supernaturaliter, & eam non destruit, sed perficit; in ipsa tamen non includitur, nec ex toto, nec ex parte, & hoc quarto modo dicitur *subiecto* præter essentiam adjunctum: nam nullum adjunctum essentiam aut naturam sui subiecti producit aut constituit, & nullum in illa includitur, nec ex toto, nec ex parte, quod patet inspectis per omnes subiecti & adjuncti divisiones (unum exemplum adferam pro omnibus: risibilitas adjunctum est hominis, & quidem proprium, quod quidem essentiam ejus immediate sequitur; ei tamen præter essentiam adjungitur, quia nec essentiam hominis producit, nec producam constituit, nec in illa includitur, nec ex toto, ut species in individuo, nec ex parte, ut penis & differentia in specie: nec est contra naturam hominis, quia

eam non destruit, sed perficit: nec supra naturam, quia nulla actione Dei supernaturali homini advenit, sed simul cum homine producitur.

[2. *Subiectum*) de quo hic sermo est: distinguendum est à subiecto quod est pars prior in enunciatione: hic opponitur adjuncto; ibi prædicato.

[3. Multa sunt subiecta prædicati, quæ non sunt subiecta adjuncti. De quibus enim aliquid prædicatur *falso*, ut, homo est lapis; *negate*, ut homo non est equus; *essentialiter*, id est, ut prædicatum sit vel tota essentia, vel pars essentia subiecti, vel aliquid ad eam producendam conferat, ut, homo est animal, est rationalis, est vivens, est substantia, &c., ea sunt subiecta quidem prædicati, sed non item subiecta adjuncti: hoc enim est, de quo aliquid vere affirmatur præter essentiam, id est, ut in ejus essentia contineatur, nec eam producat: quod tali modo prædicatur, adjunctum dicitur. Exempli gratia, *hominem esse brevem, procerum, doctum, indoctum*, non continentur in essentia hominis, nec ex toto, nec ex parte essentiam subiecti constituent, nec eam producunt, idæque hæc sunt adjuncta hominis, & quando de eo enunciatur, simul prædicata: at in prioribus enunciationibus in veniunt, prædicata non adjuncta; & subiecta in enunciationibus illis sunt subiecta prædicati prædicationis, denominationis, aut axiomatice, non item adjuncti, inhesionis, adhesionis, aut copulæ.]

[4. Quan-

[4. Quatenus discriminis est inter thema simplex & complexum, tantum quoque est inter subiectum quod refertur ad adjunctum, & est affectio thematis simplicis, & inter subiectum quod refertur ad pradicatum, & est pars thematis complexi; uti videre est cap. 27. Ac discrimen in eo situm est; quod non omne subiectum pradicati, sit etiam subiectum adjuncti, licet omne subie-

ctum adjuncti quoque sit subiectum pradicati: Nempe tres sunt casus, in quibus aliquid est subiectum pradicati non item adjuncti; scilicet cum aliquid pradicatur de subiecto vel *falso*, vel *negate*, vel *essentialiter*, hoc est, ut pradicatum sit vel tota essentia, vel pars essentiae subiecti; tum quidem de quo sit pradicatio, est subiectum pradicati, sed non potest dici subiectum adjuncti.]

Quæst. II. Quid est adjunctum?

Quod alicui præter essentiam adjungitur.

Quæst. III. Quot modis dividitur adjunctum?

Tribus potissimum modis.

Quæst. IV. Quæ est prima divisio?

Adjunctum, aliud est proprium, aliud commune. Hæc divisio ex his quæ ante dicta sunt satis intelligitur.

Adjunctum proprium est proprium quarto modo; adjunctum commune est accidens prædicabile.

Quæst. V. Quæ est secunda divisio?

Adjuncta, alia absoluta sunt, alia limitata.

Quæst. VI. Quenam sunt adjuncta absoluta?

Quæ subiecto simpliciter ac sine limitatione conveniunt; ut, *hominem mortalem esse*.

[1. In hoc exemplo, *mortalem esse* significat solutionem corporis ab anima possibilem; si enim mortalitas hic significaret nudam tantum corruptibilitatem, seu resolutionem in partes materiz, non foret adjunctum ab-

solutum; quia hæc homini tantum convenit secundum corpus, uti immortalitas ei competit secundum animam.]

2. Limitatione, seu restrictione, seu distinctione,

Quæst. VII. Quæ limitata?

Quæ subiecto conveniunt secundum quid; ut, *hominem immortalem esse*.

1. *Secundum quid*) id est, secundum aliquam partem, naturam, circumstantiā loci vel temporis; una voce, *quoad tenus*.

[2. Nunquam licet adjunctum absolutum enunciare de subiecto limitatē, nec adjunctum limitatum de subiecto absolute, nisi per tropum, ac synecdochē partis, & figuratum loquendi genus; quales sunt enunciationes quædam in sacris, in quibus, mori, pati, crucifigi, quæ sunt adjuncta limitata, Christo competentia secundum naturam humanam, enunciantur tamen de ipso toto Christo, non tantum simpliciter, sed & ab altera quoque natura, scilicet divina, denominato: ut cum dicitur, Dominus gloriæ crucifixus, & Deus redimere ecclesiam suo sanguine; ubi, ne falsitatis arguatur verbum Dei, confugiendum est necessario ad tropicum, & synecdochicum, & figuratum loquendi genus. Cavendum tamen est, ne hæc attributa de altera Christi natura enuncientur in abstracto; neque enim licet dicere, natura divina aut Deitas in Christo est passa, mortua, aut crucifixa; aut natura humana, aut humanitas Christi est ubique.]

[3. Sed ut hoc negotium dextere intelligatur, notandum est, quod liceat adjunctum limitatum enunciare de subiecto absolute, modo id intelligatur & explicetur de subiecto secundum certam partem spectato, quatenus est pars subiecti totius: sic totus homo dicitur intelligere, videre, esse magnus,

quamvis non intelligat nisi secundum animam rationalem, nec videat nisi secundum sentientem, nec sit magnus nisi secundum corpus, quia hæc omnia attribuantur homini secundum partes illas, quatenus sunt partes ejus. Non tamen licet adjunctum unius partis enunciare de parte altera; neque enim licet dicere, anima est magna, aut corpus intelligit: sic non licet dicere de Christi natura divina, quod illa sit passa aut mortua, aut de humana, quod sit ubique; licet bene dicatur de toto Christo simpliciter, Christus est passus, mortuus: imo amplius, licet dicere, Christus homo est ubique, non tamen quia homo; & Christus Deus est passus non tamen quia Deus; quia attributum unius naturæ potest enunciari de Christo denominato ab altera natura in concreto, nunquam tamen de ipsa natura altera in abstracto, unde sequitur, non esse idiomatum, id est, proprietatum communicationem realem, qua attributum unius naturæ transfundatur & transeat in naturam alteram; sed communicatio tantum est verbalis, quæ fundamentum habet in arctissima unionē istarum duarum naturarum; quemadmodum sentire, attributum ignis, tribuitur toti ferro ignito, ob intimam ignis & ferri unionem.]

[4. Doctrina de adjuncto limitato & absoluto insignem habet usum in loco communi de persona & naturis Christi, divina & humana. Dicimus in Symbolo

bolo Apostolico, *Credo in Jesum Christum, natum ex Maria Virgine, natum, passum, sepultum, &c.* hæc omnia credimus & enunciamus de Christo absolute, & tamen sunt adjuncta limitata, quæ Christo non competunt nisi secundum naturam humanam; nam secundum naturam divinam nec nasci potuit, quia ab æterno est, multo minus mori, aut sepeliri: imo amplius, non tantum Christus, qui est subiectum limitatum passionis, absolute dicitur passus, sed dicitur Christus Deus passus, quia sanguine suo ecclesiam redemit; at, ut Deus, nullum habet sanguinem. Quid igitur? an passio & effusio sanguinis, proprietas naturæ humanæ (hæc enim sola & pati potest & sanguinem habet) transfusa est in naturam divinam, & ei revera communicata, quæ vulgo dicitur communicatio realis? minime gentium; quamvis hoc multi velint, ut sic ab altera parte defendant ubiuitatem proprietatem na-

turæ divinæ, quæ ipsa transfunditur in naturam humanam Christi, eique communicatur communicatione reali: sed & hoc quoque falsum est, & utrumque refutari potest ex c. 13. hujus libri, quæst. 3. commentario penultimo, & ex iis quæ super eo dictavimus. Roget quis, cur igitur pati, & sanguinem fundere, enuncietur de Christo Deo, & sic quoad verba saltem communicatur naturæ divinæ? Resp. ista verbalis communicatio sic propter arctissimam utriusque naturæ in eadem Christi persona unionem; & quod notandum est bene, nunquam pati aut sanguinem fundere enuncietur, nec enunciari potest, nec debet, de natura divina Christi, sed quidem de Christo Deo: at hæc longe differunt; Christus Deus est concretum, natura Christi divina est abstractum; at non licet statim enunciare de abstracto quæ enunciantur de concreto.]

Quæst. VIII. Quæ est tertia divisio?

Adjunctum aliud est internum, aliud externum.

Quæst. IX. Quid est adjunctum internum?

Quod subiecto inhæret.

1. Subiectum adjuncti interni vocatur subiectum inhærentis: & quando denominatur à suo adjuncto, est illa denominatio intrinseca. Nota, quod omne ad-

junctum denominet suum subiectum, non in abstracto, sed in concreto, nec substantive, sed adjectively; ut, homo est doctus, non doctrina.

Quæst. X. Quid externum?

Quod extrinsecus tantum ad subiectum ordinatur.

1. Subiectum adjuncti externi adjuncto est denominatio externa est subiectum adhesionis, & na sive extrinseca. quando illud denominatur à suo

Quæst. XI. *Da exemplum.*

Color, magnitudo, figura, indoles, mores, &c. sunt interna adjuncta hominis: *affio. s, locus, tempus, vestes, &c.* sunt adjuncta externa.

1. *Adjunctum internum* est accidens, sed *externum* est vel substantia vel accidens: substantia, ut pallium respectu palliati; accidens, ut visibilitas alicujus rei respectu oculi.

2. Errant qui omne subiectum putant esse substantiam, & omne

adjunctum esse accidens: nam quantitas parietis est subiectum, in quo est albor tanquam adjunctum, non tamen illa vel quantitas vel latitudo est substantia; & toga est adjunctum hominis tanquam subiecti, non tamen toga est accidens.

Quæst. XII. *Quotplex est adjunctum externum?*
Triplex; objectum, signum, aut circumstantia.

Quæst. XIII. *Quid est objectum?*

Objectum est [adjunctum externum] circa quod res [id est subiectum] operando versatur: sic objectum visus est color; auditus, sonus.

[1. *Objecti*] vox latissime patet, & est omne id circa quod aliquod agens occupatur, sive agat actione reali; sive intentionali, & in quo terminatur actio ejus. Si contingat ut præter terminationem actionis, agens moveatur ab objecto, tum objectum non est tantum terminativum, sed insuper motivum. Notanda hic vero sunt duo: primum, quod objectum proprie tantum respiciat actionem, & quando illud tribuitur substantiis, vel potentiis vel habitibus, seu intellectualibus seu moralibus, iis non tribui nisi quatenus agunt; & principia sunt a-

ctionum: ita aer est objectum solis, tanquam substantiæ, sed non nisi respectu illuminationis; color est objectum visus, tanquam potentiæ, sed non nisi respectu visionis; timor & audacia sunt objectum fortitudinis, tanquam habitus moralis seu virtutis, sed non nisi respectu moderationis, quatenus hos affectus fortitudo coercet; objectum Physicæ tanquam habitus intellectualis, scilicet scientiæ, est corpus naturale, sed non nisi respectu demonstrationis aut explicationis, vel quatenus affectiones corporis naturalis explicat de corpore naturali, ac demon-

demonstrat. Secundum est, quod objectum interdum ipsa actione quam terminat producat; sic virtutes sunt objectum Ethicæ, quia ab Ethica, seu disciplina morum, jam percepta, ipsæ producuntur: interdum non objectum ipsum producit, sed aliquid in eo, vel circa illud; sic charta est objectum scriptoris, non quod scriptor chartam producat, sed quia aliquid puta literas, efficit in charta; sic Deus est objectum Theologiæ, non quod doctrina de Deo percepta ab homine, Deum producat, aut aliquid in Deo, sed quia efficit aliquid circa Deum, nempe producit in homine, cui inest, & cognitionem & cultum Dei, ideoque versatur circa Deum agendo.]

2. *Objectum* proprie est id quod alicujus actionem terminat, unde & terminativum dici solet. Vocatur *objectum*, quia obicitur actioni, ut agens vel id producat, vel aliquid in eo, vel circa illud: ita tabula est objectum pictoris, discipuli sunt objectum præceptoris, quia præceptor versatur & occupatus est circa illos docendo, pictor circa tabulam pingendo.

[3. *Habitus practicus*, late sumpta hac voce, dicitur tripliciter: vel quia ipse docet objectum suum facere; sic Ethica est habitus practicus, quia docet ipsas virtutes producere; vel quia docet aliquid facere in & ex objecto suo; sic ars sutoria aut sartoria in & ex corio, seu panno docet facere vel calceos, vel vestes: vel quia docet aliquid operari circa suum ob-

jectum: ita Theologia docet exercere cultum circa Deum. Omnes hi habitus sunt practici, & Ethica, & ars sutoria, aut alia similis, & Theologia.]

4. Eadem res interdum est subiectum & objectum, sed respectu diverso: est enim objectum respectu operationis & operantis, subiectum respectu accidentium quæ inhærent; sic tabula est objectum pictoris & picture, subiectum vero colorum & figurarum; sic corpus naturale est objectum Physicæ, quatenus circa illud versatur explicando, idemque est subiectum suarum affectionum.

[5. Ramus omne objectum retulit ad subiectum, vocatque subiectum occupans vel occupationis & contradistinguit subiecto inhæssionis & adhæssionis? author noster objectum refert ad adjunctum externum: utrumque sano & suo sensu admittitur.]

6. Cum eadem res & subiectum est & objectum, dicitur objectum respectu operationis circa se occupatæ; subiectum vero respectu existentie, hoc est, rerum aut accidentium in sese existentium: sic corpus naturale est objectum respectu applicationis quam circa id instituit Physica aut Physicus; subiectum vero respectu quantitatis, loci, motus, temporis, aliarumque affectionum sibi inhærentium: sic aer est objectum illuminationis, sed subiectum suæ levitatis.

7. Quia utilissima divisio est objecti in materiale & formale,

atque sine ea, objecta habituum intellectuum & disciplinarum ac facultatum intelligi nequeunt, operæ pretium est eam hic explicare. *Objectum materiale* dicitur, quod pluribus disciplinis est commune, aut circa quod occupantur disciplinae plures; *formale* est, quod uni disciplinae est proprium, aut circa quod una tantum disciplina occupatur; hoc vulgo vocatur ratio formalis, & modus considerandi. Sic homo est objectum materiale Physicæ, Ethicæ, Medicinæ, & Theologiæ; omnes enim hæc disciplinae circa hominem occupantur, sed non eodem modo considerandi; ideoque ratio formalis seu objectum formale hic est diversum: nam Physica hominem considerat, quatenus

est corpus naturale, constans materia & forma, anima & corpore; Medicina, quatenus corpus sanabile; Ethica, quatenus homo virtutibus ornari potest, & à vitiis purgari; Theologia, quatenus particeps vel salutis vel exitii æterni.

[8. Cum disciplinae sive artes fuerint, sive scientiæ, sive prudentiæ, dicuntur distingui penes objecta, intelligere formalia, non materialia: ab unitate & distinctione objecti formalis, non materialis, dependet unitas & distinctio omnium disciplinarum, sic & in illo axioma philosophico, *Potentia naturales, seu facultates animæ, distinguuntur per actus & objecta*, intelliguntur objecta formalia, seu modi quibus operantur.]

Quæst. XIV. Quid est signum?

Signum est [adjunctum externum] quod sensibus, externis seipsum, & id cuius signum est, intellectui [vel phantasiæ] offert. Sic *aurora* est signum orituri solis; *vestigium*, pedis; *hedera suspensa*, venalis vini.

[1. Notandum est, quod omne signum sit relatum, & omne signatum, correlatum: ideoque non possunt nec debent confundi: imo relati & correlati naturam evertunt, qui hæc duo invertunt, & ex signo faciunt signatum, ex relato, correlatum; uti faciunt qui in sacra cœna ipsum panem & vinum, signa, volunt esse corpus & sanguinem Christi, res signatas: non aliter atque *vestigium* foret ipse pes, aut *hedera suspensa* venale vinum. Relatum hic semper est

res sensibilis, correlatum, res intelligibilis: quantum autem distant sensus & intellectus, tantum differunt signum & signatum.]

2. Prædicatio rei signatæ de signo, aut est falsa; ut cum dico, fumus est ignis: aut impropria ac tropica, & quidem metonymica per metonymiam adjuncti; ut cum de imagine Principis dicimus, iste est Princeps; aut annulum fidei matrimonialis signum, vocamus fidem ipsam. Tales sunt locutiones scripturæ

scripturæ sacræ; Septem boves sunt septem anni, Petra erat Christus, Baptismus est ablutio peccatorum, Panis est corpus Christi.

3. In signo aliquid est sensibile, & aliquid intelligibile. *Hedera suspensa* sentitur, nam videtur; & per illam suspensionem intelligimus ibi vinum esse venale.

4. In signo omni duo sunt: aliquid quod sensu scilicet externo percipitur, quod est ipsum signum; & aliquid quod percipitur vel intellectu in homine, vel phantasia in bruto, & est res significata.

5. Signum, vel rem signatam nude significat, ut *hedera suspensa venale vinum*, estque signum materiale dictum; vel rem significatam etiam repræsentat, & vocatur signum formale, quale signum est *pedis vestigium*.

6. Species sensibiles & intelligibiles sunt signa formalia; quia non tantum signant, sed repræsentant etiam rem sensu & intellectu perceptam.

7. Species sensibiles & intelligibiles sunt imagines rerum delatæ ad sensum & intellectum, quibus omnia & sentiuntur & intelliguntur.

8. Notanda hic etiam est divisio signi in significans tantum, vel confirmans insuper, vel ulterius etiam rememorans. Signum significans simpliciter est sumus respectu ignis: confirmans insuper, vocatur sigillum; sic principis sigillum appensum mandatis publicis, etiam signat & confirmat voluntatem principis: signum ulterius rememorans, est, quod nos ducit in memoriam rei absentis ac præteritæ; ut Sacramentum, quod est signum triplici isto modo; sic Baptismus & signat ablutionem à peccatis per sanguinem Christi, & confirmat eam partam, & rememorat eandem; sic Sacramentum Cœnæ, est signum & significans, & confirmans; & rememorans corpus Christi crucifixum, & sanguinem fustum.

Quæst. XV. Quid est circumstantia?

Circumstantia est [adjunctum externum] quod circa rem est, sive adjacet, aut appositum est.

Circumstantia se valde late liquo modo ad aliud ordinatur extendit, diciturque id, quod aut aliquo modo ad illud reperit, præter objectum & signum, affertur.

CAPUT XX.

Quæst. I. Atque hætenus de affectionibus simplicibus.

Quas vocas affectiones conjunctas?

Quæ pluribus rebus conjunctim conveniunt: quales sunt, convenientia, diversitas, oppositio, & ordo.

Una

Una enim res dici potest alterius genus, pars, causa, subiectum, &c. at uni rei seorsim, ut est una, non potest tribui convenientia, diversitas, oppositio, aut ordo.

1. *Affectiones rerum*, capite 10 hujus libri enarratæ, quas intellectus hominis deprehendit inesse rebus ex rerum dispositione in categoriis facta, propter mutuam rerum inter se habitudinem, fuerunt divise in simplices & conjunctas: simplices fuerunt, quæ singulis rebus conveniunt, id est, quarum unaquæque in una invenitur res; ita, esse *causæ* convenit patri, rei uni, esse effectum, filio, rei item uni; licet hic aliqua sit habitudo gignentis ad genitum; sed affectio conjuncta est, quæ, ut sit, duo exigit; neque unquam invenitur in re una, ut est una: ideoque Deus, ante creationem

mundi, nec convenit cum alio, nec diversus fuit ab alio, nec oppositus alii, nec ordinem habuit ad aliud, quia nihil erat præter ipsum solum & unum, in quem, ut talem, non potuit cadere *convenientia, diversitas, oppositio aut ordo*. Itaque affectio conjuncta ut detur, semper requiritur duo: unum enim non convenit; nec unum ut unum diversum est, aut oppositum, aut ordinatum.

[2. *Affectiones conjunctæ sunt affectiones thematis simplicis*, quia conveniunt duobus pluribusve thematibus simplicibus inter se collatis, non tamen enunciatis.]

Quæst. II. Quid est convenientia?

Convenientia est, qua plura, aut quasi plura, uniuntur.

1. *Uniuntur*) scilicet. inter se, sed in certio.

[2. *Plura, aut quasi plura*) opponuntur. *Plura* dicuntur, quæ revera, & ipso actu ac de facto sunt multa, à parte ipsius rei, & non per mentis intellectionem: *quasi plura* dicuntur, cum quod unum est, sese offert intellectui ut multa aut plura, quia multis ac pluribus intellectionibus ab intellectu apprehenditur, at revera non est multiplex, aut multa, seu plura entia, sed unum quid. Quod autem unum ens ab intellectu humano apprehenditur multis ac pluribus conceptibus, ejus ratio est ac causa, sola

intellectus nostri finitas atque imperfectio, qua fit ut rem unam non possit uno sæpe conceptu intelligere.]

[3. *Illa rerum inter se unio* vel fit à parte entis, vel à parte mentis: prior habet locum cum illa quæ uniuntur sunt *quasi plura*; posterior fit, cum extrema quæ uniuntur sunt actu *plura*: atque hinc ortum ducit convenientia rei & rationis.]

[4. *Convenientia* quæ habet actu extrema plura, dicitur convenientia rationis; convenientia rationis est convenientia plurium in uno conceptu; quæ habet extrema quasi plura, id est

est, non nisi per mentem plura, dicitur convenientia realis; convenientia realis est convenientia unius rei cum seipsa, vel plurium rerum, sed subordinatarum, in superiori. Prioris exemplum est, convenientia Petri cum Paulo, quod sunt homines: posterioris exemplum est, convenientia Petri juvenis cum seipso sene, vel Pauli & hominis, quod sint animal. Utraque species convenientiæ ad res prædicamentales tantum, non item ad Deum aut Trinitatem, applicari debet.]

[5. Quotiescunque duo extrema conveniunt convenientia rationis, distinguuntur distinctione reali, & quotiescunque duo extrema conveniunt convenientia reali, distinguuntur distinctione rationis: sic Petrus & Paulus, quia conveniunt in eo, quod ambo consent natura humana, seu anima rationali & corpore, quatenus à mente apprehenduntur, ideo quoque inter se distinguuntur distinctione

reali; & Petrus senex, quia convenit cum seipso juvene convenientia reali, quatenus nullo intellectu eum apprehendens, idem est realiter cum seipso, distinctione rationis. Hoc utrumque verum est in solis rebus creatis, earumque inter se & convenientia & distinctione; neque applicari debet SS. Trinitati, in qua personæ tres à se invicem distinguuntur distinctione reali, & non rationis: alius enim est Pater, alius Filius, alius Spiritus S. nullius hominis intellectu Deum apprehendente, imo antequam ullus homo aut intellectus existeret; & tamen Pater, Filius, & Spiritus S. conveniunt in una eademque essentia divina (sunt enim unus Deus) convenientia non rationis, sed reali; neque enim sunt unus Deus per rationem, aut quia intellectu hominis sic apprehenduntur, nam fuerunt ab æterno unus Deus, antequam ullus ullius hominis intellectus existeret.]

Quæst. III. Quomodo dividitur convenientia?

In simplicem, & analogicam.

1. *Convenientia simplex* est, quando extrema quæ conveniunt sunt duo & tertium, in quo conveniunt est unum. *Analogica* est,

cum extrema quæ conveniunt sunt plura quam duo, scil. quatuor aut bis bina, & sunt duo tertia in quibus conveniunt.

Quæst. IV. Quid est convenientia simplex?

Convenientia unius cum alio in eodem tertio, [vel universali, vel singulari.

1. Ita angelus & homo conveniunt convenientia simplici, nempe in creatione, quia ambo sunt creaturæ.

Quæst.

Quæst. V. *Quid Analogia?*

Analogia est rationum similitudo, sive convenientia plurium cum pluribus in eadem habitudine.

1. *Analogia*) Latinis dicitur *ratio*: de qua in Arithmeticis: *proportio*, quæ vulgo definitur, Analogia est convenientia bis similitudo rationum sicut convenientia simplex potest dici ratio binorum in duobus tertiis.

Quæst. VI. *Da exemplum.*

Homo & bestia conveniunt in communi natura *animali*; *mel & fel* conveniunt *colore*. Hæc est convenientia simplex. At *auriga & gubernator*, *os & radix*, sunt analogæ: quia ut *auriga* se habet ad *currum*, ita se habet *nauclerus* ad *navem*; & ut *os* se habet ad *animal*, ita *radix* se habet ad *plantam*: utrobique est quædam similitudo habitudinis ad aliud.

Quæst. VII. *Quotuplex est convenientia simplex.*

Duplex; Identitas, & convenientia accidentalis?

1. Nota, convenientiam dividi in essentialem, & accidentalem, ac sic dici ratione tertii; non ratione extremorum quæ conveniunt, sed ob tertium in quo conveniunt.

[2. Quotiescunq; hi duo termini, essentialis & accidentalis, dicuntur vel de convenientia, vel de diversitate, duplici sensu possunt accipi; vel ratione extremorum, quæ conveniunt vel diversa sunt, vel ratione

tertii in quo conveniunt, vel per quod diversa sunt extrema: hinc sumitur convenientia essentialis & accidentalis sensu postremo.]

3. Tertium illud in quo duo conveniunt, vel est essentia, vel pars essentia utriusque extremi, & tum vocatur convenientia essentialis, uno nomine, *identitas*; vel tertium illud, in quo duo conveniunt, est accidens, & vocatur *convenientia accidentalis*.

Quæst. VIII. *Quid est identitas?*

Identitas est unitas essentia [vel totalis, vel partialis.]

1. Vocula *unitas* non hic sumitur arithmetice, pro principio numeri; sed metaphysice, pro indivisione entis in se; hoc est, quod essentiam habet non multam aut multiplicem, sed

certam, determinatam, unam: sic homo dicitur unus, quia ad essentiam ejus non requiruntur multa corpora, nec multæ animæ rationales; sed unum corpus & una anima rationalis faciunt

ciunt hominem; ideoque etiam una divisione, & uno conceptu essentiali concipi potest. Estque hæc unitas hominis, unitas universalis; præterquam est quoque unitas singularis, qua, verbi causa, Petrus est unus; ad constituendum enim Petrum, non requiruntur quoque plures natu-

ra Petrinæ. *Identitas est unitas essentie utriusque generis.*]

2. *Identitas* clarius definitur, quod intercedat inter extrema ea quæ conveniunt in essentia aliqua aut parte essentie communi, ut in ea quasi unum fiant. Exempla statim sequuntur.

Quæst. IX. Quotuplex est?

Duplex; subordinata, & coordinata.

1. Hæc subordinatio & coordinatio respicit ordinem prædicamentalem rerum; ubi dicuntur *subordinata* quæ sub se invicem, & *coordinata* quæ juxta se invicem, in aliquo prædicamento collocantur.

2. Cum identitas dividitur in subordinatam & coordinatam, sic dividitur ratione extremorum, quatenus extrema quæ conveniunt, disponuntur in categoriis secundum gradus superiores & inferiores. Cum extrema quæ conveniunt sub se invi-

cem ponuntur, & tertium in quo conveniunt ponitur supra utramque, uti conveniunt homo & animal in eo quod sint viventia, mixta, corpora, substantiæ, est illa convenientia *subordinata*: quatenus vero extrema quæ conveniunt disponuntur in categoriis collateraliter, & in eodem gradu componuntur juxta se invicem, ut cum homo & brutum conveniunt in eo quod sint animal, aut vivens, &c. est illa convenientia *coordinata*: utraque, essentialis.

Quæst. X. Quam vocas subordinatam identitatem?

Qua conveniunt superiora & inferiora cum inferioribus in superiori: puta, genus & species, aut species & individua sibi subjecta, in superiori, & vicissim. S.c. conveniunt *animal & homo, homo & Socrates*, [in substantia, corpore, mixto, & vivente;] *habitus & ars, ars & Logica* [in qualitate,] &c.

1. *Identitas subordinata* est, ubi extrema quæ conveniunt sunt subordinata. Coordinata est, cum extrema quæ conveniunt sunt coordinata.

2. Per convenientiam subordinatam conveniunt superiora cum inferioribus in superiori, ut ani-

mal & homo in vivente, aut in corpore, aut in substantia.

[5. Convenientia subordinata est convenientia realis, & extrema sunt quasi plura, ac ratione distincta: nam cum Petrus & homo conveniunt in eo quod sint animalia, quod sint viven-

tia

tia; &c. non est alia substantia Petrus, alia homo, nec sunt res diversæ; sed hic eadem est substantia & Petrus & homo, ideoque & ratione tantum distinguuntur, quatenus diversis conceptibus eandem substantiam, quæ est Petrus & homo, nunc concipio ut Petrum, nunc ut hominem: convenientia tamen ejusdem substantiæ Petri & ho-

minis in eo est sita, quod ambo sint animal, & vivens, &c. Hæc non est rationis, sed realis; quia non conveniunt in animali & vivente, quod à mente convenire concipiuntur; sed extra omnem mentis intelligentiam, & Petrus est animal ac vivens, & homo item; utrumque à parte sui, nullo intellectu cogitante.

Quæst. XI. Quotuplex est identitas coordinata?

Triplex: numerica, specifica, & generica.

1. Coordinata vulgo dicuntur disponi collateraliter; quia à latere sibi invicem junguntur; sic

conveniunt homo & brutum in animali; Petrus & Paulus in homine, in categoricò ordine.

Quæst. XII. Quid est identitas numerica?

Qua unumquodque individuum convenit cum se ipso.

Sic Socrates est idem numero homo qui fuerat puer.

1. Identitas numerica individui dicitur, quando eadem numero manent partes essentielles: sic idem numero homo est, cum eadem numero animam & idem numero corpus retinet aut recipit; & sic idem numero homo resurget quia ejusdem numero constabit animæ & corporis.

2. Dicitur Socrates *sexis* idem numero esse cum Socrate juvene, quia essentia Socratis senis & sui ipsius juvenis una eademque essentia est.

[3. Nonnulli Philosophorum existimant ad numericam identitatem sufficere, si eadem numero maneat forma, licet materia aut mutetur aut annihiletur, quia non per materiam, sed per formam, res est id quod est, & individuum est indivi-

duum; hinc dicunt, eundem numero Petrum resurrectorum, quia ipsius forma, anima ejus rationalis, eadem numero post mortem manet, licet ejus materia corpus, multis immutetur modis, imò licet annihiletur. Ego tamen existimem, ad individui identitatem numericam requiri quoque materiam eandem numero, quia hæc tam est essentialis individui pars quam forma; &, ut idem numero resurgat Petrus, præter animam ejus eandem superstitem requiri ut suum idem numero addatur corpus: quia diserte inquit Apostolus 2. Corinth. 13. *hoc corruptibile inducet incorruptibilitatem, & hoc mortale immortalitatem*; quod non de anima, sed de solo corpore intelligi potest.]

4. Idem

[4. Identitas numerica est convenientia realis, & extrema sunt quasi plura, ac ratione tantum distincta : nam *Socrates senex* non est alius homo quam *Socrates puer*, & convenit cum seipso, quod idem sit homo, & juvenis & senex, idque nullo intellectu cogitante, à parte sui ; ideoque est convenientia realis :

attamen ideo *Socrates* bis apprehenditur, semel ut juvenis, semel ut senex ; & ideo quasi geminum extremum est : verum quia à parte rei non est geminus *Socrates*, sed à ratione bis tantum apprehensus, ideo distinctio inter *Socratem senem* eundemque juvenem, est distinctio rationis.]

Quæst. XIII. Quid specifica ?

Qua plura individua [ejusdem speciei] conveniunt in eadem specie, [scil. infima :] ut, *Socrates & Plato* in natura humana.

1. In eadem specie id est, in communi natura specifica : ut *Bucephalus & Hirpinus* in natura equina, *Melampus & Phylax* in natura canina.

[2. Identitas specifica est convenientia rationis ; & extrema quæ conveniunt, scil. individua ejusdem speciei, sunt actu plura, & realiter inter se distincta. Ut autem hæc convenientia rationis semel intelligatur, notandum est, intellectui primem occurrere singularia ; quia illa primum deferuntur ad sensus, quorum subsidio in intelligendo utitur intellectus : hic, contemplando singularia, deprehendit primum ea inter sese distingui à parte rei, & unum non esse aliud, *Petrum* non esse *Paulum* ; deinde deprehendit quoque ea in multis convenire, quæ verbi causa, *Petro & Paulo* sunt communia, ut, quod intelligant & ratiocinentur, velint & nolint, animam habeant rationalem & corpus ; licet forte in uno anima rationalis sit prædita virtu-

te, in altero sit infecta vitiis & corpus unius sit forte sanum aut procerum, alterius sit morbidum aut brevis statura. Cum nunc intellectus, singularibus apprehensis atque inter sese comparatis, naturam illis communem intelligit, abstractis abstractione simplici, id est, præcisiss, & non intellectis differentis singularium propriis, (verbi causa, apprehensa natura humana, anima rationali & corpore, communibus *Petro & Paulo*, abstractis sanitate & longitudine, morbo & brevitate) oritur inter *Petrum & Paulum* respectu naturæ humanæ, in qua tanquam in tertio conveniunt, convenientia, sed rationis, quia exurgit post triplicem intellectus actionem ; 1. Post apprehensionem simplicem *Petri & Pauli*, tanquam singularium. 2. Post eorundem comparisonem, quoad illa quæ sunt singulis propria, & quæ utrique communia. 3. Post naturæ communis utrique abstractionem simplicem, ac præ-

cisionem

cisionem ab illis quæ sunt singulis propria : tali modo, per hæc tres intellectus humani operati-

ones, fiunt omnia entia rationis & universalia.],

Quæst. XIV. Quid generica?

Qua plures species [sive infimæ, sive subalternæ] earumque individua conveniunt sub eodem genere, vel proximo, vel remoto : ut, *homo & equus, Bucephalus & Alexander, sub animali ; homo & equus, planta & lapis, sub corpore.*

1. *Individua* hîc intelliguntur diversæ speciei, ut apparet in exemplis subjectis in textu.

[2. Hîc iterum est convenientia rationis, quia per triplicem jam statim explicatam intelle-

ctus operationem exoritur ; & extrema sunt actu plura, & non per rationem sed à parte rei seu realiter inter se distincta ; *homo* enim est alia substantia, & aliud animal, quàm *equus*.

Quæst. VX. Quotuplex est convenientia accidentalis ?

Duplex ; interna (quæ iterum in paritatem & similitudinem dividitur) & externa.

3. Intelliguntur hîc accidentia, tum quæ opponuntur substantiæ, quæ dicuntur & sunt prædicamentalia, quo modo in accidentibus conveniunt *paritas & similitudo* ; tum quæ opponuntur essentiæ, quæ dicuntur & sunt accidentia prædicabilia : quo modo conveniunt accidentibus quæ conveniunt convenientia externa.

2. Omnis *convenientia accidentalis*, tum interna, tum externa, est convenientia rationis, quia extrema, quæ conveniunt, sunt revera & actu plura.

3. *Convenientia accidentalis interna* est, quando tertium illud, in quo duo conveniunt, est adjunctum utriusque internum, uti est quantitas & qualitas.

Quæst. XVI. Quid est paritas ?

Paritas est convenientia in quantitate. Paria dicuntur quæ æque magna sunt.

1. *Paritas*) est proprie convenientia in quantitate discreta, & *æqualitas* in quantitate continua ; sic duo domini & duo servi sunt

pares, & conveniunt numero binario ; duo homines ejusdem staturæ sunt æquales, & conveniunt magnitudine.

Quæst. XVII. Quid similitudo ?

Similitudo est convenientia in qualitate aut in passione, Simi-

Similia dicuntur, quæ eadem qualitate affecta jam sunt, aut etiamnum afficiuntur.

1. Sic ovum ovo simile est, quia colore conveniunt.
2. *Passio*) hic opponitur actioni, non vero est tertia species qualitatis.

Quæst. XVIII. *Quid est convenientia externa?*

Convenientia externa est convenientia in causis, effectis, subjectis, aut adjunctis externis; hoc est, quæ non pertinent ad essentiam. Sic duo fratres germani conveniunt causa efficiente; pluvia & grando, materia, [remota] artifices ejusdem professionis, effectis; virtutes & vicia, subjecto; agritudo & amor, signo, nempe pallore.

1. Adjectivum illud externis, grando materia, quia ambæ constant ex vaporibus humidis: effectis, ut duo fabri, quæ eandem extruunt domum; subjecto, scil. animo aut voluntate; pallore, quia & æger pallet, & qui amat.

CAPUT XXI.

Quæst. I. *Quid est diversitas?*

Diversitas est, qua res à se invicem distinguuntur.

1. Sicut Deus, res una, cum aliis voluit convenire in multis, in multis, & ipsas res distingui inter se. Hæc rerum à se invicem distinctio dicitur *diversitas*.

Quæst. II. *Quotuplex est diversitas?*

Duplex; alia essentialis, alia accidentalis.

[1. *Diversitas essentialis* est, qua res distinguuntur essentia tota, aut parte essentiae: *accidental*is, qua distinguuntur accidentalibus. *Diversitas essentialis* dicitur, quando illud tertium, quo extrema duo inter se distinguuntur, est vel essentia, vel pars essentiae; *accidental*is, quando est accidens. Prioris exemplum est, animal & color, item homo &

brutum; illa differunt tota essentia, hæc parte essentiae. Posterioris exemplum est, Petrus doctus & Paulus indoctus, qui differunt accidentalibus, doctrina & ignorantia.]

[2. Quæ differunt essentia, vel sic differunt, ut nulla sui parte essentiali conveniant, uti animal & color; vel ut aliqua parte essentiali conveniant, alia distinguantur

quantur, uti homo & brutum; vel tota essentia convenient, & tamen differant essentia, quatenus hæc essentia unius non est essentia alterius, uti differunt Petrus & Paulus.]

[3. Distingui solet in philosophia Aristotelica inter hæc duo, *differre essentialiter*, & *differre essentia*. Essentialiter differunt, quæ partem essentia habent communem, & partem essentia diversam, ut aliqua pars essentia sit in uno quæ non est in alio: sic differunt duæ species, homo & brutum; nam corpus habent com-

mune, quod est una pars essentia, scilicet materia utriusque, sed formam, alteram essentia partem, habent diversam, homo animam rationalem, brutum irrationalem. Differunt essentia, quæ nullam partem habent essentia diversam, nec materiam nec formam; ut duo individua, Petrus & Paulus, ambo enim habent corpus, & animam rationalem. In quo igitur differunt? Resp. quod essentia Petri non sit essentia Pauli, quia nec corpus nec anima Petri, sunt aut corpus aut anima Pauli.]

Quæst. III. Quomodo dividitur diversitas essentialis?

In subordinatam, & coordinatam.

1. *Diversitas subordinata* dicitur, quando illa quæ distinguuntur, in ordine prædicamentali collocantur sub se invicem; & *coordinata*, quando illa quæ distinguuntur, ponuntur juxta se invicem in scala categorica: itaque hæc divisio intelligitur ratione extremorum, quæ, cum sub se invicem sunt posita, dicuntur differre diversitate *subordinata*: quando juxta se invicem, *coordinata*.

2. *Diversitas subordinata* est diversitas rationis, quia extrema, quæ differunt, ratione differunt; diversitas coordinata est diversitas realis, quia ejus extrema distinguuntur distinctione reali.

[3. Antequam species diversitatis essentialis explicentur, tenenda est usitatissima divisio distinctionis, in distinctionem rei & rationis: distinctio rei di-

citur, quia duo à se invicem sunt diversa, & differunt à parte sui, etiamsi ab intellectu non intelligantur; distinctio rationis est, quando unum ens concipitur distinctis ac dissimilibus conceptibus, ut unus ejusdem rei conceptus sit distinctus ab altero, & dissimilis alteri; sic ut à parte sui non sint duæ res distinctæ, sed ut una eademque res bis apprehensa à ratione, sic per eam distinguuntur. In priori distinctione extrema sunt actu plura: in posteriori, sunt quasi plura. Prioris exemplum est, Petrus & Paulus, qui, nullo intellectu eos apprehendente, sunt diversi homines, diversaq; entia, & differunt à se invicem diversitate reali sive rei: posterioris exemplum est, Petrus & homo, quæ duo extrema distinguuntur non distinctione rei, quasi sint diversæ res, diversæ substantiæ, nam eadem

eadem substantia est Petrus & homo; sed distinguuntur ratione, quatenus idem Petrus bis concipitur, semel ut homo, in quantum constat natura humana, anima rationali & corpore, quæ ipsi c. m Paulo aliisque hominibus est communis, semel ut est Petrus, quatenus naturam habet sibi propriam, qua anima rationalis & corpus Petri sunt ejus, & non Pauli: conceptus autem quo Petrus concipitur ut Petrus, non tantum distinctus est, sed & dissimilis conceptui quo idem concipitur ut homo; quemadmodum & dissimilis conceptus est, cum idem Petrus concipitur ut animal, ut vivens, ut mixtum, ut corpus, ut substantia, quæ tamen omnia distinguuntur à Petro, non rei, sed rationis distinctione.]

4. Duplex est rerum esse: unum, quod in se habent, etiam si nec intelligantur nec proferantur, & hoc vocant esse reale;

alterum, quod habent, non nisi intelligantur, & hoc vocant esse intelligibile. Huic fundamento innititur hæc divisio distinctionis, in rei & rationis; nam distinctio rei dicitur, qua res distinguuntur in se, secundum suum esse reale, quod habent nemine cogitante, extra omnem mentem intelligentem; quo modo distinguuntur Petrus & Paulus: distinctio rationis rebus competit in quantum intelliguntur, seu concipiuntur, & secundum esse suum intelligibile; ita distinguuntur in Petro homo & animal, quatenus Petrum intelligendo ut hominem, aliud concipio quam eundem intelligendo ut animal; nam concipiendo eum ut hominem, intelligo eundem esse rationalem, quod non intelligo, concipiendo eundem ut animal; & tamen homo & animal in Petro non faciunt distincta entia realia, ideoque nec realiter distinguuntur, sed ratione tantum.]

Quæst. IV. Quid est diversitas subordinata?

Qua superiora differunt & inferiora à se invicem; puta, genus ac species, & species atque individua sibi subiecta, à se mutuo; & vicissim. Sic differunt *animal* atque *homo* aut *bestia*; *homo* atque *Socrates* aut *Plato*.

1. Diversitas subordinata est diversitas essentialis, quia superiora & inferiora parte saltem essentialis differunt, ita aliquid est in essentia hominis aut bruti, puta \bar{r} rationale aut irrationale, quod non est in essentia animalis; hæc enim absolvitur eo, quod sit substantia corporea, mixta, vivens, sentiens; at hominis essentia, \bar{r} rationale

etiam in se includit.

2. Illud dicitur esse in essentia rei, quod ponitur in ejus definitione: sed in definitione animalis non ponitur rationale, ut quidem in definitione hominis; ergo & rationale non ponitur in essentia animalis, ut quidem in essentia hominis; ideoque animal & homo parte essentialis differunt.

Quæst. V. Quotuplex est diversitas coordinata?

Triplex; numerica, specifica, & generica.

Diversitas coordinata est, qua mentali: ut, Petrus & Paulus differunt res ejusdem ordinis, id homo & brutum, animal & est, in eodem gradu prædica- planta.

Quæst. VI. Quid est diversitas numerica?

Qua distinguuntur individua ejusdem speciei [infinæ:] ut, Socrates & Plato.

Diversitas numerica est diversitas essentialis: quia essentia Socratis non est essentia Platonis; neque enim corpus & anima Platonis sunt corpus & ani- *ma Socratis, sic enim Plato foret Socrates; & quædam conditiones particulares sunt in essentia Socratis, quæ non sunt in essentia Platonis.*

Quæst. VII. Quid specifica?

Qua distinguuntur species infinæ ejusdem generis, & earum individua; ut, homo & brutum, Alexander & Bucephalus.

Diversitas specifica est essentialis: quia aliqua pars essentiæ est in homine, scil. anima rationalis, quæ non est in brutis; & vice versa, scilicet anima irrationalis, quæ non est in homine.

Quæst. VIII. Quid generica?

Qua distinguuntur genera, tum summa, tum subalterna, eorumque species & individua; ut, substantia & quantitas, corpus & spiritus, animal & planta, homo & pyrus, Socrates & hæc pyrus.

Genera summa) differunt tota essentia, subalterna, parte tantum essentiæ; quod patet exemplis subjectis. Substantia enim & quantitas nec genus habent commune, nec differentiam; nam ens genus non est: at corpus & spiritus genus habent commune scilicet substantiam, non item

differentiam; quia corpus est substantia materialis, & spiritus immaterialis.

[2. Quando ens dicitur hic non esse genus, intelligitur univocum ac proprie dictum; nam quod sit ens analogum, atque improprie dictum, admitti potest, & communis est sententia.]

Quæst. IX. Quotuplex est diversitas accidentalis?

Duplex; interna, (quæ in imparitatem & dissimilitudinem subdividitur,) & externa.

1. Diversitas accidentalis est *bus; ut Petrus & Paulus, quod qua res distinguuntur accidenti-* *alter doctus, alter sit indoctus.*

2. Ac-

2. *Accidens* hîc aut opponitur *accidentalis*; vel opponitur *essentia*, estque hoc vel *quantitas*, vel *qualitas*, quo sensu *diversitas interna* dicitur *diversitas* constituit.

Quæst. X. Quid est imparitas?

Imparitas est *diversitas in quantitate*. *Imparia* sunt, quorum alterum altero majus est aut excellentius.

1. *Imparitas*) est *diversitas in quantitate discreta*; *inæqualitas* in continua: sic tres equi & quatuor homines sunt *impares numero*. Petrus procerus & Paulus brevis sunt *inæquales magnitudine*.

Quæst. XI. Quid est dissimilitudo?

Dissimilitudo est *diversitas in qualitate*, aut *passione*. [prout opponitur *actioni*.] Et dissimilia dicuntur quæ diversa qualitate jam affecta sunt, aut etiam nū afficiuntur.

1. Sic paries albus est dissimilis nigro, & homo indoctus docto, sapiens stulto; & aqua quæ calefit, aquæ quæ frigidat.

Quæst. XII. Quid est diversitas externa?

Diversitas externa est *diversitas in causis, effectis, subiectis, aut adjunctis externis*, hoc est, quæ non pertinent ad *essentiam*. Sic mures à sole geniti ex putredine, differunt causa efficiente & materia ab iis muribus qui ex semine generantur.

1. Vox illa *externis* referri debet non tantum ad vocem *adjunctis*, sed ad voces etiam *precedentes, causas, effectus, &c.*

2. Faber lignarius differt à futore & sartore, effectis; morbi corporis à morbis animi, subiectis; visus ab auditu *externisque sensibus, objectis, seu adjunctis externis*.

CAPUT XXII.

Quæst. I. Quid est oppositio?

Oppositio est pugna rerum.

1. *Oppositio*) differt à *diversitate*, quod multa sint diversa quæ non pugnent, nec sint opposita; qualia sunt, quæ diversa sunt ac distinguuntur ratione: ut Petrus & homo homo & animal, & quæcunque differunt diversitate subordinata.

[2. Omnia opposita distinguuntur re; ideoque quæcunque distinguuntur diversitate subordinata, ut Petrus & homo, homo & animal, &c. cum distinguuntur tantum ratione, non sunt opposita: at illa in quibus est diversitas coordinata, ut in-

ter Petrum & Paulum, hominem distinguantur re, omnia sunt & brutum, animal & plantam, opposita.] substantiam, & qualitatem, cum

Quæst. II. Quenam res dicuntur pugnare?

Quæ, neque de se invicem, neque de eodem tertio, secundum idem, ad idem, eodem modo atque tempore, vere affirmari possunt.

1. *De eodem tertio*) scil. singulari; nam de eodem tertio universali, ut de homine, possunt opposita affirmari, ut, doctum esse, & indoctum, etiam *secundum idem*, nempe secundum animam, & sub reliquis conditionibus oppositorum.

2. *Secundum idem*) id est secundum eandem partem, vel naturam.

3. *Ad idem*) id est, ejusdem respectu.

4. *Eodem modo*) id est, eadem vocis significatione.

5. Si contingat opposita de se invicem affirmari, vel de eodem tertio singulari, una ex hisce conditionibus desideratur.

6. *Opposita* sunt, primo, quæ non possunt de se invicem affirmari: sic homo & brutum sunt opposita, quia non potest dici vere, Homo est brutum, aut, Brutum est homo. Secundo, quæ non possunt vere dici seu affirmari de eodem tertio, subjecto singulari scilicet: sic non potest de eodem Petro dici, Petrus est homo, Petrus est brutum. Tercio, quæ licet dicantur vere de eodem tertio singulari, non affirmantur tamen de eo secundum

eandem partem vel naturam: sic album & nigrum sunt opposita, quia licet de eodem tertio singulari, Æthiope, affirmentur, non tamen vere affirmari possunt secundum eandem Æthiopis partem; nam Petrus Æthiops (singulare tertium) est albus secundum dentes, Petrus Æthiops niger est secundum manus, pedes, brachia, pedus, & cætera ejus membra nigra. Quarto quæ licet vere affirmantur de eodem tertio singulari, non tamen dicuntur de eodem *ad idem*, seu respectu ejusdem: sic, licet esse patrem & esse filium dicantur de eodem Isaaco, quia tamen non dicuntur de eo respectu ejusdem sunt opposita; nam respectu Abrahami dicitur filius, at ejusdem respectu Abrahami non dicitur pater; contra, respectu Jacobi dicitur pater, sed respectu ejusdem non dicitur filius. Quinto, quæ licet juxta omnes priores conditiones de eodem tertio affirmantur, non tamen affirmantur *eodem modo*, id est, eadem significatione: ut, cum esse leonem dicitur de animali effero, & de signo Zodiaci; aut canis dicitur de sidere celesti, animali marino & terrestri.

Quæst. III. Quot sunt species oppositorum?

Quinque: disparata, contraria, relative opposita, privative opposita, & contradicentia.

1. Nota, has oppositorum species intelligendas esse de oppositione directa, qualis cadit tantum inter res in prædicamentis dispositas, & in quinque dividitur species. Potest quoque esse oppositio quædam indirecta & obliqua, quæ ad hæc species referri nequit; qualis est inter ens reale & nihil, inter substantiam & nihil, inter privationem physicam & formam physicam, &c.

[2. Nihil certius est, quam non posse omnia quæ opponuntur, commode referri ad hæc quinque oppositionum species: nam hæc duo, Petrus & nihil, opponuntur, quia non possunt de se invicem affirmari; neque enim licet dicere, Petrus est nihil, aut, nihil est Petrus; nec de eodem tertio singulari, hoc aut illud est nihil, &, est Petrus: & tamen Petrus & nihil non opponuntur disparative, quia in disparatis unum pluribus opponitur, hic unum uni; nec relative, quia Petrus & nihil non se habent ut relatum & correlatum; nec con-

trarie, quia non sunt duæ species sub eodem genere plurimum distantes; nec privative, quia se non habent ut habitus & privatio; nec contradictorie, quia sic opponitur Petrus & non Petrus. Quomodo igitur Petrus & nihil opponuntur? Resp. oblique & indirecte, ut addenda foret sexta species oppositionis quinque ejus speciebus ex Aristotele recenseri solitis.]

[3. Distantia essentia dicitur, quæ res ab aliis discrepant per essentias, naturas, ac definitiones diversas, quamvis eodem contineantur loco, nec eo discrepent: sic corpus & anima Petri in Petro superstiti, essentia distant, non loco; in eodem mortuo, & essentia & loco distant: sic in lacte albedo & dulcedo, essentia distant, non loco: & contra fieri potest, ut quæ loco distant non distent essentia; veluti dulcedo lactis & dulcedo mellis, quæ non opponuntur contrarie, quia loco tantum distant, non item essentia.]

[Nota, hunc comm. esse referendum ad quæst. 6.]

Quæst. IV. Quid sunt disparata?

Disparata sunt, quorum unum pluribus opponitur eodem modo; ut, *homo & equus, album & rubrum*. Etenim homo, non equo solum, sed & leoni, lupo, &c. & album non solum rubro, sed & viridi, flavo, cæruleo, cæterisque mediis coloribus opponitur *eodem modo*, hoc est, eodem oppositionis genere, [ob eandem causam.]

[1. Opponuntur *disparate* secundo, una species pluribus individuis alterius speciei, ut homo leoni, equo, tauro, &c. individuis brutorum; tertio, quæ sub diversis generibus collocantur, ut homo sub animali

opponitur disparate quercui, celo, pyro, &c. quarto, genera summa inter se, ut substantia quantitati, qualitati, &c.]

2. *Album & nigrum* non sunt disparata, licet album non tantum nigro, sed & rubro & viridi, cæterisque coloribus mediis

opponatur, quia non eodem modo illi & his opponitur: nam opponitur nigro sic, ut nihil albi sit in nigro; opponitur cæteris coloribus, ut aliquid albi in iis sit: itaque non est eadem causa oppositionis utrobique.

Quæst. V. Cur dicis eodem modo?

Quia servus opponitur & domino & libero: non tamen dominus & servus disparata sunt: quia servus opponitur domino, relative [& substantive;] libero, contrarie & adjective.]

Quæst. VI. Quid sunt contraria?

Contraria sunt duo absoluta, quæ sub eodem genere plurimum distant; ut, *albor & nigror, calor & frigus, virtus & vitium, par & impar.*

1. Per vocem *duo* scilicet entia realia ac positiva, &c. *contraria* distinguuntur à disparatis: per vocem *absoluta*, à relative oppositis: per voces *sub eodem genere* à privative oppositis & contradicentibus, quæ non habent commune genus; intelligitur vero vel genus proximum, vel remotum: per verba *plurimum distant*, non tam intelligitur distantia loci, qua unum, verbi causa, est loco superiori, alterum inferiori, quàm quidem distantia essentiae, qua essentia unius contrarii discrepat ab essentia alterius, non quidem ex toto, sed ex parte, quatenus ali-

quid in essentia unius, quod non est in essentia alterius; sic essentia caloris distat ab essentia frigoris, licet quoad locum in eadem aqua tepida conjungantur.

[2. *Alboris & nigoris* commune genus est color; *caloris & frigoris* commune genus est qualitas prima tactilis; *virtutis & vitii* commune genus est habitus moralis; *paris & imparis* commune genus est numericus. At contradictoria & privative opposita nullum habent commune genus sub quo sunt: sic ens & non ens, visus & cæcitas, nullum habent commune genus, quodnam enim illud erit?]

Quæst. VII. Quomodo dividuntur contraria?

In mediata & immediata.

Quæst. VIII. Quæ vocas mediata?

Quæ admittunt medium participationis; ut, *calor & frigus, albor & nigror.*

I. Medium

1. *Medium participationis*) vocatur, quod particeps est utriusque extremi : quo modo tepor est medium caloris & frigoris, quia aliquid habet caloris, & aliquid frigoris; sic rubor habet caloris albi aliquid, & nigri aliquid, ideoque est medium participationis inter utrumque.

[2. *Distinctio inter medium negationis & participationis* peculiarem usum habet in doctrina ethica de virtute morali, quæ est posita in medio inter duo vitia, non participationis, sed negationis: neque enim liberalis est partim prodigus, partim ava-

rus: sed nec prodigus, nec avarus.]

3. *Medium negationis* vocatur, de quo utrumque extremum negatur; ut, angelus est medium negationis inter calidum & frigidum, album & nigrum, rectum & obliquum, quia hæc omnia de angelo negantur.

[4. *Medium negationis* reperitur in omni specie oppositorum, exceptis contradicentibus: in contrariis, non omnibus, sed quibusdam, insuper reperitur medium participationis: at hoc in nulla alia specie oppositorum reperiri potest.]

Quæst. IX. Quæ immediata?

Quæ non admittunt medium participationis; ut *par & impar, rectum & obliquum*.

1. Nullus numerus est, qui nulla linea, quæ partim sit *recta*; partim sit *par*, partim *impar*; partim *obliqua*.

Quæst. X. Quid sunt relative opposita?

Quæ id ipsum quod sunt oppositorum esse dicuntur, vel alio quovis modo ad illa referuntur; ut, *pater & filius, dominus & servus*.

1. *Pater & filius, dominus & servus*, sunt opposita, quatenus tribuuntur eidem respectu ejusdem (sic enim pugnant) sed si tribuantur diversis, tantum abest ut pugnent, ut potius sese mutuo constituent; sic enim *pater* est qui habet *filium*, & contra: sic, esse *dominum* & esse *servum*, si tribuantur eidem Petro respectu ejusdem Pauli, pugnant; at

si esse dominum tribuatur Petro, esse servum Paulo, se mutuo constituent. Priori modo spectantur hæc relata; posteriori in prædicamentis.

2. Relata hæc considerantur, quatenus suis opponuntur terminis; in prædicamentis vero, quatenus ad suos terminos referuntur sive correlata.

Quæst. XI. Quid sunt privative opposita?

Privative opposita sunt habitus & illius privatio.

1. *Privatio*

1. *Privative opposita*) versantur circa idem, non numero, sed genere aut specie, subiectum: sic, quia animali competit visus, illi quoque competit cæcitas.

2. Cum subiectum dicatur idem, vel generica identitate, vel specifica, vel numerica, hinc intelligitur subiectum idem, vel genere, vel specie, non numero; nam fi-

eri nequit, ut idẽ numero homo, puta Petrus, simul & videat & sit cæcus: sed licet mihi dicere de homine, (aut specie) aut de animali, (aut genere) homo vel animal & videt, & cæcum est; quia non statim, quod verum est de genere uno aut specie eadem, id quoque verum est de uno atque eodem individuo.

Quæst. XII. *Quid intelligitur hoc loco, nomine habitus?*

Quodlibet accidens, quod à subiecto suo separari potest; puta, vel potentia naturalis, [secunda scilicet, non prima,] vel habitus in qualitate [primæ speciei,] vel patibilis qualitas, vel operatio [seu actio,] vel habitus in decima categoria.

1. *Habitus tria significat, 1. Primam qualitatis speciem, 2. Categoriā decimā, 3. Ut hic, quodlibet accidens à subiecto suo separabile,*

scilicet, reipsa & naturaliter.

2. Sub tertia significatione comprehenditur habitus primæ & secundæ significationis.

Quæst. XIII. *Quid est privatio?*

Privatio est absentia habitus in subiecto, quod per naturam suam, & per tempus [ac locum] à natura definitum, aptum est habitum recipere.

1. *Privatio*) in genere est absentia formæ, scilicet, accidentalis vel substantialis; quæ si inesse tantum potest, dicitur privatio physica; si vero inesse debet, dicitur privatio logica: quamvis privatio logica proprie sit absentia formæ accidentalis, quia habitus quo subiectum privatur est accidens. Intelligitur hinc vero privatio quæ habitum sequitur: ideoque tenebræ quæ lucem nondum conditam præcesserunt, in superficie abyssi, non possunt dici privatio lucis. Præ-

terea, debet subiectum quod habitu privatur, esse tale, ut ejus natura habitum recipere valeat: ideoque lapis non est subiectum idoneum cæcitatibus, quia non est lapidis hæc natura, ut videat. Præterea, debet esse tempus certum à natura constitutum, quo subiectum, habitum recipere debet: ideoque ante nonum diem catulus non potest dici cæcus, quia nonum diem natura constituit in catulis ad videndum. Denique, debet esse & locus certus quem natura

natura definiuit, ut in eo loco habitus privationi succedere queat: ideoque urinatores sub aqua, cum non audiunt, non possunt dici surdi aut privati auditu, quia natura, aquam non destinavit pro medio aut loco idoneo audiendi.

2. Forma accidentalis dicitur accidens, quod per omnes materiæ partes se insinuat, ut lux, color, &c. substantialis dicitur substantia, quæ omnes materiæ partes informat, penetrat, pervadit, ut anima respectu corporis.]

Quæst. XIV. Da exempla eorum, quæ opponuntur privative.

Visus & cæcitas, scientia & ignorantia, lux & tenebræ, motus & quies, nudum & vestitum esse, &c.

1. *Visus & cæcitas*) sunt exemplum potentiæ naturalis, tanquam habitus, & oppositæ privationis. *Scientia & ignorantia*, scilicet, puræ negationis, non praviæ dispositionis, sunt exemplum habitus in prima specie qualitatis, & privationis. Tertium exemplum est patibilis qualitatis; quartum, operationis; quintum, habitus in decima categoria; & oppositarum privationum.]

[2. *Quies*) vel antecedit motum, vel cum sequitur, tanquam terminus ejus ad quem. Quies quæ motum antecedit in corpore quod motum aliquando fuit, &

moveri solet, est privatio motus qui inesse debet per naturam corporis mobilis: sed quies quæ antecedit motum in corpore quod solet quiescere, & contra naturam movetur, non est privatio logica, quia non est absentia habitus qui inesse debet, neque enim corpus quiescere solitum, ex natura sua moveri debet; sed est privatio physica motus qui inesse potest. Quies, quæ motum sequitur in corporibus quæ contra naturam moventur, non est privatio; sed tantum in corporibus quæ moveri solent, privatio est, & quidem logica.]

Quæst. XV. Quid sunt contradicentia?

Contradicentia sunt ens & non-ens; ut, homo, non-homo; album, non-album; videre, non-videre.

[1. *Contradictio* est omnium oppositionum maxima, quia negat ubique & semper: est insuper mensura reliquarum oppositionum, in iisque includitur, nam quod cæcitas opponatur visui privative, ideo est, quia cæcitas est non-visus; quod albor nigro contrarie, ideo est, quia albor est

non-nigror; quod pater filio relative, ideo est, quia pater est non-filius, respectu scilicet ejusdem; quod homo tauro, leoni, disparate, ideo est, quia homo est non-taurus, &c.]

2. *Contradictio* effertur in terminis vel transcendentibus, ut, *ens & non-ens*; vel prædicamentalis,

talibus, ut, *homo, non-homo.*

3. Termini transcendentis sunt, qui transcendunt & transiliunt omnes categoriarum omnium limites ac fines, aut, qui in nullo certo vel uno prædicamento inveniuntur, sed in omnibus; ut, ens, unum, verum, bonum: termini prædicamentales sunt, qui in certo & uno reperiuntur prædicamento; ut, homo, longitudo, albor.

4. Contradictio est vel explicita, vel implicita: prior, cum inter terminos contradictionis interponitur particula *non*; ut, homo, non-homo, albor, non-albor: posterior, cum in altero terminorum, ac præsertim prædicato, implicatur & occulte in-

volvitur negatio alterius seu prioris termini, puta subiecti; ut, cum dico homo irrationalis, idem est ac si dixerem, homo non-homo, si enim non sit rationalis, non est homo; aut, sacrificium incruentum, quod idem est ac sacrificium non-sacrificium, cum nullum sacrificium fiat sine sanguine misso, sacrificium in quo non funditur sanguis, nec sacrificium est, atque hoc vocant philosophi *hi implicare contradictionem, vel contradictionem in adjecto, vel oppositum in appposito*: nam irrationale adjectum aut appositum homini, aut incruentum sacrificio, utrumque tollit; cum nullus homo sit irrationalis, nullum sacrificium incruentum.

C A P U T XXIII.

Quæst. I. Quid est ordo?

Ordo est, secundum quem aliquid altero prius aut posterius, vel etiam simul cum illo, dicitur.

In omni ordine est aliquid primum, aliquid medium, aliquid posterius.

Quæst. II. Quot modis dicitur prius & posterius?

Quinque modis; tempore, natura, dispositione, dignitate, & cognitione.

Quæst. III. Quid est prius tempore?

Quod altero vetustius & antiquius dicitur. Sic Pythagoras dicitur prior Socrate; & bellum Trojanum, bello Punico.

1. Prius tempore dicitur vel absolute, quod tota sua duratione prius est; sic Adam prior tempore est Abrahamo, quia ille esse desinit antequam hic cœperit esse;

vel secundum quid, quod parte durationis prius est; ut Plato Aristotele est prior, quia ille quidem prius esse cœpit, sed tamen esse non desinit, antequam hic esset.

Quæst.

Quæst. IV. *Quid prius natura?*

Quod prius est, aut existendi consecutione, aut causalitate.

Quæst. V. *Quid vocas prius existendi consecutione?*

A quo non reciprocatur existendi consecutio. Sic animal prius est homine, & numerus binarius, ternario: posito enim homine, ponitur animal, at posito animali, non necesse est poni hominem; similiter posito ternario numero, binarius quoque ponitur, posito binario, non necesse est poni ternarium.

1. Dicitur reciprocari existendi consecutio, quando duorum terminorum unus alterum infert, & vice versa, idque in legitima consequentia, ratione existentie utriusque: qualis reciprocatio locum habet inter causam emanativam & effectum, subjectum & proprium, relatum & correlatum: nam, licet mihi inferre, & quidem recte, existit sol, ergo & lux; existit ignis, ergo & calor; existit aliquis pater, ergo aliquis existit filius.

2. Reciprocari proprie dicitur ferra, quæ à fabris lignariis findendo lignum sursum ac deorsum trahitur, ut modo pars ferre infra, modo supra lignum appareat, & sic locum suum mutet: hinc translata vox est ad philosophiam, significatq; transmutationem & transpositionem subjecti in locum prædicati, & vice versa, in enunciatione; ut omne animal sentit & omne sentiens est animal, quæ vulgo dicitur conversio: significat quoque unius enunciationis ex alia illationem mutuam; ut existit sol, ergo & lux; exi-

stit lux, ergo & sol. Quando non licet sic inferre mutuo, dicitur ab uno termino ad alium non reciprocari existendi consecutio; à quo autem termino ad alterum talem illationem facere non licet, ille est prior altero quoad existendi consecutionem: sic quamvis licet dicere, existit homo, ergo & animal; quia omnis homo est animal: non tamen licet dicere, existit animal, ergo & homo, quia non omne animal est homo; ideo animal prius est homine quoad existendi consecutionem.

3. Prius existendi consecutione est, quod ponitur alio posito, & quo posito aliud non ponitur: sic, ponitur animal posito homine, sed non ponitur homo posito animali. Ideoque, quamvis liceat dicere, est homo, ergo est animal; non valet tamen reciprocatio consequentiae: existit animal, ergo existit homo: quia potest existere aliud animal quam homo, scilicet brutum. Hoc modo prius est omne genus suæ speciei, & omnis species suo individuo, & omne universale singulari.

Quæst.

Quæst. VI. Quid vocas prius causalitate ?

Quod reciprocatur secundum existendi consecutionem, & alterum quomodocunque causa est cur alterum existat. Sic *sol* est prior sua *luce* ; non tempore, sed natura sive causalitate.

[1. Illa reciprocantur secundum existendi consecutionem, quæ sese mutuo inferunt, & ex se invicem inferuntur : sic dico, est *sol*, ergo est *lux* ; est *lux*, ergo est *sol*. Sol tamen prior est natura luce, quia est causa lucis.]

2. Cavendum est serio, ne illa quæ sunt simul tempore, putentur esse simul natura ; nam multa eodem tempore, imo & momento, existunt, quorum tamen alterum altero prius est natura, & quidem causalitate : sic materia prior est quantitate natura, & tamen simul tempore cum ea ; sic simul tempore sunt ignis & calor suus qui in se est, sol & lux, omne subiectum & proprium ; & tamen ignis calore, sol luce, & subiectum proprio sunt priora natura ac causalitate, quia sunt causæ emanativæ reliquorum, tanquam effectuum. Huc referri debet prioritas ordinis in Deo, quando Pater dicitur prima persona, Filius secunda, Spiritus Sanctus tertia, & in transcendentibus, quando dicitur ens prius unitate, veritate, bonitate : non tamen Pater est causa Filii, nec uterque causa Spiritus Sancti, nec ens causa unitatis, veritatis, bonitatis ; sed cum aliquis sit tamen utrobique ordo, ad nullam speciem ordinis vel prioritatis commodius referri possunt,

quam ad hanc. Hinc ortum quoque duxit hæc loquendi formula, inter disputandum philosophis usitata, qua illa quæ sunt simul tempore, se dicunt distinguere secundum momenta aut instantia naturæ, ac signa rationis, quatenus ratio humana ex illis, quorum neutrum altero prius est tempore, unum tamen prius & in momento priori concipit, quam alterum : ita dicunt, priorem esse essentiam Dei, potentia, sapientia, &c. ens unitate, veritate, &c. quia ratio hominis prius essentiam Dei, quam ejus potentiam, & ens prius quam unitatem, concipit.]

[3. Cum ratio hominis, illa quæ sunt simul tempore, vel ab æterno, concipit distinctis non tantum conceptibus, sed temporibus, dicuntur illa philosophis distinguere juxta vel secundum diversa signa, momenta, aut instantia rationis, quæ alii vocent, naturæ ; quia licet, verbi causa, simul sint tempore *sol* & *lux*, natura tamen utriusque exigit, solis, ut causæ & principii, lucis, ut causati & principiat, ut prius concipiatur sol quam lux : sic, quamvis omnia Dei attributa simul sint ab æterno in Deo, natura tamen Dei exigit ut prius concipiamus attributum simplicitatis aut perfectionis

nis, quam immutabilitatis, quia hoc per illa demonstratur & distincti hi rationis humanæ conceptus, formati distincto tempore de rebus, quæ vel tempore vel

ab æterno sunt, simul nobis perpererunt illa vel naturæ vel rationis instantia, momenta, ac signa philosophis dicta.]

Quæst. VII. *Quid est prius dispositione?*

Quod minus abest ab initio: Sic *exordium* prius est cæteris partibus in oratione.

Illud *minus abest ab initio* quod est propius initio.

Quæst. VIII. *Quid prius dignitate?*

Quod præstantius est. Sic *magistratus* prior est *subditis*, *dominus servis*, *pater liberis*.

Quæst. IX. *Quid prius cognitione?*

Quod notius est.

Quæst. X. *Quot modis dicitur aliquid altero notius?*

Duobus; vel quoad naturam, vel quoad nos.

1. *Notius quoad naturam*, est notius cognitione distincta & intellectualem; notius vero quoad nos, est notius cognitione confusa & sensuali. Quia a teneris assuescimus sensuum uti ministerio in cognoscendo: & prius utimur sensibus quam ratione, ideo, quod sensibus est vicinior dicitur prius cognitione quoad nos; quod vero prius intelligitur ratione quam sensu, dicitur notius quoad naturam, quia intellectus in intelligendo sequitur non ordinem sensuum, sed naturæ, & illum quem Deus, author naturæ, posuit in rebus. Quod autem notius est natura, ignotius est quoad nos; & contra. Cognitio sensuali confusa est, quia sensus tantum cognoscunt accidentia, essentias rerum non penetrant; & visus

tantum cognoscit colorem & lucem, vel lapidis vel hominis, &c. neutrius essentiam percipit: sed intellectus dicitur distincte cognoscere res, quia ipsas rerum essentias suo lumine pervadit; nam intelligit & materiam & formam, tum lapidis tum hominis, quibus, utriusque essentia absolvitur.

[2. Duo sunt principia res quaslibet cognoscendi, sensus & intellectus; sed modus cognoscendi alter ab altero differt. Quæ enim sensibus cognoscuntur, ea cognoscuntur confuse, quia nullius substantiæ, nec corporeæ nec incorporeæ essentiam, sensus percipit; nam objectum sensuum est vel commune, vel proprium, utrumque accedens; nullum vero accedens nos in substantiæ cognitionem deducit.

deducere valet, quæ à solo intellectu cognoscitur distincte : hic enim cognoscit 1. substantias incorporeas, item universalia, quæ neutra in sensus incurrunt ; 2. cognoscit quoque substantias corporeas, non tantum quoad accidentia, sed & quoad essentiam. Atque hinc liquet, quam sit imperfecta cognitio hominis, si ultra sensus non abeat, quemadmodum non abit vulgus hominum, etiam literatorum ; pauci enim, judicia quæ de rebus per sensus ab infantia cognitis tulere, ad examen rationis vocant ; sed plerique res esse tales judicant, quales dictavit sensus, quod conjunctum est cum maximo errandi periculo : sic enim quis judicaverit solem esse bipedalem, remum sub aqua esse fractum, turrim eminens visam esse rotundam, quia visus sic dicitur. Cum itaque maximus errandi magister sit sensus sæpissimeque nobis imponat, aut quia organum sentiendi non est bene affectum, aut quia medium non est bene dispo-

situm, aut quia objectum non est debite approximatum, atque insuper substantiæ nullius essentiam, sed tantum accidentia ejus cognoscat ; quis non videret, optime facere veritatis studiosum, & naturas rerum cognoscendi avidum, si nihil pro vero ac certo accipiat, quod ante rationis usum solo sensuum adminiculo cognovit, priusquam illud sua ratione expenderit, atque examinaverit intellectu ? & quis non videret, cognoscendi certitudinem querendam esse ab intellectu, non à sensu ? sic ut, quicumque desideret certam sibi claram ac distinctam rerum comparare notitiam, debeat necessario incipere ab intellectu, & non à sensu ; quia sensus multa non cognoscit, & quæ cognoscit, cognoscit, confuse, obscure, & incerto : at intellectus non quidem omnia, sed quædam saltem, ut prima principia, cognoscit firmiter, certo, clare & distincte, & longe plura alia ad quæ sensus non pertingit.]

Quæst. XI. Quanam dicuntur notiora secundum naturam ?

Quæ natura priora sunt ; ut, *universalia singularibus, partes toto, causæ effectibus, &c.*

Sic genus est notius sua specie, & species individuo, scilicet *natura* : contra, individuum est notius specie, & species genere, *quoad nos*. Sic totum nobis notius

est partibus, & effecta causis : quam multa enim effecta cognoscimus, quorum causas ignoramus ? at partes *natura* notiores sunt toto, & causæ effectibus.

Quæst. XII. Quæ quoad nos ?

Quæ natura posteriora, sensibusque nostris viciniora sunt ; ut, *singularia universalibus, totum suis partibus, effectum causis.*

Quæst.

Quæst. XIII. Quot modis dicitur simul?

Totidem fere modis, quot prius & posterius dicitur: sed duo modi cæteris usitatiores sunt; simul tempore, & simul natura.

Quæst. XIV. Quanam dicuntur simul tempore?

Quæ eodem tempore existunt; ut, *æquales*, & *ὁμογενεῖς*, hoc est, *contemporanei*, [ut Aristoteles & Alexander.]

Simul tempore dicitur duobus prius quidem vel cæpit, vel desinit; atque simul aliquandiu existiterunt; vel cum duo eodem tempore cæperunt, eodemque desinunt; vel cum alterum altero

Quæst. XV. Quæ simul natura?

Simul natura dicuntur primo, quæ reciprocantur quidem secundum existendi consecutionem, sed ita, ut alterum non sit causa, cur alterum existat; ut, *relatum & correlatum*, puta, *pater & filius*: deinde, quæ in ejusdem generis divisione sibi invicem opponuntur æqualiter; ut, *homo & bestia*.

1. *Pater & filius*] sunt simul natura, quatenus sunt relatum & correlatum; non vero, quatenus sunt homines: nam homo qui est pater, est prior & causa ejus qui est filius; sed non est prius pater, quam alter est filius, neque esse patrem in uno (puta Philippo) magis est causa cur esse filium, sit in Alexandro, quam esse filium in Alexandro, est causa, cur esse patrem sit in Philippo.

2. *Homo & bestia*] dicuntur simul natura, respectu nimirum animalis, quia animal de illis simul, id est, æqualiter, prædicatur, nec de uno prius quam de altero: continentur enim æqualiter sub animali, & sub eo simul comprehenduntur secundum quid, scilicet, secundum

genus ad animal; utrumque, respectu sui invicem, brutum fuerit prius homine, *Pater & filius* dicuntur simul simpliciter.

3. *Species* dicuntur esse natura simul respectu generis, quando genus uni non magis tribuitur quam alteri, nec una species alteri debet quod naturam ac nomen generis participet; quemadmodum homo non debet bruto, nec brutum homini, quod utrumque sit animal: at, cum ens dividitur in substantiam & accedens, Deum & creaturam, istæ species, respectu entis tanquam generis, non sunt simul natura quia nomen & natura entis magis & prius convenit Deo quam creaturis, substantiæ quam accidenti; & creatura debet Deo, accedens

substantiæ, quod nomen & naturam entis participant. Vel sic; Species alicujus generis, vel ita se habent, ut neutra ab altera dependeat, quemadmodum homo & brutum, & tum genus dicitur æqualiter prædicari de illis: vel

ita se habent, ut una dependeat ab altera, quemadmodum substantia & accidens; & tum genus dicitur prædicari inæqualiter: nam quodens prædicetur de accidente, hoc accidens debet substantiæ, quia hæc illius est causa.

CAPUT XXIV.

Quæst. I. *Atque hætenus egimus de thematum simplicium categoriis, & affectionibus, quæ ex rerum in categoriis dispositarum collatione oriuntur: quid porro sequitur?*

Interpretatio thematum simplicium, & affectiones quas intellectus noster vocabulis affigit, ex modo conceptus suos interpretandi.

1. Logica dirigit & sermonem internum & externum: hætenus ea sumus persecuti, quæ faciunt ad cognitiones nostras dirigendas; sequuntur nunc quæ faciunt ad dirigendum orationem nostram: ut sic discamus non tantum res quaslibet bene intelligere, sed & intellectas aliis bene explicare atque interpretari.

2. Per sermonem externum ab omnibus intelligitur oratio, quæ lingua profertur, auribusq; percipitur: per sermonem internum nonnulli intelligunt ipsas animi nostri cogitationes, alii

potius vocabula ipsa sub quibus res cogitantur, concipiuntur, intelliguntur: quæ duo hic sunt distinguenda; nam cogitationes de re aliqua in diversis hominibus possunt esse eadem, & vocabula sub quibus cogitantur sint diversa; verbi causa, Gallus, Belga, Hispanus, omnes concipiunt homines esse animal rationale, conceptus de re eadem erunt iidem, sed vocabula sub quibus concipiuntur in singulis sunt diversa.

3. *Affectiones*] intellige orationis seu vocis, *vid. c. 3. præced.*

Quæst. II. *Quid est interpretatio?*

Interpretatio est vox articulata, animi conceptus ex instituto significans.

1. *Vox*] est sonus significativus: significatque vel animi affectus, ut fletus, risus, & vocatur vox inarticulata, quia syllabis & literis, tanquam articu-

lis, non constat; vel significat animi conceptus seu cogitationes, & vocantur *articulata*, quia literis & syllabis, tanquam articulis constat, ut, homo, animal.

2. *Quæ-*

2. Queritur hic, an voces significant non potius res significantas, quam conceptus mentis humanæ. Respondeo: voces, quia primum inventæ sunt ad cogitationes hominum aliis explicandas, primum & proxime significant conceptus animi; sed quia conceptus nulli aut cogitationes instituuntur nisi de rebus, fit ut voces secundario ac remote significant res conceptas ac cogitatas.

3. Non agitur hic de voce, prout literis constat ac syllabis, quod est Grammaticæ; nec de ea, prout est vel propria vel figurata, quod est Rhetoricæ: sed, prout est index animi, & significat aliquid à mente intelle-

ctum ac perceptum, & aliis explicandum, quod est Logicæ.

4. Ex *instituto*) significat vox quælibet; quia pro variorum hominum ac nationum arbitrio, voces vim significandi acceperunt.

5. Instituti & arbitrii humani, quo acceperunt vim significandi voces, interdum ratio quædam dari potest, interdum non potest. Nullum est dubium, quin certa ratione vocibus in lingua Hebræa significationes fuerint impositæ, quæ tamen vel peritissimosejus in plerisque latent, in reliquis linguis paucissimæ rationes vocum in significando assignari possint, quia ex confusione Babylonica sunt ortæ.

Quæst. III. Quotuplex est interpretatio?

Duplex; dictio, quæ est interpretatio simplex; & oratio, quæ est interpretatio composita.

Quæst. IV. Quid est dictio sive interpretatio simplex?

Cujus nulla pars significat separatim [scilicet in eadem lingua] ut, *homo, piscis, lapis*.

1. *Nulla pars*) id est, syllaba.

2. *Significat separatim*) scilicet quatenus est pars istius dictionis: ita, quamvis partes hujus

vocis, *valebis*, scilicet, *vale* & *bis*, aliquid significant separatim; non tamen id faciunt quatenus sunt partes istius vocis.

Quæst. V. Quid est oratio, sive interpretatio composita?

Cujus partes significant aliquid separatim; ut, *homo est animal: piscis non respirat*.

1. *Partes*] id est, dictiones: nam hæ sunt partes orationis.]

Quæst. VI. Quomodo dividitur dictio?

In nomen & verbum.

1. Cum Logicis *nomen* & *verbum* dicuntur *dictiones* aut partes orationis, intelliguntur no-

men casus nominativi, & verbum modi indicativi tantum: quia illud tantum intelligunt

nomen, quod potest habere rationem subiecti, & verbum, quod potest habere rationem prædicati; sed nomina ea us obliqui non possunt habere rationem subiecti, nec verba aliorum modorum quam indicat vi possunt habere

rationem prædicati, quia hæc & huiusmodi verba ac nomina nunquam sensum efficiunt perfectum, sed imperfectum tantum; at Logici, illa nomina & verba tantum habent pro partibus orationis, quæ faciunt sensum perfectum.

Quæst. VII. Quid est nomen?

Nomen est dictio quæ sine tempore significat, & conjuncta verbo substantivo est, effert verum aut falsum; ut, *homo, animal.*

1. Aliud est, tempus non significare, & aliud, *sine tempore significare*: multa nomina significant tempus, ut, *annus, mensis*; multa non significant tempus, ut, *homo, animal*: omnia tamen significant sine tempore, quia nun-

quam significant rem in aliqua differentia temporis, vel præsentis, vel præteriti, vel futuri.

2. Nomen] hic intelligitur Logici substantivum tantum, non adjectivum, & nominativi casus, non aliorum casuum.

Quæst. VIII. Quid est verbum?

Verbum est dictio quæ tempus adsignificat, & semper signum est eorum quæ de altero dicuntur; ut, *disputat, currit.*

1. Quando voces, hæc, *disputat, currit*, ponuntur ut exempla verbi, quod est dictio seu interpretatio simplex, sumuntur indefinite, non subintellecto nominativo, sed tantum consignificato tempore præsentis: Belgice melius exponitur, *men disputeret nu, men loopt nu*: nam si subintelligatur nominativus, hic aut ille, sunt exempla interpretationis compositæ, & thematis complexi.

1. Adsignificare tempus) est, præter rem significatam denotare temporis differentiam, sub qua res significata esse, fuisse,

vel fore dicitur. Exempli gratia, *disputatio* est nomen, *disputat* verbum: discrimen est, quod prius vocabulum significet actionem sine tempore, posterius cum tempore.

2. Signum est eorum, &c.) id est, verbum est signum prædicati ejus quod prædicatur; nam nomen est semper subiectum, & verbum est prædicatum.

3. Præter nomen & verbum, nullas partes orationis habent Logici: nam pronomen & participium referunt ad nomen; reliquæ partes orationis, sic Grammaticis dictæ, illis non sunt

sunt tales, sed tantum addita-
menta orationis, & ut vulgo lo-
quuntur, *συνηγορηματὰ* talia
queque sunt adjectiva.

4. Dictiones Logicis dividun-
tur in categorematicas, & syn-
categorematicas. Ca egorema-
ticæ dicuntur, nomen substanti-
vum nominativi casus, & verbum
indicativi modi, quia illa tantum
de se invicem *κατηγορησάσθαι* seu

prædicari possunt. Syncatego-
rematicæ dictiones sunt, omnia
nomina aliorum casuum, & ver-
ba aliorum modorum, item alæ
omnes orationis partes, item ad-
jectiva; atque inter ea specia-
tim sic vocatur, *omnis, nullus,*
aquis, quidam, & id genus
particulæ, quæ enunciationis
quantitatem denotant, de quibus
cap. 28.

Quæst. IX. *Quomodo dividitur nomen & verbum?*
Utrumque dividitur in finitum, & infinitum.

Quæst. X. *Quid est nomen aut verbum finitum?*

Quod habet significationem definitam; ut, *homo,*
currit.

Quæst. XI. *Quid infinitum?*

Cujus significationem negandi nota non indefinitam
facit; ut, *non-homo, non-currit.*

1. *Nomen aut verbum finitum*
est, quod rem aliquam certam &
certo significat, id est, habet cer-
tam significandi amplitudinem
aut latitudinem, intra quam
consistit; ut, *homo*: *infinitum*
est, quod non significat rem a-
liquam certam aut certo, quod
non consistit intra certam ali-
quam significandi latitudinem
aut amplitudinem; ut, *non-homo*:
hoc enim omnia significat præter
hominem, cui apponitur parti-
cula *non*.

2. Ex hac nominis ac verbi,
tum finiti tum infiniti, definitio-
ne, ortum ducit contradictio,
quæ est, quando idem nomen
aut verbum nunc habet signifi-
cationem definitam, nunc indefi-
nitam: ut, *homo, non homo; cur-
rit, non-currit.*

3. Infinitum nomen & ver-
bum semper cognoscitur per
præpositam particulam *non*, ut
homo significat rem aliquam cer-
tam nimirum animal rationale,
non brutum, non scamnum, non
lapidem, &c.

4. *Currit*] significat aliquid
certo, nimirum, non stare, non
sedere, non ambulare, non
jacere, sed talem formam motus
quem *cursum* vocamus.

5. *Non homo*] non significet
rem certam: nam scamnum, la-
pis, planta, & quidquid præter
hominem rerum est, est *non-
homo*.

6. *Non currit*] non significat
aliquid certo: nam significat ja-
cere, stare, ambulare, & omnem,
præter id currere, motum &
actionem.

CAPUT XXV.

Quæst. I. *Quenam sunt spectanda in dictionibus?*

Primo, etymologia & conjugatio; deinde, homonymia & synonymia.

1. *Synonymia*] hic non sumitur, ut à grammaticis, pro æquipollentia vocum, quo sensu illis dicuntur ensis & gladius, vocabula synonyma; sed alio sensu, de quo cap. seq.

Quæst. II. *Quid est etymologia?*

Etymologia est ratio vocis in significando ex origine declarata; veluti, cum mutuum dicitur, quasi *de meo-tuum*.

1. Dupliciter vocis significatio, ex origine declaratur: vel ut vox composita resolvatur in simplices, vel ut vox derivativa resolvatur in primitivam: exempla utriusque passim sunt obvia.

2. *Etymologia*] logica distinguitur ab etymologia grammatica, quia logica habet rationem significationis, grammatica non item. Ducuntur vero etymologiae logicae ab omnibus affectionibus logicis, & notionibus secundis: ex gratia, à causa efficiente, ut scriptura à scribo; à materia, ut homo à humo; à effectu, ut, consul à consulendo; ab objecto, ut, logica à λόγος, &c.

3. Quæri potest, ac solet, num etymologiae quoque lo-

gicae ducantur ab oppositis: ita quidem vulgo sentiunt, ut, bellum, quasi minime bellum; parca, quia minime parcant vitæ mortalium; lucus, quia minime luceat, ob arborum densitatem: alii tamen negant, & significandi originem aliunde deducunt; & in exemplis allatis, bellum volunt dici quasi duellum, uti antiquis bonum dictum fuit quasi donum; parca, quod maxime parcant vitæ humanæ, dum non statim ejus flamina rescant, lucus, quia maxime luceat per ignem quo in sylvis densissimis sacra comburebantur. Sed nescio, an in omnibus etymologiis quæ ab oppositis duci solent, ex alia origine vocum significatio peti possit.

Quæst. III. *Quid sunt conjugata?*

Conjugata sunt, quæ vocis [cognitione] & significationis affinitate juncta, terminationis diversitate differunt: ut, *justitia, justus, juste; sapientia, sapiens, sapienter, sapere.*

1. Conju-

1. *Conjugatio* hæc non significat flexionem verbi per modos & tempora, sed locum habet in nominibus etiam & adverbis; quæ à se invicem derivantur;

ut in exemplis authoris patet.

2. In *conjugatis* tria sunt observanda; *vercum cognatio*, *affinitas* *significationis*, & *terminationis diversitas*.

Quæst. IV. Quot partibus constat conjugatio?

Tribus; voce primitiva, paronyma sive denominata, & casu.

Quæst. V. Quid est vox primitiva?

Vox primitiva est vox abstracta, quæ ab alia voce non est denominata; [ut, *justitia*.]

1. *Vox abstracta*] dicitur, quæ significationem habet simplicissimam, ut *justitia*, quæ logice à nulla alia voce derivatur: nam non *justitia* à *justus*, ut Grammatici volunt, sed *justus* à *justitia* derivatur; quia *justus* habet significationem concretam sive complexam, significat enim virtutem istam, & hominem in quo est. Grammatici rationem habent syllabarum, derivant *justitiam* à *justus*, quia *justitia* quadrissyllabum est, & *justus* dissyllabum: at *Logica* syllabarum rationem non habet. *Abstractæ* vocis significatio est simplicior, quia plerumque significat nudum accidens, non significato subiecto, ut *justitia*.

2. *Vox abstracta*] dicitur ab abstractione simplici seu præcisionis (quæ quid sit, vide cap. 13. quæst. 8. com. 1.) quia significat aliquid quod quidem est in alio, non tamen connotato, sed præciso eo, in quo est: ut *justitia* significat virtutem nudam, non connotato homine in quo est, & *humanitas* significat naturam humanam, non connotato Petro aut Paulo in quo est. Vel sic, *vox abstracta* dicitur ab abstrahendo, quia significat aliquid quod cum aliis rebus conjunctum est sive iis inest, sive adsit, ut tamen non significet illas ipsas res: sic *justitia* significat aliquid quod inest iusto, non tamen significando ipsum hominem in quo est.

Quæst. VI. Quid paronyma sive denominata, [sive derivativa?]

Vox paronyma est vox concreta, quæ à voce primitiva sic derivata est, ut ab ea, terminatione sola differat; ut, *justus*.

1. *Vox concreta*] dicitur à concernendo, quia significat ali-

quid quod concernit aliud in significando, ideoq; illud significat

gnificat seu connotat; ut *justus* significat justitiam, sed quæ concernit & connotat nomen in quo est.

2. *Vox concreta* est, quæ habet significationem compositam: ut, *justus*.

3. *Concreta vox*, vel significat substantiam & accidens, ut *justus*, significat enim hominem & *justitiam*; vel significat subjectum & relationem, ut pater, significat enim & hominem & paternitatem; vel significat naturam substantialem & substantiam quæ eam habet, ut homo significat humanitatem, & eum qui eam possidet. Voces *paronymæ* sive *concretæ* sunt omnes voces adjectivæ, ut, doctus, albus, &c. omnes item substantivæ quæ significant relata, ut pater, dominus; omnis enim relatio est abstractum relati, ut, paternitas, dominium. An etiam alia substantiva vocabula, & quæ, sint voces paronymæ, usu addiscendum est, & ex definitione vocis paronymæ dijudicandum.

4. *Vox concreta* dicitur vel à concernendo, quod significatio ejus adhuc aliam rem concernat ac connotet; vel à crescendo, quod ejus significatio ex duabus significationibus concreverit ac coaluerit; ut *justus* significat justitiam, sed quæ est in homine aliquo; ideoque subjectum suum in quo est concernit ac connotat, ejusque significatio conflata est & crevit ex significatione hominis, tanquam subjecti, & justitiæ, tanquam virtutis: sic & *bo-*

mo est vox concreta, quia significat naturam humanam, & simul Petrum aut Paulum, in quo est; itaque significat humanitatem, sed quæ concernit ac connotat subjectum de quo dicitur.

[5. Duobus modis dicitur vox abstracta, vel à connotatione subjecti, vel à connotatione inferiorum. Prioris generis voces abstractæ significant accedens, non connotato subjecto in quo est; ut, *justitia*: posterioris generis voces significant naturam substantialem, non connotatis inferioribus de quibus dicitur; ut, *humanitas*. Totidem modis dicitur vox concreta: vel quæ connotat subjectum; ut, *justus*; vel quæ connotat inferiora, ut, *homo*.

6. Quia *humanitas* non est accidens, non est in subjecto, ideoque non potest abstrahi à connotatione subjecti; neque vox concreta *homo*, potest connotare subjectum verum. Quia *humanitas* est in Petro, Paulo, Joanne, aliisque individuis, homine inferioribus, dicitur abstrahi à connotatione inferiorum; & vox concreta *homo*, dicitur connotare inferiora, Petrum, Paulum, Joannem, de quibus dicitur. At *justitia*, quia est accidens, abstrahitur à connotatione subjecti; & concretum *justus* subjectum connotat.]

7. *Concreta* sunt, 1. Omnia adjectiva vocabula. 2. Omnia substantiva quæ significant relatum aut correlatum.

8. *Abstracta* sunt, 1. Nomina substantiva in *ia*, ut, *justitia*; in

in *io*, ut, *precatio*; in *as*, ut, *vera*. hendi nequeunt. 2. Omnia nomina substantiva significantia virtutes & vicia; item relationes.

Quæst. VII. Quid casus?

Casus, hoc loco, est adverbium à nomine aut verbo suæ conjugationis deductum: aliàs, casus est quælibet vocis inflexio.

1. *Casus*) apud logicos non aliunde derivatum.

uno modo sumitur; interdum significat omnes casus præter nominativum, interdum omnes modos extra indicativum: hic neutrum notat, sed adverbium

2. *Quælibet vocis inflexio*) seu per casus, genitivum, dativum, &c. ut in nomine; seu per modos, imperativum, subjunctivum, &c. ut in verbo fit.

Quæst. VIII. Adde exemplum.

Iustitia, sapientia, sunt voces abstractæ sive primitivæ; *iustus, sapiens, sapere*, voces concretæ sive paronymæ; *iuste, sapienter*, casus.

CAPUT XXVI.

Quæst. I. Quid est vox synonyma sive univoca?

Quæ res [duas aut plures] significat, quibus ratio essentia, sive definitio, communi nomini accommodata, [id est, communi voce significata] est eadem.

1. In voce synonyma duo sunt: vox communis pluribus rebus significandis accommodata, eadem; ac definitio pluribus rebus significatis accommodata, eadem: ut animal respectu hominis & bestia; nam & homini nomen animalis, & bestia idem competit, & utrique convenit communis definitio animalis, quod sit substantia corporea, vivens, sentiens.

2. *Definitio* dicitur ratio essen-

tia, quia cum quis interrogatur, quænam est essentia hujus vel illius rei, is recte respondet per definitionem: ut, si quis rogetur, quænam est essentia hominis, apte respondebit, & rationem reddet per definitionem, dicendo, quod sit animal rationale.

3. Vox unaquæque significat res in numero plurali, quando significat thema universale; sed significat rem, cum significat

ficat thema singulare: ideoque omnis vox synonyma, est universalis in significando, sed non vice versa, ut liquet comm. ult. quæst. seq.

[4. Dicitur aliquid universale multis modis: 1. essendo; sic natura sive essentia hominis est universalis, quia pluribus competit individuis, Petro, Paulo, &c. 1. in causando; quo sensu causa aliqua dicitur universalis, quæ

producit effectus plures specie, ut sol & cælum producant & viventia & non viventia: 3. in representando; hoc modo conceptus, seu species intelligibilis hominis in intellectu, est quid universale, quia representat naturam universalem, & pluribus communem: 4. in significando; & sic dicitur vox quæ plura significat; & hoc modo, hæc vox synonyma dicitur universalis.]

Quæst. II. Quid vox homonyma, sive æquivoca?

Quæ, res significat, quibus ratio essentia sive definitio communi nomini accommodata, est diversa.

1. In voce homonyma duo sunt: 1. Vox communis, pluribus rebus significandis accommodata, eadem; 2. Definitio, secundum vocem istam communem pluribus rebus accommodata, diversa: ut cum *cancer* sumitur pro morbo, animali, & fidere, nulla hæc definitio communis illis tribus dari potest, cum tamen omnia ista tria communi nomine *canceri* conveniant.

2. Conveniunt vox synonyma & homonyma in eo, quod utrobique una vox significet res plu-

res: differunt in eo, quod sub voce una synonyma detur quoque; una definitio communis pluribus rebus significatis; at in voce homonyma non item, sed ibi totuplex datur definitio quoruplex est unius vocis homonymæ significatio: ita alia est definitio *canceri* prout hæc vox significat morbum, alia prout *fidus*; sed non est alia definitio animalis prout significat hominem, nec alia prout notat brutum, sed una eademque; animalis definitio convenit utrique.

Quæst. III. De exemplum,

Vox *animal*, cum animali vivo simul & picto tribuitur, est homonyma; quia non est una communis essentia aut definitio vivi & picti animalis: at, cum homini & bestia tribuitur, est synonyma; quia una eademque essentia est & definitio animalis, quæ homini & bestia cum ipso communi nomine *animalis* communis est.

1. Voces homonymæ sive æquivocæ Latinis dicuntur *ambi-*

guæ. De voce paronyma adum est quæst. 6. cap. 25.

Quæst.

Quæst. IV. Quotuplex est vox homonyma?
Duplex; alia à casu, alia à consilio.

Quæst. V. Quanam voces dicuntur homonymæ à casu?
Quæ diversis rebus significandis sine causa sunt impositæ: veluti cum *jus* dicitur tum quod forberi potest, tum quod injuriæ opponitur

1. Homonyma à casu sunt, cum verissimis, idem nomen sit impositum; ut, *cur gallus* dicatur de homine & animali.

Quæst. VI. Quanam à consilio?

Quæ diversis rebus significandis certa ratione sunt impositæ.

1. Homonymæ à consilio sunt, factum est certo consilio; ut, cum potest dari causa, cur unum cum *ridere* significat lætitiā hominis, & statum pascuorum vernantium.

Quæst. VII. Quotuplex est ratio homonymiæ?
Duplex; alia enim in rebus est, alia in nobis.

Quæst. VIII. Quotuplex est ea quæ in rebus esse dicitur?

Iterum duplex; tropus scilicet, & inæqualis attributio generis. Omnia enim vocabula tropica sunt ambigua; veluti, cum *anima* ponitur pro homine, *author* pro libro, &c. Tum etiam vocabula generum, quæ suis speciebus communicantur inæqualiter; ut, *ens*, cum dicitur de substantia & accidente; *sanum esse*, de animali, de cibo, & de urina. Inter vocabula tropica maxime elucet metaphorica: in quibus spectatur similitudo rerum vel simplex, veluti cum homo vafer *vulpes* dicitur, aut homo impurus *portus*; vel analogica, veluti cum minister ecclesiæ *pastor* vocatur.

1. Cum tropus omnis sit mutatio significationis propriæ in alienam, facta ob certam causam, omnis vox tropica significat res plures, ideoque homonyma est, & quidem à consilio, quia

quia plurium significationum, certa subest causa, quæ in Rhetoricis explicari solet; quod etiam ex nominibus troporum sciri potest, ut, metonymia causæ, effecti, &c. synecdoche partis, totius, &c. unde ratio homonymiæ in illis est, quod una vox, causa & effectum, partem & totum, &c. significet: in metaphoricis ratio homonymiæ est similitudo: in ironia ratio homonymiæ est contrarietas.

[2. Vocabula homonyma, ob inæqualem attributionem generis, scholasticis dicuntur analogia attributionis, sed pessime: nam omnis analogia significat similitudinem; at quæ similitudo est inter Deum & creaturam, ratione quorum *ens* est homonymum genus, aut analogum analogia attributionis? certe inter *ens* infinitum, Deum, & *ens* finitum, creaturam, inter substantiam, quæ per se subsistit, & accidens, quod non per se subsistit, quænam est similitudo, proportio, aut analogia? Rectius tale genus Aristoteli dicitur *ἁπλοῦς* ab uno, *πρὸς ἓν* ad unum, *πρὸς μίαν τινὰ φύσιν* ad unam naturam; quia *ens*, ejusque natura, id est, essentia ac definitio magis refertur ad Deum quam ad creaturam, ad substantiam quam ad accidens, imo quod creatura & accidens nomen ac naturam entis participant, hoc est & provenit à Deo & substantia, quæ sunt causæ creaturæ & accidentis.]

[3. Quæ vocabula sunt homonyma ob inæqualem attributionem

generis, ea hanc habent causam homonymiæ, quod genus dicatur prius de una specie quam de altera, idque, quia una species ab altera dependet tanquam à causa: sic *ens* est genus homonymum respectu substantiæ & accidentis, quia prius dicitur de substantia quam de accidente, & id fit, quia accidens dependet à substantia, tanquam à causa; ut ratio homonymiæ in voce *ens*, sit dependentia accidentis à substantia tanquam à causa: idem dicendum est de ente respectu Dei & creaturæ; hæc enim dicitur & est *ens*, quia creatura à Deo dependet tanquam à causa. Scholastici vocant tale homonymum seu æquivocum, analogum analogia attributionis.]

[4. Hoc exemplum (*sanum esse de animali, cibo, & urina*) non quadrat; quia *sanum* non est genus animalis, cibi & urinae, nam nec æqualiter nec inæqualiter ab illis participatur; at vero, vocabulum homonymum ratione generis est, cum species inæqualiter generis nomen ac naturam participant, & cum hoc utrumque una species alteri debet: sic accidens debet substantiæ, quod nomen ac naturam entis participet, & creatura Deo; ideoque *ens* prius & potius dicitur de substantia quam de accidente, & de Deo quam de creatura. Si roges, ad quam homonymiæ speciem referri debeat *sanum*, cum dicitur de animali, cibo, & urina, respondeo, ad homonymiam ratione tropi:

tropi : nam *urina* dicitur *sana*, quatenus est signum aut adjunctum sanitatis; *cibus*, quatenus est efficiens sanitatis; *animal*, quatenus est subiectum sanitatis, ubi nullus est tropus.]

5. Quæ sit *similitudo simplex*, quæ *analogica*, explicatum est c.

20. quæst. 4, 5, 6. hujus libri.

6. *Similitudo simplex* rerum est convenientia duorum in eodem tertio, ut vulpis & hominis in astutia : *similitudo analogica* est convenientia terminorum quatuor; verbigraria ut pastor pascit oves, ita minister ecclesiam.

Quæst. IX. Quando voces homonymæ dicuntur propter rationem in nobis sitam ?

Cum nomen propinquæ aut charæ personæ indimus liberis nostris, ad conservandam illius memoriam ; aut personæ piæ aut illustris, ob spem similitudinis, aut ad exemplum.

Ut cum filio quis indit nomen patris, aut avi, aut patriarchæ, aut regis, aut principis, &c.

CAPUT XXVII.

Quæst. I. Atque hæc de themate simplici. Quid porro sequitur ?

Thema complexum, ejusque interpretatio, quæ enunciatio dicitur.

1. Doctrina de *themate simplici*, ejusque interpretatione scorsim fuit tradita sed verò doctrina de *themate complexo*, & ejus interpretatione, scilicet composita, simul traditur, ob rationem quæ datur quæstione tertia.

2. *Thema complexum*) distinguitur ab interpretatione composita, quemadmodum *thema simplex* ab interpretatione simplici : uti *thema simplex* fuit, quod simplici & una mentis actione fuit intellectum, interpretatio simplex, qua *thema simplex* cognitum una dictione à lingua fuit prolatum ; ita *thema*

complexum dicitur, quod pluribus mentis actionibus inter sese vel conjunctis, vel divisis (quæ est operatio mentis complexa,) fuit intellectum, & interpretatio composita est, qua pluribus dictionibus in ratione de se invicem vel affirmatis, vel negatis, *thema complexum* à lingua fuit prolatum. Interim, licet doctrina *thematis simplici* & interpretationis *simplici* diversis capitibus fuerit explicata, quia diversæ utriusque sunt affectiones ; doctrina tamen *thematis complexi* & interpretationis *compositæ* iisdem nunc traditur capitibus,

bus, quia eadem sunt utriusque affectiones.

3. Discrimen inter thema complexum & interpretationem compositam est, quod thema

complexum dicat respectum ad rationem cognoscentem, interpretatio composita ad orationem proferentem.

Quæst. II. Quid est enunciatio?

Enunciatio est oratio, in qua aliquid [scilicet prædictum] de aliquo [scilicet subiecto] vere aut falso pronuntiatur; ut, *terra est rotunda: mare non est altius terra.*

1. *Enunciatio*) aliis dicitur *propositio*, aliis *axioma*. Est oratio, scilicet linguæ, externa, sicut ipsum thema complexum est oratio mentis interna. Porro est *interpretatio composita*, quia ejus partes aliquid significant separatim.

2. *Enunciatio* non recte dicitur *propositio*, quia conclusio in syllogismo etiam est enunciatio, nectamen propositio; talis enim est tantum major ac minor syllogismi, quæ utraque proponitur, sive præponitur, sive præmittitur conclusioni, unde & præmissa vocatur utraque, quia ante conclusionem ambæ collocantur. Nec melius enunciatio dicitur *axioma*, quia hæc vox proprie dicitur de enunciatione quæ propter sui claritatem digna est omni fide & assensu, absque ulla explicatione, quia sola vocabulorum, quibus effertur, significatione hausta, veritas ejus cognoscitur; ut, *totum est majus sua parte; his bina sunt quatuor*, &c. sed non omnis enunciatio tam claræ veritatis est, ut ita facile fidem & assensum impetret, ideoque non omnis enunciatio est *axioma*.

3. Thema complexum sic di-

citur respectu mentis concipientis; respectu vero sermonis externi, sive conceptuum interpretationis, dicitur *Oratio* seu *Enunciatio*; quum res sive conceptus, per orationem significantur seu enunciationem.

[4. Veritas est vel metaphysica, vel physica, vel ethica, vel logica. Veritas metaphysica est convenientia entis cujuslibet cum principiis suis vel definiti-
nientibus vel constituentibus: hoc sensu Deus est verus Deus, & Petrus verus homo, & canis verus canis, quia singuli ista possident quibus vel definiuntur, vel constituuntur. Veritas physica est convenientia judicii, seu intellectus judicantis, cum rebus intellectis ac judicatis: sic cum intellectus judicat nivem esse albam, hominem non esse lapidem, judicium ejus est verum. Veritas ethica item & logica, est veritas orationis, non vero entis, ut prima; nec mentis, ut secunda; sed sermonis.]

[5. Principia definiti-
entia sunt
genus & differentia, quæ cadunt
etiam in entia simplicia, ut spiri-
ritus, atque adeo in ipsum
Deum, qui definiri potest, si
non

non perfecte, saltem imperfecte; si non per genus proprium & differentiam proprie dictam, per ea saltem improprie dicta describi potest, qualicumque modo. Principia constituentia sunt materia & forma, quæ cadunt in sola corpora, respondentque generi & differentie, in corporibus definiendis. Ergo Deus est verus Deus; quia essentiam habet spiritualem, perfectissimam, immensam, æternam, cæterisque attributis præditam, quibus definitur; sed idolum non est verus Deus, quia non habet essentiam spiritualem, perfectissimam, æternam, nec illis attributis præditam, quibus definitur Deus: sic homo pictus non est verus homo, quia principia constituentia verum hominem non habet, nec materiam, corpus organicum, nec formam, animam rationalem; at Petrus est verus homo, quia utrumque habet,

[6. Vocantur hæc quatuor veritatis species, prima metaphysica, secunda physica, tertia ethica, quarta logica; quia de prima agitur in metaphysicis, de secunda in Physicis, de tertia in ethicis, de quarta in logicis. Præterea & hoc norandum venit, quod veritas metaphysica dicatur simplex, quia est thematis simplicis; at reliquæ tres veritates vocantur veritates complexæ, quia sunt thematis complexi, vel ratione concepti, ut veritas physica, vel ratione prolatis, qualis est veritas ethica & logica. Tertio, observandum est, quod omnis hæc quadru-

plex veritas sit sita in quadam convenientia, seu congruentia, seu conformitate, vel entis cum suis principiis, aut cognoscendi, aut essendi, qualis est veritas metaphysica; vel mentis aut rationis cum rebus conceptis, & de se invicem aut affirmatis aut negatis, qualis est veritas physica; vel sermonis aut orationis, cum aut animo proferentis, qualis est veritas ethica, aut rebus prolatis, qualis est veritas logica; postrema hæc tantum in definitione enunciationis intelligitur, & ei opposita falsitas.]

[7. Oratio dicitur duobus modis vera vel falsa, prout convenerit vel cum mente dicentis, vel cum rebus ipsis, aut prout dissenferit ab alterutro. Quando oratio est conformis menti dicentis, dicitur vera ethice; quando non est conformis menti dicentis, dicitur falsa ethice; quando autem est conformis rebus, scilicet sermone prolatis, est vera logice; quando non est conformis rebus, est falsa logice, exempli gratia, cum quis dicit, *Princeps venit Leidam*, neq; melius sciatur, est oratio vera ethice; si quis eandem orationem proferat, & melius sciatur, est falsa ethice: si quis dicat, *Petrus est homo*, est oratio vera logice; si quis dicat, *Petrus non est homo*, est oratio falsa logice. Hinc liquet, posse orationem veram ethice, falsam esse logice, & vice versa. Exempli gratia, si quis nesciens Principem venisse Leidam dicat, ut alterum fallat, *Princeps venit Leidam*, ejus oratio est vera logice,

gice, & falsa ethice. contra, si quis ex viro fide digno acceperit, Principem venisse Leidam. qui tamen non venerit, & tum dicat, *Princeps venit Leidam*, ejus oratio est vera ethice, & falsa

logice. Hoc loco, in definitione enunciationis, per vocabula *vere* vel *falso* intelligitur veritas vel falsitas logica: veritas & falsitas ethica ad ethicam pertinet.]

Quæst. III. *Cur non discernis thema complexum ab illius interpretatione, ut factum fuit in themate simplici?*

Quia eadem species, eademque affectiones in themate complexo, atque in illius interpretatione sive enunciatione, considerandæ sunt.

Quæst. IV. *Quanam sunt spectanda in enunciatione?*
Species & affectiones.

Quæst. V. *Quanam sunt species enunciationis?*
Primo, simplex & composita: deinde, pura & modalis.

Quæst. VI. *Quid est enuntiatio simplex?*

Quæ non potest in plures enunciationes resolvi; ut,
Canis latrat: Verres est fur.

1. Clarius dici potest enuntiatio simplex, quæ unam tantum habet copulam verbalem est; aut uno tantum constat verbo quod vim habet copulæ, ut, *latrat*, id est, *est latrans*: si enim duo occurrant verba aut duæ copulæ verbales, aut unum idemque verbum vel copula verbalis, denuo

repetatur vel subintelligatur, est enuntiatio composita: sic in illo Virgilii,

*Una Euræque Notusque ruum
creberque procellis*

Africus, ---

verbum *ruit*, bis subintelligitur, ac si dixisset, *Eurus ruit, & Notus ruit, & Africus ruit.*

Quæst. VII. *Quæ sunt partes enunciationis simplicis?*
Subjectum & prædicatum.

Quæst. VIII. *Quid est subjectum?*

Cui aliquid in enunciatione simplici tribuitur.

1. *Subjectum* quod opponitur prædicato latius patet quam *subjectum* quod opponitur ad-juncto; dicitur hoc loco subje-

ctum, prior pars in enunciatione, de qua aliquid dicitur; prædicatum vero pars posterior, quæ de altera dicitur. Hoc vero notan-

notandum est, subjectum & prædicatum non tam ex situ, quam ex sensu, dijudicanda esse, & ex constructione grammatica : ut in illo *Juvenalis* versu.

— *Nobilitas sola est atque unica virtus, nobilitas est prædicatum, & tamen loco ponitur priori, virtus est subjectum, &*

ponitur posteriori : sed constructio & sensus docent nobilitatem dici de virtute, non contra, virtutem de nobilitate.

2. *Petrus est doctus* : ibi *Petro* tribuitur doctum esse, sed non tribuitur *tr̃ docto*, quod sit *Petrus* ; ideo *Petrus* est subjectum, & doctus prædicatum.

Quæst. IX. Quid prædicatum?

Quod alicui in enunciatione simplici tribuitur.

Quæst. X. Quid ergo de copula verbali est statuendum?

Copula est censetur pars prædicati : ut in hac enunciatione, *homo est animal*, subjectum est *homo*, prædicatum est *animal*.

1. *Copula est*) est quasi forma & anima enunciationis, subjectum & prædicatum sunt quasi materia aut corpus, seu partes integrantes enunciationis.

[2. Forma & materia corporibus, corpus & anima viventibus tribuuntur ; sed enuntiatio, nec corpus, nec vivens est, unde & quasi materia & quasi forma, vulgo materiale & formale, & quasi corpus ac quasi anima illis tribuuntur. Quemadmodum voci ante tribuimus quasi materiam seu materiale, literas sci-

licet & syllabas, ex quibus constet, & quasi formam seu formale, vim significandi ; sic hic enunciationi tribuimus pro quasi materia seu materiali, subjectum & prædicatum, pro quasi forma seu formali, copulam est, ante expressam, aut in verbo quod vim habet copulæ latentem ; sic postea syllogismo tribuimus pro quasi materia seu materiali, tres terminos simplices, & tres enunciationes, pro quasi forma, syllogismo formali, figuras & modos.]

Quæst. XI. An copula est semper enunciatione exprimitur?

Non : sæpe in verbo continetur ; ut, *Socrates sapit* : hoc enim idem est ac, *Socrates est sapiens*.

1. Cum *copula est* in verbo continetur, dicitur enuntiatio binaria, quia duabus constat vocibus ; ut, *Petrus disputat* : cum

à verbo distinguitur, dicitur enuntiatio trinararia, quia tribus constat vocibus ; ut, *Petrus est disputans*. Si vocula est simul

fit copula & prædicatum, ut, *Socrates est*, vocatur *est* *secundi adjecti*, quia secundo loco ad subiectum adicitur: nam *est* in hac enunciatione [*Socrates est*] & copula est, & simul prædicatum; nam *Socrates est*, significat, *Socrates est* existens. *Est* *secundi adjecti* est pars enunciationis simplicis, ut hic, *Socrates est* primum adjectum, *est* secundum adjectum: at cum dico, *Socrates est* disputans, *est* copula est, & præter *Socrates* & *disputans*, tertio loco adicitur. Si tantum sit copula, & non item prædicatum, ut, *Socrates est* philosophus, vocatur *est* *tertii adjecti*, quia *est* tertio loco apponitur, cum primo loco sit subiectum, secundo prædicatum.

[2. *Est* *secundi adjecti* significat existentiam subiecti: ut, cum dico, *Rosa est*, significo nunc temporis *rosam* existere. *Est* vero *tertii adjecti* significat essentiam, vel substantialem, vel accidentalem, aut potius connexionem attribui essentialis vel accidentalis cum subiecto, licet nec attributum nec subiectum existat in rerum natura: ut, cum dico,

Rosa est flos, *est* rubra; significo, *rosæ*, licet non existentis, essentiam esse florem, accidens, rubedinem.]

[3. Fundamentum hujus commentarii in eo situm est, quod essentia & attributa essentialia, imo & accidentalia, abstrahi possint abstractione simplici, per intellectum hominis, ut metaphysici dicunt, ab omni hic & nunc, id est, loco ac tempore, aut clarius, ab omni existentia quæ non datur in certo loco ac tempore: ita quamvis nunc non existat *Homerus*, nec existat in *Homero* nunc esse rationalem, quod est attributum essentialiale, nec esse poetam, quod est attributum accidentale, vere tamen dico per *est* *tertii adjecti*, *Homerus est* rationalis, & *Homerus est* poeta, quia significatur connexio tantum utriusque prædicati cum subiecto, quæ vera est, etiam nec subiecto nec prædicato existentibus: at si per *est* *secundi adjecti*, *Homerus est*, quia hic vocula significat existentiam, falsum dixero, neque enim nunc temporis in ullo mundi loco *Homerus* existit.]

Quæst. XII. Quid est enuntiatio composita?

Quæ constat ex pluribus enunciationibus simplicibus quam una.

1. Clarius dicitur *enuntiatio composita*, quæ plures habet copulas verbales, vel plura verba, sive expressa, sive subintellecta: ut in illo Poetæ, *Et prodesse vo-*

lunt & delectare poetæ, verbum (*volunt*) semel subintelligitur; tantundem enim est ac si dixisset, *Poetæ volunt prodesse, & poetæ volunt delectare.*

Quæst.

Quæst. XIII. Quotuplex est?

Quintuplex; copulativa, hypothetica, disjunctiva, adversativa, & relativa.

Quæst. XIV. Quid est enunciatio copulativa?

Cujus partes connectuntur conjunctione copulativa, &, que, quoque, aut simili; ut, *Credidit Abraham Deo, & imputatum ei fuit ad justitiam.*

Partes enunciationis copulativæ, imo cujusvis compositæ, sunt integræ enunciationes simplices, quæ singulæ suas habent partes alias, subjectum & prædicatum: ita in exemplo enunciationis copulativæ, prior pars est, *Credidit Abraham Deo*, quæ suum

habet subjectum, *Abraham*, & suum prædicatum, *credidit Deo*; posterior pars est altera enunciatio, quæ iterum habet suum subjectum quod subintelligitur (scilicet *hoc*) & suum prædicatum, scilicet *imputatum, &c.*

Quæst. XV. Quid est hypothetica seu conditionalis?

Cujus partes [vel duæ enunciationes simplices] connectuntur conjunctione conditionali *si*; ut, *Si Deus est, mundus regitur providentia.* Hic prior pars dicitur *antecedens*, altera *consequens*.

I. Accurate notandum est, veritatem enunciationis hypotheticæ non consistere in veritate vel antecedentis vel consequentis, sed tantum in utriusque nexu sive connexionem, *si*. Ideoque potest enunciatio hypothetica esse vera, ut utraque ejus pars sit falsa, quia connexio vera est; qualis hæc, *Si asinus volat*, habet alas: nam nec antecedens verum est, scilicet, asinum volare, nec consequens verum est, asinum habere alas, & tamen tota enunciatio hypothetica vera est, quia connexio vera est; quod enim volat, alas habet. Sic contra, potest antecedens esse verum, item & consequens, ut tamen

tota enunciatio hypothetica sit falsa: ut, *Si Abraham fuit dives, etiam fuit sanctus*; hic singulæ partes veræ sunt, Abraham fuisse divitem, Abraham fuisse sanctum, tota tamen enunciatio falsa est, quia connexio falsa est; nemo enim propterea sanctus est, quia dives est. Ergo veritas vel falsitas enunciationis hypotheticæ consistit in veritate vel falsitate vinculi. Vinculum est, quo partes enunciationis connectuntur, colligantur, vinciuntur; estque vel copula est, vel verbum in enunciatione simplici; vel aliqua conjunctio in enunciatione composita; ut hic est *si*.

2. Enunciatio conditionalis, seu hypothetica nihil ponit in esse, hoc est, non infert esse verum antecedens aut consequens, seorsim sumpta, extra conditionem & conjunctionem conditionalem si: ut, cum dico, Si Deus potest mentiri, potest seipsum abnegare, hinc non sequitur verum esse antecedens, quod Deus possit mentiri, aut consequens, quod possit seipsum abnegare; utrumque enim falsum est & blasphemum; attamen enunciatio hypothetica vera est.

Quæst. XVI. Quid disjunctiva?

Cujus partes connectuntur conjunctione disjunctiva, aut, vel, sive, seu, aut simili; ut, *Aut justificamur fide, aut operibus.*

1. Ut disjunctiva sit vera, partes ejus debent esse oppositæ, & quidem immediate: adeoque hæc falsa est, *Aut homo est, aut animal*, quia partes non sunt oppositæ; & hæc falsa est, *Aut pax est, aut bellum*, quia partes hinc quidem sunt oppositæ, sed non immediate, nam induciæ sunt medium quid inter bellum & pacem.

Quæst. XVII. Quid adversativa?

Cujus partes connectuntur conjunctionibus adversativis, *quamvis tamen, non sed, & similibus*; ut, *Non formosus erat, sed erat facundus Hylæser.*

1. Ut enunciatio adversativa sit vera, requiritur utriusque partis veritas; ut, *Esi Abraham fuit dives, tamen etiam fuit pius*; ut sit falsa, exigitur tantum alterutrius partis falsitas; ut, *Quamvis pius fuit Moses, non tamen doctus, falsa est enunciatio*, quia altera pars falsa est; nam Moses erat doctus.

2. Sola enunciatio adversativa non potest ingredi syllogismum, ut pars: reliquæ omnes enunciationum species syllogismi partes esse possunt.

Quæst. XVIII. Quid relativa?

Cujus partes connectuntur mutua relatione; ut, *Qualis rex, talis rex: Quod non est compositum, est immortale: Dum spiro, spero.*

Ut enunciatio relativa sit vera, requiritur utriusque partis veritas; quod liquet ex exemplis in textu allatis: ut sit falsa, sufficit unius partis falsitas; ut, *Quanto fuit doctior Seneca, tanto fuit pauperior, falsa est*, quia hæc pars falsa est, *Senecam fuisse pauperem*; nam fuit ditissimus.

CAPUT XXVIII.

Quæst. I. *Atque hac de prima divisione: accedamus ad alteram. Quid est enuntiatio pura?*

IN qua non exprimitur quomodo partes coherere; ut, *Homo est animal: Homo non est lapis.*

Exempla subjecta enunciant cum homine, homo pugnare cum lapide, sic ut modus hujus vel convenientiæ, vel pugnae, non exprimitur.

Quæst. II. *Quid modalis?*

In qua exprimitur quomodo partes coherere; ut, *Necesse est hominem esse animal, aut, non esse lapidem.*

1. Quod enuntiatio *modalis* sit distincta ab enunciatione *pura*, vel inde liquet, quod cum de Aristotele enuncio eruditionem in enunciatione pura, Aristoteles fuit aut est doctus, verum dico; ac si addidero modum necesse, dicendo, necesse est Aristotelem esse aut fuisse doctum, falsum di-

xero: neque enim eruditio necessario fuit in Aristotele, sed contingenter tantum; potuit enim non fuisse eruditus.

2. Hic in exemplis, præter subjectum & prædicatum, exprimitur modus quomodo vel conveniant vel repugnent: scilicet *necessario*, non contingenter.

Quæst. III. *Quot sunt modi?*

Quatuor; necesse, impossibile, possibile, & contingens.

[1. Hi quatuor modi deducuntur ex illo primo principio, De qualibet re vera est affirmatio vel negatio, seu aliquid vel est vel non est: quod est, vel ita est ut non possit non esse, & dicitur necessarium; vel ita est ut possit non esse, & dicitur contingens: quod non est, vel ita non est ut non possit esse, & dicitur impossibile; vel ita non est ut possit esse, & dicitur possibile. Deus ita est, ut non possit non esse, ideoque est ens necessarium; creatura sic est, ut

possit non esse, ideoque est ens contingens: rosa, quæ nunc non est, potest tamen esse, ideoque est ens possibile: corpus actu infinitum, quod non est, etiam non potest esse, ideoque est ens impossibile. Hi quatuor modi si applicentur enunciationibus, necessaria dicitur, cujus prædicatum ita vere enunciatur de subjecto, ut non possit non enunciari, quæ necessitas significatur per vocem *necesse*; ut, *necesse est hominem esse rationalem*; enuntiatio quæ adjun-

Cum habet modum *contingens*, ita vera est, ut possit esse falsa; ut, *contingens est Aristotelem esse doctum*: enunciatio quæ habet modum *impossibilem*, ita vera est; ut ejus contrarium implicet contradictionem; ut, *impossibile est hominem esse lapidem*: enunciatio habens modum *possibilem*, ita vera est, ut ejus contrarium quoque verum esse possit; ut, *possibile est hominem esse doctum*.]

2. Notandum est, enunciationem modalem constitui per hosce modos, tum enunciatur adjective, non vero, cum adverbialiter. Verbi causa, homo necessario est animal, aut, Petrus contingentem est doctus, neutra enunciatio est modalis: at vero, cum dico, necesse est hominem

esse animal, contingens est Petrum esse doctum, utraque est modalis.

3. Isti quatuor modi dicuntur modi formales, quia afficiunt formam enunciationis, hoc est copulam verbalem, aut verbum quod vim habet copulæ. Modi qui afficiunt materiam, subjectum & prædicatum enunciationis, ut omnia adjectiva & adverbialia, hæc non pertinent: ut, pastor bonus ponit animam pro ovibus suis, &, Petrus sit, det diligenter, hic vocabula *bonus* & *diligenter* sunt modi materiales, quia alter subjectum afficit, alter prædicatum. Notandum autem est semel, subjectum & prædicatum dici enunciationis materiam, & copulam verbalem dici ejus formam.

Quæst. IV. Quæ sunt partes enunciationis modalis?

Dictum & modus: ut, in hac enunciatione, *necesse est hominem esse animal*, dictum est *hominem esse animal*, modus, *necesse*.

Dictum in enunciatione modalis semper est enunciatio simplex posita in infinitivo modo, ut in exemplo patet.

Quæst. V. Quomodo disponenda sunt hæ partes?

Ita, ut dictum sit subjectum, & modus prædicatum.

Modus est quasi prædicatum, quia coheret cum copula, quæ in enunciatione pura est pars prædicati; ut, necesse est hominem esse animal. Subjectum hujus modalis enunciationis est, hominem esse animal, prædicatum est, necesse est. Enunciatio pura est, homo est animal, ubi homo est subjectum, est animal prædicatum: quia vero non necesse coheret

cum copula enunciationis puræ est, quæ est pars ejus prædicati, etiam non necesse in modalis enunciatione continetur prædicatum.

2. Hic judicandum est de subjecto & prædicato, non ex situ sed ex sensu; ideoque quamvis modus ponatur loco priori, quod sit sapissime, & dictum posteriori, nihilominus modus est prædicatum, & dictum subjectum.

CAPUT XXIX.

Quæst. I. *Atque hæc de speciebus, quoruplices sunt affectiones enunciationum?*

Duplices; absolutæ, & relatæ.

Affectiones absolutæ dicuntur quæ enunciationibus singulis in se conveniunt, id est, uni tantum: Relatæ, quæ iis conveniunt inter se collatis, id est, pluribus.

Quæst. II. *Quenam sunt affectiones absolutæ?*
Quantitas & qualitas.

1. Hæ voces, *quantitas & qualitas*, non significant hic idem quod significant in prædicamentis, ubi fuerunt ipsa themata simplicia; hic autem sunt thematum complexorum affectiones.

2. Cum quærimus, *quanta* sit enuntiatio, & *qualis*, ad has quæstiones respondendum est ex

divisionibus sequentibus. Itaque cum rogo, *quæ*, *qualis*, *quanta* est enuntiatio, vox *quæ* petit cujus sit speciei, simplex an composita; pura an modalis; vox *qualis*, an sit affirmans an negans, vera an falsa, necessaria an contingens; vox *quanta*, an sit universalis an particularis, an indefinita an singularis.

Quæst. III. *Quomodo dividitur enuntiatio ratione quantitatis?*

In universalem, particularem, indefinitam, & singularem.

Quæst. IV. *Quid est enuntiatio universalis?*

In qua subiectum universale accipitur universaliter, hoc est, cum nota universalitatis, *omnis*, *nullus*, aut simili; ut, *Omnis homo est animal*; *Nullus cometa est stella*.

1. In enunciatione universali duo requiruntur: 1. ut subiectum sit universale; 2. ut prædicatum de eo enuncietur universaliter; quod fit, cum nota universalitatis est addita subiecto: ut, *Omnis* (nota universalitatis) *homo est animal*; hic, quandoquidem verissime animal dicitur de omni homine,

dicitur de eo universaliter.

2. Causa cur nota universalitatis debeat addi subiecto, & non prædicato, hæc est; quia subiectum plerumque est angustius prædicato, ideoque, ut prædicato adæquetur, per notam universalitatis extenditur, ampliatur, ac dilatatur.

Quæst. V. Quid particularis?

In qua subjectum universale accipitur particulariter, hoc est, cum nota partis incertæ, *aliquis, quidam*, aut simili; ut, *Aliquis homo est dives: quidam homo non est doctus*.

1. Enunciatio particularis habet quidem subjectum etiam universale, sed id quod de subjecto enunciat, enunciat particulariter; quod fit, cum subjecto universali additur nota particularitatis. Exempli gratia, *Aliquis homo est dives*.

2. Ista enunciatio habet quidem subjectum universale (quod est homo) sed id (puta *divitem esse*) quod de subjecto dicit, id dicit particulariter; quod facit per additam particularitatis (*aliquis*) notam, subjecto hominis.

Quæst. VI. Quid indefinita?

Cujus subjectum universale nulla quantitatis nota desinitur; ut, *Matres amant liberos suos*.

1. Enunciatio indefinita subiectum quidem habet universale, sed neque universaliter, neque particulariter aliquid de eo enunciat, verum indeterminate, absque ulla nota vel universalitatis vel particularitatis.

2. *Matres amant liberos suos* est enunciatio indefinita, quia

subjecto universali (*matres*) nulla præposita est vel universalitatis (ut, *omnes, nulle*) vel particularitatis (ut, *aliquæ, quedam*) nota, qua absente, enunciatio est indeterminata sive indefinita: hæ autem notæ locum non habent nisi in subjecto universali, non in singulari.

Quæst. VII. Quid singularis?

Cujus subjectum est singulare; ut, *Milo occidit Clodium*.

In enunciatione singulari subjectum est individuum determinatum, non vagum; hoc enim facit enunciationem particularem, ut, *Aliquis homo est doctus*;

quæ non debet confundi cum enunciatione singulari. In exemplo authoris, *Milo* est subjectum singulare determinatum.

CAPUT XXX.

Quæst. I. Quomodo dividitur enunciatio ratione qualitatis?

PRIMO, in affirmantem & negantem; deinde, in veram & falsam,

Quæst.

Quæst. II. *Quid est enunciatio affirmans?*

Quæ partes conjungit; ut, *Omnis homo est animal: Si Deus est, mundus regitur providentia: Necessè est, Deum esse justum.*

1. Enunciatio affirmans est, quando vinculum ejus affirmatur.

2. Per partes hic, & in sequenti quæstione, intelliguntur subjectum & prædicatum in enunciatione simplici, antecedens &

consequens in hypothetica, dictum & modus in modali: singulorum exempla sunt subjecta in authore. Dicuntur hæ partes conjungi, quando enunciatio unam partem alteri attribuit, seu inesse dicit.

Quæst. III. *Quid negans?*

Quæ partes dividit; ut, *Terra non movetur: Non, si casus est in natura, providentia Dei tollitur: Non necesse est Socratem disputare.*

1. Enunciatio negans est, quando vinculum ejus negatur.

2. Partes dicuntur dividi, cum enunciatio unam partem ab altera removel, seu cum significat unam alteri non inesse. Notandum vero est, ut enunciatio sit negans, particulam negandi non esse addendam 1. copulæ, seu 2.

verbo quod vim habet copulæ, vel 3. notæ quantitatis, ut, *non omnis homo est doctus*; vel 4. in ea includendum (ut, *nullus homo est lapis*) in enunciatione simplici, conjunctione in composita, modo in modali: exempla sunt in textu.

Quæst. IV. *Quomodo dividitur enunciatio tum affirmans, tum negans?*

In finitam, & infinitam.

Quæst. V. *Quam vocas finitam?*

Quæ constat subjecto & prædicato finitis; ut, *omne corpus est in loco.*

Enunciatio finita exigit utrumque, & subjectum & prædicatum, finitum: infinita exigit alterutrum tantum infinitum.

Quid sit prædicatum ac subjectum finitum, dictum est cap. xxiv. penultima & ultima quæstione.

Quæst. VI. *Quam infinitam?*

Quæ constat subjecto, aut prædicato, aut etiam utroque, infinito; ut, *Non-eus excluditur à categoriæ: Quidam homines*

nes

mes sunt non-mali: Quidam non adeo divites, sunt minime sordidi.

Quæst. II. *In quo differt enunciatio negans ab infinita affirmante?*

In enunciatione negante ponitur negatio proxime
1. ante copulam, aut 2. ante verbum quod vim copulæ continet, aut 3. ante notam quantitatis, vel 4. etiam in nota quantitatis includitur; ut, *Quidam homines non sunt electi: Lapidēs non vivunt: Non omnis est impius: Nulla bestia ratiocinatur.* Si dux negationes occurrant, enunciatio censetur affirmata; [Id verum est in lingua latina, non græca, in qua dux negationes fortius negant,] ut, *Nullus homo non peccat.* Si negatio alio loco ponatur, efficit enunciationem infinitam affirmantem; ut, *Quidam non-locuples potest esse dives: Omne animal non-rationale est bestia: Adam potuit non peccare.*

[1. Discrimen hoc inter enunciationem simpliciter negantem & infinitam affirmantem diligenter est tenendum; nam diversum, imo oppositum habere hæ enunciationes nonnunquam sensum, quemadmodum ultimum exemplum demonstrat: si enim dixerō, *Adam potuit non peccare*, ut illud non ponatur post copulam immediate ad prædicatum, & illud reddat infinitum, enunciatio est vera & affirmans; sed si ponatur nota negandi ante ipsam copulam, hoc modo, *Adam non potuit peccare*, est enunciatio falsa & negans, sic enim nunquam peccasset: nam à negatione potentia ad negationem actus valet consequentia. Sic in alio exemplo, *Æneas potuit non vincere Turnum*, est enunciatio affirmans infinita vera; *Æneas non potuit vincere Turnum*, est enunciatio

negans finita falsa, sic enim nunquam Turnum vicisset: si enim negandi nota ponitur ante verbum *potuit*, negatur utrobique potentia; cum ponitur ante prædicatum, negatur actus tantum peccandi vel vincendi, qui in Adamo & Ænea sequi non potuit, quamvis in utroque sit secutus.

2. Ut enunciatio sit negans, aut ex affirmante in negantem mutetur, oportet ut negatio 1. vel includatur in nota quantitatis, qualis est *nullus, nemo*, ut, *nullus homo est animal*, ubi includitur in voce *nullus*; 2. vel ut ponatur proxime ante copulam, ut, *Petrus non est lapis*, ubi ponitur *non* ante copulam est; 3. vel ut ponatur ante verbum quod vim copulæ habet, ut, *Petrus non studet*, *studet* enim in se continet copulam, tantundem enim est ac si diceret, *non est studens*;

4. vel

vel ut ponatur ante notam quantitatis est, cui negatio non præponitur.
est doctus; omnis enim nota

CAPUT XX.

Quæst. I. *Hac de affirmatione & negatione. Porro qua est enuntiatio vera?*

Quæ [affirmat] conjungit ea quæ revera [affirmata] conjuncta sunt, aut [negat] dividit quæ revera sunt [negata] divisa.

Enuntiatio vera enunciat esse quod est, ut, homo est animal; & non esse quod non est, ut, ho-

mo non est bestia: itaque comprehenditur & affirmantem & negantem enunciationem.

Quæst. II. *Qua falsa?*

Quæ [affirmat] conjungit ea quæ [negata] divisa sunt, aut [negat] dividit quæ [affirmata] conjuncta sunt.

Falsa enuntiatio vel enunciat esse quod non est, ut, homo est lapis; vel enunciat non esse quod

est, ut, planta non vivit: prior affirmans est, posterior negans, utraque falsa.

Quæst. III. *Quomodo dividitur enuntiatio vera?*

In necessariam, & contingentem.

Quæst. IV. *Quam vocas necessariam?*

Quæ non potest esse falsa; ut, *Homo est animal*, aut, *homo non est lapis*.

1. Necesse seu necessarium dicitur in genere, quod non potest aliter se habere; & respicit vel rei existentiam, vel operationem, vel prædicationem. Priori modo ens dividitur in necessarium & contingens: necessarium est, quod ita existit ut nunquam possit non existere, estque solus Deus; contingens est, quod ita existit, ut possit non existere, atque aliquando non existit, talis est omnis creatura. Secundo sensu divisa sunt

causa efficiens in liberam & necessariam: ubi necessaria dicitur, quæ quando agit, non potest non agere; talis est omnis causa præter Deum, angelos, & hominem. Neutra necessitas huc spectat: ergo sensu tertio, enuntiatio dicitur necessaria, quæ ita vera est, ut non possit non esse vera; ut, *homo est animal*; id ita verum est, ut nunquam fuerit aut nunquam possit esse falsum. Hujus vero necessitatis causam si quis quærat,

rat, ea non est alia quam ardis-
sima connexio prædicati cum
subiecto, quæ tanta est, ut à se
invicem separari nunquam va-
leat; separatione scilicet reali,
quin interdum ne separatione
quidem mentali, seu simplici
seu complexa; at vero in enun-
ciatione contingenti, non tan-
tùm mente, sed & re ipsa sepa-
rari potest prædicatum à subje-
cto.

2. *Necessitas* enunciationis hoc
in loco dicitur vulgo *necessitas in*
prædicando, & distinguitur à ne-
cessitate in *causando*, & in *exi-*
stendo: quarum illa est: qua
causa quæ agit, quando agit, non
potest non agere; hæc est, qua
ens quod existit, quando existit,
non potest non existere: priori
modo ignis, necessarium est ens
in causando, quia non potest
non urere; posteriori modo
Deus est ens necessarium in exi-
stendo, quia non potest non
existere. Necessitas in prædican-
do consistit in indissolubili parti-
um, subiecti & prædicati, ne-
xu; ita *homo & animal* indissolu-

biliter connectuntur, nam fieri
non potest ut homo non sit ani-
mal.

[3. Necessitas in prædicando
fundatur in necessitate in essen-
do, secundum vulgarem cano-
nem, *modus prædicandi sequitur*
modum essendi: ideoque, quæ in
ipsa re non possunt à se invicem
divelli, ne quidem in enunciatio-
ne à se invicem separari pos-
sunt; contra, quæ re ipsa à se in-
vicem possunt seungi, ea quoque
in enunciatione à se mutuo se-
parari possunt: sic, quia non
possunt in re, verbi causa, in Pe-
tro, seungi homo & animal, eti-
am in enunciatione non possunt
separari hæc duo; neque enim
licet dicere, homo non est animal,
ideoque hæc enunciatio, *homo est*
animal, est necessaria: contra
quia in eadem re, verbi causa,
Petro separari possunt hæc duo,
esse hominem & esse doctum, eti-
am in enunciatione licet dicere,
homo non est doctus, ideoque
hæc enunciatio est contingens,
nam contingit Petrum, qui est
homo, esse doctum.]

Quæst. V. Quot sunt gradus necessitatis in enunciatione?

Tres; κατὰ παντός, καὶ αὐτὸ, & καθόλου πρῶτον, hoc est,
de omni, per se, & universale primum.

1. Hi tres gradus necessitatis
in enunciatione necessaria bene
sunt intelligendi, quia peculia-
rem usum habent in demonstra-
tione καὶ δῖον cuius major sem-
per debet esse necessaria, his
tribus necessitatis gradibus:
quamvis autem de iis actum sit
ab Aristotele in libris posteriorum
analyticorum, ubi agit de

sylogismo demonstrativo, καὶ
δῖον, tamen proprie huc spe-
ctant, quia affectiones sunt non
sylogismi, sed enunciationis
veræ ac necessariae. Ramus hos
gradus enunciationis necessariae
extendit ad omnia artium, sci-
entiarum, ac quarumvis di-
sciplinarum præcepta, quæ vo-
luit non tantum esse vera, sed
&

et necessaria, hisce tribus neces-
sariis gradibus: ejus sequaces

Ramzi, leges vocant scienti-
ficas.]

Quæst. VI. Qua dicitur enunciatio de omni?

In qua prædicatum omni subjecto convenit, & sem-
per, [idque naturaliter;] ut, *Corvus est niger: homo est bipes.*

1. In enunciatione de omni, re-
quiritur universalitas subjecti, &
universalitas temporis; si alteru-
tra desit, non est enunciatio ne-
cessaria de omni, sed est contin-
gens: sic, *homo est justus*, non est
enunciatio de omni, quia non o-

mnes homines sunt justi; nec vi-
vens crescit, est enunciatio de
omni, quia licet omne vivens cre-
scat, non tamen semper crescit.

2. *Esse nigrum* convenit omni
corvo, & *esse bipedem*, omni ho-
mini, scilicet naturaliter.

Quæst. VII. Qua dicitur per se?

Cujus subjectum & prædicatum essentiali nexu cohæ-
rent,

[1. *Essentiali nexu* dicuntur co-
herere prædicatum & subjectum)
quando vel prædicatum essenti-
am subjecti constituit, sive ex
toto, sive ex parte; vel essentiali
subjecti constitutam immediate
sequitur, ut subjectum ita se ha-
beat ad essentialiam prædicati, ut,
sine respectu ejus ad subjectum,
prædicatum essentialiam suam ob-
tinere nequeat. Ut species, cum
prædicatur de individuo, sic co-
hæret essentiali nexu cum eo,
ut ejus essentialiam ex toto con-
stituat. Genus & differentia
prædicantur de specie, atque ei
essentiali nexu cohærent, sed
sic, ut ejus essentialiam consti-
tuant ex parte: proprium præ-
dicatur de subjecto suo, eique
essentiali nexu cohæret, sed sic,
ut subjecti essentialiam non qui-
dem constituat, attamen con-
stitutam immediate sequatur.
Accidentia inseparabilia dicun-
tur quidem de subjecto neces-
sario, quia & insunt subjecto, &

semper, non tamen essentiali
nexu cohærent cum illo, quia
subjecti essentialiam nec constitu-
unt, nec immediate consequun-
tur.]

2. *Subjectum & prædicatum*
dicuntur *essentiali nexu cohærent*,
quando vel prædicatum est de
essentia subjecti, vel subjectum
est de essentiali prædicati.

3. Prædicatum esse de essentiali
subjecti, & in definitione subjecti
poni, idem sunt. Exemplum est,
Homo est animal. Hic *animal* po-
nitur in essentiali & definitione
hominis, tanquam ejus pars, sed
non vice versa: nam, cum definitis
animal per substantiam corpore-
am, viventem, sentientem, in ista
definitione non ponitur *homo*, nec
poni debet, nec potest.

[4. Sic ab altera parte, subje-
ctum esse de essentiali prædicati,
& contineri in definitione præ-
dicati, idem sunt. Exemplum est,
Homo est risibilis. Hic *homo* po-
nitur in definitione & essentiali præ-

prædicati, *rifibilitas*. Quod *homo* ponatur in definitione *rifibilis*, ejus rei causa est, quia *rifibilitas* est hominis proprium, at propria definiri nequeunt nisi facta mentione subjeâi juxta a. 1. lib. 2. quæst. 8. at subjeâum definiri potest sine mentione proprii: ideoque non vice versa, *rifibilitas* ponitur in definitione subjeâi, *hominis*; nam cum definitur, *homo est animal rationale*, in ista definitione non ponitur *rifibilitas*, quod est manifestissimum, & per se patet.]

[5. Ratio ob quam subjeâum

definiri possit absque proprio proprium definiri nequeat absque mentione subjeâi, est, quia subjeâum abstrahi potest à proprio abstractione simplici, id est concipi non concepto proprio sicuti homo concipi potest non concepta *rifibilitate*, ideoque & sine illa definitur: at proprium non potest à subjeâo abstrahi abstractione simplici, id est, non potest concipi non concepto subjeâo, ideoque nec sine eo definitur; ita *rifibilitas* nec concipi potest, nec definiri, sine *homine*.]

Quæst. VIII. Quos sunt modi enunciationis per se?

Duo, vel enim prædicatum ponitur in definitione subjeâi, vel subjeâum in definitione prædicati.

Cum prædicatum ponitur in definitione subjeâi, dicitur enunciatio per se primi modi: cum subjeâum ponitur in definitione prædicati, dicitur enunciatio per se secundi modi.

Quæst. IX. Quanam enunciationes pertinent ad primum modum?

In quibus vel genus prædicatur de specie; ut, *Homo est animal*: vel differentia; ut, *Homo est rationalis*: vel integra definitio; ut, *Homo est animal rationale*.

1. *Genus*) intellige vel proximum, vel remotum.

[2. *Differentia*) vel proxima, vel remota. Genus & differentia ambo remota ponuntur in definitione subjeâi implicite, quia implicantur & includuntur in genere proximo; genus vero & differentia ambo proxima ponuntur in definitione subjeâi explicite & verbis expressis: sic, *homo est substantia*, *homo est sensitivus*, est enunciatio per se,

quia & *substantiam esse*, & *sensitivum esse*, ponuntur in definitione hominis, sed implicite, quatenus in genere ejus proximo, *animale*, includuntur, tanquam genus remotum & differentia remota; ipsum *animal* & *rationalis* explicite in definitione hominis ponuntur, tanquam genus proximum & differentia proxima.]

[3. Explicite illa dicuntur poni in definitione, quæ in definiendo

finiendo exprimuntur : ut cum definitur homo per animal & rationale ; genus & differentia, ambo proxima, in ipsa oratione definiente exprimuntur. Includuntur in genere proximo, animalis, genera remota hominis.

vivens, mixtum, corpus, substantia, quæ non exprimuntur oratione qua fit definitio ; item implicanter differentia remotæ, nimirum hominem esse sensitivum, &c. quæ in voce animal, genere proximo, latent.

Quæst. X. Quanam pertinent ad secundum modum ?

In quibus proprietates prædicantur de subjecto suo : idque vel singulæ seorsim, ut, *Homo est risibilis* ; vel duæ disjunctim, ut, *Numerus est par aut impar*.

1. Subjectum proprietatum semper ingreditur definitionem earum perfectam : ita definitur *risibilitas*, potentia ridendi in homine, &c. vid. c. 2. lib. 2. quæst. 8.

Petrus est risibilis, Paulus est risibilis, Joannes est risibilis, &c.

2. *Singulæ seorsim.*) Sic risibilitas dicitur de omni homine, & de unoquoque seorsim ; nam

3. *Disjunctim*) id est, non copulative ; nullus enim numerus potest esse & par & impar ; nam numerus est aut par tantum, aut impar : binarius par est, ternarius impar.

Quæst. XI. Quanam enunciatio dicitur universaliter prima ?

In qua prædicatum subjecto convenit, quatenus ipsum est id quod est, sive, quæ constat terminis reciprocis ; ut, *Homo est risibilis*.

1. Dicitur *prædicatum* subjecto convenire, quatenus subjectum est id quod est, cum nihil est in subjecto, cui prius tribui possit : ut, ex hisce duabus enunciationibus, *Homo est sensibilis, Homo est risibilis*, prior non est universaliter prima, quia *sensibile esse*, homini non convenit in quantum est homo, sed in quantum est animal, cui prius quam homini tribuitur : ad *risibile esse*, ei convenit quatenus est homo, quia nulli prius tribuitur quam homini.

possunt converti, alterumque poni loco alterius ; sic licet dicere, *omnis homo est risibilis*, & *omne risibile est homo*, sed non licet dicere *omnis homo est sensibilis*, & *omne sensibile est homo*.

2. *Termini dicuntur reciproci*, quando prædicatum & subjectum

3. Ut noscatur, quanam enunciatio sit universaliter prima, talis est, si liceat prædicatum dicere de subjecto cum particula reduplicativa qua vel quatenus, vel causali quia : verbi causa, cum dico, *omnis homo risibilis est*, licet quoque mihi dicere, *homo qua vel quatenus est homo, est risibilis*, &, *homo quia est homo est risibilis* ; sed cum dico,

omnis

omnis homo est sensibilis, non licet mihi dicere, *homo qua aut quatenus homo est sensibilis*, aut, *homo quia est homo est sensibilis*, nam utrumque falsum est: *homo, qua, quatenus & quia est animal, est sensibilis*; hoc utrumque verum est.

[4. Vulgatum est axioma apud philosophos, & verissimum,

quatenus & de omni recipiatur, id est, enunciatio universaliter prima, quæ per voculam *qua & quatenus* proponitur, eadem proponi potest per voculam *omnis* additam subiecto: sic dico, *homo qua homo est risibilis, & omnis homo est risibilis.*]

Quæst. XII. Quomodo se habent hi gradus ad se invicem?

Posterior includit priorem, non vicissim: enunciatio enim per se est etiam de omni, & enunciatio universaliter prima est etiam per se; sed non vice versa.

Exempli gratia, *omnis homo est risibilis*, est enunciatio universaliter prima, quia constat terminis reciprocis: eadem est enunciatio per se, & quidem secundi modi, quia subiectum & prædicatum essentiali nexu coherent, & subiectum ingreditur definitionem prædicati; nam subiectum *homo* hic est de essentia & definitione prædicati *risibilis*: eadem est enunciatio de omni; quia

prædicatum *risibilis* convenit omni homini & semper. At cum dico, *omnis homo est bipes*, est enunciatio de omni, sed non per se, quia nec homo de bipedis, nec bipes de hominis essentia est, aut definitione; multo minus est enunciatio universaliter prima, quia non recipiatur; neque enim, ut dico, *omnis homo est bipes*, ita licet mihi dicere, *omne bipes est homo*, nam multæ aves sunt bipedes.

Quæst. XIII. Quæ est enunciatio contingens? Quæ potest esse falsa; ut, *Socrates disputat*.

Enunciatio contingens est, cuius partes connectuntur connectione dissolubili: sic *Socrates &*

disputat à se invicem possunt dissolvi, ut, *Socrates sit, & tamen non disputet*.

Quæst. XIV. Quot sunt modi enunciationum contingentium?

Tres: quædam plerumque veræ sunt, ut, *Matres diligunt liberos suos*: quædam raro; ut, *Homines nascuntur bicipites*: quædam ancipiti conditione, nunc veræ sunt, nunc falsæ; ut, *Aleator vincit*.

Quæst. XV. Quotuplex est enunciatio falsa? Duplex; possibilis, & impossibilis.

Quæst.

Quæst. XVI. *Qua est enuntiatio possibilis?*

Quæ potest esse vera; ut, si falso dicas, *pluere.*

Quæst. XVII. *Qua impossibilis?*

Quæ non potest esse vera; ut, *Homo est lapis.*

C A P U T XXXII.

Quæst. I. *Quot sunt affectiones enunciationum relata?*

Duæ sunt præcipue considerandæ; conversio, & oppositio.

Conversio & oppositio) conveniunt enunciationibus inter sese comparatis.

Quæst. II. *Quid est conversio?*

Conversio est transpositio prædicati in locum subjecti, salva veritate enunciationis [utriusque, & convertendæ, & conversæ.]

1. Doctrina de *conversione* usum suum peculiarem habet in reductione syllogismorum secundæ ac tertiæ figuræ ad primam, extra quem usum non adeo magnæ est utilitatis.

2. Non est existimandum, conversionem esse idem quod enthymema. aut eam speciem imperfecti syllogismi; nam hîc subjectum transit simpliciter in locum prædicati, quod non fit in en-

thymemate, aut syllogismo imperfecto.

[3. *Salva veritate:*] itaque nulla est conversio, quando ex convertenda vera, enuntiatio sequitur conversa falsa; ut, *omnis homo est animal, ergo, omne animal est homo:* at vero hæc est conversio bona, *omnis homo est animal, ergo quoddam animal est homo.*]

Quæst. III. *Quotuplex est conversio?*

Triplex; conversio simplex, conversio per accidens, & conversio per contrapositionem.

Quæst. IV. *Quid est conversio simplex?*

In qua servatur qualitas & quantitas enunciationis.

Servatur qualitas enunciationis] quando affirmans manet affirmans, & negans munitur negans: *servatur quantitas enunciationis*

nis, quando universalis manet universalis, & particularis manet particularis. *Exempla sunt in textu,*

M

Quæst.

Quæst. V. *ubi habet locum?*

In enunciatione universali negante, & particulari affirmante; ut, *Nullus homo est lapis; ergo, nullus lapis est homo; Aliquid animal est album: ergo, aliquod album est animal.*

1. Habet quoque locum in enunciatione universali affirmante reciproca; ut, *omnis homo est animal rationale; &, omne animal rationale est homo.*

2. Habet quoque locum in enunciatione particulari negante; ut, *Aliquid animal non est album; ergo, aliquod album non est animal.*

Quæst. VI. *Quid est conversio per accidens?*

In qua servata qualitate, diminuitur quantitas.

Diminuitur quantitas,] quando universalis mutatur in particularem, aut vice versa: uti videre est in exemplis qu. seq. allatis.

Quæst. VII. *Ubi habet locum?*

In universali affirmante; ut, *Omnis homo est animal; ergo, aliquod animal est homo.*

1. Multi existimant, conversionem per accidens etiam habere locum in particulari affirmante; ut, *quidam homo est poeta; ergo, omnis poeta est homo: &, quodam vivens est animal; ergo, omne animal est vivens.* nescio tamen an hoc sit perpetuum.

2. In universali affirmante,] æde non reciproca; nam univer-

salis convertitur simpliciter. Quod si universali affirmante non reciproca quantitas non mutaretur, conversa esset falsa, nec salva esset veritas enunciationis conversæ, contra definitionem conversionis: verbi causa, *omnis homo est animal; ergo, omne animal est homo; hæc conversa est falsa.*

Quæst. VIII. *Quid est conversio per contrapositionem?*

In qua, loco subjecti & prædicati ponitur utriusque contradictio.

Ponitur utriusque contradictio,] quando & subjecto & prædicato additur particula *non*.

Quæst. IX. *Ubi habet locum?*

In universali affirmante, [sive sit reciproca, sive non;] ut, *Omne mortale est genitum; ergo, quod non est genitum, non est mortale.*

1. Hoc

1. Hoc exemplum ab autore male est conversum: particula enim *non*, non debeat poni ante copulam est, sed ante ipsum prædicatum mortale, & ante subiectum genitum, hoc modo; ergo, Quod est non genitum, est non

mortale: sic enim subiectum & prædicatum enunciationis prioris redduntur infinita, sic in hac enunciatione, *omnis homo est animal*, conversio per contrapositionem fit, ergo, *omne non animal est non homo*.

CAPUT XXXIII.

Quæst. I. Quid est oppositio enunciationum?

Oppositio est pugna enunciationum in affirmando & negando.

1. Hæc oppositio enunciationum differt ab oppositione thematum simplicium: hic spectatur pugna in eo sita, quod vinculum vel copula est, vel verbum quod vim habet copulæ, vel conjunctio, vel modus, in una enunciatione affirmetur, in altera negetur; at oppositio thematum simplicium est oppositio prædicatorum, non vero vinculorum. Sic, *Petrus est videns, Petrus est cæcus*, est oppositio thematis simplicis, quia hic prædicatum unius enuncia-

tionis opponitur prædicato alterius enunciationis; sed non est oppositio thematis complexi, quia utraque enunciatio est affirmans, propter vinculum utrobique affirmatum: at si dixerem, *Petrus est videns, &, Petrus non est videns*, aut, *Petrus est cæcus, &, Petrus non est cæcus*, est oppositio thematis complexi: quia utrobique enunciationum altera affirmat, altera negat, propter vinculum in una affirmatum, in altera negatum est.

Quæst. II. Quam enunciationes dicuntur pugnare?

Quæ, idem [scilicet prædicatum] de eodem, [scilicet subiecto singulari] secundum idem, ad idem, eodem modo, & eodem tempore, affirmant & negant.

1. Idem dicitur affirmari & negari, quando prædicato & subiecto manentibus iisdem, vinculum in una enunciatione affirmatur. Conditiones hæc, secundum idem, &c. fuerunt exposi-

tæ cap. 22. hujus libri. Hoc addendum est, nullam debere esse vel subiecti vel prædicati ambiguitatem.

Quæst. III. Quotplex est oppositio enunciationum?

Duplex; contrarietas, & contradictio.

1. Hæc utraque oppositio, est pugna vera enunciationum.

2. Non debet confundi oppositio enunciationum cum earundem

dem conversione: nam in oppositione utriusque enunciationis, idem manet subiectum & prædicatum; at in conversione, subiectum mutatur in prædicatum, & vice versa.

Quæst. IV. Quid est contrarietas?

Contrarietas est oppositio inter duas universales; ut, *Omnis homo est iustus, Nullus homo est iustus.*

Universales] scilicet, quarum altera affirmat, altera negat; ut in exemplo patet.

Quæst. V. Quæ est regula contrariarum?

Enunciationes contrariæ possunt simul est falsæ, non simul veræ: [interdum altera vera est, altera falsa.]

1. Enunciationum universalium duarum; quarum altera affirmat, altera negat, una vera est, altera falsa, quando & quoties ambæ sunt necessariæ; ut, *omnis homo est rationalis, nullus homo est rationalis*: sed cum ambæ sunt contingentes, etiam ambæ sunt falsæ; ut, *omnis homo est doctus, nullus homo est doctus*. Nunquam vero fieri potest, ut duæ universales simul sint veræ, quæ idem de eodem affirmant & negent.

2. Quæ enunciationes oppo-

nuntur contrariæ, sunt simul falsæ, cum subiectum & prædicatum contingenter coherent; quod fit cum prædicatum à subiecto abesse potest, ut in exemplo posito quæstione. 4. Earum altera vera est, altera falsa, cum prædicatum & subiectum coherent necessario, quod fit cum prædicatum à subiecto abesse nequit: ut, *omnis homo est animal, verum est, nullus homo est animal* falsum est, quia animal ab homine abesse nequit.

Quæst. VI. Quid est contradictio?

Contradictio est oppositio inter universalem & particularem; ut, *Omnis homo est iustus, Quidam homo non est iustus. Nullus homo est iustus, Aliquis homo est iustus*: vel inter duas singulares; ut, *Aristides fuit iustus, Aristides non fuit iustus.*

1. Inter universalem & particularem] scilicet, ut vel universalis neget & particularis affirmet, vel particularis neget & universalis affirmet.

2. Inter duas singulares] scilicet, quarum altera affirmat, altera negat de eodem subiecto prædicatum idem.

Quæst. VII. Quæ est regula contradicentium?

Enunciationum contradicentium altera semper vera est, altera semper falsa: [nunquam simul veræ, nunquam simul falsæ.]

1. Sive enunciationes contradicentes versentur in materia necessaria, sive in contingenti, semper earum altera est vera, altera

altera falsa : imo etiam quando duæ singulares contradicentes instituuntur de prædicato futuro contingenti, licet nobis sapissime non constet, utra duarum enunciationum, affirmans an negans, sit vera, utra falsa, nempe respectu divinæ providentiæ omnia decernentis ac determinantis ; altera enunciationum singularium de prædicato contingenter futuro est vera, altera falsa ; sed respectu causarum secundarum non est manifestum nobis. utra sit vera, utra falsa, an affirmans, an negans.

2. Nunquam possunt duæ enunciationes contradicentes simul esse veræ, nunquam simul falsæ ; unde vulgatum est dictum, contradictori dividit verum à falso : sed nobis non semper constat, utra enunciationum contradicentium determinate sit vera, utra determinate falsa, præsertim cum instituuntur enunciationes singulares de futuro contingenti ; ut harum, *Petrus evadet vir doctus, Petrus non evadet*

vir doctus, altera vera est, altera falsa, sed nobis non constat, utra vera, utra falsa futura.

[3. Gravissima est quæstio, utrum enunciationes singulares de futuro contingenti sint veræ, vel falsæ, quam Aristoteles movet libro de interpretatione ; sed quomodo deciderit, disputent interpretes. Nos hæc duo distinguimus : aliud est simpliciter dicere alteram salium enunciationum esse veram, alteram falsam ; aliud est determinari ab homine & pronunciari quænam sit vera, & quænam falsa, & quidem determinate, respectu Dei, qui ut omnis entitatis, ita omnis veritatis est causa nullum est dubium ; sed utrum, verbi causa, hæc affirmans sit vera, *Petrus salvabitur*, & an negans sit falsa, *Petrus non salvabitur*, à nullo homine determinari aut pronunciari potest, cum tamen alterutrum apud Deum decernentem sit verum. Petrum salvandum vel non salvandum.]

Quæst. VIII. *An non aliæ species oppositionum vulgo tribuuntur enunciationibus ?*

Ita.

Quæst. IV. *Quæ ?*

Subcontrarietas, & oppositio indefinita.

Hæ oppositiones magis apparent pugnare, quam ut revera pugnent.

Quæst. X. *Quænam dicuntur enunciationes subcontrariæ ?*

Duæ particulares, quarum altera affirmat, altera negat ; ut, *Aliquis homo est justus, Aliquis homo non est justus.*

1. *Due particulares*) videntur pugnare propter vinculum in una affirmatum, in altera negatum; reuera tamen non pugnant, quia possunt simul esse vera, si subjecta intelligantur de diversis: ut in exemplo posito, si aliquis homo est iustus, intelliga-

tur de Aristide, aliquis homo non est iustus, de Verre; utraque enuntiatio est vera. Idem statuerendum est de indefinite oppositis: homines enim sunt iusti, verum est de quibusdam; homines non sunt iusti, verum est de aliis.

Quæst. XI. Quæ dicuntur indefinite oppositæ?

Due enunciationes indefinite, quarum altera affirmat, altera negat; ut, *Homines sunt iusti, Homines non sunt iusti*.

Quæst. XII. Quæ est regula veritatis in hisce enunciationibus?

Enunciationes sub contrariæ & indefinite oppositæ possunt esse simul veræ, non simul falsæ, [& earum altera potest esse vera, altera falsa.]

1. Quod due particulares, aut due indefinite enunciationes, possint simul esse veræ, ejus rei ratio est, quia intelliguntur de diversis subjectis: ut, cum dico, aliquis homo est doctus, & homo est doctus, hoc intelligitur utrumque de Aristoteli: at cum dico, aliquis homo non est doctus, & homo non est doctus, hoc intelligitur utrumque de Choroëbo; atque id verum est, quotiescunque prædicatum utriusque subjecto inest contingenter, sed cum due particulares vel indefinite enunciationes sunt necessariae, altera semper est vera, altera falsa: ita verum est, cum dico, aliquis homo est ratio-

nalis, & homo est rationalis: falsum est utrumque, cum dico, aliquis homo non est rationalis, & homo non est rationalis. At nunquam fieri potest, ut simul sint falsæ.

2. Enunciationes subcontrariæ, & oppositæ indefinite] sunt simul veræ, si intelligantur & instituantur de subjecto & prædicato contingenter connexis, ut in exemplis positis; earum altera est vera, altera falsa, cum versantur in subjecto & prædicato connexis necessario: ut, *Aliquis homo est animal, verum est, aliquis homo non est animal, falsum est, & homo est animal, verum est; homo non est animal, falsum est.*

Quæst. XIII. Cur non recensuisti subcontrarietatem & oppositionem indefinitam inter species oppositionum?

Quia enunciationes subcontrariæ & indefinite non sunt revera oppositæ, sed videntur tantum: possunt enim simul esse veræ.

1. *Possunt simul esse veræ*] quia non habent idem subiectum; ut id statim est ostensum,

scilicet intelliguntur de diversis subjectis,

INSTITUTIONUM LOGICARUM SYNOPSIS,

LIBER SECUNDUS.

CAPUT I.

Absoluta est prima pars Logica, quæ agit de thematibus, eorumq; variis affectionibus: veniamus ad partem alteram, in qua dixisti agi de instrumentis, quibus themata tractanda sunt.

Quæst. I. Quos sunt ergo ejusmodi instrumenta?

Quatuor; definitio, divisio, syllogismus, & methodus. Ex quibus definitio & divisio inserviunt tractandis thematibus simplicibus; syllogismus, complexis; methodus, utrisque.

1. Cum hæc mentio sit *instrumentorum*, intelliguntur instrumenta non externa, sed interna, mentis, rationis, aut intellectus: & iis instrumentis eget intellectus humanus, quia corruptus est, & nascitur omnium rerum insciens; est enim intellectus hominis nescientis instar tabulæ rasæ, cui nihil inscriptum aut insculptum, omnia tamen inscribi aut insculpi possunt.

2. Tanta caligo inducta est in mentem humanam ex primorum parentem lapsu, ut non tantum excutiat circa res supernaturales quæ spectant fidem & salutem no-

stram, sed & circa naturales, quæ naturæ lumine intelligi possunt, quin & circa modum cognoscendi res quaslibet. Communi hominum ignorantie circa res supernaturales mederi Dens voluit per Verbum suum quod est revelatum; circa res naturales per Philosophiam; circa modum cognoscendi per Logicam, quæ mentem docet humanam; quomodo circa rem cognoscendam versari debeat, atq; in eum finem docet fabricare *quatuor ista instrumenta* cognoscendi, de quibus in postea. Hæc quatuor cognoscendi instrumenta inserviunt tollendis

quatuor defectibus mentis nostræ in cognoscendo, quibus laboramus in rerum cognitione acquirenda, scilicet, est in nobis multarum rerum crassa quædam & profunda ignorantia, quam tollit *definitio*: deinde multa sæpe scimus, sed confuse atq; imperfecte, quam confusionem & imperfectionem tollit *divisio*, quæ distinctam in nobis & perfectam parit cognitionem: tertio, obnoxia est mens humana multis hæitationibus & dubitationibus, nescit enim, an certo cognoverit, quæ etiam, an certo cognovisse existimat; hanc incertitudinem & dubitationem tollit *sylogismus*: quarto, hoc etiam est vitium humanæ mentis in cognoscendo, ut non servet ordinem debitum; hanc inordinationem tollit *methodus*.

3. Ab hisce quatuor cognoscendi instrumentis, vocatur hæc secunda Logicæ pars, *organica*.

4. Instrumenta hæc sunt immaterialia, quia inserviunt facultati immateriali, intellectui; ideoque materia carent proprie dicta, quæ per notas sensibiles in sensus incurrit, quali constant instrumenta materialia, malleus, ferra, securis, &c. attamen analogice & per similitudinem hisce cognoscendi in-

strumentis adscribitur materia, ex qua quasi constant & componuntur: ita definitionis materia sunt genus & differentia, divisionis sunt totum & partes, syllogismi materia sunt partim tres termini, partim tres enunciationes, methodi materia sunt variae enunciationes quæ suo ordine disponuntur: sic & illis (scilicet instrumentis cognoscendi) tribuitur materia circa quam occupantur nempe ipsa themata, circa quæ definienda, dividenda, probanda, ordinanda, occupantur hæc cognoscendi instrumenta; quin & materia in qua illis (scilicet cognoscendi instrumentis) assignatur, ipse scilicet intellectus hominis in quo sunt.

[5. Materia & forma proprie conveniunt corporibus: quando tribuuntur rebus immaterialibus, quales sunt hæc intelligendi instrumenta, debent vocari quasi materia & quasi forma, vulgo materiale & formale. Sic genus & differentia vocantur definitionis materia aut materiale: & in syllogismo materia aliqua & forma veniet, id est, materiale & formale; materia in tribus terminis & tribus enunciationibus, forma in figura & modo. Intelligitur utrobiq; forma & materia intelligibilis, non sensibilis.]

Quæst. II. Quæ est materia ex qua hæc instrumenta conficiuntur?

Affectiones thematum simplicium. Ex his enim definitiones & divisiones formantur: hinc argumenta petuntur syllogismis: hæc denique debito ordine dispositæ, methodum constituunt.

Quia

Quia instrumenta hæc intellectui inserviunt, & sunt entia rationis, eorum quoque materia est intelligibilis, & non sensibilis. Ista materia explicatur lib. I. cap. 10. usque ad 24. Nemo enim definitionem conficere valet nisi sciat quid sit genus, quid differentia, quid proprium, quid accidens, quid causa, &c. ex quibus definitiones constant: nemo divisionem, nisi noverit quid

totum & quotuplex, quid pars & quotuplex fuerit; nam omnis divisio est totius in partes distributio: sic nemo syllogismum confecerit, nisi sciverit quid sit causa, effectum, subiectum, opposita, &c. à quibus termini medii solent peti: denique nemo ordinate rem aliquam per notiones secundas digesserit aut tractaverit, nisi earum naturas præcognoverit.

Quæst. III. Quid est definitio?

Definitio est oratio explicans quid sit, quod quæritur.

Definitio est oratio] vel interna, vel externa; magis tamen interna, quia Logica tota sermonem internum magis regit ac dirigit, quam externum; quia

definitio concipi potest ab homine muto & clingui, ut nunquam sermone externo proferatur: tum sane definitio est oratio tantum interna.

Quæst. IV. Quotuplex est definitio?

Duplex; alia nominis, alia rei.

Quæst. V. Quid est definitio nominis?

Quæ nominis significationem explicat.

Quæst. VI. Quot modis explicatur nominis significatio?

Tribus modis: 1. notatione sive etymologia; ut, *Triangulum est quod habet tres angulos*: 2. voce conjugata; ut, *Qualitas est à qua quales aliqui dicuntur*: 3. denique voce synonyma notiore: ut, *Bovinator est tergiversator*: Huc pertinent lexica.

1. Quid sit notatio sive etymologia quid item conjugatio logica, vid cap. 25. lib. I.

2. Synonyma.] Sumitur hæc vox grammaticæ, pro voce æ-

quipollenti aut ejusdem significationis; non vero Logice prout vox synonyma est definita cap. 26. lib. I.

CAPUT II.

Quæst. I. Quid est definitio rei?

Quæ explicat quid res ipsa sit.

Ut nomen differt à re, ita differt definitio nominis à definitione rei.

Quæst. II. Quomodo dividitur?

In perfectam, & imperfectam.

Quæst. III. Quam vocas definitionem perfectam?

Quæ rei essentiam attributis essentialibus explicat perfecte; ut, *Homo est animal rationale*.

1. *Essentia rei*) vocatur unius cuiusque rei natura, qua unaquæque res constituitur, & ab alia re distinguitur: dicitur quoque; *quidditas*, quia per eam respondetur ad quæstionem, qua quæritur *quid est res*.

2. *Essentia*, *natura*, *quidditas*, idem significant, sed respectus dicunt diversos: nam *essentia* dicitur de re in quantum eam constituit; *natura*, in quantum operatur; *quidditas*, in quantum definitur.

3. Præter ista tria, *essentiam*, *naturam*, *quidditatem*, idem quoque significat *definitio*: nam *definitio* est ratio *essentia*, seu λόγος τῆς οὐσίας, & explicat quæ sit natura rei definiendæ, & per eam solam respondetur ad quæstionem *quid est res*; ita *definitio* hominis, qua definitur animal rationale, explicat *essentiam*, *naturam* & *quidditatem* hominis.]

[4. *Attributa essentialia*] vulgo prædicata quidditativa, sunt genus proximum & differentia specifica, quæ in definitionibus

corporum respondent *materiæ* & *formæ*: ut enim *materia* communis est, ita & *genus*; & ut *forma* unicuique est propria, ita & *differentia*.]

[5. *Attributa essentialia* dupliciter dicuntur; vel quæ *essentiam* rei constituunt, vel quæ *constitutam* immediate sequuntur: priori sensu, *genus* & *differentia*, posteriori, proprietates intelliguntur: hæc autem sermo est de attributis essentialibus in significatione prima. Quia vero *genus* in definiendis corporibus desumitur à *materia*, & *differentia* à *forma*, factum est ut *genus* vulgo dicatur *materia* metaphysica, & *differentia* *forma* metaphysica.]

[6. Cum Deo tribuitur *genus* & *differentia*, *genus* significat *materiam* metaphysicam, uti quoque hæc tribuitur angelis & animæ rationali; nam *materia* & *forma*, utraque physica, non competunt nisi corporibus, quibus deserviuntur Deus, angeli & animæ rationales.

7. *Perfekte*] id est, nullo ex attri-

tributis essentialibus omisso.

8. Perfectum dicitur, cui nihil deest eorum, quæ ad ejus vel integritatem, vel essentiam requiruntur: prior perfectio dicitur integralis, posterior essentialis, sic corpus perfectum est, cujus

nullum membrum seu pars integrantes abest; & homo perfectus, cum utramque possideat partem essentialem, animam rationalem & corpus. Utroque modo perfecta dicitur definitio.

Quæst. IV. Quot sunt leges seu regulæ perfectæ definitionis?

Sex.

Quæst. V. Enumera.

I. Definitio perfecta debet esse brevis.

1. *Brevitas* definitionis hoc exigit, ne quid in definitione deficiat, ne quid etiam redundet; ut, *homo est animal rationale*.

2. In primam legem maxime impingitur, cum ponuntur in definitione speciei quæ pertinent ad definitionem generis;

ut, si quis definiat *fortitudinem*, *virtutem quæ servat mediocritatem in audacia & metu*: hic enim aliquid redundat, scilicet servare mediocritatem; quod non pertinet ad definitionem fortitudinis, sed virtutis moralis in genere.

II. Debet esse perspicua.

1. Quid sit *perspicuitas*, ex simili cognosci potest: quemadmodum enim per id quod perspicuum est, verbi causa per vitrum, res alias videmus; ita per definitionem intelligimus rem definitam; quod ut fiat, debent verba definitionis esse distincta, non ambigua; propria, non tropica; (nisi cum tropica significatio est usitatioe propria,

ut, cum *Logica* definitur, quod sit *ars bene differendi*) usitata, non insolentia.

2. Quia verba valent usu, & vox *differere* usitatioe est in significatione ratiocinandi quam disseminandi, certe non est culpanda definitio logicæ Ramæ, uti factum à Keckermanno, quod definiatur *ars bene differendi*.

III. Debet cum definito reciprocari.

1. Quia definitio & definitum eandem notant rem, definitio clarius, definitum obscurius; hinc est quod inter sese recipro-

cantur seu convertantur: *Omnia enim homo est animal rationale, &, omne animal rationale est homo*.

IV. Debet esse affirmata.

1. Quia negatio non tam explicat quid res sit, quam quid

non sit, & definitio explicat quid res sit, ideo definitio debet

debet esse affirmata, non negata: interim hæc affirmatio magis intelligitur de re quam de voce; inopia enim vocabulorum interdum cogit uti vocibus negatis, sub quibus aliquid tamen affirmatum debet intelligi: sic, cum *brutum* definitur *animal rationale*, non significatur nuda animæ rationalis negatio, sed contrariæ positionis, rationali animæ oppositæ.

2. Hæc admonitio præsertim observanda est in definiendo Deo: nam cum Deus definitur

à sua infinitate, immortalitate, immaterialitate, &c. quamvis vocabula sint negativa, nostri tamen conceptus sub istis vocibus formati, debent esse positivi; id est, de re positiva: neque enim immaterialitas Dei significat simpliciter negationem materiæ, sed notat essentiam positivam & affirmatam contrariam essentiae materiali; sic & immensitas non significat, simpliciter, Deum nullo loco excludi, sed etiam & positive, omnem locum implere.

V. Debet sine copulatione aut disjunctione partium proponi.

1. Quia unaquæque res unam tantum habet essentiam, & definitio est istius essentiae explicatio, non potest nec debet per partes proponi, quia essentia una, ut una, partes negat, scilicet, ut partes.

2. Non negat definitio partes sui; omnis enim definitio ha-

bet partes duas, genus & differentiam, quemadmodum homo definitur per animal & rationale: sed hæc lex verat ne partes istæ, aut aliæ, per conjunctionem copulativam & disjunctivam proponantur, quia in unam naturam rei definitæ coeunt media sui unionis.

VI. Debet constare & attributis prioribus & notioribus natura, atque adeo ex indemonstrabilibus.

1. Quod definitio sit principium demonstrans, & non attributum demonstratum, liquet ex cap. 22. lib. 2. Quia definitio est causa cognoscendi definitum, debent attributa, genus & differentia, esse propria & notiora natura ipso definito: causa enim est prior & notior effectu, scilicet, natura & cognitione distincta. Porro, quia definitio est principium demonstrationis, debet quo-

que constare ex attributis indemonstrabilibus; alioquin daretur progressus in infinitum. Omnis causa prior & notior est effectu: genus & differentia sunt causæ definitionis, definitio est effectus: ergo genus & differentia sunt notiora & priora, scilicet, natura & cognitione distincta, definitione.

2. Genus, scilicet proximum, & differentia, scilicet specifica.

3. Cum

3. Cum hâc lege sexta dicitur, quod attributa essentialia in definitione debeant esse priora natura ipso definito, intelligitur utraque prioritas, & quoad existendi consecutionem, & quoad causalitatem. Genus est prius definito, ut animal homine, quoad

existendi consecutionem; differentia est prior definito, ut rationalitas homine, quoad causalitatem; vel sic; Genus est prius specie quæ definitur, existendi consecutione, differentia est prior causalitate: & sic utrumque est prius natura, definitione.

Quæst. VI. Quibus partibus constat definitio perfecta?

Genere [proximo] & differentia [specifica,]

Genus in definiendo invenitur ex reductione rei definiendæ ad suam categoriam: ibi enim, quod loco superiori ex proxime adjacet, est ejus genus proximum;

reliqua omnia sunt genera remota, quæ superius collocantur. Intelligitur autem hâc genus proximum, quia superiora in illo continentur.

Quæst. VII. Ut de genere nihil dicam, unde petitur differentia?

Differentia substantiarum petitur à forma [substantiali] ultima vel principali, non ab accidentali, vel subordinata seu disponente substantiali:] & cum formæ sunt ignoræ, proprietas adhibetur loco formæ. Differentia accidentium sumitur à subjecto, objecto, causa efficiente, aut simili.

[1. Quin dentur formæ accidentales, ut calor, color, &c. nullum est dubium: sed an dentur substantiales, id est, quæ sunt substantiæ distinctæ à materia, ut olim ante Aristotelem, & nunc post ejus ætatem disputari solet. Si sint præter animam rationalem ullæ formæ substantiales, recte tum dividitur ab auctore forma substantialis in ultimam & subordinatam, aut in principalem & disponentem.]

[2. Differentia intelligitur essentialis & specifica, qualis raro est nota in substantiis, quia illarum formæ in sensus non incurrunt, à quibus tamen omnis

nostræ cognitionis origo ducitur: sic ignis: definitur, elementum calidum & siccum, per proprietates, loco formæ, quæ ignis est. Quia accidentia omnia sunt in subjecto & versantur sere circa aliquod objectum, & habent causam sui efficientem simul & finalem hinc à respectu ad ista accidens definitur, & ejus differentia petitur à respectu ad ea.]

[3. Subjectum] quidem est externum accidenti, sed respectus accidentis ad subjectum, non est ei externus.]

[4. Omne accidens est quidem in subjecto; subjectum tamen est extra accidens, id est esse

esse potest & existere sine acci- jecto; ideoque respectus acci-
dente, & accidens nunquam aut dentis ad subiectum inhærensionis,
esse aut existere potest sine sub- accidenti est internus.]

Quæst. VIII. Quomodo definiuntur accidentia propria?

Genere, subiecto, & causa proxima; [intellige, cau-
sam proximam absolute, quæ dicta fuit emanativa] eaq;
vel efficiente; ut, *Eclipsis est defectus luminis in luna, ob
terram inter solem & lunam interpositam: vel finali*; ut, *Ap-
petitus est facultas naturalis in animali, ad consequendum
quod sibi bonum, & vitandum quod sibi malum videtur:*
vel denique utraque; ut, *Respiratio est attractio & expul-
sio aeris reciproca in animali, à pulmonibus facta, ad cordis
refrigerium.*

1. Quænam accidentia sint pro-
pria, quænam communia, vid.
cap. 23. & 19. lib. 1. Accidens pro-
prium est proprium quarto mo-
do, & quarum prædicabile com-
mune est accidens prædicabile,

sive quintum prædicabile.

2. In definitione eclipses, de-
fectus luminis est genus; Luna
est subiectum; interpositio terre
inter solem & lunam est causa ef-
ficiens proxima absolute.

Quæst. IX. Quomodo definiuntur accidentia communia?

Variis modis, ex quibus hi sunt præcipui. 1. Definiun-
tur genere & subiecto; ut, *scientia est habitus mentis*:
2. Genere & objecto; ut, *Physica est scientia corporis
naturalis*: 3. Genere & fine; ut, *Grammatica est ars
bene loquendi*: 4. Genere, objecto, aut fine; ut, *Libera-
litas est virtus in eroganda & accipienda pecunia*: 5. Gene-
re & causa efficiente; ut, *Albor est color ortus ex prædomi-
nō perspicui.*

Modus definiendi accidentia communia certis regulis compre-
hendi nequit quia ipsa accidentia communia tam sunt varia.

CAPUT III, & IV.

Quæst. I. Quid est definitio imperfecta?

Quæ rei essentiam non explicat attributis essentiali-
bus, aut saltem non explicat perfecte: eaque pro-
prio vocabulo descriptio dicitur.

1. De-

1. *Definitio imperfecta* in duobus recedit à definitione perfecta: vel quod adhibeat *attributa* non *essentialia*, sed *accidental*ia; vel si adhibeat *essentialia*, quod non sumat omnia; ideoque vere dicitur imperfecta.

[2. Vocantur hinc *attributa essentialia* quæ essentiam rei definiunt, non quæ eam consequuntur immediate; suntq; tantum genus & differentia. Proprietas quidem dicitur attributum *essentiale* non tamen illo sensu, ac si essentiam constituat, sed quia essentiam rei constitutæ immediate sequitur. ideoq; nunquam ingreditur definitionem perfectam.]

3. *Definitio imperfecta* vel est necessaria, vel arbitraria. Necessaria, cum perfecta definitio adhiberi nequit: atq; e hæc impossibilitas oritur vel ex parte entis, vel ex parte mentis, vel ex parte orationis. Primo modo non possunt definiri perfecte res illæ quæ ex imperfectione sua non admittunt definitionem perfectam; ut privationes, verbi causa, tenebræ: secundo modo non possunt perfecte

definiri quæ, licet habeant essentiam perfectam, à nobis tamen perfecte non capiuntur; ut, Deus: tertio modo ex parte orationis, quando res definienda essentiam quidem habet perfectam, & perfecte capitur, sed non dantur vocabula ad illam definitionem explicandam. Arbitraria est definitio imperfecta, quando adhiberi quidem potest definitio perfecta, sed tamen non adhibetur, quia ita nobis placet, & res est arbitrii nostri.

[4. Cum definitio perfecta sit explicatio essentia, & essentia non possit tribui nisi enti reali, quale non est privatio, ultro sequitur, nullam privationem posse perfecte definiri, quia nulli privationi essentia competit; atqui definitio perfecta est essentia explicatio.

5. Deus perfecte definiri nequit, quia à nullo intellectu humano perfecte cognoscitur aut concipitur; & ratio est, quia illud dictum Apostoli, *Deum videbimus sicuti est*, locum demum habebit in altera vita, ideoq; in hac vita Deus perfecte definiri nequit.

Quæst. II. Quando adhibetur imperfecta definitio?

1. Quando res ipsa non capit perfectam definitionem. 2. Quando nos rei essentiam non percipimus. 3. Quando desunt idonea vocabula, quæ in perfecta definitione requiruntur. 4. Quando aliorum captui definitio attemperanda est. 5. Deniq; quando proposita definitione alios delectare magis aut movere volumus, quàm docere.

Primo & secundo & tertio casu, definitio imperfecta est necessaria: quarto & quinto casu, est arbitraria.

Quæst. III. Quæ res respuunt perfectam definitionem?

I. Res infinitæ; ut, Deus.

1. Deus] non potest perfecte definiri, non ex parte sui, quasi non ad-

admitteret definitionem perfectam, sed ex parte nostri, quia nos ipsius essentiam non capimus.

II. Quæ non habent veram essentiam ; ut, *privationes*.

1. Quia definitio perfecta est explicatio essentiae, & essentia non competit nisi enti vero, *privatio* autem est negatio entis veri, consequenter ei non competit *essentia vera*, imo ne quidem essentia simpliciter ; ideo, neque definitione perfecta definiri *privatio* potest.

2. *Privationes*] non possunt perfecte definiri ratione sui, quia ipsæ non admittunt definitionem perfectam : cum enim hæc (scilicet definitio perfecta) sit explicatio essentiae, ac *privationes* essentiam nullam habeant, sunt enim non entia, seu negationes entium realium ; non est mirum, quòd perfecte non definiantur.

Privationes, tantum abest, ut *essentiam veram* obtineant, ut ejus negationem dicant : Quemadmodum cæcitas negat visum.

3. *Privationes* nullam habent essentiam, quia non sunt entia realia ; ac essentia convenit solis entibus realibus.

[4. Cum *privationes* dicuntur negationes entium, intellige realium : neque enim (verbi causa) cæcitas est aut substantia, aut accidens, aut Deus, aut creatura, quæ quatuor sunt entia realia ; sed cæcitas, & omnis *privatio* est negatio entis realis ; non tamen nihil, sed medium negationis interjectum inter ens reale & nihil.]

III. Quæ non habent unam essentiam ; ut, *entia concreta & aggregata*.

1. *Entia aggregata*] sunt, quæ ex pluribus substantiis totalibus coalescunt, vel cum aliquo ordine inter se, uti est mundus, exercitus ; vel sine ordine inter se, ut est acervus lapidum vel granorum. Neutrum est unum per se, sed utrumque est unum per accidens ; quia in uno per se, quando ex pluribus coalescit, debet substantia una habere rationem potentiae ad alteram : cui unitur, tanquam ad actum : sic, in homine, duæ quidem substantiæ, sed imperfectæ, anima & corpus, uniuntur ; verum ita, ut corpus

sit instar potentiae, anima instar actus.

2. Quid sit unum per se, quid unum per accidens, operæ pretium est bene cognoscere. Unum per se est, aut ens immateriale, ut Deus, angeli, & animæ rationales ; aut materiale, sed tale, cujus partes se habent essentielles materia & forma ut potentia & actus, & quæ in unam naturam compositi coalescunt.]

3. *Essentiam* per se unam habent aut res simplices ut angeli ; aut, si compositæ sunt, in quibus partes coponentes, atque ejusdem naturæ communis

munis ac genericæ, & categoriæ, in unum compositum media unionē coaluerunt; ut, *homo, lapis, &c.*

4. *Entia concreta*] vocantur, quæ concreverunt ac composita sunt ex subiecto & accidente;

ut, *justus, albus.*

5. *Entia aggregata*] sunt, quæ ex diversis substantiis coaluerunt; vel cum unionē, ut, *exercitus*, vel sine ulla media unionē, ut, *acerum lapidum.*

IV. Quæ non habent essentiam perfectam; ut, *partes, [sive essentielles, sive integrales] principia rerum, res in fieri.*

1. *Essentiam perfectam* dicuntur habere, quibus ad essentiam aut integritatem nihil deest: sic in parte una ad essentiam totius pars alia atque alia, quia totum omnes partes requirit.

[2. *Perfectum metaphysicis* dicitur duobus modis: vel cui nihil deest aut deficit requisitum ad essentiam, vel cui nihil deest aut deficit requisitum ad integritatem. sic homo monoculus est perfectus perfectione essentiali, quia animam & corpus habet, partes, essentielles; sed non est perfectus perfectione integrali, quia aliqua pars integralis, puta oculus, ipsi deest ac deficit.

3. *Principia rerum*] hic significant ea, ex quibus fiunt composita: neque hæc, ut principia, habent essentiam perfectam; ideoque materia & forma, rerum naturalium principia, non possunt perfecte definiri.

4. *Res in fieri*] dicuntur, quæ adhuc fiunt, ac quamdiu fiunt perfectam essentiam non sunt adeptæ; ut, *motus.*

5. Quæ numero 2. 3. & 4. recensentur, ea non admittunt definitionem perfectam ratione sui: Deus numero readmittit quidem definitionem perfectam ratione sui, sed non ratione nostri.

V. Summa genera.

1. *Summa genera*] non possunt perfecte definiri, quia non habent genus supra se, scilicet univocum, alioquin summa non

forent; ideoque substantia, quantitas, qualitas, &c. perfecte definiri nequeunt, idque ratione sui.

VI. Individua.

2. *Individa*] non possunt perfecte definiri, quia non habent differentiam, scilicet essentialē, aut si habent, ea nobis ignota est; ideoque Petrus non potest perfecte definiri, quia nullam differentiam essentialē

habet infra se. Ex omnibus ergo rebus solæ species, tum infimæ tum subalternæ, perfecte definiri possunt.

2. Disputatio gravis est, an *individa*, Petrus, Paulus, &c. habeant differentiam essentialē. Ramzi

& multi alii, putant quod sic; quia si substantiæ singulares & primæ sunt maxime substantiæ, uti sunt, etiam debent distingui à se invicem per differentias essentielles: hoc tamen faten-

dum est, illam differentiam essentialem ac substantialem individuorum plerumque nobis esse ignotam, & hæc causa est quod individua non possint perfecte definiri.

Quæst. IV. *Quarum rerum essentiam non possumus [intellectu] assequi?*

Quæ per se non incurrunt in sensus nostros; [scilicet externos] ut, substantiæ, cum corporeæ, tum incorporeæ.

[1. Hæc ex Peripateticorum sensu dicuntur. Neque tamen ab omnibus nostri seculi philosophis hoc recipitur, nimirum, substantias corporeas, quæ substantiæ sunt, in sensus non incurrere: quod si non sensibus, utique nec intellectu percipi poterunt, juxta sententiam Aristotelis, qui judicat nihil esse in intellectu nisi quod prius fuerit in sensu; quod falsum est, quoniam sic, missis substantiis, circa mera accidentia intellectus noster versaretur.]

[2. Substantiæ corporeæ non incurrunt in sensus] in quantum sunt corpora aut substantiæ, sed eorum tamen accidentia in sensus incurrunt: cum vero accidentia ad essentiam substantiarum non pertineant, nihil est mirum si substantiarum essentias non assequamur, quum omnis nostra cognitio sit, à sensu, & sola accidentia in sensus incurrant.]

[3. Si verum est, quod vulgo fertur, nullas substantias incurrere in sensus externos, & nos tamen ab infantiæ incunabulis assuevimus uti sensuum ministerio in rebus cognoscendis; profecto nulla substantia sub cognitionem nostram cadet: & cum sensus sint fallibiles cognoscendi magistri, quis poterit tuto iis fidere? nam à quibus vel semel sumus decepti, iis non est fidentum; sed sensus externi nos sæpe deceperunt: & cum nulle substantiæ nec materiales, incurrant in sensus, à quibus est cognoscendi principium, nullas unquam intelligemus substantias, sed cognoscuntur sola accidentia; quæ si non sunt, uti multis non esse judicantur, nihil cognoscemus.]

4. Substantiæ corporeæ, nec per se nec per accidentia in sensus incurrunt.

Quæst. V. *Quot modis formatur definitio imperfecta?*

Septem modis potissimum.

Quæst.

Quæst. VI. Enumera hos modos.

I. Cum accidens proprium definitur sola causa externa; [hæc definitio imperfecta vocatur causalis] ut, *Eclipsis est interpositio terra.*

Hic omittitur genus & subiectum.

II. Cum definitur genere & subiecto; ut, *Eclipsis est defectus luminis in luna.*

Hic omittitur causa efficiens proxima.

III. Cum res aliqua definitur genere & proprietate una aut pluribus; ut, *Canis est bestia latrans.*

Hic omittitur differentia specifica & essentialis.

IV. Cum res definitur enumeratione partium aut specierum; ut, *Logica est ars definiendi, dividendi, argumentandi, & ordinandi.*

Hæc est definitio facta per inductionem, seu per divisionem.

V. Cum res definitur remotione oppositi; ut, *Virtus est vitium fugere.*

Virtus enim opponitur *vitio*. oppositum definiatur per oppositum mediatum medio participationis, est vitiosissima. Intelligitur hic *oppositum* im-
mediate, quod non admittit medium participationis; nam si

VI. Cum relatum definitur correlato; ut, *Dominus est qui habet servum.*

Dominus enim respectu servi est relatum, & servus correlatum.

VII. Cum res definitur coacervatione circumstantiarum; ut, *Homo est animal bipes, implume, erecto vultu manibusque præditum.*

Circumstantias intellige præsertim sensibiles, hoc est, quæ in sensus incurrunt: hæc speciatim *descriptio* dicitur, & à poetis & oratoribus plerumque adhibetur. Tales quoque sunt descriptiones plantarum, & animalium in physicis, item fluminum, montium, &c. in geographicis & historicis.

CAPUT V.

Quæst. I. Quotuplex est divisio ?

Duplex : alia nominis, alia rei.

[1. Quæri potest, cur author hoc caput incipiat non à definitione, quæ est primum docendi præceptum, sed ab ipsius divisionis divisione. Resp. quia ipsa vox *divisio* ambigua est : atqui quotiescunque aliqua vox am-

bigua est, non est tractatio incipienda à definitione, nisi primum ipsa vox fuerit distincta : ideoque hîc non à definitione divisionis, sed à distinctione incipiendum fuit.

Quæst. II. Quid est divisio nominis ?

Enunciatio significationum homonymi vocabuli, aut distinctio ambiguae sententiæ ; ut, si quis recenscat significationes *juris*, aut distinguat hanc orationem, *Aio te Acacida Romanos vincere posse*. Hæc improprie *divisio* appellatur ; rectius *distinctio* dicitur.

Divisio nominis, seu potius distinctio vocabulorum in omni disputatione, ac rei cujuscunque

tractatione, in principio statim adhibenda est, ut constet, de qua re & quo sensu de ea agatur.

Quæst. III. Quid est divisio rei, sive divisio proprie dicta ?
Divisio est explicatio totius per partes.

Divisio rei tota deperdet ab explicatione capitis 14. lib. 1. de toto & parte.

Quæst. IV. Quomodo distribuitur ?

Eodem modo quo totum. Ac primo in divisionem totum per se, & in divisionem totius per accidens.

Quid sit totum per se & totum per accidens, vid. Quæst. 3. & 4. cap. 14. lib. 1.

Quæst. V. Quotuplex est divisio per se ?

Quadruplex : vel enim dividitur [totum universale,] genus in species [& species in individua,] ut, *animal in hominem & bestiam*, [*homo in Petrum & Paulum*,] estque illa divisio totius logici ; vel definitum in partes definientes [scilicet totum formale,] veluti cum *homo*, sive humana, essentia,

essentia, dividitur five resolvitur in *animal & rationale* [estque illa divisio totius metaphysici; [totum* essential-ale,] compositum in materiam & formam, ut, *homo in corpus & animam rationalem*, [estque illa divisio totius physici;] vel denique totum integrale in sua membra, ut, *homo in caput, pectus, ventrem, artus, &c.* [estque illa divisio totius mathematici.

1. Ex quatuor divisionibus per se, prima & ultima sunt maxime usitatae, nempe distributio generis in species, aut speciei in individua, & integri in membra: atque hæc peculiari nomine *partitio* dicitur.

2. Notandum vero est accuratissime discrimen inter utramque hanc divisionem, quod hoc signo dignoscitur infallibiliter: quotiescunque totum divisum de singulis partibus dividendis enunciarı potest in casu recto, toties est distributio generis in species, aut speciei in individua; quotiescunque vero totum divisum non potest enunciarı de singulis partibus dividendis nisi in casu obliquo, est distributio integri in membra: & causa hujus diversitatis est, quod tota na-

tura generis in unaquaque continetur specie, & tota natura speciei in unoquoque individuo; at vero, non continetur tota natura integri in unoquoque membro. Exempli gratia, cum *animal* dividitur in *hominem & bestiam*, tñ *animal* dicitur de *homine & bestia* in casu recto; cum *homo* dividitur in *Petrum, Paulum, Joannem, &c.* *homo* prædicatur de *Petro, Paulo, Joanne, &c.* in casu recto: sed vero, cum *corpus* dividitur in *caput, pectus, ventrem, artus, &c.* partes dividentes, non potest dici *corpus* de singulis partibus in casu recto, licet possit in casu obliquo: neque enim licet dicere, *Caput est corpus, Pectus est corpus;* sed bene licet dicere, *caput, pectus, est corporis, scilicet pars.*

Quæst. VI. Quotuplex est divisio per accidens?

Item quadruplex: vel enim dividitur causa per effecta, ut, *Planta alia calefaciunt, alia frigefaciunt*: vel effectum per causas, ut, *Testimonia alia sunt divina, alia humana; statua alia sunt ex ære, alia ex marmore; supellex alia est ad ornatum, alia ad usum, &c.* vel subjectum per adjuncta, ut, *Homines alii sunt liberi, alii servi*: vel adjunctum per subjecta, ut, *Morbi alii corporis sunt, alii animi.*

Divisio per accidens facilè intelligitur ex exemplis subjectis, & questione 3. cap. 14. lib. 1.

Quæst. VII. Quot sunt leges bonæ divisionis ?
Septem potissimum.

Quæst. VIII. Enumera omnes.

I. Partes debent in toto consentire.

1. [Partes.] Intellige vel membra respectu integri, quæ vulgo dicuntur partes integrantes; vel individua respectu speciei, vel species respectu generis, quæ utraque partes vocantur universales, melius, totius universalis: nam individua, partes universales dici nequeunt.]

[2. Ratio est, quia partes toti insunt, & ad totum ordinantur, illudque mensurant: at vero mensura & mensuratum consentire debent; ideoque, cum totum quod dividitur est substantia, & partes debent esse substantiæ; si totum fuerit accidens, & partes debent esse accidentia: quod intelligendum est de divisione totius per se; nam

in divisione per accidens, totum potest esse substantia, & partes accidentia, ut, cum homo dividitur in servum & liberum.]

[3. Cum partes dicuntur toti inesse, id sic intelligi non debet, uti accidentia insunt subiecto: sunt enim hæ partes, de quibus hic sermo est, vel substantiæ, ut membra integri, individua specierum, species generum; vel si sint accidentia in ordine ad substantiam, tamen non dicuntur partes, sed in ordine ad accidentia.]

4. Imo vero, omnes hæ leges intelligi debent de toto per se: nam divisio totius per accidens vix habetur pro divisione, uti nec totum per accidens pro toto.

II. Et inter se opponi.

1. Ratio est, quia alioquin partes coinciderent, & sic totum dividere nequirent.

III. Partes proximæ & immediatæ semper sumendæ sunt in divisione, non remotæ.

1. Partes proximæ & immediatæ dicuntur quæ sunt maximæ vicinæ toti, in quas totum primo dividi debet: ideoque vitiosa est divisio, quando multa membra transiliuntur; ut, si dividero corpus in plantam & animal, cum debeat primum dividi in simplex & mixtum.

2. Tabulæ prædicamentales docent, quanam partes toti viciniore, quanam à toto remotiores, quanam toti vicinissimæ.]

3. Quanam sint partes proximæ rei divisæ, quanam remotæ, optimè perspicitur ex tabulis prædicamentalibus: in quibus quæ proximè infra rem divi-

dividendam collocantur, in sequenti gradu inferiori, sunt partes proximæ; quæ vero habent gradus intermedios inter se & rem dividendam, sunt partes remotæ.

IV. Partes singulæ minus continere debent, quam totum.

1. Ratio est, quia totum est majus sua parte unaquaque; alioqui totum & pars adæquarentur, quod est absurdum.

V. Universæ, neque plus neque minus.

1. Ratio est, quia partes universæ, idem sunt ac totum, scilicet quando partes sunt unitæ; quod potissimum est intelligendum de toto essentiali.

[2. Gravis quaestio est, quomodo totum differat à partibus. Nos distincte respondemus: partes totius, verbi causa anima & corpus, considerantur, vel ut separatæ, vel ut conjunctæ sed non unitæ, vel ut conjunctæ & unitæ. Quando partes spectantur (verbi causa anima & corpus) ut sunt separatæ loco, ut anima sit in cælo, corpus in terra, non sunt

idem quod totum, scilicet corpus, sed ab eo distinguuntur realiter. Si spectentur, ut loco quidem conjunctæ partes, sed non unitæ, adhuc non sunt idem quod totum, sed distinguuntur à toto realiter: ita si eodem loco ponas & animam rationalem & corpus, sed non unita, non sunt idem quod homo. Verum si partes spectentur, ut conjunctæ loco & unitæ, jam idem sunt quod totum: sic anima rationalis & corpus, loco conjuncta & inter se unita, idem sunt quod homo, nec ab eo distinguuntur realiter.

VI. Divisio debet constare partibus paucissimis, &, si commode fieri possit, duabus.

1. Ratio est, quia divisio distinctam parit cognitionem; quo autem partes sunt pauciores, eo distinctius cognoscuntur: non tamen semper divisio in partes duas, sive διχοτομία, utcumque sit optima, haberi potest.

[2. Cum genus dividitur in species, plerumque divisio potest esse bimembris, & si potest, debet: cum species dividitur in individua, rarius potest esse bimembris, neque anxie affectari debet, quia individua plerumque

sunt plura duobus: cum integrum dividitur in membra, divisio bimembris esse debet, si potest; sed non semper potest; divisio definiti in partes definientes, & compositi in partes constituentes, & potest, & debet semper esse bimembris: divisio totius per accidens interdum potest, interdum non potest esse bimembris; neque scrupulose admodum hic quaerenda est, si commode haberi nequeat.

VII. Modus dividendi adhibendus est, ne subdivisionum numerus nimium excresecat.

1. Ratio est quia cum divisio *tz*, memoria magis obruitur memoriæ quam maxime proficit, quam juvatur. si subdivisiones instituuntur mul-

CAPUT VI.

Quæst. I. Quid est syllogismus?

Syllogismus est oratio, in qua, quibusdam positis, diversum quid à positis, propter ea quæ posita sunt, necessario sequitur.

1. *Oratio*] sumitur hîc indefinite, non pro una, sed pro orationum complexu, per synecdochen numeri singularis pro plurali.

2. *Oratio* intelligitur potissimum interna, secundario externa: quia syllogismus sine oratione externa esse potest, ut in mutuo; sine interna non potest; & quia tota Logica maxime dicitur à λόγος ἐνδιάδικτος, sermone interno, minus à sermone externo.

3. *Quibusdam positis*] id est, duabus enunciationibus præpositis seu præmissis, unde sic vocantur.

4. Quando hoc loco præmissæ dicuntur causa conclusionis, intelligitur causa cognoscendi, non essendi; hæc enim locum tantum habet in syllogismo demonstrativo, non in topico, nec in sophistico, nec in ullo alio: at, quod præmissæ sint causæ conclusionis, id commune est omnibus syllogismis.

5. *Diversum quid*] id est, nova enuntiatio, quæ vulgo dicitur

conclusio. Hæc dicitur diversa formaliter, non materialiter, à propositionibus sive præmissis; non quod alii termini sint in conclusione quam fuerunt in præmissis, sed quod iidem termini aliter disponantur in conclusione quam in præmissis; nam qui termini in conclusione simul disponuntur, in præmissis à se invicem separantur: ut in hoc syllogismo, *Omne animal sentit. Omnis homo est animal. Ergo omnis homo sentit*. Hîc simul disponuntur in conclusione *homo* & *sentit*; qui iidem termini in præmissis à se invicem separantur: nam *sentit*, terminus major, ponitur in maiore propositione, quæ diversa est & separatur à minore propositione, in qua alter terminus est, *homo*.

6. *Propter ea quæ posita sunt*] id est, vi & efficientia præmissarum, quia præmissæ sunt causæ, scilicet cognoscendi, interdum essendi, conclusionis, hæc vero effectum præmissarum: hinc est quod vocula *propter* recte dicitur

tur significare vim, nam causa est cujus vi res est.

[7. *Necessario*] Intelligitur hic necessitas consequentiae seu conclusionis; non consequentis, seu prædicati in conclusione, quæ extra syllogismum invenitur in omni enunciatione necessaria; ut, *homo est animal*: hic est necessitas consequentis, id est prædicati, *et animal* enim necessario coheret necessitate *æd* autem cum antecedente seu subiecto, *homo*; at hic non est necessitas consequentiae seu conclusionis, quia hæc enuntiatio necessaria est extra omnem syllogismum, & ideo non est conclusio, quæ veritatem suam & necessitatem tantum habet in syllogismo, non extra illum.]

[8. *Necessitas consequentiae* est necessitas thematis complexi seu enunciationis, deducta ex enunciationibus aliis prioribus. Necessitas consequentis est necessitas thematis simplicis & termini unius, & quæ non derivatur aliunde: estque vel necessitas quæ prædicatum necessario dicitur de subiecto, de qua actum fuit in enunciatione necessaria; vel quæ accidens necessario inest subiecto, de qua actum fuit cap. de proprio.]

[9. Quantum discriminis est inter thema simplex & complexum, tantum differt necessitas thematis simplicis, à necessitate thematis complexi: sed necessitas consequentis est necessitas thematis simplicis, necessitas consequentiae est necessitas the-

matici complexi, & quidem illa quæ non existit in themate complexo, nisi beneficio syllogismi; nam quæ necessitas invenitur in aliqua enunciatione extra syllogismum, uti in hac, *homo est risibilis*, quamvis eadem hæc syllogismo inferri possit, quamdiu tamen non inferitur, necessitas consequentiae in illa esse dici nequit: sed & sunt enunciationes necessariae, quarum necessitas nullo syllogismo inferri potest, ut est hæc, *homo est animal*; atque in hisce nunquam invenitur necessitas consequentiae. Notandum & illud est, necessitatem hypotheticam seu conditionalem; necessitatem consequentis esse absolutam, & quidem internam.]

[10. *Necessitas* vulgo dividitur in internam & externam. Interna est, quæ principium habet in ipsa re necessaria: sic necessarium est hominem esse risibilem, quia risibilitas sui causam habet, qua necessario inest homini in ipso homine, scilicet rationali: & hæc est necessitas consequentis, quæ semper est interna. Necessitas externa est, quæ sui principium habet extra rem necessariam: ita necessarium est lunam pati eclipsin, si terra interponatur inter solem & lunam: hæc est necessitas externa, quia causa ob quam luna necessario eclipsin patitur, est extra lunam; hæc est necessitas consequentiae, quæ semper est externa.]

Quast.

Quæst. II. Quot modis consideratur syllogismus?

Duobus modis: vel enim consideratur absolute de ratione formæ, vel relate ad conditiones materiæ ac varios effectus.

[1. Materia & forma proprie tribuuntur solis corporibus; & quia corpora habent accidentia quibus incurrunt in sensus, eorum materia & forma dicitur sensibilis: sed per analogiam ac similitudinem, materia & forma tribuuntur iis quæ non sunt corpora, neque ulla habeant proprietates quibus in sensus incurrant, & hæc materia & forma dicitur intelligibilis: sic materia artium sunt præcepta, forma est methodus; utraque intelligibilis: talis quoque competit syllogismo.]

[2. Forma] quæ hîc tribuitur syllogismo, & materia, utraque est intelligibilis, quia solo intellectu percipitur; non sensibilis, quia ipse syllogismus est ens rationis, & opus nostri intellectûs: sic & Effectus qui hîc tribuuntur syllogismo, non sunt externi, & incurrentes in sensum, sed interni, & in ipso intellectu existentes, scilicet sunt ista judicia quæ syllogismi relinquunt in intellectu, de conclusione ab eo cognita.]

3. *Conditiones materiæ*] scilicet proximæ, vocantur hîc veritas vel falsitas, necessitas vel contingentia præmissarum.

4. *Effectus* syllogismi sunt judicia de conclusione relicta in mente.

5. Omnis syllogismus, sive

lectus sive auditus, gignit vel assensum, vel dissensum, hoc est, iudicium aliquod de conclusionis veritate vel falsitate in mente vel legentis vel audientis: nam qui syllogismum vel legit vel audit, si in animum ingreditur suum, fieri non potest quin aut conclusioni assentiatur, aut dissentiat, id est, quin iudicet eam esse vel veram, vel falsam. Hæc judicia in mente hominum per syllogismos genita, quia intellectum nostrum disponunt ad cuiusvis generis conclusionibus assentiendum vel dissentiendum, vocantur *dispositiones*, seu *habitus imperfecti*; & cum judicia ista sæpe iterantur atque confirmantur, gignunt *habitus perfectos*: & sic oriuntur in intellectu nostro omnes habitus intellectuales, scientiæ, artes, prudentiæ, quippe quæ nihil sunt aliud, quam collectio multorum iudiciorum de rebus variis per syllogismos in mentem nostram illatorum: ita verbi causa, physica nihil est aliud quam conseruatio iudiciorum de rebus naturalibus, earumque proprietatibus & operationibus, quæ mens humana, præsertim primorum philosophorum, per syllogismos de iis intulit ex præmissis, quarum veritatem in ipsa rerum natura diligenti scrutinio & indagine observavit.

Quæst.

Quæst. III. Prior consideratio quor habet partes?

Tres: velenim agendum est de *genesi* [vel *fabrica*] sive ratione struendi syllogismum, vel de *essentia*, sive ratione inveniendi argumenti, vel de imperfectis speciebus syllogismi.

Quæst. IV. Quanam sunt in *genesi* [fabrica syllogismi] spectanda?

Materia, tum remota tum proxima, & forma.

Materia remota] syllogismi est, inter quam & syllogismum datur alia vicinior; *proxima*, ex qua syllogismus constat immediate: ita immediate constat ex enunciationibus tribus; remote, ex terminis seu thematibus simplicibus tribus, ex quibus enunciationes componuntur. Videantur exempla in textu.

Quæst. V. Quæ est remota materia syllogismi?

Tres termini; minor, major, & medius.

Tres termini] sunt tria themata simplicia, quæ hic vocantur *termini*, quia syllogismus ultimo in eo terminatur. Horum terminorum duo vocantur extremi, scilicet minor & major, qui sunt subiectum & prædicatum conclusionis, qui extra syllogismum, vocari solet quæstio. Tertius terminus extra quæstionem aut conclusionem dicitur medius, quia est quasi arbiter inter duos priores, scilicet extremos.

Quæst. VI. Quis est minor terminus?

Subiectum quæstionis.

1. *Subiectum quæstionis* vocatur *minor terminus*, quia est, aut angustius prædicato, nimirum eum non potest reciprocari, ut, *Logica est ars, Omnis homo sentit*; aut interdum æquale, ut, *Omnis homo est risibilis*; nunquam latius. Quando subiectum, aut est latius, aut esse videtur prædicato, enuntiatio est non naturalis, sive contra naturam.

2. In enunciatione naturali prædicatum semper est, vel latius subiecto; quando non possunt reciprocari, ut, *homo est animal*; vel æquale subiecto, quando possunt reciprocari, ut, *homo est risibilis*; nunquam angustius: si enim fuerit angustius, ut, *animal est homo*, enuntiatio est contra naturam.

Quæst. VII. Quis major?

Prædicatum quæstionis.

1. *Prædicatum quæstionis*] vocatur terminus major, quia est latius subiecto, quando non possunt reciprocari; vel ei æquale, quando

quando possunt reciprocari; nunquam angustius.

3. Terminus major, Aristo-

teli dicitur extremum majus, & minor, extremum minus.

Quæst. VIII. Quis medius?

Argumentum, quod ad probandum quæstionem extrinsecus assumitur.

1. Terminus *medius* dicitur plerumque *medium* simpliciter; vel argumentum tertium, & argumentum simpliciter, quia ar-

guit, id est, probat terminum majorem inesse minori.

2. *Extrinssecus* id est extra conclusionem.

Quæst. IX. Qua est materia proxima?

Tres propositiones, [id est, enunciationes:] quarum prima vocatur major propositio, vel absolute propositio; secunda, minor propositio, vel assumptio; tertia, conclusio.

1. *Propositio major* interdum dicitur *major* simpliciter, & sic vocatur, quia in ea semper est terminus major, seu prædicatum conclusionis: & secunda propositio vocatur *minor*, quia in ea semper est terminus minor, seu subiectum conclusionis, si contra fiat, syllogismus non valet.

2. Terminus major & minor semper sunt in ipsa conclusione, propositio major & minor semper sunt extra conclusionem.

3. Notandum hoc est semel, & tenendum semper, quod terminus major & minor sint themata simplicia, propositio ma-

ior & minor sint themata complexa; quare nunquam debent confundi: præterea terminus major est pars propositionis majoris, terminus minor est pars propositionis minoris: quantum ergo differunt pars & totum, tantum differunt terminus major & minor ab uno latere, & propositio major & minor ab alio latere.

4. Accurate hinc cavendum est, ne terminus major ac minor confundantur cum propositione majore & minore: sic enim confunderentur themata simplicia cum complexis, materia remota syllogismi cum materia proxima.

Quæst. X. Quibus terminis constat major?

Majore & medio.

Quæst. XI. Quibus minor?

Minore & medio.

Quæst.

Quæst. XII. Quibus conclusio?

Minore & majore.

In omni quidem bono ac legitimo syllogismo, istis terminis enunciationes constare debent, & singuli termini bis in unoquoque syllogismo poni debent.

Quæst. XIII. Quid est forma syllogismi?

Est apta trium propositionum dispositio ad conclusionem ex præmissis colligendam.

Quæst. XIV. In quo consistit forma syllogismi?

In figura & modo.

Quæst. XV. Quid est figura?

Figura est legitima dispositio medii cum partibus questionis.

1. *Figura* respicit materiam syllogismi remotam, tres scilicet terminos, puta medium & duos extremos, qui hinc dicuntur partes questionis, quia ex iis conclusio constat: horum trium terminorum combinatio legitima, id est, dispositio secundum leges certas ac regulas facta, vocatur *figura*.

2. Quando tres termini disponuntur quidem, sed non legiti-

me, nec secundum naturæ ordinem, utcumque videatur figura non est tamen.

3. Atque hæc ratio est, cur non debeat admitti figura quarta post tres receptas: nam in illa, alia quidem medii est dispositio cum partibus questionis, quam in tribus receptis; sed nec legitima est, nec naturalis est dispositio: quod in exemplis, si quis illa inspiciat, patebit.

Quæst. XVI. Quid est modus?

Modus est legitima enunciationum secundum quantitatem & qualitatem determinatio.

Modus respicit materiam syllogismi proximam, tres enunciationes, majorem, minorem, & conclusionem; & docet quomodo, & quoad quantitatem,

id est, universalitatem & particularitatem, & singularitatem, & quoad qualitatem, id est, affirmationem & negationem, istæ enunciationes debeant disponi.

Quæst. XVII. Quotuplices sunt modi?

Duplices; alii universales, alii singulares.

Modi singulares vocantur alii proprii; & syllogismi singulares, expositorii.

Quæst.

Quæst. XVIII. Quos vocas universales?

In quibus utraque vel altera propositionum præmissarum est universalis.

Notandum est, quod modi universales alteram saltem propositionum exigant universalem:

nam si utraque sit particularis, syllogismus non erit bonus.

Quæst. XIX. Quos singulares?

In quibus utraque præmissarum est singularis.

1. Modi singulares non sunt contenti altera præmissarum singulari, sed utramque talem possulant: non autem debent confundi præmissæ singulares cum particularibus, non magis quam

enunciationes singulares & particulares.

2. Præmissæ hæc, vocantur communi nomine major & minor propositio, quia conclusioni præmittuntur.

CAPUT VII.

Quæst. I. Quot sunt figura?

TRes.

1. Syllogismi in tribus hisce figuris vocantur simplices & categorici, ut discernantur ab hypotheticis & compositis.

2. Syllogismi harum figurarum dicuntur categorici, quia in singulis enunciationibus ho-

rum syllogismorum prædicatum & subiectum de se invicem enunciantur simpliciter, absque vel modis vel conjunctionibus vel ullis similibus additamentis; & proprie opponuntur syllogismis hypotheticis.

Quæst. II. Quæ est prima figura?

In qua argumentum majori termino subjicitur, & de minore prædicatur.

In figura prima, propositio major constat ex termino medio ut subiecto, termino majore ut prædicato; propositio minor ex

termino minore ut subiecto, & medio ut prædicato; conclusio ex minore ut subiecto, & majore ut prædicato.

Quæst. III. Quæ secunda?

In qua argumentum de utroque termino prædicatur.

Secun-

Secunda figuræ propositio major habet pro subiecto terminum majorem, & pro prædicato medium; propositio minor habet pro subiecto terminum mino-

rem, & pro prædicato terminum medium; conclusio, pro prædicato majorem terminum, & pro subiecto minorem.

Quæst. IV. *Quæ tertia?*

In qua argumentum utrique termino subjicitur.

In tertia figura terminus medius est subiectum utriusque præmissæ, & majoris & minoris, & terminus major prædicatum propositionis majoris, terminus mi-

nor prædicatum propositionis minoris; terminus minor est subiectum conclusionis, & major ejusdem prædicatum.

Quæst. V. *Quot sunt modi universales in prima figura?*

Quatuor; *Barbara, Celarent, Darii, Ferio.*

Quæst. VI. *Quot in secunda?*

Item quatuor; *Cesare, Camestres, Festino, Baroco.*

Quæst. VII. *Quot in tertia?*

Sex; *Darapti, Felapton, Disamis, Darisi, Bocardo, Ferison.*

Quæst. VIII. *Quid sibi volunt vocales harum vocum.*

Indicant quantitatem & qualitatem propositionum quibus præfiguntur, idque hoc modo;

Afferit A, [id est, affirmat] negat E, verum generaliter [id est, universaliter] amba;

Afferit I, negat O, sed particulariter amba.

1. Sensus horum versiculorum est, quod enunciatio, cui præfigitur *A*, debeat esse & universalis & affirmans; cui præfigitur *E*, debeat esse universalis negans; cui præfigitur vocalis *I*,

debeat esse affirmans & particularis; cui præfigitur vocalis *O*, debeat esse particularis negans.

2. Fabrica syllogismi cujusunque sequentibus innititur regulis.

Da exempla in singulis modis: ac primum primæ figuræ.

B A R-

Omne animal sentit:

B A-

Omnis homo est animal:

R A.

Ergo omnis homo sentit.

[1. Ex

[1. Ex tribus terminis sumi possunt sex conclusiones; nam tres isti termini, singuli cum singulis, sexies possunt combinari: non tamen semper strictæ conclusiones rite recteque inferri possunt per syllogismum: ideoque si una ex sex conclusionibus non potest probari syllogismo legitimo, recurrendum est ad conclusionem aliam ex illis sex, donec habeatur illa conclusio, quæ syllogismo legitimo inferri ac probari potest.]

2. Ut ex tribus terminis simplicibus commode fiat syllogismus.

3. I. Termini duo ex illis assumi debent pro conclusione, ubi ex duobus terminis conclusio fuerit facta, tertius sumendus est pro medio.

4. II. Tum videndum est, quo modo terminus tertius sese habeat ad terminum majorem, an possint de se invicem affirmari, an negari; & cum alterutrum fieri debeat videndum est an universaliter, an particulariter debeant de se invicem vel affirmari vel negari: deinde, idem terminus medius debet conferri eodem modo cum termino minore.

5. III. Quod si terminus medius, vel cum majore vel cum minore debeat disponi particulariter aut negare, nunquam potest conclusio accipi aut universalis aut affirmans; quia, cum altera præmissarum est vel par-

ticularis vel negans, etiam conclusio debet esse talis: ideoque tali casu, conclusio universalis aut affirmans si fuerit assumpta, debet mutari in particularem aut negantem, quia conclusio sequitur partem debiliorem.

6. IV. Ubi conclusio accepta fuerit, qualiscunque tandem sit, videndum est in quibus modis & figuris possit concludi; nam una conclusio in pluribus figuris & modis concludi potest quam alia: quippe universalis affirmans conclusio tantum concluditur in prima figura, in *Barbara*; universalis negans in prima & secunda figura, scilicet in *Celarent*, *Cesare*, *Camestres*; particularis affirmans in prima & tertia figura, in *Darii*, *Darapti*, *Disamis*, *Datissi*; particularis negans in prima, secunda, & tertia figura, in *Ferio*, *Festino*, *Baroco*, *Felapton*, *Bocardo*, *Ferison*.

7. In exemplo hoc primo terminus minor est *homo*, terminus major *sentit*, medius *animal*: terminus major, *sentit*, ponitur in majore propositione; terminus minor, *homo*, ponitur in propositione minore; terminus medius, *animal*, extra conclusionem manet. Vocalis *A*, singulis propositionibus præmissa, significat eas omnes esse universales affirmantes. In exemplis reliquis, ipse logicæ studiosus quærat terminum minorem, majorem, & medium.

- CE- Nullum animal est lapis :
 LA- Omnis homo est animal :
 RENT Ergo nullus homo est lapis.
 DA- Omnis color est visibilis :
 RI- Aliqua qualitas est color :
 I. Ergo aliqua qualitas est visibilis.
 FE- Nullum vitium est positum in medio :
 RI- Aliquis habitus est vitium :
 O. Ergo aliquis habitus non est positus in medio.
 Da exempla secundæ figuræ.
 CES Nullus dives est egenus :
 A- Omnis avarus est egenus :
 RE. Ergo nullus avarus est dives.
 CA- Omne animal est mortale :
 ME S- Nullus angelus est mortalis :
 TRES. Ergo nullus angelus est animal.

In exemplo hoc secundo, terminus minor est *angelus*, major animal, medius *mortale* : major cum medio, est in propositione maiore ; minor cum medio, est in propositione minore : vocalis *A* præfixa majori, significat eam esse universalem affirmantem ;

E præfixa minori & conclusio- ni, significat utramque esse universalem negantem. Cætera exempla diligentæ studiosi Logicæ expendenda relinquuntur

- FES- Nullum animal est planta :
 TI- Quoddam vivens est planta :
 NO. Ergo quoddam vivens non est animal.
 BA- Omnis homo est animal :
 RO- Quoddam vivens non est animal :
 CO. Ergo quoddam vivens non est homo.
 Da exempla tertiæ figuræ.
 DA- Omnis virtus est ardua :
 RA- Omnis virtus est honesta :
 PTI. Ergo aliquid honestum est arduum.
 FE- Nullus lapis vivit :
 LA- Omnis lapis descendit naturaliter :
 PTON. Ergo aliquid quod naturaliter descendit, non vivit :

- DIS- *Aliquis homo furit :*
 A- *Omnis homo est animal rationale :*
 MIS. *Ergo, aliquod animal rationale furit.*
 DA- *Omnis avarus eget:*
 TIS- *Quidam avarus est locuples :*
 I. *Ergo, quidam locuples eget.*

In exemplo hoc quarto terminus minor est *locuples*, estque in propositione minore; terminus major est *eget*, estque in propositione majore; terminus medius est *avarus*, qui subjicitur & in majore & in minore. A significat majorem esse & universalem & affirmantem: I significat & minorem & conclusionem esse particulares affirmantes. Studiosorum diligentia exempla expendat cætera.

- BO- *Aliquid corpus non est corruptibile :*
 CAR- *Omne corpus est compositum :*
 DO- *Ergo, aliquod compositum non est corruptibile.*
 FE- *Nulla virtus adfert miseriam :*
 RIS- *Quædam virtus est molesta :*
 ON. *Ergo, quoddam molestum non adfert miseriam.*

Da etiam exempla modorum singularium in unaquaque figura.

Syllogismi singulares vulgo nus medius semper est res singularis, quæ omnis semper in sensu expostio sensilis; quia terminus incurrit.

In prima figura.

Messias debuit crucifigi :
Jesus est Messias :
Ergo Jesus debuit crucifigi.

In secunda figura.

Præceptor Alexandri fuit Stagirita :
Plato non fuit Stagirita :
Ergo, Plato non fuit præceptor Alexandri.

In tertia figura.

Judas fuit impius.
Judas fuit Apostolus :
Ergo, quidam Apostolus fuit impius.

Sufficit

Sufficit in exemplis modorum si sint singulares, ut in exemplo singularium, si minor & conclusio 1, & 2.

CAPUT VIII.

Quæst. I. Quibus fundamentis nititur necessitas consecutionis in syllogismis universalibus?

Syllogismi affirmantes nituntur regula de omni; negantes regula de nullo.

erfa-
gnifi-
onem
ntes.
mpla

Quia necessitas quædā est, quæ ex præmissis necessario sequitur conclusio, sic ut qui præmissas concesserit, non possit non concedere conclusionē, quando syllogismus est bonus; ideo operæ pretium est, istam necessitatem consequentiæ in syllogismo recte cognoscere.

Quæst. II. Quid est regula de omni?

Quicquid de aliquo universaliter affirmatur, id affirmatur etiam de iis quæ sub illo continentur. Exempli gratia, de omni homine affirmatur animal: sub homine continetur Petrus, Paulus, &c. ergo de his quoque affirmatur animal.

Qui concedit, omnem hominem esse animal, quæ est major; ac concedit. Petrum, Paulum esse homines, quæ est minor, is necessario, velit nolit, debet concedere hanc conclusionem, Ergo, Petrus, Paulus, &c. sunt animalia.

Quæst. III. Quæ est regula de nullo?

Quicquid de aliquo omni [universaliter] negatur universaliter, id negatur etiam de omnibus iis quæ sub illo continentur. Exempli gratia, lapis negatur de omni animali: sub animali continetur homo, equus, leo, &c. ergo de his quoque negatur lapis.

Qui concedit hanc majorem, nullum animal est lapis, & concedit hanc minorem, homo, equus, leo, &c. sunt animalia, is cogitur necessario etiam concedere hanc conclusionem, Ergo nullus homo, equus, leo, &c. est lapis.

Quæst. IV. Quo fundamento nituntur syllogismi singulares?
Regula proportionis.

Quæst. V. Quæ est regula proportionis?

Quæcumque in uno tertio singulari [et incommunicabili] conveniunt, ea quoque inter se conveniunt. Exempli gratia, Davidi

convenit fuisse prophetam, & fuisse homicidam: hinc sequitur, aliquem Prophetam fuisse homicidam; aut, aliquem homicidam fuisse Prophetam. Vel sic; *Quorum duorum unum alicui tertio singulari & incommunicabili convenit, alterum non convenit, ea quoque inter se non conveniunt.* Exempli gratia, Aristoteli convenit fuisse Philosophum, non convenit fuisse Atheniensem: hinc sequitur, aliquem Philosophum non fuisse Atheniensem; aut, aliquem non Atheniensem fuisse Philosophum.

1. Hæc regula vera est si illud tertium singulare fuerit incommunicabile; at, si fuerit communicabile, fallit: sic, qui concesserit hanc propositionem, *David fuit Propheta*, atq; insuper hanc, *David fuit homicida*: is necessario debet concedere tertiam, *aliquis homicida fuit propheta*.

[2. In hoc syllogismo, *Essentia divina est Pater: Essentia divina est filius: Ergo filius est pater*, vitium est, quod terminus medius, scil. essentia divina, sit quidem tertium singulare, sed non incommunicabile; nam communicatur, aut potius communis est tribus personis.]

Quæst. VI. *An omnes syllogismi dictis fundamentis conformes sunt?*

Omnino. Qui enim ab hisce fundamentis dissent iunt, non syllogismi, sed paralogismi sunt.

Paralogismi] vocantur syllogismi vitiosi & fallaces.

Quæst. VII. *Unde cognoscis discrimen syllogismorum & paralogismorum?*

Ex quibusdam legibus, quarum alie communes sunt omnibus figuris, alie singulis peculiare.

Quæst. VIII. *Quanam sunt leges communes?*

I In syllogismo non debent esse plures termini, nec pauciores, tribus.

1. Non plures, quia medium qua medium ad duo refertur, idcoque, cum duobus tantum extremis disponi potest.

2. Nec pauciores, quia nulla foret connexio: extremi enim termini per se disponi nequeunt; nisi enim jungatur tertio,

non aliter disponuntur in præmissis quam in conclusione; et conclusio est diversum quid à præmissis.

3. Vitium, quod in hanc committitur legem, vel apertum est, vel occultum. Apertum est, cum plures termini sub pluri-

pluribus proponuntur vocibus. Occultum est, cum quatuor termini latent in tribus vocibus: quod fit, cum aliquis terminorum trium, vel major, vel minor, vel medius proponitur voce homonyma seu ambigua, id est, voce una quæ plures habeat significationes, & modo in una, modo in altera sumitur significatione in eodem syllogismo; quod quidem vitium committitur sæpissime in omni disciplina inter disputandum, ideoque dignissimum est observatu.

4. Interdum non videntur esse plures termini quam tres, quia tantum unusquisque terminorum trium una voce proponitur: sed revera tamen sunt quatuor termini, quia aliquis

trium terminorum exprimitur voce ambigua, quæ, cum duas habeat significationes, materialiter una est formaliter duplex. Materialiter sumitur vox, cum spectatur secundum literas & syllabas: formaliter sumitur vox, cum spectatur secundum significationem; significatio enim forma vocis est: cum ergo gemina unius vocis est significatio, formam quasi duplicem habet; unde una vox ambigua censetur, constituitque duos terminos. Tali modi peccatur adversus hanc legem in hoc syllogismo:

Omnis canis est latrabilis.

Aliquod sidus est canis.

Ergo aliquod sidus est latrabile.

II. Non debet esse plus aut minus in conclusione, quam fuit in præmissis.

1. Quia conclusio est effectum præmissarum; ideo tantundem debet esse in conclusione quam fuit in præmissis, quia tantum est in effecto quantum fuit in causis, in hanc legem peccatur tali syl-

logismo; *Nullum immateriale est corruptibile. Omnis angelus est immaterialis. Ergo nullus angelus est corruptibilis aut mortalis.*

III. Medium non debet ingredi conclusionem, neque totum, neque ex parte: [quia sic medium ter ponetur in syllogismo; ac omnis terminus bis tantum debet collocari in uno syllogismo.]

1. Ratio est, quia medium non est id quod, sed quo concluditur: quemadmodum ulna non est quod, sed quo mensuramus.

2. *Ex parte*] Dicitur terminus medius habere partes, quando non una voce, sed integra oratione absolvitur.

3. In hanc legem peccatur hoc syllogismo; *Omne animal est substantia. Omnis homo est animal. Ergo omne animal est substantia.*

4. Quia unusquisque terminorum, tum major, tum minor, tum medius, non nisi bis, ac necessario bis debet

poni, & terminus major ac minor ingrediuntur conclusionem, fieri nequit ut in syllogismo bono medium ingrediatur conclusio-

nem; sic scilicet medius terminus in syllogismo invenitur ter, & unus reliquorum tantum semel.

IV. Extrema ita collocanda sunt in conclusione, ut erant sita in præmissis.

1. Per extrema] intelliguntur hic terminus major & minor, qui hic ita debent poni in conclusione, ut erant in præmissis positi: hoc est, quia terminus major, ut latior termino minore, fuit in præmissis positus in majore propositione, & minor terminus, ut angustior, fuit positus in minore propositione; debet

quoque terminus major, ut latior, esse prædicatum conclusionis, & terminus minor, ut angustior, esse subiectum conclusionis.

2. In hanc legem peccatur tali syllogismo; *Omne mixtum est corpus. Omne vivens est mixtum. Ergo, omne corpus est vivens.*

V. Ex duabus negantibus [præmissis] nihil concluditur.

1. Non est syllogismus ex duabus negantibus præmissis, quando particula *non* est pars termini medii: ut, verbi causa, *Quicquid non vivit, id est, est non vivens, non est planta. Metallum non vivit, id est, est vivens. Ergo, Metallum non est planta.* Hoc enim notandum est, cum particula negandi *non* ponitur ante aliquod verbum, ut, *lapis*

non sentit, posse fieri talis enunciationis resolutionem dupliciter: nimirum, vel ut particula *non* ponatur ante copulam, ut si dicam, *lapis non est sentiens*; vel ut ponatur post copulam, ante prædicatum, ut si dicam, *lapis est non sentiens*. Posteriori modo si fiat resolutio, enuntiatio est affirmans, non negans.

VI. Non etiam ex duabus particularibus præmissis; sed bene ex duabus singularibus præmissis.

1. Utraque hæc lex facile cognoscitur ex modis, qui ostendunt, si inspiciantur, majorem & minorem nunquam simul esse particulares, nunquam simul negantes.

est calidum. Aliquid corpus est frigidum. Ergo, aliquod frigidum est calidum.

2. In legem sextam peccatur tali syllogismo; *Aliquod corpus*

3. In legem quintam peccatur tali syllogismo; *Nullum brutum est rationale. Nullus homo est brutum. Ergo, nullus homo est rationalis.*

VII. Conclusio sequitur partem debiliorem: hoc est, si altera præmissarum negata est, conclusio quoque debet esse negans, & si altera præmissarum est particularis, conclusio quoque est particularis.

1. Negans propositio censetur debiliior affirmante, & particularis universali.

2. In hanc legem sic peccatur; *Omne animal est sensibile. Ali-* *quod vivens est animal. Ergo, omne vivens est sensibile.* Et tali syllogismo; *Nullum brutum est homo, Omnis canis est brutum, Ergo, omnis canis est homo.*

Quæst. XI. *Quæ sunt leges speciales?*

I. Major primæ figuræ debet esse universalis, & minor affirmans.

II. Major secundæ figuræ debet esse universalis, & altera præmissarum negans.

III. Minor tertiæ figuræ debet esse affirmans, & conclusio particularis.

1. *Leges speciales* quam optime facillimeque intelliguntur ex modis uniuscujusque figuræ.

2. Contra primam partem legis primæ specialis, peccatur tali syllogismo; *Aliquod corporeum est lapis. Omnis homo est corporeus. Ergo, omnis homo est lapis.*

3. Contra secundam partem, peccatur hoc syllogismo; *Omnis homo est animal. Nullus equus est homo. Ergo, nullus equus est animal.*

4. In secundæ legis partem primam impingit hic syllogismus; *Aliqua substantia non est animal. Omnis homo est animal. Ergo, aliquis homo non est substantia.*

5. In secundam partem legis specialis secundæ peccat hic syllogismus; *Omnis homo est animal. Omne brutum est animal. Ergo, omne brutum est homo.*

6. Adversus legis specialis tertiæ partem primam peccat hic syllogismus; *Omnis homo est animal. Aliquis homo non est doctus. Ergo, aliquod doctum non est animal.*

7. In secundam partem ejusdem legis impingit hic syllogismus; *Omnis homo est risibilis. Omnis homo est animal. Ergo, omne animal est risibile.*

8. Ad harum legum normam omnis syllogismi sunt componendi & exigendi.

CAPUT IX

Quæst. I. *An syllogismi omnium figurarum sunt æque perfecti?*

Minime: syllogismi primæ figuræ cæteris perfectiores sunt.

1. Duplex est perfectio syllogismorum; una quæ respicit formam sive evidentiam illationis, quæ hic respicitur; alia est syllogismorum perfectio & imperfectio respectu materiæ: quo sensu enthymema dicitur syllogismus imperfectus, quia non omnes tres habet propositiones. Hic prior respicitur perfectio, quæ est ratione illationis ac formæ.

2. Illatio dicitur forma syl-

logismi, quia sine illa syllogismus ne syllogismus quidem fuerit, quemadmodum sine forma res non est id quod est: sed tres termini aut etiam tres enunciationes sunt materia syllogismi, aut potius partes ejus integrantes, quia etiam si aliquid de ista materia desit, puta vel terminus aliquis, vel enunciatio aliqua, adhuc tamen syllogismus fuerit; quod liquet in enthymemate.

Quæst. II. *Quas ob causas?*

Prima, quia in ea concludi possunt omnia genera problematum, affirmantia, negantia, universalialia & particularia: cum in secunda figura tantum negantia concludi possint, & in tertia tantum particularia. Deinde, quia in prima figura apparet necessitas sequelæ syllogisticæ, & regula de omni & de nullo, quæ in cæteris figuris non ita liquido conspiciuntur.

1. Ex modis singularum figurarum sciri potest, quot cujusvis generis problemata, id est, quæstiones ac conclusiones, inferri possunt in figura prima, non item in 2, aut 3.

2. *Necessitas sequelæ* seu consequentiæ evidentior est in figura prima quam in cæteris duabus, quia syllogismi figuræ primæ propius accedunt ad naturalem discursum quam syllogismi secundæ aut tertiæ figuræ; ideoque, regulæ de omni & de nullo, quæ sunt naturalis illationis

fundamenta, magis quoque conspiciuntur in syllogismis primæ quam secundæ aut tertiæ figuræ: hinc est, quod idiotæ, & homines illiterati ac rudes Logicæ, quando syllogismos quosdam proferunt per naturalem Logicam, eos semper proferant in figura prima, non item secunda aut tertia: atque in eo consistit perfectio primæ figuræ præ 2. & 3. quod illa magis sit conformis naturali discursui quam hæ.

[3. Logica vulgo dividitur in

in naturalem & artificialem. Quæ divisio, nec generis est in species; nam species debent convenire in communi genere categorico, at Logica naturalis & artificialis sic non conveniunt; sunt quidem ambæ qualitates, sed cum prior sit potentia naturalis, posterior habitus, non possunt esse species ejusdem generis proximi categorici: nec est divisio integri in membra; quippe membra cōeunt in unum totum, Logica

naturalis & artificialis non item: quin ne rei quidem divisio est, sed vocis tantum distinctio; nam aliter sumitur hæc vox Logica quando significat ipsam naturalem potentiam ratiocinandi, quæ omnibus hominibus cognoscitur, unde hæc Logica naturalis dicitur; & aliter accipitur, cum significat habitum acquisitum ad facile ratiocinandum, & hæc vocatur Logica artificialis, atque ea fuit in initio definita.]

Quæst. III. *Cur ergo non semper adhibentur syllogismi primæ figuræ?*

Quia, licet hi syllogismi cæteris meliores sint evidentia sequelæ, conditio tamen materiæ, sæpe ratiocinantem trahit ad secundam aut ad tertiam figuram.

1. *Conditio materiæ*] intelligitur quantitas & qualitas enunciationum, ac præsertim conclusionis: ita conclusiones particulares negantes, multo sæpe facilius & naturalius probantur in secunda aut tertia figura quam in prima.

2. Aliquid necessarium est duobus modis: vel simpliciter, & ad id esse, vel secundum quid, & ad bene esse. Syllogismi secundæ & tertiæ figuræ, non sunt

necessarii simpliciter, & ad esse Logicæ; attamen necessarii sunt secundum quid, & ad bene esse Logicæ: nam multi syllogismi citius, facilius, & naturalius quoque inferunt in figura secunda aut tertia, quam in prima; uti sunt, in quibus conclusio est particularis negans; ratio vero ejus est, quia plures sunt modi in secunda ac tertia figura, quibus talis conclusio inferri potest.

CAPUT X.

Quæst. I. *Satis dictum est de genesi, siue ratione struendi syllogismos: qua in re consistit compositio, siue ratio inveniendi medii?*

UT medium idoneum eligatur ad conclusionem in qualibet figura & modo colligendam. Id vero quomodo fieri debeat, ex Institutionibus petendum est.

1. *Ratio inveniendi medii plana* & facilis hæc sola est, ut subje-

ctum & prædicatum quæstionis deducantur per omnes affectio-

nes

nes logicas & notiones secundas; generis, speciei, differentiz, &c. quod ut commodè fiat, subiectum & prædicatum referri debent ad suam singulæ categoriam, non enim melius patebit, quodnam vel subiecti vel prædicati sit genus, quæ species, differentiz, &c. ac tum dispiciatur, quænam affectionum logicarum cum subiecto aut prædicato consentiant, quænam dissentiant: quæ consentiunt cum utroque aut alterutro debent disponi cum iis affirmando. quæ dissentiant, negando. Præstant vero semper termini mediæ ab affectionibus logicis desumpti ex parte prædicati, quam qui desumuntur ex parte subiecti, quia quæstio non instituitur de subiecto, sed de prædicato. Pro exemplo sit quæstio, *An logica sit ars.*

2. Ut inveniam terminos medios quamplurimos, circumduco *Logicam & artem* per omnes notiones secundas, & possum argumentari, à genere, specie, differentia, proprio, accidente, partibus, causis, effectis, adjunctis, oppositis, &c. vel *logicæ*, vel *artis* affectionibus, primo libro traditis: hinc vero tum iudicium adhibendum est in iis terminis mediis ex tanta copia seligendis, qui maximam habent vim concludendi. *Opp sita, diversa, impropria, dissimilia*, disponuntur negando; reliqua vero argumenta vere affirmando. Meliora autem erunt argumenta ex parte prædicati *artis*, quam ex parte subiecti *Logicæ*. Atque hinc egregius est campus ingenii sui exercendi, in quo diligenter sese occupent tyrones.

CAPUT XI.

Quæst. I. Pergamus ergo ad tertium membrum nostri instituti. Quot sunt species imperfecti syllogismi?

Septem præcipue: inductio, enthymema, exemplum, syllogismus hypotheticus, syllogismus disjunctivus, dilemma, & sorites.

Hic intelligitur imperfectio propositionum: quando scilicet aliquid hic deest ex alterutra materia, vocatur syllogismus imperfectus.

Quæst. II. Quid est inductio?

Inductio est argumentatio, in qua ex individuis colligitur species, aut ex speciebus genus, aut ex partibus totum.

1. *Inductio* est valde idonea ad declarandum sive explicandum, & ad constituenda præcepta, sive principia disciplinarum: hoc modo, verbi causa, medici suæ disciplinæ regulas construxerunt, rhabarbarum Platoni, Socrati Petro, Paulo, aliisque individuis,

viduis, purgavit bilem, ergo rhabbarum habet vim purgandi bilem. Vocatur *Inductio* hoc argumentandi genus, quia animus ex singularibus inducitur, & quasi introducitur in cognitionem universalium.

2. *Inductio*, exigui aut fere nullum habet usum in disputando atq; opponendo; quia, cum procedat ab universalibus ad singularia, non potest conclusio universalis bene inferri, nisi adferantur omnia singularia; at hec

difficilimum est. Verum ad aliqujus rei illustrationem & ulteriorem deductionem, maximi usus est inductio sed præsertim utilis est ad inveniendas & conformandas disciplinas; cum enim præcepta earum debeant esse universalia, & universalia non habeant veritatem nisi in singularibus, non potest præceptorum veritas aliunde melius demonstrari, quam in med. um prolatis singularibus, in quorum veritate fundatur veritas universalium.

Quæst. III. *Illustra singulos modos singulis exemplis.*

Ex individuis species colligitur hoc modo; *Abel, Enoch, Noach, Abraham, Isaac, Jacob, Joseph, Moses, Gedeon, Samson, Samuel, David, aliique multi non aliter placuerunt Deo, quàm per fidem: ergo, sine fide impossibile est Deo placere.* Ex speciebus colligitur genus hoc modo; *Milites, mercatores, agricola, opifices, homines eruditi non sunt sua sorte contenti: ergo, nullum genus hominum sua sorte contentum est.* Ex partibus colligitur totum hoc modo; *Libri Moysi, Prophetarum, Evangelistarum & Apostolorum sunt divinae auctoritatis, ergo, tota S. Scriptura est divinae auctoritatis.*

Quæst. IV. *An in inductione omnia individua, species, aut partes, enumerandæ sunt?*

Aut enumerandæ sunt, aut utendum hac aut simili formula, *Nec potest dari dissimile exemplum.*

Quæst. V. *Quomodo invertitur inductio?*

Cum dissimile cæteris exemplum, exhibetur: vulgo *instantia* dicitur.

Ut, verbi causa, manus, pes, am caput; falsa est inductio, brachium, & quælibet pars male propter exemplum dissimile. affecta, est amputanda, ergo eti.

Quæst. VI. *Quid est enthymema?*

Enthymema est syllogismus altera propositione truncatus;

tus; ut, *Avarus eget; ergo avarus non est dives. Qui non peccat non est autor peccati; ergo Deus non est autor peccati.*

Enthymema] dicitur quia altera propositio relinquitur cogitanda *et rō Dupl.*: itaque hinc una ex præmissis deest vel major, vel minor. Ex propositionibus

quæ in enthymemate sunt, prior vocatur *antecedens*, posterior *consequens*. Ad enthymema respondetur hac formula, *negatur antecedens, & negatur consequens.*

Quæst. VII. Unde cognoscitur utra duarum propositionum desit?

Ex conclusione five consequente. Si enim in antecedente exprimitur [vel subintelligitur] subjectum consequentis, deest major, ut fit in primo exemplo: si in antecedente exprimitur [vel subintelligitur] prædicatum consequentis, deest minor, ut fit in altero exemplo.

1. Exemplum prioris est, *Homo est animal; ergo, homo sentit*: exemplum posterioris est, *Animal sentit; ergo, homo sentit*. Ex utroque exemplo videre est rem ipsam.

2. Quando subjectum utrobique est idem, deest major, ut in priori exemplo, quod sic in syllogismo perfecto sese habet; *Omne animal sentit. Omnis homo est animal. Ergo omnis homo sentit.*

Quando prædicatum utrobique est idem, deest minor, ut in secundo exemplo, quod in syllogismo perfecto ita sese habet; *Omne animal sentit. Omnis homo est animal. Ergo omnis homo sentit.*

3. Si in antecedente nec idem subjectum nec idem prædicatum exprimitur consequentis, deest major, sed fit syllogismus perfectus in 3. figura, aut etiam in 1. figura.

Hæc sunt enthymemata.

1. *Nix est corpus.*
Aliquod corpus est frigidum.
2. *Nix est frigida.*
Aliquod frigidum est corpus.

In 1. figura.

1. *Omnis nix est frigida.*
Aliquod corpus est nix.
2. *Aliquod corpus est frigidum.*

2. *Omnis nix est corpus.*
Aliquid frigidum est nix.
E. Aliquid frigidum est corpus.
In 3. figura.

1. *Omnis nix est frigida.*
Omnis nix est corpus.
E. Aliquid corpus est frigidum.
2. *Omnis nix est corpus.*
Omnis nix est frigida.
E. Aliquod frigidum est corpus.

Quæst. V. Quomodo perficiuntur ejusmodi enthymemata?

Addita propositione quæ desideratur.

1. Facile est propositionem illos terminos esse sumendos addere quæ deest, si advertatur, ad propositionem supplendam, qui

qui singuli tantum semel occurrunt in antecedente & consequente, omisso communi utriusque vel subiecto vel prædicato: sic in exemplis statim positis, prius enthymema sic suppletur; *Omne animal sentit. Omnis homo est animal. Ergo omnis homo sentit*, atque eodem modo suppletur posterius.

[1. Hoc enthymema, *Omnis albor est color. Ergo quædam qualitas est albor*, verum est enthymema, quia omnis color est qualitas; sed non potest reduci ad categoricum, nisi conclusione mutata aut minore: si neutra mutetur, erit vel minor negans in fig. 1. vel particularis major in 2. fig.

Quæst. IX. *Quid si neque subiectum neque prædicatum consequentis sit in antecedente?*

Tunc deest major: eaque addita, fit syllogismus hypotheticus. Sit enthymema, *Virtus est optanda, ergo vitium est vitandum*: adjiciatur hæc major hypothetica, *Si virtus est optanda, ergo vitium est vitandum*; & erit plenus syllogismus hypotheticus.

[1. Fieri potest, ut in enthymemate neq; idem sit subiectum neque idem prædicatum consequentis quod fuit in antecedente, & tamen reducatur ad categoricum, non hypotheticum: ut in hoc exemplo, *metallum est substantia, ergo, quædam substantia non est planta*, abjiciatur substantia, fiatque major ex terminis reliquis hoc modo, *nullum*

metallum est planta, omne metallum est substantia, ergo, quædam substantia non est planta, & est syllogismus 4. figuræ in *felapton*; vel sic, *nulla planta est metallum, quædam substantia est metallum, ergo, quædam substantia non est planta*, in 2. fig. in *festino*.]

2. Quid sit syllogismus hypotheticus, cap. sequenti explicabitur.

Quæst. X. *Quid est exemplum?*

Exemplum est inductio imperfecta, in qua ex uno singulari colligitur universale, ut ex eo aliud singulare sequatur: ut, *Bellum Syllæ & Marii fuit reipublicæ perniciosum*; ergo *bella civilia sunt reipublicæ perniciosa*; ac proinde etiam *bellum Cæsaris & Pompeii*.

[*Exemplum*] non est efficax argumentandi ratio: unde Rhetoribus magis quam Philosophis in usu est; & qui syllogismos non

capiunt, exemplis facile capiuntur. Modus argumentandi in exemplo facile intelligitur ex ejus definitione.

CAPUT XII.

Quæst. I. Quid est syllogismus hypotheticus?

Cujus major est hypothetica: ut, *Si Deus est, mundus regitur providentia: Atqui Deus est: Ergo, mundus regitur providentia.*

[1. Syllogismus hypotheticus hic dicitur, cujus major est hypothetica: non quasi minor nunquam sit aut esse possit hypothetica, nam sæpe talis est; sed tamen talis syllogismus non consuevit dici hypotheticus. Interim hoc observandum est quan-

do major est hypothetica & non minor, conclusio est categorica; sed si minor est hypothetica, conclusio quoque est talis.]

2. Major dicitur hypothetica quæ constat conjunctione conditionali sive connexiva si,

Quæst. II. Annon etiam minor potest esse hypothetica?

Ita: sed hoc fit, cum ipsa quæstio est hypothetica, [quales syllogismi categoricis æquipollent.]

Syllogismi categorici dicuntur syllogismi primæ, secundæ vel tertiæ figuræ; & sic vocantur, quia eorum propositiones nullum habent *subalternationem*, seu vocem syncategorematicam, conjunctionem

si, &, aut, &c. sed prædictum in iis de subiecto simpliciter *κατηγορημα* seu prædicatur, absque additamento, quando disponuntur subiectu & prædictu enunciatione simplici & pura,

Quæst. III. Unde dignoscitur sintne syllogismi hypothetici boni, an vitiosi?

Ex hac regula: Ex syllogismis hypotheticis ii boni sunt, qui procedunt à positione antecedentis ad positionem consequentis, vel à remotione consequentis ad remotionem antecedentis; ut *si homo est animal, sentit: Atqui homo est animal: Ergo, homo sentit.* Vel sic, *Si lapides vivunt, nutriuntur: Atqui lapides non nutriuntur: Ergo, lapides non vivunt.* Qui procedunt à remotione antecedentis ad remotionem consequentis, vel à positione consequentis ad positionem antecedentis, vitiosi sunt; ut, *Si planta est animal, vivit: Atqui planta non est animal: ergo, planta non vivit.* Vel sic, *Si planta est animal, planta vivit: Atqui planta vivit: Ergo, planta est animal.*

1. Hic accuratissime teneri remove. Nam ponere non est debet quid sit ponere, & quid simpliciter affirmare, nec remove

si Anguis nullas pedes habet non fit quadrupes
At nullo. Ergo

vere simpliciter negare, in quo multi errant: sed ponere est affirmare antecedens quod fuit affirmatum, & negare antecedens quod fuit negatum, sic, ut, etiam is ponat qui negat, modo id ante fuerit negatum; & *removere* est affirmare consequens negatum, vel negare consequens affirmatum, sic, ut is etiam removeat qui affirmat, modo id ante fuerit negatum. Verbi causa, *Si planta non est animal, non sentit; Sed non est animal: Ergo, non sentit;* est syllogismus procedens à positione antecedentis ad positionem consequentis, & tamen procedit negando: sic, *Si homo non est animal, non sentit: Atqui homo sentit: Ergo, homo est animal;* est syllogismus procedens à remotione consequentis ad remotionem antecedentis, & tamen procedit affirmando.

[2. Quamvis in metaphysicis ens positivum idem sit quod affirmatum, prout opponitur enti negativo, quemadmodum visus est ens positivum, cæcitas ens negativum; hic tamen ponere non significat simpliciter affirmare; nam hoc loco, etiam qui negat ponit, nempe si negat quod ante fuit negatum: sic quamvis abstractio remotionis sit idem quod abstractio negationis seu complexa; hic tamen *removere* non est simpliciter negare; nam etiam hoc loco qui affirmat, removet, modo affirmer id quod ante fuit negatum.]

3. In disputationibus hic utimur

compendio, & dicimus; *Sed verum est prius, sive antecedens. Ergo & posterius sive consequens, vel, Falsum est posterius; sive consequens, Ergo & prius, sive antecedens.*

[4. In syllogismo hypothetico qui procedit à positione antecedentis ad positionem consequentis, partes majoris propositionis, cum sumuntur categorice, id est, absque si semper sunt veræ: in syllogismo hypothetico qui procedit à remotione consequentis ad remotionem antecedentis, partes majoris propositionis, si sumantur categorice absque si, semper sunt falsæ. Quando terminus medius cum altera parte quæstionis, vel subjecto vel prædicato pugnat, id est, cum negatur, syllogismus hypotheticus procedit à remotione consequentis ad remotionem antecedentis: quando vero cum utraque parte conclusionis consentit, id est, cum affirmatur, procedit à positione antecedentis ad positionem consequentis.]

[5. Ex iisdem terminis non potest fieri syllogismus hypotheticus, à positione antecedentis ad positionem consequentis, & à remotione consequentis ad remotionem antecedentis: quia in priori debent ambæ præmissæ esse affirmatæ, vel ambæ negatæ, in posteriori debet altera propositionum esse affirmata, altera negata; at non possunt ex iisdem terminis fieri simul propositiones affirmatæ & negatæ.

Si Homo est Animal sentit, Atqui — Ergo.

Si planta non est Animal non sentit At Ergo.

Si Homo non est Animal non sentit. At sentit.

*Si Deus Ceph. fuerit virtuosus Honorabitur a bonis & sapientibus
tunc: At enim Honoratur illis Ergo.*

Quæ

Quæst. IV. *Quomodo revocantur syllogismi hypothetici ad categoricas?*

Syllogismi hypothetici, in quibus idem est subjectum antecedentis & consequentis, [sive expressum, sive subintellectum,] fiunt categorici, abjecta conditione [seu conjunctione] *si*, & communi antecedentis & consequentis subjecto. Uti, *Si ego sum pius, ego sum beatus: Atqui sum pius: Ergo ego sum beatus.* Categorice sic argumentabor; *Omnis pius est beatus; Ego sum pius; Ergo.*

1. In exemplo hoc authoris, subjectum antecedentis in consequente est expressum: sed interdum in consequente, minore, & conclusione subintelligitur; ut in hoc exemplo, *Si homo est animal sentit: Sed est animal: Ergo sentit.*

2. Syllogismi, qui procedunt à positione antecedentis ad positionem consequentis, concluduntur in figura prima; ut in exemplo autoris, quæst. 3. *Animal sentit: Homo est animal: Ergo homo sentit.*

3. Qui vero procedunt à remotione consequentis ad remotionem antecedentis, revocantur ad figuram secundam, quia minor est negans, ut in exemplo autoris, quæst. 3. *Quid vivit, nutritur: Lapides non nutriuntur: Ergo non vivunt.*

[4. Non videtur hoc esse universaliter verum, quod syllogismi hypothetici procedentes à positione antecedentis ad positionem consequentis, reducuntur semper ad figuram primam: nam dari potest exemplum, ubi minor sit negans, quo casu non potest ulla fieri reductio syllogismi hypothe-

tici ad figuram primam. Ut, verbi causa, *Si planta non est animal, non sentit: atqui planta non est animal: Ergo non sentit.* Abjiciatur *si*, & commune antecedentis ac consequentis planta, fiatque syllogismus categoricus; talis; *animal sentit: planta non est animal: ergo planta non sentit*: hic minor est negans, & in prima figura, & consequenter vitiosus syllogismus. Hic nihil aliud responderi potest quam reductionem talis syllogismi non esse debito ac legitimo modo institutam; nam sic videtur reduci debere: *non animal non est sentiens: planta est non animal: ergo planta est non sentiens*; & tum minor est affirmans, sed prædicatum per particulam non est infinitum, quod non impedit quo minus enunciatio maneat affirmans.]

[5. Syllogismi hypothetici omnem vim concludendi emendant à categoricis, atque eorum vi concluduntur, & in illis quidem figuris ad quas reduci valent: ideoque, syllogismi hypothetici procedentes à positione antecedentis ad positionem

con-

II.

m
b-
eu
n-
u
a-

t,
a-
14
t,
n-
u-
i-
u-
a
s,
c-
s.
-
is
c
n
n
a
n
c
r
-
-

i
-
-
s
i
-
A



consequentis, concludunt vi syllogismorum categoricorum in figura prima, quia ad eam reducuntur; & qui procedunt à remotione consequentis ad remotionem antecedentis, concludunt vi syllogismorum secundæ figuræ, quia ad eam reducuntur: neque reduci possunt ad primam & tertiam, quia neutra istarum figurarum admittit minorem negantem, qualis est hic.

[5. Syllogismi hypothetici vim concludendi habent à categoricis, quando ad eos reduci valent, sed non omnes reduci possunt; quales sunt illi, in quibus conclusio est particularis negans: Verbi causa, *Si aliquod animal non est rationale, brutum non est rationale: sed verum prius: ergo & posterius*; hic syllogismus hypotheticus, nullo modo ad categoricum figuræ primæ reduci potest.]

Quæst. V. *Quid si non subjectum, sed prædicatum antecedentis & consequentis idem sit?*

Major hypothetica convertenda est in relativam. Exempli gratia, sit syllogismus hypotheticus, *Si Abraham justificatus est ex fide, nos quoque ex fide justificabimur: Atqui Abraham, &c. fiatque hujus syllogismi major relativa, erit syllogismus categoricus, hoc modo; Quo modo Abraham justificatus est, eodem modo nos justificabimur: Atqui Abraham, &c.*

[1. Non est verum, quod si idem sit prædicatum antecedentis & consequentis, debeat major hypothetica converti in relativam: nam hic syllogismus hypotheticus, *Si qualitas est accidens, albor est accidens; sed verum prius; ergo & posterius*, converti potest in hunc categoricum, *Omnis qualitas est accidens. Omnis albor est qualitas. Ergo, omnis albor est accidens.*]

2. Quid sit enunciatio relativa, vide quætionem ultimam c. 27. lib. I.

3. Quod dicit auctor, quando non subjectum antecedentis & consequentis, sed prædicatum utriusque est idem, majorem hypotheticam, esse convertendam in relativam, non semper est verum; nam converti potest talis syllogismus in categoricum secundæ figuræ: ut in hoc exemplo; *Si omne corpus est lapis, aer est lapis: Sed aer non est lapis: Ergo, non omne corpus est lapis*: sic convertitur, *Nullus lapis est aer: Quoddam corpus est aer: Ergo quoddam corpus non est lapis.*

Quæst. VI. *Quid si neque subjectum neque prædicatum antecedentis & consequentis idem sit?*

Syllogismus hypotheticus nunquam poterit fieri categoricus

goricus. Exempli gratia, hic syllogismus, *Si ex lege justitia, Christus frustra mortuus est: Sed ex lege justitia: Ergo, &c. fieri non potest categoricus.*

Ratio est, quia forent quatuor termini, quod est contra leges syllogismi categorici.

Quæst. VII. Quid est syllogismus disjunctivus?

Cujus major est propositio disjunctiva.

Major disjunctiva est quæ habet conjunctionem disjunctivam, aut, sive, seu, &c.

Quæst. VIII. Quotuplex est?

Duplex; bimembris, vel plurium membrorum.

Vis syllogismi disjunctivi bimembris consistit in immediata membri utriusque oppositione; vel, si plura sint membra, in omnium membrorum plena enumeratione: quod si vel membra

duo non sint immediate opposita, sed admittant medium participationis, vel si non enumerentur membra omnia, syllogismus disjunctivus non valebit.

Quæst. IX. Quomodo formatur bimembris?

Vel à positione alterutrius membri proceditur ad ever-
sionem alterius, vel ab ever-
sione alterutrius ad positionem alterius: ut, *Aut dies est, aut nox; sed dies est, ergo non est nox: vel, sed nox est; ergo non est dies: vel, sed non est dies; ergo nox: vel, sed non est nox; ergo dies.*

Quæst. X. Quomodo formatur syllogismus disjunctivus plurium membrorum?

Cæteris membris sublatis, quod reliquum est, concluditur; ut, *Aut ver est, aut æstas, aut autumnus, aut hyems: Sed neque ver est, neque æstas, neque hyems; Ergo est autumnus.*

Quæst. XI. Quid si ambobus, vel omnibus membris sublatis tollitur totum?

Est syllogismus ab enumeratione partium; ut, *Qui injuriam facit, id facit aut furto, aut adulterio, aut contumelia, aut alio aliquo modo: Atqui nemo sua furatur, nemo seipsum adulteratur, nemo seipsum afficit contumeliâ: Ergo, nemo sibi facit injuriam.*

CAPUT XIII, & XIV.

Quæst. I. Quid est dilemma?

Dilemma est argumentatio duorum membrorum, quorum utrumque adjunctum habet incommodum; ut, *Si ducenda est uxor, aut pulchra ducenda est, aut deformis: si pulchram ducis, erit sollicitudini; si deformem, erit fastidio.*

Dilemma] vocari solet aliis *sylogismus cornutus*, quia duobus quasi cornibus ferit: dicitur à *δύο* & *καμάνω*, quia utrovis modo quis dilemma capiat, ipse capitur, propter incommodum utrique membro adjunctum; & est efficax argumentandi genus,

quando bonum est. Tum bonum est, 1. quando omnia membra disjuncta plene enumerantur; 2. quando sine medio opponuntur; 3. quando incommodum ita grave est, ut non possit retorqueri.

Quæst. II. Quot modis est dilemma infirmum?

Duobus modis; nempe si membra non sint immediate opposita, aut si non satis gravi incommodo urgentur. Utroque modo infirmum est dilemma propositum. Nam inter pulchritudinem & extremam deformitatem medium aliquod interpositum est; & non necesse est, ut aut pulchritudo sollicitudinem marito, aut deformitas fastidium pariat.

Est etiam infirmum dilemma, quando in adversarium retorqueri potest.

Quæst. III. Quid est sorites?

Sorites est argumentatio constans multis propositionibus ita collatis, ut prædicatum propositionis præcedentis fiat subjectum sequentis, indeque prædicatum ultimum de primo subjecto concludatur: ut, *Quos Deus præcognovit, eos prædestinavit; quos prædestinavit, vocavit; quos vocavit, justificavit; quos justificavit, glorificavit: hinc collige, Ergo quos præcognovit glorificavit.*

1. *Sorites* dicitur à *σωρὴς* *acervus*; est enim tantum cumulus multarum enunciationum, quæ à se invicem dependent.

rite, quod termini debeant esse affirmati, non negati, & subordinati sibi invicem per se, non per accidens; subordinatione aut prædicamentali, quæ species

[2. Hoc notandum est in so-

cies generibus, individua speciebus; aut causali, quæ causæ proximæ, remotis per se subordinantur: alioquin non valebit sorites.]

3. Subordinatio prædicamentalis est in terminis soritæ, cum in eodem prædicamento sub se invicem ponuntur in gradibus superioribus & inferioribus. Exempli gratia, homo est animal, animal est vivens, vivens est mixtum, mixtum est corpus, corpus est substantia; ergo homo est substantia. Subordinatio causalis est in terminis soritæ, cum disponuntur causæ superiores & inferiores, quarum hæ ab illis dependent per se, hoc est, quatenus causant, & causant effectum tale, tali modo, loco, tempore, & sub talibus circumstan-

tiis singularibus. Exempli gratia, ingluvies parit cruditatem in ventriculo, hæc parit cruditatem sanguinis, hæc atrophiam, hæc hydropem, aut phthisin, hæc mortem; ergo ingluvies parit mortem. Si vero termini in sorite sint causæ subordinatæ per accidens, sorites non valet; ut in hoc, Qui bene bibit, bene dormit, qui bene dormit, non peccat, qui non peccat, est beatus; ergo, qui bene bibit est beatus; vitium est, quod bene bibere sit causa per accidens somni.

4. Tot vero sunt syllogismi in sorite, quot termini inter subiectum enunciationis primæ & prædicatum ultimæ fuerunt interjecti: sic in exemplo authoris sunt tres pleni syllogismi.

CAPUT XV.

Quæst. I. Atque hætenus de syllogismo absolute ac ratione formæ considerato. Quomodo dividitur syllogismus ratione materiæ?

IN syllogismum dialecticum, apodicticum sive demonstrativum, & sophisticum sive fallacem.

1. *Syllogismus* dicitur hic spectari ratione materiæ, quatenus spectantur ejus hic propositiones, sintne veræ, an falsæ; si veræ, an sint necessariae, an contingentes: pro diversis enim conditionibus propositionum, syllogismus, diversos quoque producit effectus in intellectu humano, cujus est opus. Producit syllogismus in mente nostra judicium aliquod, sive assensum de conclusione: si pro-

positiones syllogismi sunt falsæ, producant assensum falsum, & judicium erroneum, sive errorem; vocaturque talis syllogismus sophisticus: si vero propositiones syllogismi sint veræ ac necessariae, ita ut causa necessitatis, sit in rebus ipsis, producant assensum verum, & judicium certum; & talis syllogismus, vocatur apodicticus: si autem propositiones sint veræ, sed contingentes, producant assen-

assensum & iudicium quidem verum, sed incertum atque infirmum, qui, vel opinio dicitur, vel fides humana; & talis syllogismus vocatur dialecticus: si propositiones sint veræ & necessariæ, sic, ut causa necessitatis aut necessariæ potius veritatis sit infallibilitas dicentis, puta Dei, producunt assensum seu iudicium verum, certum, firmum, quod vocatur fides divina, quia assentitur Dei testimonio. Qui syllogismus gignit opinionem, fidem humanam, vel dubium, aut alium quemlibet assensum, præter scientiam & errorem, dicitur dialecticus.

[2. Per alium quemlibet assensum, genitum syllogismo dia-

lectico, qui tamen non sit opinio, nec fides humana, nec assensus dubius, intelligitur hoc loco fides divina, id est, ille assensus qui adhibetur conclusioni in syllogismo; propter terminum medium desumptum à testimonio Dei aut Prophetarum, Evangelistarum, & Apostolorum, Spiritu sancto actorum: nam & talis syllogismus est dialecticus, utpote in quo adhibetur pro termino medio æque argumentum inartificiale, petitum ab autoritate sive divina sive humana, atque adhibetur argumentum artificiale desumptum à ratione, quemadmodum, id videre est capite sequenti.]

Quæst. III. Quid est syllogismus dialecticus?

Syllogismus dialecticus est syllogismus generans opinionem, aut alium quemlibet assensum præter scientiam.

1. *Syllogismus dialecticus*, alio nomine dicitur topicus, latine probabilis aut contingens.

2. Syllogismus hic dicitur dialecticus, propter usum, quia maxime inservit discursibus communiter inter homines in conversatione institui solitis; rarius enim ab iis adhibentur syllogismi apodictici: dicitur & topicus, à *τόπος* sive locis inveniendi argumenta, seu terminos medios, qui loci hîc longe sunt plures quam in syllogismo apodictico aut sophistico. Cum dicitur probabilis aut contingens, sic dicitur vel ratione conclusionis, quæ plerumque talis est, non tamen semper; vel ratione præmissarum, quarum

vel utraque, vel altera saltem probabilis est, aut contingens.

3. *Opinionem aut, &c.*] *Opinio* est assensus qui conclusioni præbetur, verus quidem, sed dubius, pendulus, infirmus, & incertus: præter quem datur assensus non tantum verus, sed & certus atque firmus, scilicet fides divina, qua assentimur Deo testanti in verbo suo, cuius tamen certitudo ac firmitas non provenit à termino medio, quia est causa proxima; talis enim assensus verus, firmus, ac certus, vocatur scientia, quæ est effectum syllogismi apodictici: assensus qui præbetur conclusioni ob testimonium divinum, est assensus verus, certus, ac firmus,

mus non tamen est scientia neque enim gignitur à syllogismo apodictico, sed dialectico; ideoque, effectum hujus syllogismi partim est assensus verus infirmus, qui dicitur opinio vel fides humana, partim assensus verus firmus, qui dicitur fides divina.

[4. Doctrina de assensu qui ab intellectu hominis præbetur conclusioni alicui termini medii, eam in aliquo syllogismo inferentis, meretur bene percipi, quia fundamentum est omnium habituum intellectualium, qui non aliter gignuntur, quam per assensus varios in unum quasi acervum accumulatos. Potest autem omnis assensus per divisionem bimbrem dividi in verum & falsum: verus in infirmum & firmum: infirmus in opinionem & fidem humanam; firmus in inevidentem, quæ dicitur fides divina, & evidentem, quæ dicitur scientia. Assensus falsus, vulgo error, producit syllogismo sophistico; assensus verus, firmus, evidens, vulgo scientia, producit syllogismo apodictico: reliqui vero assensus veri, sive firmi fuerint sive infirmi, producantur syllogismo dialectico. Una hæc superest difficultas circa fidem divinam, quomodo dicatur illa assensus inevidens, siquidem multa credimus quæ quoque scimus aut videmus: sic ipse Servator noster dicit Thomæ. Luc. 24. *tu credis quia vides.* Ad quam difficultatem hæc responderi debet, aut non esse idem objectum fidei, & scien-

tia aut sensum, & Thomam aliud vidisse & tetigisse aliud credidisse; aut si fides divina & scientia circa idem occupentur objectum, ut, si quis sciat mundum esse creatum per rationem aliquam philosophicam, & idem credat propter autoritatem verbi divini, in quo id est revelatum, diversa tamen ratio est, qua cognoscit homo mundum esse conditum, cum illud apodictice scit, & cum idem credit propter testimonium Dei sic in verbo suo testantis: nempe in priori cognitione videt ac cognoscit ipsam causam sui assensus rei demonstratæ insitam; in posteriori cognitione tantum cognoscit mundum esse conditum, nulla percepta causa sui assensus quæ in ipsa resit, sed tantum quia Deus testatur.

[5. Assensus verus, est vel incertus & infirmus, vel certus & firmus. Prior, est vel opinio, vel fides humana, qua quis assentitur conclusioni alicui ob testimonium hominis; qui cum fallere possit & falli, non potest assensus esse firmus, præbitus ob testimonium ejus conclusioni: Posterior, est vel evidens, vel inevidens: evidens dicitur cum quis assentitur conclusioni sic, ut ejus causam videat & vocatur scientia; ut, cum quis assentitur huic conclusioni, Homo est risibilis, quia novit eum esse rationalem, rationalitas enim in homine est causa risibilitatis: inevidens est, cum quis assentitur conclusioni, & ejus causam non videat, & vocatur fides

fides divina, ut, cum quis assentitur huic conclusioni, Eadem numero corpora resurgent, aut, Dantur tres personæ in essentia divina, quia Deus sic testatur in verbo suo. Assensus hic est verus, & certus, & firmus, quia Deus nec fallere potest, nec falli; sed est inevidens, quia qui assentitur hisce conclusionibus (b testimonium Dei, non videt cau-

sam aliquam in Deo, cur sint tres personæ in essentia divina, aut in corporibus, cur eadem numero sint resurrectione. Atque ideo elegantissime definitur fides divina ab Apostolo, *confitens illi quod non visum est*, id est, assensus firmus & subsistens, eorum quæ non videntur, id est, inevidens, hoc est, quæ non sciuntur per causam proximam.]

Quæst. III. Quenam spectanda sunt in syllogismo dialectico?

Quæstiones sive problemata, propositiones, & inventio argumentorum.

Conclusio sive quæstio in syllogismo *topico*, speciali nomine vocatur *problema*, quia in utramque fere partem disputari potest.

Quæst. IV. Quales debent esse quæstiones sive problemata dialectica?

[Vera: sed] nihil refert, sive probabilia sive paradoxa, sive necessaria sive contingentia sint; modo pietati, bonis moribus, aut sensui communi non adversentur. Neque enim disputandum est, *an Deus sit colendus, an parendum sit Magistratui*; quia illud pietati, hoc bonis moribus contrarium est: neque, *an nix sit alba*, quia illud cum sensu pugnat.

1. Cum hic argumenta dialectica dividuntur in artificialia & inartificialia, male hæc divisio applicatur terminis mediis syllogismi tantum topici, cum & in syllogismo apodictico termini medi, causa efficiens proxima, & finis proximus, & effectum proximum, & causa remota, sint argumenta artificialia, & conclusio syllogismi apodictici probari quoque possit argumento inartificiali, æque ac syllogismus dialecticus.]

2. Problemata in syllogismo topico debent esse vera, quia falsa sunt syllogismi sophistici conclusiones.

[3. Nullius artis est invenire terminum aliquem medium inartificiale desumptum à testimonio Dei; ex Bibliis assumatur tantum aliquis locus biblicus tale testimonium continens: sed, ubi jam fuerit inventum, vel maximæ artis est illud sic disponere, ut fortiter arguat, id est, presse atque argenter vel veritatem

adstruat, vel falsitatem destruat. Ita quoque nullius artis est ex corpore juris civilis proferre aliquam legem, vel probantem vel refutantem; sed ex lege inventa argumentari, & sic disponere testimonium juriscons. in lege allatum, ut thesin propositam acriter vel probeat vel refutet, hoc opus, hic labor est, & maximæ artis ac summi iudicii. Utrumque hoc à theologia & juris studiosis maximæ negligitur; qui tamen maxime ab argumento inartificiali, testimonio vel Dei in verbo suo, vel jurisconsulti in corpore juris, in argumentando solent procedere: alter enim sine scripturis, alter sine lege loqui erubescit. In philosophia & medicina magis proceditur argumentis artificialibus desumptis à ratione.]

4. *Paradoxa*] dicuntur *problemata* quæ sunt vera præter opi-

nionem vulgi: ut, cum proponitur quæstio, an terra moveatur; quod, si verum est, verum est præter opinionem vulgi, ideoque paradoxum: ubi vulgus non tantum significat plebem illitratam, sed & communem multitudinem literatorum, principis antiquis ac non bene examinatis inhærentium.

5. *Necessaria*] *problemata* sunt, quæ fide divina aut testimonio Dei probantur. *Contingentia* aut *probabilia* dicuntur *problemata*, modo una præmissarum sit contingens aut probabilis.

6. Syllogismus topicus dicitur *contingens* & *probabilis*, non semper à conclusione, quæ interdum est necessaria, sed à præmissis vel ambabus, vel una saltem, aut à medio potius, quod probabiliter ac contingenter coheret cum partibus quæstionis.

Quæst. V. *Quotuplicia sunt problemata?*

Duplicia; alia realia, alia notionalia.

Quæst. VI. *Quæ vocas realia?*

In quibus attributum est vera res; ut, *An Logica sit ars; An justificemur operibus?*

Attributum] idem est hîc quod prædicatum.

Quæst. VII. *Quæ notionalia?*

In quibus attributum est notio aliqua aut terminus artis; ut, *An ars sit genus Logica; An opera sint causa justificationis nostræ coram Deo?*

1. *Notio aliqua*] scilicet secunda, non prima: nam notio prima, veram aliquam rem designat, & affectionem philosophicam; sed notio secunda sig-

nificat affectionem logicam, & ens rationis, seu, ut hîc loquitur author, *terminum artis*, quales libro primo tradidit à cap. 10. ad 24.

oni-
ur ;
est
que
tan-
era-
i-
piis
atis

unr,
nio
aut
ata,
con-

itur
em-
dum
illis
aut
ili-
cum

fit

ar-
iff-

&
ui-
ua-
io,

er-

2. *Terminus artis*] dicitur a-
liis *τεχνολόγημα*, id est, vocabu-
lum unicuique arti proprium: sic
metonymia & synecdoche sunt
τεχνολόγημα rhetorica; me-
ridianus, horizon, zodiacus,
sunt *τεχνολόγημα* astronomi-
ca; genus, species, &c. sunt

τεχνολόγημα logica.

3. Talia problemata notiona-
lia, frequentissime occurrunt in-
ter disputandum in philosophia,
medicina, theologia, jurispru-
dentia, & in omni facultate ac
disciplina: quod exempla satis
quotidie docent.

Quæst. VIII. *Quomodo dividuntur problemata realia?*

In absoluta, & comparata.

Quæst. IX. *Quæ vocas absoluta?*

In quibus quæritur, an attributum [reale] subjecto
conveniat, necne; ut, *Angloria sit in bonis numeranda?*

Exemplum problematis absoluti ex ethicis, est hoc; *an virtus mo-
ralis sit habitus?*

Quæst. X. *Quæ comparata?*

In quibus, propositis duobus pluribusve subjectis, quæ-
ritur, utri magis, vel cui maxime conveniat attributum
reale: vel in quibus, propositis duobus pluribusve prædi-
catis, quæritur, utrum magis, vel quodnam maxime sub-
jecto insit: ut, *Sitne virtus, an gloria magis in bonis nume-
randa? Fueritne Alexander fortior, an temperantior?*

1. Exemplum problematis com-
parati, est hoc; *utrum virtus
moralis sit habitus nobilior quam
intellectualis?*

2. Quando hic fit mentio plu-
rium subjectorum, intellige sub-
jecta prædicationis, non vero in-
hæſionis.

Quæst. XI. *Quales debent esse propositiones dialecticæ?*

Propositiones dialecticæ debent esse [semper veræ, in-
terdum] certæ: aut saltem probabiles; non paradoxæ.

Per propositiones *dialecticæ*, interdum contingentes, sem-
per intellige præmissas syllogismi per tamen veræ.
topici; quæ interdum sunt cer-

Quæst. XII. *Quid est probabile?*

Quod videtur omnibus, vel plerisque, vel sapientibus;
atque iis vel omnibus, vel plerisque, vel nobilissimis ac
celeberrimis.

Ex

Ex hac quæstione liquet esse pientibus omnibus, 4. sapientibus quinque gradus probabilitatis: bus plerisque, 5. sapientibus celeberrimis, illud est probabile quod viderur
1. omnibus, 2. plerisque, 3. sa-

Quæst. XIII. Quid est paradoxum?

Quod verum est præter opinionem vulgi; [ut, solem esse majorem terra, aut, antipodes dari.]

CAPUT XVI.

Quæst. I. Quanam requiruntur ad inventionem argumentorum dialecticorum?

Locus & regula.

1. Per argumenta dialectica hic intelliguntur termini medii in syllogismo topico.

2. Ut quis feliciter syllogismos conficiat dialecticos, ad duo attendendum est: 1. ut terminum medium inveniat; 2. ut inventum cum partibus quæstionis disponat cum judicio. Argumentum invenire, ingenii est; disponere, judicii: in utroque intellectus juvatur in invenien-

do per locos, in disponendo per regulas: quæ regulæ in singulis locis sunt variz; loci vero ad argumentorum inventionem facientes tot sunt, quot sunt classes affectionum logicarum seu notionum secundarum lib. 1. explicatarum: sic locus est generis, speciei, causæ, subiecti, &c. sed quot sint regulæ in unoquoque loco, certo assignari nequit.

Quæst. II. Quid est locus?

Locus est sedes & nota quædam communis, cujus admonitu invenitur argumentum.

[Locus] nihil est aliud quam designatio terminorum logicorum, ex quibus medium hujus syllogismi petitur.

Quæst. III. Quid est regula five canon?

Canon est propositio continens rationem consequentiæ syllogismi dialectici.

Regula five canon aliis dicitur maxima, aliis axioma; estque enunciatio desumpta ex loco aliquo, qua innititur syllogismi in concludendo vis: itaque locus facit ad medii inventionem, re-

gula ad inventi medii cum judicio dispositionem; nam, an affirmative, an negare disponendum sit inventum jam argumentum, docet canon.

Quæst.

Quæst. IV. *Quomodo dividuntur argumenta dialectica?*

In artificialia, & inartificialia, sive testimonia.

1. *Argumenta artificialia* sunt, quæ per artem, scilicet logicam, inveniuntur: *inartificialia*, quæ sine ulla arte tantum assumuntur, prout nobis occurrunt, qualia sunt testimonia; hæc enim, prout inciderint, accipiuntur: quæ licet sine arte inveniuntur, non tamen sine arte disponuntur; sed in iis disponendis maximo opus est iudicio.

2. *Argumentum artificiale* dicitur insitum: *inartificiale* assumptum: ratio est, quia argumentum artificiale inest vel subiecto vel prædicato conclusionis, sed inartificiale extrinsecus extra

subiectum aut prædicatum assumitur. Verbi causa, cum quis probat, Deum resuscitaturum nostra corpora eadem, quia est omnipotens; omnipotentia est argumentum artificiale atque insitum, desumptum a loco proprii, est enim proprietas subiecti, scilicet Dei, atque inest Deo: sed si quis eandem entinctionem probet hoc medio, quia Deus sic testatur in verbo suo, argumentum est inartificiale, quod extra tum subiectum tum prædicatum conclusionis, ex verbo Dei, tanquam testimonium ejus, assumitur.

Quæst. V. *Unde petuntur argumenta artificialia ad confirmanda aut refellenda problemata notionalia?*

Ex definitione aut proprietate notionis sive affectionis: de qua in problemate quæritur. Sic probes, *Aerem non esse genus venti: quia aer non prædicatur de vento in questione qua quæritur quid sit.*

Intellige hic *notionem* secundam, sive affectionem logicam; non vero primam, sive affectio-

nem philosophicam, aut realem, quæ rebus convenit citra & præter mentis operationem.

Quæst. VI. *Unde petuntur argumenta artificialia ad confirmanda aut refellenda problemata realia?*

Ex affectionibus subiecti aut prædicati. Ea enim sunt horum argumentorum loci.

Affectio es subiecti aut prædicati] intelliguntur logicæ, quæ lib. I. cap. 10. & sequentibus sunt traditæ: debet enim subje-

ctum & prædicatum per illas notiones secundas circumduci, quemadmodum cap. 10. hujus lib. monuimus.

Quæst.

Quæst. VII. Quomodo dividuntur argumenta artificialia problematum realium?

In absoluta & comparata.

1. *Argumenta absoluta*] dicuntur, quæ conveniunt quæstioni sine ulla comparatione cum aliquo tertio : comparata vero, quæ conveniunt quæstioni, sed factâ eorundem comparatione cum tertio.

2. *Argumenti absoluti exem-*

plum est, *Alexander fuit fortis, quia multa præclare gessit* ; hic præclare gesta arguunt absolute fortitudinem in Alexandro : sed cum probo Alexandrum fuisse fortiozem Achille, quia plura gesserit præclare quam Achilles, est argumentum comparatum.

Quæst. VIII. Quomodo dividuntur absoluta?

In consentanea, & dissentanea.

Argumenta consentanea disponuntur semper affirmando ; *dissentanea* negando.

Quæst. IX. Quænam dicuntur argumenta consentanea?

Quæ cum [utraq;ue vel] aliqua parte quæstionis consentiunt.

Per aliquam partem quæstionis intellige vel subiectum vel prædicatum conclusionis.

[Quæst. X. Quænam dicuntur argumenta dissentanea?

Quæ ab alterutra parte quæstionis dissentiunt ; nam si dissentanea dissenferint ab utraque parte quæstionis, syllogismus constabit ex puris negantibus, & non valebit.

Quæst. XI. Quotuplicia sunt ea [consentanea?]

Duplicia ; vel enim à nomine sumuntur, vel à re ipsa.

Duo sunt quæ cognosci ab homine possunt ac solent ; 1. res ipsæ quæ cognoscuntur, 2. nomina & voces quibus cognoscun-

tur : ideoque duo sunt argumentorum genera, alia desumpta à rebus ipsis, alia à vocibus seu nominibus.

Quæst. XII. Quot sunt loci argumentorum [consentaneorum] quæ sumuntur à nomine?

Duo : etymologia sive notatio, & conjugata.

De etymologia & conjugatis vid. cap. 25. l. 1.

Quæst.

Quæst. XIII. *Quot sunt loci argumentorum [consentaneorum] quæ sumuntur à re ipsa?*

Novem : definitio, genus, species, totum, pars, causa, causatum, subiectum, & adjunctum.

1. De loco definitionis, vid. cap. 1, 2, 3, 4. lib. 2.
2. De loco generis & speciei, vid. cap. 11. lib. 1.
3. De toto & parte, causa & causato, subiecto & adjuncto, vid. c. 14. lib. 1. usque ad 19. inclusivè.

Quæst. XIV. *Quot sunt loci argumentorum dissentaneorum?*

Quinque ; disparata, contraria, relative opposita, privative opposita, & contradicentia.

De locis argumentorum dissentaneorum, vid. cap. 22. lib. 1.

Quæst. XV. *Quot sunt loci argumentorum comparatorum?*

Quinq; etiam ; majus, minus, par, simile, & dissimile.

De locis argumentorum comparatorum, vid. c. 20. lib. 1.

Quæst. XVI. *Quotuplicia sunt testimonia?*

Duplicia ; alia divina sunt, alia humana.

1. *Testimonia divina* sunt quæ proficiunt à Deo, sive sint revelationes divinæ, quæ prophetis aliisque olim fuerunt factæ, sive sint ejus oracula verbo suo expressa & relicta : humana sunt, quæ proficiunt ab homine verbi causa, Cicerone, Aristotele &c. ac merentur tantum fidei quanta est integritas & veracitas testantis.

2. *Testimonia divina* sunt infallibilia, quia Deus nec fallere potest nec falli : at humana sunt

fallibilia, quia homo & fallere potest & falli, & fallit & fallitur, nisi homo affletur inspiratione Spiritus S. quemadmodum factum fuit prophetis, Evangelistis, Apostolis, aliisque viris Dei, qui ducti fuerunt Spiritu infallibilitatis, erant enim Θεοπρόενοι, ideoque eorū testimonium non pro humano, sed pro divino habetur. Ad testimonia humana refer authoritates philosophorum, leges jurisconsultorum, testimonia historicorum, &c.

CAPUT XVII, & XVIII.

Quæst. I. *Ostende aliquot exemplis, quomodo ex his locis argumenta peti debeant ad confirmanda aut refellenda problemata realia.*

Cum sic argumentor, *Non est de meo tuum, ergo non est mutuum*, argumentum petiturum est ab etymologia; *Homo sum, humani nihil à me alienum puto*, à conjugatis; *Homo debuit contemplari cœlestia, ergo debuit creari erecto corpore*, à fine; *Fugit, ergo est in culpa*, à signo. *Iustus servat leges, ergo injustus transgreditur leges*, à contrariis; *Deus dat vitam hominibus, ergo dabit vitulum*, à majori. Canones ad unumquemque locum pertinentes peti debent ex institutionibus plenioribus.

Hiscæ duobus capitibus tantum exempla quædam proponuntur, quibus modus petendi argumenta ostenditur in syllogismo topico: hoc est vero uniuscujusque officium, advertere ex quo loco,

sive à qua notione secunda, hoc aut illud argumentum tertium sit desumptum. Et hiscæ exemplis plura addere, aut ex majori Logica vel aliunde petere, unicuique est facile.

CAPUT XIX.

Quæst. I. *Hæc sunt exempla problematum absolutorum: declarata porro, quomodo confirmantur aut refelluntur problemata comparata?*

Argumenta ad confirmanda aut refellenda problemata comparata, petuntur ex iisdem locis, canonibus absolutis (quatenus illud fieri potest,) in comparatos commutatis: exempli gratia, sicuti probari potest, *Deum esse bonum, quia ejus opera sunt bona*, ducto argumento ab effectis; ita quoque concludi potest, *Deum infinitis modis meliorem esse creaturis, quia illius opera infinitis modis meliora sunt quam opera creaturarum*. Quia autem canones absoluti non semper possunt mutari in comparatos, necesse est, singulis locis adjungi canones peculiare, quibus comparata problemata probanda sint: sed hi etiam ex Institutionibus plenioribus petendi sunt.

I. Quem

1. Quemadmodum canon est absolutus, Cui unum convenit conjugatorum, ei & alterum, ut, *Cæsar consulit reipublicæ*, ergo vere est consul: ita comparate potest institui hic canon, Cui unum comparatorum magis convenit, ei & magis convenit alterum, ut; *Cæsar magis consulit reipublicæ quam Pompejus*, ergo & magis

fuit consul quam Pompejus.

2. Sic canon est absolutus, Cui convenit finis, ei conveniunt & media; Cui convenit definitio, ei & definitum: uterque mutari potest in canonem comparatum hoc modo, Cui definitio magis convenit, ei & definitum magis convenit; Cui magis convenit finis, ei & magis conveniunt media.

CAPUT XX.

Quæst. I. Cum ergo satis dictum sit de syllogismo dialectico, pergamus ad demonstrationem. Quid est demonstratio?

Demonstratio est syllogismus scientiam pariens, [id est, efficiens.]

1. Syllogismus apodicticus, latine dicitur demonstrativus, & simpliciter demonstratio.

[2. Scientiam] Scientiam inter dum sumitur 1. latissime, pro quolibet assensu vero qui opponitur errori, quocunque demum modo is assensus acquiratur, sive sit firmus sive infirmus: sic scientia etiam opinionem includit, & omnem assensum verum præter errorem.

[3. 2. Strictus, pro assensu vero, sed firmo atque infallibili: sic opinionem excludit & fidem humanam; sed comprehendit nihilominus & fidem divinam, qua credimus Deo testanti; & cognitionem sensuum, scilicet cum sensus non errant, qua scimus parietem esse album, quia videmus; & cognitionem primorum principiorum, quæ sine probatione cognoscuntur, & ex sola vocabulorum intellectione intelliguntur: ita scimus, to-

tum esse majus sua parte.

[4. 3. Strictissime, pro assensu conclusionum quæ probantur per causam vel effectum: sic fidem divinam, cognitionem sensuum, & scientiam principiorum excludit: & tali sensu sumitur in definitione demonstrationis, estque effectum, scilicet intelligibile, syllogismi apodictici.]

[5. Scientia latissime sumpta opponitur errori & significat iudicium verum, sive sit necessarium, quod non potest esse falsum; sive sit contingens, quod potest esse falsum; sive illud accipiatursensu, sive inductione, sive testimonio divino, sive humano, sive aliquo termino medio, desumpta ab aliqua affectione Logica quæ vere concludit. Strictius sumpta scientia significat iudicium verum, non contingens, cui falsum subesse possit, sed necessarium, cui falsum

sum subesse non potest : & hoc comparatur vel sensu , quando versatur circa objectum proprium , & organum ac medium bene sunt disposita , & objectum est debite approximatum , ut sensus non erret ; vel testimonio divino , quod erroris omnis & falsitatis est expers ; vel inductione , quo modo comparatur iudicium verum , firmum ac necessarium , circa prima principia ; vel medio termino desumpto à causa vel effecto , vel simili affectione Logica , quæ concludit vere ac necessario . Str. & sime sumpta scientia est iudicium verum , certum , necessarium , sed cuius necessitas non derivatur à testimonio divino , nec à certitudine sensuum , nec comparatur inductione , sed deducitur à solo loco & affectione logica causæ vel efficientis vel finalis proximæ .]

[6. Iudicium illatum per sensum verum est firmum , infallibile ac necessarium , sub conditionibus tribus in textu positis , quia tum non errat ; sed una ex illis tribus deficiente , errare potest , ac sæpenumero errat , inducitque iudicium erroneum sensus in intellectum . Ex non debita approximatione subiecti , turris eminens visa ut rotunda , quæ in se tamen est quadrata , iudicabitur ab intellectu iudicio erroneo esse rotunda , propter fallaciam visus ortam ex nimia turris à visu distantia : sic ex indispositione or-

gani , verbi causa , oculi in idærico , qui ob flavum colorem suffusum oculo omnia videt flava , unde oritur iudicium erroneum intellectus omnia flava iudicantis : sic per fallaciam visus ortam ex duplici medio , aere & aqua , visus rerum sub aqua videbit ut fractum , qui tamen est rectus , unde oritur in intellectu iudicium erroneum , quo iudicatur remum quoque esse fractum , qui non est fractus . Cum vero extra hos tres casus sensus dicitur non errare , iudiciumque intellectus à sensu petum dicitur infallibile ac necessarium , intelligendum hoc est de rerum existentis , non essentis : nemo enim tam ineptus aut fatuus est , ut non assentiatur infallibiliter ac necessario campanam sonare , cum eam sonantem audit , solem lucere , cum eum lucentem videt , ignem esse calidum , cum calorem tactu apprehendit ; ac vero quæ sit essentia soni , lucis , caloris , quæ eorum causæ producentes ac constituentes , nullus sensuum dicere potest , quare nec ex ullo sensuum iudicio ab intellectu iudicium illud indubitatum de istarum qualitarum natura ferri potest , quod tamen in vulgari sit philosophia , ubi hoc falsissimum axioma Aristotelis tanquam fundamentum sternitur omnis hic erroris , *Nihil est in intellectu , nisi prius fuerit in sensu .*]

Quæst. II. Quomodo dividitur demonstratio?

In demonstrationem τὸ δὴν sive cur res sit , & demonstrationem τὸ ὅτι , sive quod res sit .

Quæst.

Quæst. III. Quid est demonstratio cur res sit?

Quæ non solum probat rem esse aut non esse, sed etiam reddit causam cur res sit aut non sit.

1. Demonstratio $\tau\epsilon$ $\delta\iota\acute{o}\tau\iota$, seu cur res sit, non ita dicitur, quia concludat $\tau\epsilon$ $\delta\iota\acute{o}\tau\iota$, sive cur res sit, nam concludit tantum $\tau\epsilon$ $\delta\iota\acute{o}\tau\iota$, sive quod res sit, sic tamen ut in præmissis adferat $\tau\epsilon$ $\delta\iota\acute{o}\tau\iota$, sive causam cur res sit; sed demonstratio $\tau\epsilon$ $\delta\iota\acute{o}\tau\iota$ sic concludit quod res sit, ut, ne in præmissis quidem adferat causam cur res sit: ideoque discrimen hîc est in eo situm, quod demonstratio cur res sit, in præmissis reddat causam cur res sit, at demonstratio quod res sit ne in præmissis quidem id præstat. Sic in hac demonstratione $\tau\epsilon$ $\delta\iota\acute{o}\tau\iota$, *Omne rationale est capax scientiæ. Omnis homo est rationale. Ergo omnis homo est capax scientiæ*; concluditur tantum $\tau\epsilon$ $\delta\iota\acute{o}\tau\iota$, quod *homo sit scientiæ capax*; at in præmissis causa tamen affertur cur sit scientiæ capax, scilicet $\tau\epsilon$ *rationale*, ideoque est demonstratio cur res sit: sed in hac demonstratione $\tau\epsilon$

$\delta\iota\acute{o}\tau\iota$, *Quod illustrat aerem, hoc est ortum. Sol illustrat aerem. Ergo sol est ortus*; hîc concluditur, quod *sol sit ortus*, ut tamen in præmissis non detur causa cur sol sit ortus, nam *illustratio aeris effectum est orti solis*, non causa, ergo demonstratio $\tau\epsilon$ $\delta\iota\acute{o}\tau\iota$, sive cur res sit, sic dicitur, non ratione conclusionis, sed ratione præmissarum, quia $\tau\epsilon$ $\delta\iota\acute{o}\tau\iota$ in conclusione reperiri nunquam potest: significat enim causam cur prædicatum conclusionis in sit subiecto, ideoque est terminus medius; at medium non ingreditur conclusionem: ut nihil sit mirum, nunquam inferri aut concludi ipsum $\tau\epsilon$ $\delta\iota\acute{o}\tau\iota$, est enim non id quod, sed id quo concluditur. Verum in demonstratione $\tau\epsilon$ $\delta\iota\acute{o}\tau\iota$, ibi nullo modo invenitur $\tau\epsilon$ $\delta\iota\acute{o}\tau\iota$, neque est id quo concluditur, neque invenitur in præmissis; quod exempla de-

Quæst. IV. Quid est demonstratio quod res sit?

Quæ solum probat rem esse aut non esse.

Quæst. V. Nuda petita est differentia harum specierum?

A fine. Finis enim demonstrationis, est scientia: atqui scientia dividitur in scientiam $\tau\epsilon$ $\delta\iota\acute{o}\tau\iota$, sive cur res sit, & in scientiam $\tau\epsilon$ $\delta\iota\acute{o}\tau\iota$, sive quod res sit.

1. Quotuplex est scientia, totuplex est demonstratio, quia scientia est effectum demonstrationis; sed scientia est duplex: ergo & demonstratio.

Scimus enim vel rem tantum esse, ut non cognoscamus causam; vel scimus rem esse: & simul novimus causam cur res sit.

Q

[2. Cog-

2. Cognoscimus causam cur res sit in præmissis syllogismi demonstrativi *non dicitur*, & per causam proximam dispositam in præmissis cognoscimus in conclusione non posse rem, id est prædicatum conclusionis, aliter se habere: atque ideo dicitur conclusio necessaria, & totus syllogismus, necessarius, & ipsa scientia *non dicitur*, habitus sive assensus necessarius, aut iudicium necessarium; & hæc optime definitur, *cognitio rei necessariae per causam proximam*.

[3. Scientia *non dicitur* definitur cognitio, non quæ est apprehensio simplex, aut prima mentis operatio, sed quæ est operatio mentis complexa ac secunda, conjunctio vel divisio, affirmatio vel negatio, una voce, iudicium sive assensus. Intelligitur autem cognitio hæc non tam actualis,

quæ nunc temporis per syllogismum demonstrativum *non dicitur* acquiritur, quàm habitualis, quæ acquisita & habita ab intellectu, eum reddit habilem atque idoneum ad intelligendum res illas circa quas scientia versatur. Porro, est cognitio rei necessaria, id est, entis realis necessari: idcirco ad scientiam hanc non sufficit necessitas præceptorum, definitionum, divisionum, canonum, sed requiritur necessitas ipsius objecti scibilis: nam necessitas præceptorum etiam in artibus exigitur ac prudentiis, quæ non sunt scientiæ propriæ dictæ, per demonstrationem *non dicitur* genitæ. Denique, per causam proximam intelligitur efficiens aut finis; non materia aut forma, nisi in quantum efficientis aut finis rationem habent.]

Quæst. VI. Quid est scientia cur res sit?

Est cognitio dianoetica, quæ cognoscimus causam propter quam res est esse illius rei causam; nec posse eam rem aliter se habere.

1. *Cognitio dianoetica*] latine dicitur *discursiva*, quæ per *discursum* seu *discursum* ac syllogismum gignitur. Est enim duplex cognitio: una *noetica*, quæ aliquid cognoscimus sine discursu, ut, *Totum esse majus sua parte*; alia *dianoetica*, quæ aliquid cognoscimus per discursum, ut, *hominem esse risibilem quia est rationalis*. Scientia cur res sit est cognitio posterioris generis.

[2. Scientia *noetica* respicit secundam mentis operationem, quæ vulgò dicitur *conjunctio* &

divisio, estque nihil aliud quam iudicium simpliciter latum de alicujus enunciationis veritate, absque ulla probatione. Hac scientia cognoscuntur principia prima, quorum veritas adeo clara est, ut, sola vocabulorum significatione accepta, absque ullo syllogismo assensum impetret; ut, *totum est majus sua parte*. Scientia dianoetica respicit tertiam mentis nostræ operationem, quæ dicitur *discursus*, estque iudicium latum de veritate enunciationis, sed quæ per

per syllogismum est probata.]

3. *Nec posse eam, &c.*] Scientia ergo $\tau\acute{\omega}$ $\delta\iota\acute{o}\tau\iota$ est firma atque infallibilis, & animum scientis reddit indubitatum, immobilem, atque immutabilem.

4. Ratio est, quia certitudo, firmitas & infallibilitas scientiæ nostræ gignitur ex certitudine, firmitate & infallibilitate ipsius rei, quæ certa, firma & infallibilis est, quando certam, firmam & infallibilem suæ existentie habet causam; & talem habet res quæ scitur per de-

monstrationem $\tau\acute{\omega}$ $\delta\iota\acute{o}\tau\iota$.

[5. Vulgo dicunt, & rectissime, philosophi, *certitudo mentis sequitur certitudinem entis, & certitudo subiecti certitudinem obiecti*: sensus hic est, quod mens humana, subiectum simul & causa intellectus, tum demum certo rem intelligit ac necessario, quando ipsa res intelligenda certam ac necessariam causam habet cur sit: neque enim iudicium certum ac necessarium ferri potest de re quæ nullam sui certam ac necessariam causam habet.

Quæst. VII. *In quo differt hæc scientia à scientia quod res sit?*

Scientia $\tau\acute{\omega}$ $\delta\iota\acute{o}\tau\iota$, sive quod res sit, non gignitur ex causa propter quam res est, hoc est, ex causa proxima; sed ex effectu, aut causa tantum remota.

1. Scientia $\tau\acute{\omega}$ $\delta\iota\acute{o}\tau\iota$ differt à scientia $\tau\acute{\omega}$ $\delta\iota\acute{o}\tau\iota$ ratione & qualitate termini medii, qui in scientia $\tau\acute{\omega}$ $\delta\iota\acute{o}\tau\iota$ est causa proxima proprietatis demonstrandæ, id est, talis causa, qua posita, pro-

prietas ponitur, & qua sublata, tollitur: sed vero medium in scientia $\tau\acute{\omega}$ $\delta\iota\acute{o}\tau\iota$ aut non est causa, sed effectum, aut, si sit causa, est causa non proxima, sed remota.

CAPUT XXI.

Quæst. I. *Quot sunt partes [scilicet remota] demonstrationis cur res sit?*

TRes; subiectum, [scilicet inhætionis] affectio demonstranda, & causa quæ est medium demonstrationis. Ex subiecto & affectione constat quæstio; ex causa cum subiecto & affectione seorsim combinata fiunt præmissæ, sive principia demonstrationis.

1. Eadem sunt partes demonstrationis cur res sit quæ sunt aliorum syllogismorum; sed nonnihil aliis veniant nominibus: terminus minor hic voca-

tur subiectum, non tantum prædicationis, ut in omnibus syllogismis, sed & inhætionis, quod hic est peculiare; terminus major vocatur affectio seu præ-

prietas demonstranda; terminus medius vocatur *causa*: præmissæ, major & minor, vocantur peculiari nomine *principia*, scilicet complexa; conclusio hîc vocatur plerumque *questio*.

[3. Cum subjectum aliud sit prædicati, aliud adjuncti, non hîc in demonstratione *τὸ διότι* intelligitur subjectum prædicati, sed adjuncti tantum interni & quidem proprii, non communis, quod prædicatur de subjecto in hæziosis: reliqua subjecta, sive adjuncti externi, sive prædicati cuiuscunque, quocunque modo etiam prædicentur de subjecto, sive prædicatione interna sive

externa, sive essentiali sive accidentali, sive absoluta sive limitata, in omni alio syllogismo extra demonstrationem *τὸ διότι* locum habent.]

[Et hoc peculiare est huic demonstrationi cur res sit, quod terminus major, nulla alia possit esse affectio logica quam accidens proprium quarto modo, & terminus medius, nulla alia affectio esse possit quam causa proxima efficiens aut finalis; cum in aliis omnibus syllogismis extra hanc demonstrationem *τὸ διότι*, ab omnibus aliis quoque affectionibus logicis termini medii duci possint.]

Quæst. II. Quenam sunt in his spectanda?

Præcognitiones, & conditiones.

Præcognitiones] demonstrationem præcedunt; *conditiones* in ipsa demonstratione observandæ sunt.

Quæst. III. Quanam sunt præcognoscenda?

De tribus terminis, sive partibus [remotis] demonstrationis, præcognoscendum est, quid significet nomen [vel vocabulum :] de subjecto & causa etiam an sint: de principiis, quod vera sint: de affectione demonstratur, quod sit; deque conclusione, quod vera sit.

1. *De tribus terminis*] debet præcognosci, quid significet vox unaquæque, quia alioquin de ignotis disputaretur.

[2. Quia voces veniunt loco rerum, & de rebus differitur per voces; si ignorentur voces, neque de rebus dissertatio & ratio cinatio institui potest; ergo ante omnia præcognosci debent *significationes vocum*, quibus in demonstratione *τὸ διότι* utimur,

quia vero hæc instituitur de proprietate, quæ demonstratur inesse subjecto, frustra foret demonstrandi labor, nisi constet *subjectum* dari, & quia proprietates de subjecto existente demonstratur per causam, certum debet esse ante demonstrationem, quod talis *causa* sit in rerum natura, alioquin per eam proprietas de subjecto demonstrari non posset, sicuti vero ante demonstra-

demonstrationem certum est, & supponitur dari tum subjectum tum causam, ita incertum est, ante illam an detur proprietas, seu *affectio* demonstranda, quam dari certum est demum post demonstrationem factam, porro, quia omnis syllogismus infert conclusionem tanquam ignotam ex præmissis tanquam notis, etiam in demonstratione cur res sit prius debent esse notæ præmissæ, quoad naturam & cognitionem distinctam, antequam ex illis demonstrando inferatur *conclusio*, quæ demum nota evadit post demonstrationem.]

3. *De subjecto & causa*] debet præcognosci *an*, & quod sint: quia frustra demonstratio institueretur, si non constet dari subjectum affectionis demonstrandæ; & si non sit certum dari causam, qua affectio de subjecto demonstraretur, nulla scientia gigni posset, ex causa enim incerta non potest gigni scientia certa.

[4. Causa hinc dicitur incerta, quæ est incertæ existentia:]

ideoque, si non certo existat, aut saltem non constet certo existere terminum medium, qui hic est causa, non potest inferri certa existentia prædicati in conclusione, quod hic est proprietas: ideoque accurate debet inquiri, si id quod pro termino medio assumitur, certo existat, & existere constet: id autem est certum, & certo existit, de quo, aut de cujus existentia a nemine dubitari potest, qui quidem sanæ est mentis. Quisnam autem ille sit terminus mediustantæ certitudinis, ut de eo nullatenus dubitari queat, qui infert alicujus prædicati incerti, de quo dubitari potest an sit aut existat, existentiam in conclusione, non tam facile est dictu, & res arduæ contemplationis.]

5. *De principiis*] debet præcognosci, *quod sint vera*, quia ex præmissis falsis non potest sequi conclusio vera, nisi per accidens: at in demonstratione *quæ dicitur conclusio est vera*, quia est syllogismus verus, non fallax.

CAPUT XXII.

Quæst. I. Quotuplices conditiones spectanda sunt in demonstratione?

TRiplices: alia ad quæstionem pertinent, alia ad causam sive medium, alia denique ad præmissas sive principia.

1. Quia demonstratio *quæ dicitur*, sive cur res sit, longe nobilior est, & multis paralangis superior demonstratione *quæ dicitur*, si

ve quod res sit, hinc sit, ut in hoc & seq. capite, atque apud logicos & philosophos, passim demonstratio *quæ dicitur* simpliciter

& absolute demonstratio dicatur
 καὶ ἰσχυρὰ, sive secundum ex-
 cellentiam.

2. Conditiones respiciunt vel
 materiam remotam demonstrati-
 onis, vel materiam proximam :

quæ respiciunt materiam remo-
 tam, spectant solum medium ;
 quæ respiciunt materiam proxi-
 mam, spectant vel conclusionem
 seu quæstionem, vel præmissas
 seu principia.

**Quæst. II. An non igitur omnis quæstio admittit
 demonstrationem ?**

Non omnis ; sed ea solum quæ vera est, & veritatis
 suæ certam causam habet, veluti, cum accidentia pro-
 pria prædicantur de subiecto : ut, *Homo est capax scientiæ ;*
Luna patitur eclipsin ; Humor oculi crystallinus debet esse co-
loris expers.

1. Quæstio demonstranda de-
 bet esse vera, quia demonstrata
 gignit scientiam, id est cogni-
 tionem veram ; nihil autem est
 in effecto, nisi fuerit in causa,
 vel formaliter vel eminenter :
 debet insuper veritatis suæ ha-
 bere causam, scilicet proximam ;
 quia scientia, quam gignit, est
 cognitio rei per causam : debet
 habere causam proximam cer-
 tam quia scientia est cognitio
 certa.

[2. Hoc axioma sic solet &
 debet distingui, scilicet vel for-
 maliter vel eminenter ; id est,
 nulla forma est in effecto. quin
 eadem fuerit in causa, aut ali-
 quid in ea fuerit eminentius.
 Causa quæ effectum continet
 formaliter, vulgo dicitur uni-
 voca, quæ eminenter, æquivo-
 ca. Sic cum canis canem gene-
 rat, quia eadem forma est canis
 geniti quæ est in gignente, dici-
 tur canis gignens causa univo-
 ca, & effectum continere for-
 maliter : sed & Deus cum cane
 concurrens ad generationem
 alterius canis, est causa canis

geniti, sed æquivoca, continet-
 que effectum eminenter ; quia
 non ipsa forma canis geniti est
 in Deo, Deus enim caret anima
 sentiente, sed in Deo est virtus
 eminentissima, qua productio-
 nem animæ sentientis in cane
 attingit, quamvis ipse eam non
 habeat.]

3. *Accidentia propria*] quæ
 demonstrantur de subiecto suo
 vel emanant ab essentia subiecti,
 & sunt interna, ut, capacitas sci-
 entiæ ab homine ; vel dependent
 à causa extra subiectum, & sunt
 externa, ut, eclipsis lunæ depen-
 det ab interpositione terræ inter
 solem & lunam, utrumque illud
 accidens proprium de subiecto
 suo demonstrari potest.

[4. Proprium quarto modo à
 subiecto suo emanat, ita ut sub-
 jectum respectu ejus sit causa
 emanativa, ipsum sit effectum
 emanans. Sed causa emanativa
 alia est interna, alia externa.
 Interna dicitur, quæ in eodem
 est subiecto in quo est effectum
 ejus, proprietas emanans : ita
 anima rationalis, causa emana-

tiva

tiva, & capacitas disciplinæ, effectum emanans, sunt in eodem subiecto, homine: externa dicitur quæ extra subiectum est in qua est effectum; sic interpositio terræ inter solem & lunam est extra lunam, subiectum, in qua tamen est ejus, tanquam causæ emanativæ, effectum emanans, eclipsis, seu defectus luminis.]

[5. Quæcunque enunciationes cadunt sub demonstrationem ac demonstrari possunt, eas oportet esse tales, ut earum in subiecto inveniaturs causa, & quidem certa atque immutabilis, ob quam prædicatum ipsi insit. Hæ dicuntur mediata ex parte causæ; quibus opponuntur enunciationes immediata ex parte causæ, quæ nullam habent causam, nec in se, nec extra se cur prædicatum insit subiecto, præter Deum, qui est causa omnis veritatis: sic, cur homini insit rationalitas, quod significatur in hac enunciatione, *homo est rationalis*, nulla causa est aut in homine aut extra hominem, præter Dei voluntatem, quæ ipsum esse rationalem voluit, & non irrationalem. Dicitur interdum enunciatio mediata & immediata ex parte subiecti: mediata, cum inter prædicatum & subiectum datur subiectum medium, cui prædicatum insit prius; ut cum dico, *homo sentit*, sub-

jectum enim datur medium, *animal*: immediata est, cum inter prædicatum & subiectum nullum datur subiectum medium, aut prius, de quo dicatur prædicatū; ut cum dico, *animal sentit*, talis propositio immediata hîc non intelligitur sed intelligitur in prædicabilibus, qu. 5. c. 10. l. 1.

[6. Gravissima est quæstio, an voluntas Dei sit causa omnis veritatis; seu, ut alii proponunt, an aliquid antecedenter ad Dei voluntatem sit verum. Resp. si veritas intelligatur simplex, quæ est affectio entis transcendens, certum est quod Deus aut ejus voluntas, ut est causa omnis entitatis, ita quoque sit causa omnis veritatis, quæ entitatem sequitur: ita quod homo sit, & quod sit vere aut verus homo, a voluntate est Dei, qui sic voluit. Sed quæritur potissimum de veritate complexa, quæ est in enunciationibus, in quibus subiectum & prædicatum essentialiter de se invicem prædicantur: multi enim putant illas connexiones essentielles subiecti & prædicati esse veras, antequam voluerit Deus aut prædicatum aut subiectum existere; ut in hac enunciatione, *Rosa est flos*, *Homo est animal*. Sed cum veritas complexa fundetur in simplici, quæ voluntas Dei est causa veritatis simplicis, eadem ut videtur est causa veritatis complexæ.

Quæst. III. *Quanam igitur respuunt demonstrationem?*

Primo propositiones [seu enunciationes] in quibus definitio

finitio aut partes definitionis prædicantur de definito, ut, *Homo est animal*, aut *rationalis* : *virtus est habitus*, &c. Ejusmodi enim propositiones immediatæ sunt, nullamq; causam habent suæ veritatis, [in ipso scilicet subjecto.] Deinde, propositiones in quibus accidentia fortuita & mutabilia prædicantur de subjecto; ut, *Homo ambulat, ægrotat*, &c. hæc enim certam causam non habent.

[1. Propositiones immediate] hic dicuntur ex parte causæ, quæ in subjecto carent causa suæ veritatis, id est, in quibus prædicatum ita coheret cum subjecto, ut cohesionis media causa in subjecto nulla detur : sic in homine nulla causa est, cur sit *animal*, cur *rationalis*, quia utrumque est ipsa hominis essentia; ideoque non magis demonstrari potest, *hominem est animal*, aut *rationalem*, quam *hominem esse hominem* : & hanc ob causam dicuntur istæ propositiones immediate ex parte causæ.

2. Accidentia fortuita & mutabilia] dicuntur, quæ causam

quidem habet cur in subjecto sint, sed instabilem, incertam & facile mutabilem : ideoque demonstrari non possunt, quia demonstratio *ægrotat* debet fieri per causam necessariam, certam & immutabilem, qua res non potest aliter se habere.

3. Hæc enunciatio, *homo ægrotat*, non potest demonstrari: non quia prædicatum, *ægrotare*, non habeat causam in subjecto. eam enim habet in homine, intemperiem scilicet; sed quia non habet causam certam & immutabilem : nam intemperies in homine, causa ægrotandi, potest mutari in bonam temperiem.

Quæst. IV. Quale debet esse medium demonstrationis ? Causa proxima affectionis.

1. Per affectionem intelligitur absolute non in suo genere, de in hoc loco prædicatū cōclusionis qua utraq; in l. 1. *Synops. cap. 17.*
2. Intelligitur causa proxima de causa efficiente.

Quæst. V. Quid vocas hoc loco causam proximam ?

Qua posita, effectum ponitur; & qua sublata, tollitur: atque adeo, in qua mens acquiescit.

Quæst. VI. Ex quo genere causarum petitur hæc causa proxima ?

Ex genere causæ efficientis aut finalis.

Non petitur causa proxima formalis, quia prædicatum est ex genere causæ materialis aut accidens, & non habet materiam

riam aut formam proprie dictam, est enim id quod demonstratur, proprietas, seu accidens proprium; atque solum corpus habet materiam & formam physicam proprie dictam.

Quæst. VII. Quomodo dividitur causa efficiens proxima, quæ medium demonstrationis esse potest?

In internam, & externam.

Omnis causa efficiens est externa respectu causati, quatenus nulla causati essentiam ingreditur ut pars: alia tamen dicitur

interna respectu subiecti, quia est in eodem subiecto in quo est effectum.

Quæst. VIII. Quam vocas causam efficientem internam?

Quæ est in eodem subiecto in quo est effectum.

Exemplum causæ efficientis in quo est ejus effectum, capacitatis disciplinæ. internæ est rationalitas, quæ est in eodem subiecto aut homine,

Quæst. IX. Quam vocas externam?

Quæ non est in eodem subiecto in quo est effectum.

Exemplum causæ externæ efficientis est interpositio terræ in qua est effectus ejus, scilicet inter solem & lunam respectu defectus luminis.

Quæst. X. Da exempla demonstrationis; ac primo exemplum à causa efficiente interna.

Omne rationale est capax scientiæ: Omnis homo est rationalis: Ergo, omnis homo est capax scientiæ.

In hoc exemplo, rationale est capacitatis scientiæ, & forma medium, & quidem causa efficiens interna prædicati, scilicet subiecti, scilicet hominis.

Quæst. XI. Da exemplum demonstrationis à causa efficiente externa.

Quod à solis radiis, objecta terra, nequit illustrari, id patitur eclipsin luminis à sole accepti: Luna nequit à solis radiis, objecta terra, illustrari: Ergo, luna patitur eclipsin, &c.

In posito exemplo, medium, scilicet à solis radiis, objecta terra, non posse illustrari, est causa efficiens externa prædicati, scilicet eclipses, in conclusione.

Quæst.

Quæst. XII. *Da exemplum à causa finali.*

Quod debet colores omnes admittere, id debet esse expert coloris: Humor oculi crystallinus debet omnes colores admittere: Ergo, humor oculi crystallinus debet esse expert coloris.

In hoc exemplo, medium, scilicet colores omnes admittere, est causa finalis prædicati, scilicet esse expert coloris, in conclusione.

Quæst. XIII. *An medium demonstrationis non debet esse causa proxima subjecti?*

Fit quidem aliquando, ut causa efficiens proxima prædicati sit etiam forma subjecti; verum illud neque necessarium est, neque perpetuum.

Quod fiat aliquando, potest exemplo primo constare: & sunt huiusmodi demonstrationes præstantiores cæteris.

CAPUT XXIII.

Quæst. I. *Quos sunt conditiones spectanda in præmissis sive principiis demonstrationis?*

Quinque. Requiritur enim primo, ut sint necessario vera, & quædem necessitate summa ac reciproca: deinde, ut sint immediata atque prima: tertio, ut sint causa conclusionis: quarto, ut sint notiora: quinto, ut sint priora conclusione.

1. Enunciationes sunt duorum generum: quædam habent manifestam veritatem, quædam non item. Conclusiones in syllogismo demonstrativo non habent manifestam veritatem manifestam non habent, atque ideo demonstrantur. Præmissæ seu principia veritatem manifestam habent vel ex terminis ipsis, vel ex demonstratione antefacta; nam enunciatio demonstrata habetur post demonstrationem pro certa: ideoque enunciationes demonstratæ sunt veræ & vera principia, respectu enunciatio-

onum aliarum adhuc demonstrandarum.

2. Prima conditio in præmissis requisita est, ut debeant esse vera, quia conclusio syllogismi apodictici est vera; sed conclusio vera ex præmissis falsis inferri nequit: secundo, debent esse necessarie necessitate summa, quæ est necessitas tertii gradus.

1. Præmissæ debent esse necessario vera, quia conclusio debet esse necessario vera: nam conclusio necessaria ex propositionibus non necessariis concludi nequit:

nequit: porro, debent præmissæ esse necessariæ *necessitate summa*, id est καὶ ὅλῃ ἀπὸ τῶν, sive reciproca, quia continent causam proximam absolute prædicati, quæ talis est ut cum effectu suo reciprocetur, quia ea posita effectus ponitur, & sublata tollitur.

II. Præmissæ debent esse *immediate* ex parte causæ, ut non habeant causam veritatis suæ intra se, per quam possint demonstrari; alioquin daretur progressus in infinitum: debent esse *primæ*, id est ut non detur veritas prior qua demonstrantur, scilicet in eodem syllogismo.

III. Præmissæ debent esse *causæ conclusionis*, non tantum cognoscendi, sed & essendi; hoc est, non tantum quibus conclusio cognoscatur, quod in omni syllogismo locum habet, sed per & propter quas sit prædicatum in subiecto conclusionis.

IV. Debent esse præmissæ *notiores* conclusioni, non tantum quoad nos & cognitione confusa, quod in omni alio syllogismo requiritur, sed & natura ac cognitione distincta; de qua utraque vid. cap. 23. lib. 1.

V. Debent præmissæ esse *priores* conclusioni; non tantum quoad nos, quod in omni alio syllogismo locum tenet, sed & natura, tanquam causæ conclusionis: quod hic peculiare est, & in aliis syllogismis locum non habet.

[3. Omnis enunciatio, sive fuerit præmissa aliqua demonstrationis τὴ δῆλον sive non, habet causam suæ veritatis extra

se, scilicet Dei voluntatem, quæ est causa omnis & entitatis & veritatis; præter quam enunciationes quædam causam veritatis habent intra se, hoc est, in ipso subiecto enunciationis causa aliqua est, ob quam prædicatum dicatur de subiecto & ei insit. Sic, verbi causa, hæc enunciatio, *homo est risibilis* causam suæ veritatis habet extra hominem, scilicet Dei voluntatem, quia voluit hominem esse risibilem; & intra hominem, scilicet animam rationalem, quæ in homine est causa risibilitatis: ideoque hæc enunciatio est *mediata* ex parte causæ, licet sit *immediata* ex parte subiecti. Sed hæc enunciatio *homo est rationalis*, causam quidem veritatis suæ extra se habet, puta voluntatem Dei qua decrevit ut homo esset rationalis, & non irrationalis; sed intra se veritatis suæ causam habet nullam, neque enim in homine causa est ulla cur sit rationalis; ideoque hæc enunciatio est *immediata* ex parte causæ, & tales debent esse præmissæ in demonstratione τῷ δῶν.]

[4. Nihil impedit, quo minus præmissæ alicujus demonstrationis singularis demonstrantur alibi, id est, in aliis syllogismis demonstrativis: sed fieri nunquam debet, nec potest, ut in eadem demonstratione præmissæ demonstraturæ conclusionem ipsæ demonstrantur.

5. In omni syllogismo & semper præmissæ sunt causæ cognoscendi conclusionem; nam illa, ut ignota, infertur ex præmissis,

fis, tanquam notis: sed hoc peculiare est in syllogismo demonstrativo τὸ δῶτα, ut præmissæ insuper sint causæ essendi conclusionis, hoc est, ut in præmissis contineatur causa cur prædicatum insit subiecto conclusionis.

6. Ex hiis quinque conditio-

nibus, duæ priores tantum requiruntur in maiore, non necessario in minore, demonstrationis τὸ δῶτα: tres posteriores & in maiore & in minore exiguntur. Veritas horum omnium examinetur in exemplis cap. præced.

Quæst. II. *Quanam proprietates sequitur ex his conditionibus?*

Ut principia sint δικτα τὰ δεικνυμένα, id est, propria ei rei quæ demonstratur, hoc est, neque heterogenea, neque communia.

Quæst. III. *Quanam dicuntur principia heterogenea?*

Quæ ex alia scientia petita sunt; veluti: si quis, ad probandas quæstiones physicas, adhibeat principia mathematica.

[1. Principia heterogenea latine dicuntur quæ sunt alterius generis, qualia adhiberi non debent in demonstrando; id est, quod vulgo dici solet, non debet à demonstrante fieri transitus de genere in genus; id est, in demonstranda conclusione physica, non debent adhiberi principia, aut media in principiis, petita ex mathesi, aut vice versa: sic in conclusionibus demonstrandis philosophicis, non debent adhiberi principia vel media petita ex theologia, aut vice versa; quando scilicet quæstiones philosophicæ demonstrandæ constent ex utroque termino philosophico, quæ quæstiones vocantur puræ: sed, si quæ-

stiones fuerint mixtæ, ut alter terminus sit petitus ex philosophia, alter ex theologia, ex utraque possunt peti termini medii; ut in hac quæstione, an Corpus Christi sit ubique? Ideoque distinguendum hîc est accurate inter quæstiones seu conclusiones puras & mixtas: puræ vocantur, quarum terminus uterque, & subiectum & prædicatum, desumitur ex eadem disciplina, atque tum ex eadem peti debet terminus medius; mixtæ conclusiones seu quæstiones sunt, quarum terminus alter ex una disciplina desumitur, alter ex alia, ac tum medius terminus desumi potest ex hac vel illa disciplina, ut tamen non com-

mit-

mittatur transitus de genere in genus: sic, quando alicujus questionis terminus unus est philosophicus, alter theologicus, licet terminum medium petere vel ex philosophia, vel ex theologia.]

[2. Nec hoc vitium committitur, quando in demonstrationibus scientiæ subalternatæ principia scientiæ subalternantis adhibentur; ut, si in demonstrationibus musicis adhibeantur principia arithmetica; quia musica & arithmetica non sunt diversi generis scientiæ, ideoque neque principia arithmetica sunt heterogenea musicæ. Vocantur vero scientiæ subalternatæ, non quæ sua principia & objectum accipiunt à superiori scientia (sic enim physica & mathematica subalternarentur metaphysicæ, quod tamen falsum est;) sed quæ eadem habent principia idemque objectum cum scientia superiori, atque in eo tantum differunt, quod scientia subalternata ad objectum materiale scientiæ subalternantis adjiciat accidens sensibile, manente tamen eodem objecto formali: sic, verbi causa, objectum materiale arithmeticæ est numerus, formale, quæ numerus: musicæ objectum materiale etiam est numerus, sed sonorus, id est, spectatus cum accidente sensibili sono; formale objectum est quæ numerus, non quæ sonorus, nam musica docet numerare, addere, subtrahere, multiplicare, dividere sonos & tonos.]

[3.] Subalternatio locum tan-

tum habet in disciplinis mathematicis, quarum aliæ sunt puræ, aliæ mixtæ: puræ sunt arithmetica & geometria, quia objectum suum, numerum & magnitudinem abstrahunt ab omni materia sensibili, & pure ac nude considerant; mixtæ dicuntur quæ objectum suum spectant in materia sensibili, ut sunt astronomia, optica, musica, &c. quia considerant quidem numerum & magnitudinem, sed vel in cælis, vel in colore & luce, vel in sonis & tonis. Hoc autem notandum est accurate, esse subalternationem inter scientias superiores & inferiores; sed illas quæ habent idem objectum formale, eademque principia, & quæ hoc solo differunt, quod objectum materiale scientiæ inferioris & subalternatæ spectet aliquod accidens aut corpus in sensus incurrens, quod non spectatur à scientia superiori & subalternante: sic arithmetica numerum, geometria magnitudinem considerat, extra omnem materiam sensibilem, seu corpus fuerit seu accidens in sensus incurrens. Atque hinc clarum est, physicam & mathematicam non subalternari metaphysicæ, quia alia habent principia, alia objecta & distincta à principiis & objectis metaphysicæ: nam quæ sunt principia in Physica & mathematica, ea sunt conclusiones illatæ in metaphysicis; & objectum physicæ est corpus naturale, mathematicæ quantitas, tum discreta tum continua; objectum vero metaphy-

raphysicæ est ens reale, quod distinguitur à corpore naturali, & à quantitate. Sed scientia subalternans ac superior, & subalternata atque inferior, nec objectis nec principiis distinguuntur: ideoque principia scientiæ subalternantis, cum adhibentur in demonstrationibus scientiæ subalternatæ, non sunt ibi heterogenea, sed homogenea, neque in demonstrando committitur transitus de genere in genus.]

4. Nota, objectum materiale dici rem consideratam, quæ potest esse pluribus disciplinis communis; ita agitur de homine in physica, ethica, medicina, theologia: objectum formale dicitur modus considerandi, qui est uni disciplinæ proprius (nisi una alteri subalternetur, ut hæc musica arithmeticæ) sic alio modo hominem explicat physica, alio ethica, alio medicina, alio theologia.

Quæst. IV. Quanam vocas communia?

Quæ pluribus scientiis accommodari possunt.

1. Principia communia non debent adhiberi in demonstratione, id est, quia non generant scientiam, quæ est demonstrationis effectum ac finis. Exhibentur vero illa in metaphysica, quæ est disciplina generalis.

(2. Metaphysica est generalissima omnium scientiarum, quod patet ex ejus objecto, scilicet ente

reali: ideoque habet etiam principia generalissima, & quæ intervenire possunt demonstrationibus, non tantum metaphysicis, sed & physicis & mathematicis; qualia sunt, *Idem non potest esse & non esse*: hæc vero distinctam perfectamque scientiam non generant, quæ tamen in demonstrando spectatur atque expectatur.]

Quæst. V. Quomodo dividuntur principia?

In axiomata & theses.

Quæst. VI. Quid est axioma?

Axioma est principium cujus veritas, cognita significatione vocabulorum, à nemine potest ignorari; ut *Nihil potest simul esse & non esse*: Totum est majus sua parte.

[1. Queritur an hæc enuntiatio, *Deus est*, sit axioma, id est, an ex sola significatione vocabuli (*Deus*) cognoscatur quid sit: metaphysici sic efferunt, an Deum esse, per se sit notum. Resp. nonnulli negant, ut Timplerus, Burgersdicius, &c. in

Metaphysica: nos affirmamus; quia si quis explicet quid voce hæc *Deus* significetur, scilicet ens, quo nihil melius aut perfectius vel esse aut cogitari potest, is statim deprehendet in se hunc assensum, quo intelligat ac judicet tale ens dari:

nam

nam si possit non dari, aut non esse, erit imperfectum, nam, non esse imperfectius est quam esse, ideoque si vox *Dens* omnem significet perfectionem, etiam significat existentiam, quia hæc omnium perfectionum est maxima; ergo non potest cognosci quid significet vox Dei, nisi simul cognoscatur illum esse: itaque hæc enunciatio, *Dens est*, est axioma.]

2. Sic cognito, quid sit *totum*, quid *pars*, quid sit *esse majus*, cognoscitur totum esse majus sua parte.

3. Axiomata sunt principia communia, & eorum veritas hominum omnium animis dicitur esse innata, quia ut quis assensum illis præbeat, nulla requiritur aut demonstratio aut ratiocinatio, sed is impetratur ex sola vocum significatione accepta. Suntque hæc principia vel theoretica, vel practica: theoretica inveniuntur in Metaphysica, suntque communia Physicæ & Mathematicæ; practica inveniuntur in Ethica, suntque communia Politicæ & Oeconomicæ.

Quæst. VII. Quid est thesis?

Thesis est principium, cujus veritas non ex sola vocabulorum significatione cognita, sed ex sensuum judicio, aut qualicunque declaratione innotescit.

1. *Thesis*] sumitur 1. pro questione ad disputandum proposita: sic vocamus theses physicas, logicas, &c. 2. sumitur pro questione infinita in rhetoricis; 3. pro specie enunciationis immediatæ ex parte causæ, ut hæc, cujus causa nulla datur intra ipsum subiectum, qua possit demonstrari ejus veritas.

scilicet præceptoris aut professoris.

3. Thesis significat propositionem immediatam ex parte causæ, non ex parte subiecti: si enim thesis significaret propositionem mediatam ex parte causæ, hoc est, ulterius demonstrabilem per causam, daretur progressus in infinitum; à quo natura abhorret, & qui omnem tollit scientiâ.

2. *Qualicunque declaratione*]

Quæst. VIII. Quotuplex est thesis?

Duplex; definitio, & hypothesis.

Thesis] sive sit *hypothesis*, sive sit *definitio*, significat principium proprium huic aut illi scientiæ: sic Mathematica & Physica sua

habent principia propria, tum hypothesis, tum definitiones nominales.

Quæst. IX. Quid est definitio?

Definitio est, qua quid res sit enunciamus; ut, *Corpus naturale est quod constat materia & forma*; *Natura est principium*

effectum & causa motus & quicquid ejus in quo est primo, per se, & non per accidens.

Hic intelligimus definitionem præsertim nominalem, & interdum quoque realem.

Quæst. X. Quid est hypothesis?

Qua, an res sit aut non sit, enunciamus, ut, *Esse animam, Deum, &c. A quolibet puncto ad quodlibet punctum duci posse rectam lineam.*

Cum demonstratio conformata est ad conditiones hoc & præcedente capite explicatas, non solum probat rem esse aut non esse, sed præterea explicat causam cur ita sit.

CAPUT XXIV.

Quæst. I. Quoruplex est demonstratio & òn, sive quod res sit?

Duplex; alia enim est ab effectu, alia à causa remota.

[1. Cum demonstratio & scientia dividuntur in demonstrationem & scientiam òn òti ac òn òti, ea est divisio non generis univoci in species æquales, sed vel æquivoci vel analogi in species inæquales, hoc est nomen scientiæ & demonstrationis magis convenit ac priori jure scientiæ & demonstrationi òn òti quam òn òti: quia scientia & demonstratio òn òti longe est perfectior scientiæ & demonstratione òn òti: quemadmodum ens quoque dividitur in Deum & creaturam, substantiam & accidens, tanquam in species inæquales, quia Deus potiori jure & magis ac perfectius est ens quam creatura, substantia quam accidens.]

[2. Proprie loquendo, nullum est genus æquivocum; quia

æquivocum dicitur philosophis & Aristoteli id quod pluribus convenit & tribuitur secundum nomen tantum; at genus significat non tantum communionem nominis, sed naturæ: verum hæc communio naturæ genericæ in speciebus, non est unius modi, sed vel æqualis, vel inæqualis. Æqualis dicitur communio generis, cum omnes species ex æquo participant naturam ac nomen generis, sic ut nulla species alteri id acceptum referat; quemadmodum homo non debet bestiæ quod sit animal, nec bestia homini, ideoque animal est genus univocum: Inæqualis dicitur communio generis, cum species una alteri debet quod nomen ac naturam generis participet, & tale genus vocant analogum scholastici; ita

m
fe.

er-

i-
ci

on
u-

4
5

5
5

5
5

5
5

5
5

5
5

5
5

5
5

5
5

5
5

5
5

5
5

5
5

5
5

5
5

5
5



ita accidens debet substantiæ, creatura Deo, quod nomen ac naturam entis, id est essentiam & existentiam participant: nam quod accidens sit ens debet substantiæ, quod creatura sit ens debet Deo. Atque tale genus est demonstratio respectu demonstrationis $\tilde{\alpha}\tilde{\nu}$ & $\delta\tilde{\iota}\tilde{\alpha}\tilde{\nu}$, nam

demonstratio $\tilde{\alpha}\tilde{\nu}$ $\delta\tilde{\iota}\tilde{\alpha}\tilde{\nu}$ in tantum est demonstratio in quantum participat conditiones aliquas demonstrationis $\tilde{\alpha}\tilde{\nu}$ $\delta\tilde{\iota}\tilde{\alpha}\tilde{\nu}$.

3. Scientia & demonstratio $\tilde{\alpha}\tilde{\nu}$ $\delta\tilde{\iota}\tilde{\alpha}\tilde{\nu}$ est imperfectior quam $\tilde{\alpha}\tilde{\nu}$ $\delta\tilde{\iota}\tilde{\alpha}\tilde{\nu}$, quia in illa intellectus hominis non quiescit, in hac quam maxime.

Quæst. II. Quam vocas demonstrationem ab effectu?

Quæ ex effectu sensibili causam colligit; veluti si quis solito serius experrectus videt parietes cubilis sui à sole collustrari, indeque colligit solem jamdudum ortum esse.

1. Exemplum demonstrationis ab effectu in forma syllogistica est hoc, *Quod illustrat parietes cubilis, illud est ortum: Sol illustrat parietes cubilis: Ergo, sol est ortus.*

[2. Demonstratio ab effectu iisdem constat terminis quibus demonstratio $\tilde{\alpha}\tilde{\nu}$ $\delta\tilde{\iota}\tilde{\alpha}\tilde{\nu}$: sed hoc discriminis est, quod in demonstratione ab effectu, id quod demonstratur sit ipsa causa, quæ hic est prædicatum conclusionis, terminus medius sit effectus, per quem causam existere concluditur; at in demonstratione $\tilde{\alpha}\tilde{\nu}$ $\delta\tilde{\iota}\tilde{\alpha}\tilde{\nu}$ terminus medius est causa, & id quod demonstratur, prædicatum

quæstionis est effectus; ut si dixerò, *Quod est ortum illustrat parietes cubilis: Sol est ortus: Ergo sol illustrat parietes cubilis.*]

[3. Non male dixit Ramus, omnia argumenta esse relata, id est, prædita mutua argumentandi, id est probandi, vi; sic causa arguit, id est probat, effectum, & effectum causam: atque ideo dicitur hic demonstratio ab effectu constare iisdem terminis quibus constat demonstratio $\tilde{\alpha}\tilde{\nu}$ $\delta\tilde{\iota}\tilde{\alpha}\tilde{\nu}$, in qua terminus medius est causa proxima, sed causa proxima, & effectum semper se mutuo arguunt, probant, imo ponunt ac tollunt.]

Quæst. III. Quam vocas demonstrationem à causa remota?

Quæ ex causa remota colligit effectum non esse; ut, *Plantæ non habent animam sensitivam: ergo non respirant,*

1. Exemplum syllogisticum demonstrationis à causa remota est, *Quicquid respirat habet animam sensitivam: Plantæ non habent*

animam sensitivam: Ergo, non respirant. Anuna sensitiva est causa remota adspirationis, nam pulmones sunt causa proxima.

R Quæst.

Quæst. IV. Quid est discriminis inter has duas species demonstrationis?

Demonstratio ab effectu potest esse affirmata & negata, quia effectum cum causa proxima reciprocatur; eoque posito, causa proxima ponitur, & sublato, tollitur: at demonstratio à causa remota debet semper esse negata. Cum enim causa remota latior est effectu, fit quidem ut ea sublata effectum tollatur; sed non ut ea posita effectum etiam ponatur. Recte colligitur, *Plantas non respirare, quia non habent animam sensitivam*: sed non sequitur, *Omnia animalia respirare, quia habent animam sensitivam*.

1. Bene dicit author, cum causa remota est latior effectu, demonstrationes à causa remota tantum esse negatas: sed vero, si causa remota sit adæquata effectui & æque lata, demonstratio à causa remota etiam potest fieri affirmative, ut in hoc exemplo; *Quæ habent animam vegetantem nutriuntur: Plantæ habent animam vegetantem: Ergo nutriuntur*. Hic terminus medius est causa remota; nam causa proxima nutritionis est facultas nutritrix: & tamen procedit syllogismus in prima figura affirmata,

quia causa hæc remota adæquatur effectui, & cum eo reciprocatur; nam quicquid nutritur habet animam vegetantem, & contra.

2. Ut tum etiam ex causa remota colligatur effectum esse: nam, (quod à paucis notatur, & tamen verum est) causa remota vel latius patet effectu, nec cum illo reciprocatur, & tum ex illa infertur effectum non esse; vel æque late patet quàm effectus, & cum eo reciprocatur, & tum ex illa infertur quoque effectum esse.

CAPUT XXV.

Quæst. I. Atque hæc de syllogismo dialectico & apodictico. Quid est syllogismus sophisticus sive fallax?

Qui ficta specia [vel apparentia] syllogismi dialectici errorem gignit.

1. Quia syllogismus sophisticus propositionibus constat falsis, etiam falsitatem gignit atque errorem; nam qualis causa, talis effectus: ergo syllogismus fallax non potest gignere nisi assen-

sum falsum, qui uno nomine vocatur error: nam quando accidit ut ex præmissis falsis inferatur conclusio vera, ut, *Omnis lapis est vivens: omnis homo est lapis: ergo, omnis homo est vivens*: sic hoc

hoc per accidens. Ita hæc vera sunt; Ex veris non sequitur nisi verum, nunquam falsum, nec per se nec per accidens: Ex falsis non sequitur nisi falsum, scilicet per se; nam ex falsis etiam verum sequi potest per accidens.

[2. Cum in syllogismo spectetur & materia & forma, potest contingere fallacia vel ex parte materiæ, vel ex parte formæ; hinc syllogismus sophisticus duplici modo est vitiosus: nam interdum forma non valet, quod judicandum est ex legibus, tum generalibus tum specialibus syllogismi; interdum vitium est in ipsa materia, ut syllogismi forma sit bona, & tali casu ex præmissis in materia falsis potest inferri conclusio vera, & quoad formam bona, cujus exemplum est in commentario: at nunquam fieri potest ut ex præmissis quoad materiam & formam bonis ac veris, inferatur conclusio falsa.]

[3. *Syllogismus sophisticus* una voce vocatur *sophisma*, latine *fallacia*: quod utrumque vocabulum nunc quidem in malam sumitur partem, pro syllogismo deceptorio; antiquitus tamen honoratum fuit. Dicitur vero syllogismus sophisticus, qui videtur esse bonus, cum tamen non sit; ideoque audientem vel legentem abducit in errorem: qua voce significatur iudicium vel assensus mentis, quo iudicat conclusionem aliquam esse veram quæ est falsa, aut falsum quæ est vera; quod iudicium aut qui assensus non potest

gigni nisi per propositiones falsas, vel ambas, vel alterutram; nunquam enim conclusio falsa est, aut iudicium de conclusione falsum, nisi aliqua sit falsitas in præmissis vel præmissa. Atque hic spectatur falsitas non ratione formæ, quæ ex legibus de syllogismo bono facileprehendi potest, sed ratione materiæ, id est propositionum. Falsitas vero iudicii sive error circa conclusionem syllogismi sophistici, alio vocatur nomine ignorantia prævæ dispositionis, quia per eam intellectus hominis prave disponitur, ut non possit facile assentiri conclusioni veræ: atque hæc est, cum alicujus conclusionis termini intelliguntur bene, sed sub illis terminis bene intellectis erroneum formatur iudicium de ipsius conclusionis veritate aut terminorum connexionem. Ignorantia puræ negationis dicitur, cum ipsi ignorantur termini sub quibus enunciatio aliqua proponitur circa quam erratur. Error notat iudicium sive assensum falsum, & opponitur iudicio seu assensui vero. Gignitur vero error vel per vel sine syllogismo. Sine syllogismo, quando quis iudicat aliquam enunciationem veram quæ est falsa, & contra; quia ipsos terminos simplices ignorat, vel quia a sensibus suis deceptus est, vel quia ei impositum est per testimonium fallax alterius: qui error est inculpabilis & invincibilis, si nec in se nec in causis suis præveniri aut præcaveri potuit. Sed alius est error qui per

sylogismum gignitur fallacem & fallentem, quando quis assentitur conclusioni falso, ut iudicet esse falsam quæ est vera, & vice versa, propter vitium aliquod syllogismi quod non deprehendit, & quod deprehendere debuit & potuit: culpabilis est hic error & vincibilis, estque effectum syllogismi sophistici.]

[4. Error dicitur invincibilis in se, quando in ipso errante nihil est quo vinci aut superari potuit; in causis suis, quando nulla datur aut intra aut extra errantem causa, per quam vinci aut superari potuit. Totidem modis dicitur error vincibilis. Ita vincibilis est error, quando aliquis ignorat hoc quod agit, per ignorantiam quam sibi ebrietate acquisivit; nam causa ignorantie, ipsa scilicet ebrietas, præcaveri potest ab eo qui sibi ignorantiam tali modo acquisivit; ideoque dicitur hic error vincibilis in sua causa.]

[5. Ramus, & qui eum sequuntur, nulla tradunt præcepta de syllogismo sophistico; quia putant sufficere præcepta de syllogismo vero, & illis iudicari posse fallaciam syllogismi sophistici. Attamen ita potest syllogismus sophisticus institui, ut ejus fraus ex regulis & legibus veri syllogismi detegi nequeat; quare non videtur inconsultum quædam tradere præcepta de syllogismo fallaci, ejusque fallacii detegendis. An autem doctrina de syllogismo sophistico sit essentialis pars Logicæ, an acci-

denialis, questio est absque grandi necessitate inuenta: neque enim multum refert utrumvis dixeris; id sufficit, quod non semper fucus syllogismi sophistici ex regulis & legibus syllogismi veri dijudicari aut cognosci possit.]

6. Aliquis fortasse iudicet, non esse opus præceptis novis de syllogismo sophistico, quia eorum falsitas dijudicari possit ex præceptis de syllogismo vero. Respondeo, id fortasse fieri posse, cum sophisma directe impingit in leges syllogismi boni: verum quid si ementiatur speciem syllogismi boni, atque ita sit institutus, ut omni modo appareat bonus? certe tum opus est novis regulis, neque ex legibus syllogismi recti ejus falsitas facile deprehenderetur; quemadmodum aurum chymicum ita ementitur speciem veri auri, ut discerni ab eo nequeat, nisi regulis peculiaribus.

[7. Notandum est, syllogismum sophisticum ementiri tantum syllogismi dialectici speciem, non apodictici, quia veritas conclusionis in syllogismo apodictico tam est clara & evidens, ut non possit ita latere sub larva & apparentia syllogismi fallacis, quin falsitas statim appareat: ac quia nec tam evidens nec tam firma est veritas conclusionis in syllogismo dialectico, quin possit ei subesse falsum, hinc fit ut facile aliquis fucus & impostura latere possit in conclusione syllogismi topici.]

CAPUT XXVI.

Quæst. I. Quotuplicia sunt sophismata?

Duplicia; alia sunt in voce, alia in re.

[1. Cum falsitas omnis sit infinita, male videnter syllogismi falsi reduci ad duas classes; ut alii sint in voce, alii in re. Respondeo, licet falsitas sit infinita, hoc est, infinitis modis abiri possit à vero, veritas enim simplex est & indivisibilis, à qua quicquid recedit falsum est, attamen regulæ certæ & præcepta definita tradi possunt, quibus deprehendantur varii modi in syllogismis falsis recedendi à vero; & hæ regulæ ad duas classes revocari possunt, ut quædam ostendant falsitatem syllogismorum ortam ex voce, aliæ ortam ex re.]

[2. Si dicendum est id quod res est, tot sunt genera sophismatum, quot sunt classes verorum syllogismorum: nam quot modis dicitur unum oppositorum, tot modis dicitur & alte-

rum; sed sophisma & syllogismus verus sunt opposita; ergo quot modis dicitur syllogismus verus, tot modis quoque dicuntur sophismata; Atqui loci syllogismorum verorum plures sunt quam sex in voce, & septem in re: Ergo & loci sophismatum sunt plures quam sex in voce, & septem in re. Quid enim? ut syllogismus verus desumere potest terminum suum medium à genere, specie, toto, causa, subiecto, opposito, & ab omnibus affectionibus logicis, sive notionibus secundis; ita ab iis quoque omnibus desumi potest terminus medius, fallax in sophismate: ut cum sumitur pro termino medio genus, quod non est genus, subiectum, quod non est subiectum, oppositum, quod non est oppositum, &c.

Quæst. II. Quot sunt loci sophismatum eorum quæ in voce consistunt?

Sex; homonymia, amphibolia, compositio, divisio, prosodia sive accentus, & figura dictionis.

Multa ex his sophismatibus hendi iudicio naturali, absque cognosci possunt ex Grammatica arte aut præceptis Logicæ, aut Rhetorica, & multa depre-

Quæst. III. Quid est sophisma homonymiæ?

Quod oritur ex unius dictionis ambiguitate ut, *Finis rei est illius perfectio: Mors est finis vite: Ergo, mors est vite perfectio.*

1. Quid sit *homonymia* in voce, explicatum est cap. 26. l. 1. Illa ambiguitas potest esse vel in termino minore, vel in termino majore, vel in medio.

2. Omne *sophisma homonymiæ* impingit in legem primam syl-

logismorum verorum: nam in eo sunt semper quatuor termini, licet tres tantum appareant; quia una vox, aliquem ex tribus terminis significans, hinc semper habet significationes duas, ob homonymiam.

Quæst. IV. Quomodo solvuntur hæc *sophismata*?

Distinctione vocis ambiguae. Exempli gratia, in proposito *sophismate* vox *finis* in majore significat causam finalem; in minore extremum: [ideoque sunt 4. termini.]

Quæst. V. Quid est *sophisma amphiboliæ*?

Quod oritur ex ambiguo sensu orationis, cujus singulæ voces carent homonymia; ut, *Qui sunt domini sui, sunt sui juris: Servi sunt domini sui: Ergo, servi sunt sui juris.*

1. *Sophisma amphiboliæ* differt à *sophismate homonymiæ* tantum in eo, quod illud sit situm in ambiguitate totius sententiæ, hoc in ambiguitate unius vocis.

2. Male vulgo vocatur hoc

sophisma amphibologiæ, nam hæc vox non est græca: sed *ἀμφιβολία* dicitur ab *ἀμφιβολῶ*, quia sensus orationis in medium quasi projicitur, ut gemino sensu ea capi valeat.

Quæst. VI. Quomodo solvuntur hæc *sophismata*?

Distinctione orationis ambiguae. Exempla gratia, voces *domini sui* sunt pluralis numeri in majore propositione prolati exempli; in minore sunt singularis numeri.

Quæst. VII. Quid est *sophisma compositionis*?

Quod oritur ex conjunctione eorum quæ dividenda sunt; ut, *Duo & tria sunt par & impar: Quinque sunt duo & tria: Ergo, quinque sunt par & impar.*

[1. *Sophisma compositionis* & divisionis frequenter oritur in enunciationibus habentibus modum possibile: ut possibile est ridentem flere, verum est in sensu diviso, falsum est in sensu composito; hoc est, possibile est ut

qui nunc ridet, alio ac diviso tempore fleat; sed non est possibile ut qui ridet, simul fleat, ut componantur simul risus & fletus, qui est sensus compositus: sic, possibile est sedentem stare, & verum est & falsum, pro diver-

diverso sensu, vel composito veldiviso.

[2. *Sophisma compositionis*, sed periculosum oritur, cum in definitione *causæ liberæ* ea conjunguntur quæ sunt dividenda, vel vice versa : definitur illa, quæ, positis omnibus ad agendum requisitis, potest agere & non agere, vel agere hoc & illud ; ubi, si *comma* ponas post vocabulum potest, ut jungas *non agere & non agere*, ac sit sensus, causa libera est, quæ, positis omnibus ad agendum requisitis, potentiam habet agendi simul & non agendi, aut agendi hoc simul & illud, nihil est illa definitione & illo sensu falsius ; imo impossibile est, ut aliquis habeat talem potentiam, qua eodem tempore agat simul, & non agat, ambulet simul, & non ambulet, credat simul, & non credat : hanc tamen potentiam simultatis, id est, agendi simul & non agendi, in homine exigunt quidam, ut homo possit dici causa libera, & præditus arbitrio libero. At vero, si causæ liberæ definitionem & sensum hunc ponas, ut *comma* collocetur post agere, & non agere, atque componatur potentia non agendi cum *non actu* agere, hoc modo, *Causa libera est, quæ, positis omnibus ad agendum requisitis, potest agere, & non agere, agere hoc, & illud*, nihil est illa definitione & sensu verius : nam non est impossibile, ut cum homo agit, & agit hoc, eodem tempore simul habeat in se potentiam aut non agendi, aut agendi aliud, quæ vulgo dicitur simultas potentiae : imo

hæc est ipsa rei veritas, quam unusquisque in se deprehendit ; neque enim actus loquendi aut ambulandi tollit à me potentiam non loquendi aut non ambulandi, vel loquendi aliud, aut ambulandi alio. Itaque optime dici solet, in nobis esse *simultatem potentiae*, id est, cum (verbi causa) ambulamus, simul esse in nobis potentiam non ambulandi ; & in hac simultate potentiae, vera libertas causæ liberæ & arbitrii liberi, ac tantum, sita est. Non ergo liberi sumus, quasi aut quia, omnibus ad agendum requisitis, verbi causa ad ambulandum & credendum, habemus adhuc in nobis talem potentiam, qua aut non ambulemus aut non credamus, qui vulgo dicitur sensus compositus ; sed liberi sumus, licet, omnibus ad agendum requisitis, necessario ambulemus aut credamus, ac non possimus non ambulare aut credere, quia volentes & ambulamus & credimus (neque enim ad ambulandum aut credendum cogimur contra voluntatis nostræ inclinationem, instar stipitum, quin & ambulamus & credimus ex prævia ratione) & quia cum ambulamus aut credimus, simul habemus potentiam qua possumus non ambulare aut non credere, non quidem eo tempore quo credimus aut ambulamus, sed alio, qui est sensus divisus. At in causa necessaria, cum illa agit, omnibus ad agendum requisitis, ut cum ignis urit, non tantum non est potentia simultatis, id est, qua ignis,

R 4 cum

cum urit, simul non urat, quod est impossibile, sed ne est quidem simultas potentia, id est, ignis, cum urit, ne habet quidem simul in se potentiam aliquam qua possit non urere aut aliam actionem quam urendi exercere, etiam tempore alio aut ullo; neque urit quia vult, aut iudicat esse urendum; atque ideo, quia potentiam non urendi aut aliud operan-

di nullum habet, ne quidem in sensu diviso libere agere dici ullo modo potest; sic sol nunquam habuit, nec habet, cum movetur ab oriente in occidentem, potentiam aut non movendi, aut movendi in contrarium: quæ observasse occasione hujus sophismatis, magni fuerit in gravissimis controversiis usus.]

Quæst. VIII. Quid est sophisma divisionis?

Quod oritur ex divisione eorum quæ conjungenda sunt: ut, *Planetae sunt septem: Sol & luna sunt planeta: Ergo, sol & luna sunt septem.*

1. Vox *planetae* sumitur collective, quando sumitur pro omnibus simul in majore; distributive, quando sumitur pro quibusdam tantum in minore.

[2. Particula *omnis* dicitur sumi collective, quando prædicatum non potest dici de subiecto, particula *omnis* remota, & subiecti divisione instituta; uti hic, *non septem* non potest dici de planetis, particula *omnis* remota, & planetarum divisio. ne instituta; neque enim verum est, *sol & luna* sunt septem. Sumitur distributive, quando prædicatum dici potest de subiecto, particula *omnis* remota, & subiecti divisione instituta, vel in genera singulorum, vel in singula generum, vel in species, vel in individua: ut, cum dico, *omnis homo est animal*, sumitur vox *omnis* distributive in singula generum; nam licet de omnibus individuis dicere, *Petrus, Paulus, &c. est animal*; at, cum

dico, *Christus mortuus est pro omnibus hominibus*, aut, *omnes homines salvati sunt per Christum*, sumitur vox *omnis* distributive in genera singulorum, nam non omnes homines singulares in individuo sunt salvati per Christum, sed omnia genera hominum, id est, sive Judæi, sive Gentiles, sive pauperes, sive divites, sive principes, sive subditi: & sic debet intelligi cum Apost. inquit, *Deus vult omnes homines salvos fieri*: & cum Christus dicitur *currasse omnem morbum*, intelligitur omne genus morbi.]

[3. Bene observanda est distinctio vocis *omnis*, quando sumitur vel collective, vel distributive, & quando sumitur distributive in genera singulorum, vel singula generum, nam inde dependet decisio multarum quaestionum, tum in philosophia, tum in theologia, imo hinc tota quaestio de gratia & mortis Christi universalitate decidi

decidi potest : nam quæ loca cantur de singulis generum, ex-
Scripturæ habentia notam uni- plicanda sunt de generibus sin-
versalitatibus ab adversariis expli- gularum.]

Quæst. IX. *Quomodo solvuntur hæc sophismata?*

Distinctione diversorum sensuum, quos habet oratio pro diversa partium compositione aut divisione. Exempli gratia, in priori exemplo, duo & tria sumuntur divisim in majore, in minore conjunctim. In altero exemplo sumitur vox *planeta* collective in majore propositione, in minore distributive.

Quæst. X. *Quid est sophisma prosodia?*

In quo eodem modo pronunciantur, quæ scribuntur diversimode; aut pronunciantur diversimode, quæ scribuntur eodem modo: ut, *Omnis equus est bestia: Omnis justus est equus: Ergo, omnis justus est bestia.* Similiter, si quis confundat *leporem* cum *lepore*, *amare* cum *amare*, *malum* cum *malum*.

Quæst. XI. *Quomodo solvuntur hæc sophismata?*

Cum ostenditur, aut eodem modo pronunciarum quæ scribuntur diversimode; aut pronunciarum diversimode quæ scribuntur eodem modo.

Quæst. XII. *Quid est sophisma figura dictionis?*

In quo ex dictionum similitudine colligitur, eadem iis accidentia aut etiam significationem convenire. Ut, si quis ita colligat, *Poeta* esse foeminini generis, quia *nota* est foeminini generis; aut, *ardere*, *vapulare*, esse actiones, quia *docere*, *verberare*, sunt actiones.

Hæc duo sophismata ex sola Grammatica & Rhetorica bene cognitis solvi possunt.

Quæst. XIII. *Quomodo solvuntur hæc sophismata?*

Ostensa diversitate accidentium aut significationis in vocibus similibus. Nam, licet *poeta* & *nota* terminatione convenient, non tamen sequitur ut ejusdem generis sint: non sequitur etiam *verberare* & *vapulare* esse ambo significationis activæ, quamvis sint voces terminatione simillimæ vocibus activis.

CAPUT XXVII.

Quæst. I. Quos sunt loci sophismatum eorum quæ in rebus sunt?

SEPTem : accidens, dictum simpliciter & dictum secundum quid, ignoratio elenchi, & consequens, petitio ejus quod in quaestione est, [vulgo *petitio principii*] non causa pro causa, & plures interrogationes.

Quæst. II. Quid est sophisma accidentis?

Cum colligitur, subjecto convenire quicquid dicitur de prædicato : ut, *Homo est species : Socrates est homo : Ergo Socrates est species. Mus rodit panem : Mus est syllaba : Ergo syllaba rodit panem.*

1. *Sophisma accidentis* oritur ex eo, quod vox aliqua nunc sumatur formaliter, pro eo quod significat ; nunc materialiter, prout est terminus logicus, grammaticus, aut rhetoricus : quemadmodum exempla docent in authore posita ; ubi vox *homo* semel sumitur pro exemplo termini logici, scilicet pro specie, quæ subicitur animali, generi, & semel pro sua significatione, in quantum significat animal rationale ; & vox *mus* semel sumi-

tur ut significat illud animalculum, semel ut est dictio monosyllaba.

2. Voces dicuntur sumi formaliter, cum sumuntur pro rebus significatis, & materialiter, cum sumuntur pro literis & syllabis ex quibus constant : sic *Rex* sumitur formaliter, cum accipitur pro eo qui supra alios est constitutus : materialiter, cum dicitur esse monosyllabum. Quando hæc duæ acceptiones vocum in syllogismo confunduntur, oritur sophisma accidentis.

Quæst. III. Quomodo solvuntur hujusmodi sophismata?

Cum ostenditur, id quod de subjecto colligitur per accidens de prædicato dici, ut in priori exemplo fit, aut ipsum prædicatum per accidens dici de subjecto suo, ut sit in exemplo posteriori. Exempli gratia quamvis *Socrates sit homo ; & homo sit species ;* non tamen sequitur, ut *Socrates sit species* : quia speciem esse dicitur de homine per accidens. Similiter, quamvis *mus sit syllaba & mus rodit panem ;* non tamen sequitur, ut *syllaba rodit panem* : quia syllabam esse convenit muri per accidens, ac ratione nominis, non ratione essentiae.

Quæst.

Quæst. IV. *Quid est sophisma à dicto simpliciter?*

Cum ex eo quod verum est simpliciter, colligitur aliquid verum esse secundum quid : ut, *Dextra non est abscindenda*; ergo *ne tum quidem abscindenda est, cum eum invasis gangrana*: Homo est mortalis; ergo *et anima hominis mortalis est.*

Quæst. V. *Quid est sophisma à dicto secundum quid?*

Cum ex eo quod secundum quid verum est, colligitur aliquid simpliciter verum esse : ut, *Vinum nocet febricitanti*; ergo *vinum est noxium, ideoque fugiendum*: *Homerus est poeta*; ergo *Homerus est.*

[1. Quemadmodum aliud est adjunctum absolutum, aliud limitatum, ex cap. 19. lib. 1. ita non licet adjunctum limitatum dicere de subiecto absolute, aut vice versa, nisi committendo hoc sophisma: ideoque hoc utrumque sophisma fundatur in doctrina de adjuncto absoluto & limitato. Nam quotiescunque, extra sacras literas, adjunctum limitatum enunciatum de subiecto absolute, vel vice versa, toties committitur alterutrum horum sophismatum: in sacris literis cum sit, quæ omnis fallaciæ atque erroris sunt expertes, est locutio figurata ac synecdochica, qua per synecdochen partis tribuitur toti quod est partis; nam quod com-

petit parti quæ parti, id recte tribuitur toti, & enunciatum de eo secundum istam partem.

[2. Non omnia quæ tribuuntur parti, & de ea enunciantur tribui possunt toti, aut de eo enunciari. Ita tribui potest oculo & de eo enunciari, quod sit rotundus; atqui hoc nec tribui potest & homini, ac de eo enunciari: at videre, & oculo tribui potest & homini, ac de eo enunciari, quia videre convenit oculo, parti hominis, in quantum pars est ejus; sed esse rotundum convenit oculo non in quantum est pars hominis, oculus etiam homini exemptus, & non amplius ejus pars, est rotundus, sed non videt.]

Quæst. VI. *Quomodo solvuntur hæc sophismata?*

Ostenso discrimine ejus quod simpliciter, & quod secundum quid dicitur.

Quæst. VII. *Quid est sophisma ab ignoracione elenchi?*

Cum conclusio videtur contradicere assentioni respondentis

cientis, sed non contradicit, propter conditionem aliquam contradictionis omissam: ut, si quis probaturus, *Christum non esse dominum Davidis*, concluderet, *Christum esse filium Davidis*, peccaret ignoratione elenchi, quia dominum & filium esse non tribuuntur Christo secundum idem; nam dominus Davidis est secundum divinam, filius secundum humanam naturam.

Hoc sophisma vocatur *ignoratio elenchi*, quod tum committitur, quando ignoratur quid debeat thesi adversarii nostri opponi: nam elenchus significat proprie argumentum, quo opponens utitur ad frangendam thesin respondentis, debetque semper esse talis syllogismus, cujus conclusio è diametro contrarietur ipsi thesi

impugnandæ; ut si thesis sit, *Logica est ars*, conclusio syllogismi primi opponentis debet esse, *ergo, Logica non est ars*, & tum dicitur facere bonum elenchum: si vero aliud concludat quam quod directe adversatur thesi quam oppugnat, dicitur committere ignorationem elenchi.

Quæst. VIII. Quomodo solvantur hæc sophismata?

Ostendendo quænam conditio contradictionis omissa sit, [aut quomodo conclusio non adversetur thesi impugnandæ, vel propositioni negatæ.]

Quæst. IX. Quid est fallacia consequentis?

Cum aliqua enunciatio, [id est, conclusionis, scilicet conclusio,] ex altera colligitur, ex qua non sequitur.

Fallacia consequentis non constituit peculiare genus sophismatis, quia est communis omni syl-

logismo vitioso: nam in omni sophismate colligitur conclusio ex præmissis ex quibus non sequitur.

Quæst. X. Quot modis contingit illud?

Quatuor modis. Primo, cum universalis affirmans convertitur simpliciter; ut si quis, quia *omnis adulator blandus est*, putet *omnem blandum esse adulatorem*. Secundo, cum ex universali affirmante colligitur universalis negans; ut, *quicquid genitum est habet principium; ergo, quod non est genitum, non habet principium*. Tertio, cum minor est negans in prima figura, aut, quod eodem redit, cum ex remotione antecedentis colligitur remotio consequentis. Quarto, cum utraque

que præmissarum affirmans est in secunda figura; aut, quod eodem redit, cum ex positione consequentis colligitur positio antecedentis.

Quæst. XI. *Ejusmodi paralogismi non videntur esse sophismata, quia aperte peccant in regulas.*

Ita est: sed sophistæ solent vitium formæ occultare, aut alterius præmissæ suppressione, ut, *Crispus est blandus ergo est adulator*; vel ambagibus verborum, ut, *Qui dicit te esse animal, dicit verum: Atqui qui dicit te esse asinum, dicit te esse animal: Ergo qui dicit te esse asinum, dicit verum.* Hæc enim argumentatio perinde se habet, ac si sic strueretur *Asinus est animal; Tu es animal; Ergo tu es asinus*: quæ est argumentatio ex duabus affirmantibus in secunda figura.

Quæst. XII. *Quomodo solvuntur hæc sophismata?*

Citata regula in quam peccat illatio sophistica.

Quæst. XIII. *Quid est sophisma petitionis ejus quod ab initio in quaestione est?*

Cum aliquid probatur per se ipsum, aut per aliquid quod æque ignotum est: ut, si quis probet, *Animam humanam esse ex radice, quia generatur ex semine parentum*; aut, *Visionem fieri emissionem, quia non fit receptione.*

1. Vocatur hoc sophisma *petitio principii*, quia id adfertur in probationem, & probatio id petit, quod in principio erat controversum. Hoc vitium frequentissime committitur, cum terminus medius non differt à partibus quaestionis, nisi verbis tantum; quod fit, cum terminus medius nihil significat diversum à prædicato quaestionis.

2. Quia terminus medius primo omnium disponi solet cum termino majore, recte dicitur probatio in syllogismo initium petere à medio, & recte hoc sophisma dicitur *petitio principii*, quando in conclusione nihil infertur diversum à termino medio; tunc enim reditur ad id quod in initio aut in principio erat positum.

Quæst. XIV. *Quomodo solvuntur sophismata hujus loci?*

Ostendendo medium non esse diversum à quaestione, aut saltem non esse notius quaestione.

Quæst.

Quæst. XV. *Quid est sophisma non-causæ pro causa?*
 In quo id quod causa non est, ut causa per accidens, pro causa vera ac per se obtruditur: ut, *Vinum inebriat; ergo exterminandum est ex republica.*

Nulla hæc quoque ratio est, non generis pro genere, non-cur peculiare genus sophismatis adjuncti pro adjuncto, non-oppo-faciat sophisma non-causæ pro fiti pro opposito, &c.
 causa, non magis quam sophisma

Quæst. XVI. *Quomodo solvuntur sophismata hujus loci?*
 Designatione veræ causæ à qua effectus per se dependet. Exempli gratia, in sophismate prolato neganda est consequentia; quia vinum non est vera causa ebrietatis, sed hominum intemperantia vino abutentium.

Quæst. XVII. *Quid est sophisma plurium interrogationum?*

Cum duæ pluresve interrogationes ita proponuntur, ut unius speciem præ se ferant; veluti si quis quærat, *Estne mundus perfectus & æternus?*

Quæst. XVIII. *Quomodo solvuntur hujusmodi sophismata?*

Distinctione quæstionum, & responsione ad singula seorsim applicata. Exempli gratia, ad interrogationem jam propositam, non debet responderi, *Ia*, aut *Non*, sed *mundum perfectum esse, non æternum.*

CAPUT XXVIII.

Quæst. I. *Atque hæc de syllogismo. Quid est methodus?*

Methodus est apta dispositio rerum, [scilicet cognoscendarum] eodem pertinentium, ut quam optime facillimeque intelligantur, & memoriæ quam tenacissime inhæreant.

[1. *Methodus*] & ordo Zabarellæ aliisque philosophis solent distingui, ut ordo significet nudam rerum dispositionem, methodus rei unius ex alia no-

tificationem; sed hoc discrimen neque Aristotelis nititur auctoritate, neque ratione solida; nam voces Græcæ, *methe* id est ordo, & *methodos*, promiscue usur-

usurpantur : & gratis dicitur, quod vox methodus semper significet notificationem unius rei ex alia ; hoc enim ipsa vox non infert, quæ componitur ex *μῆ* & *όδος*, significatque simpliciter transitum à termino à quo ad terminum ad quem, atqui non semper terminus à quo notificat terminum ad quem.]

2. *Dispositio*] id est oratio quæ apte disponuntur res eodem pertinentes. Oratio intelligitur vel interna, vel externa; potissimum tamen interna.

3. Quia methodus instrumentum est cognoscendi, sub hoc tantum respectu res disponit, quatenus sunt *cognoscenda*: ideoque respicit proprie disciplinas, artes, scientias, ubi res quæ cognoscendæ veniunt suis præceptis, definitionibus, divisionibus, canonibus, disponuntur: atque hinc methodus præceptorum in disciplinis vulgo vocatur methodus didascalica sive doctrinæ, quia ejus beneficio res in disciplinis propositæ docentur ac discuntur.

4. *Methodus* dicitur *dispositio apta rerum*, quatenus congruit naturæ rerum, id est, cum is servatur ordo in rebus explicandis ac cognoscendis qui à Deo, omnis ordinis authore, in ipsa rerum natura est constitutus; seu, cum illa priori loco explicantur ac cognoscuntur, quæ prius à Deo sunt facta.

5. Uti tota Logica est expressio ordinis quem Deus instituit in rerum convenientia ac discrepantia, ita speciatim hunc ordinem exprimit quartum hoc

cognoscendi instrumentum, *methodus*: atque hoc videre est in methodo Physicæ, ubi post partem generalem expositam, illa corpora naturalia suo ordine speciatim explicantur, quæ primum à Deo fuerunt condita; ut ordo Physicæ sit expressio ordinis quem Deus servavit in creando.

6. Finis methodi est, non tantum ut intellectus juvetur in cognitione rerum, sed præsertim ut memoria subsidium accipiat in rebus cognitis diu retinendis.

7. Cum definitio, divisio, & syllogismus, hunc tantum usum habeant, ut intellectum dirigant in cognitionem rerum; methodus, quæ idem facit, hoc insuper habet, ut memoriam juvet in rerum cognitarum recordationem, tum sensitivam tum intellectualem.

8. *Res eodem pertinentes*] dicuntur, quæ pertinent ad eandem disciplinam: tales sunt quæ pertinent ad idem subiectum sive objectum, vel quæ pertinent ad eundem finem.

[9. Res pertinent ad idem subiectum vel objectum in scientiis strictis dictis triplici modo: vel ut principia aut etiam partes subiecti; vel ut affectiones ejus; vel ut ejus species. Sic verbi causa ad corpus naturale, objectum Physicæ, consequenter ad ipsam Physicam, pertinent materia, forma, & privatio, tanquam principia, & priora duo insuper tanquam partes corporis naturalis; magnitudo, locus, motus, tempus, pertinent ad corpus

corpus naturale tanquam affectiones ejus; cælum, elementa, metecora, mineralia, mixta, animata, plantæ, bruta, homines, pertinent ad corpus naturale tanquam species ejus. Res pertinent ad eundem finem in artibus & prudentiis, quæ sunt media conducentia ad alicujus artis vel prudentiæ finem obtinendum: ita verbi causa ad Grammaticam pertinent omnia quæ faciunt ad bene loquendum, tanquam Grammaticæ finem; ad Ethicam pertinent omnia quæ faciunt ad beate vivendum in hac vita, tanquam finem Ethicæ.]

[10. Ex verbis liquet quo modo ad Physicam pertineat anima rationalis, quæ quidem non est species corporis naturalis, neque ejus affectio demonstranda, sed tamen ejus pars, aut principium, cum corpus naturale accipitur ut totum compositum constans materia & forma; est enim forma, consequenter causa, & pars essentialis ac principium hominis, qui est corporis naturalis accepti ut compositi species: sed si corpus naturale sumatur pro parte hominis, materia ejus in quantum homo constat corpore tanquam materia, & anima rationali tanquam forma, non est ejus species; sed sic non sumitur corpus naturale ut est objectum Physicæ, & homo ut est ejus species.]

11. Ad idem subjectum sive objectum pertinent res cognoscendæ, cum sunt necessariæ; ad eundem finem, cum

sunt contingentes. Res necessariæ disponuntur in disciplinis theoreticis; res contingentes in practicis.

[12. Quamvis eadem sit res in scientiis & subjectum & objectum, tamen diversos dicunt respectus duo ista vocabula: nam objectum dicitur in ordine ad operationem, subjectum in ordine ad existentiam. Verbi causa, corpus naturale dicitur objectum Physicæ, in quantum circa illud versatur Physica explicando, suis præceptis, definitione, divisione, & canonibus; idem dicitur subjectum respectu quantitatis, motus, loci, temporis, aliarumque affectionum in eo existentium, & de eo demonstrandum.]

[13. Nota, hanc vocem practicis hic sumi late, ut comprehendit non tantum prudentias, quæ sunt disciplinæ practicae sensu stricto, prout praxis significat actionem moralem, & contradistinguitur *pothori* sive actioni artificiali; sed hic quoque intelliguntur artes, & sic vox *pothori* significat tum quamcumque actionem, non tantum moralem, sed & artificialem, & *volunt* non excludit, sed includit: quo sensu Grammatica & Logica etiam dicuntur disciplinæ practicae.]

[14. Res necessariæ vocantur, vel ipse Deus, vel quæ sunt immediate à Deo, ut quæ creantur, vel quæ sunt à natura per certas causas operante, ut quæ generantur; sic ut illas facere vel non facere, non sit concessum

sum

sum potestati humanæ: quales sunt res physicae, mathematicae, metaphysicae: nemo enim hominum potestatem habet producendi cælum, elementa, metæora, mineralia, plantas, bruta: ullasve res physicas; nemo potestatem habet quantitatem suam augendi; multo minus animam rationalem aut angelos efficiendi. Res contingentes vocantur, quæ ab homine pro arbitrio suo produci possunt: ita potest producere syllogismum, facere definitionem, componere orationem, eamque ornare tropis & figuris; potest liberalitatem exercere, unicuique suum tribuere, fortiter agere, familiam administrare, rempublicam regere, leges servare, vel iis obsequi, & alias res similes facere. Res contingentes vocantur hu-

manæ, sicuti res necessaria dicuntur divina: illæ sunt objectum Philosophiæ theoreticæ, hæ sunt objectum philosophiæ practicæ & poeticæ, illæ scientiarum, hæ prudentiarum & artium.]

[15. Quando res contingentes dicuntur produci posse pro arbitrio hominis, id non sic accipiendum est, ac si excluderetur Dei influxus, aut concursus; nihil minus; nam is intime includitur, non tantum in omni hominis actione, sed ejuscunque creaturæ: sed vocantur hæc res contingentes, quæ sic fiunt à Deo, ut homo cooperetur; & vocantur res necessaria, quæ ita fiunt à Deo, ut homo nihil conferat ad illarum productionem, hoc est, ut non sit situm in ejus potestate aut arbitrio, res illas vel efficere vel non efficere.

Quæst. II. Quidnam requiritur ad eam rem?

Ut præmittantur quæ faciunt ad cognitionem sequentium, aut saltem quæ cæteris facilius intelliguntur.

[1. Aliquid dicitur facere ad cognitionem sequentium, vel quia medium est, ex quo inferri debet id quod est ignotum; ita principia faciunt ad cognitionem principiatorum: vel quia aliquid tale est, ut sine eo aliud cognosci nequeat; ita sine animali nequit cognosci equus, sine genere, species; ideoque genus ad cognitionem facit speciei, & omne universale ad cognitionem particularium ac singularium: ideoque universalis & prius & facilius cognoscuntur quam singularia, quia illa à pau-

cioribus differentiis abstrahuntur quam hæc; nam singularia includunt omnes differentias quæ includuntur in universalibus, & adhuc insuper proprias: ita species, verbi causa homo, includit differentias omnes animalis, ut generis proximi, & insuper viventis, mixti, corporis, substantiæ, ut generum remotorum; individuum, verbi causa Petrus, includit & speciei, scilicet hominis, differentiam, scilicet rationalitatem, & peculiare differentias omnium superiorum generum, atq; insuper propriam,

priam, quæ est Petrus, & non Paulus.]

[2. Quæstio de ordine intelligendi, an universalia prius intelligantur quam singularia, sic satis est intricata. Distinguendum hæc est inter cognitionem confusam, quæ est sensuum, & distinctam, quæ est rationis: singularia prius cognoscuntur cog-

nitione confusa, quia sensibus sunt viciniora; & universalia prius cognoscuntur cognitione distincta, quia hæc sequitur ordinem naturæ; at naturæ ordine universalia sunt priora singularibus, ergo quoque cognoscuntur prius cognitione distincta quam singularia.]

Quæst. III. Quomodo dividitur methodus?

In naturalem, & arbitrariam.

Quæst. IV. Quam vocas naturalem?

In qua servatur ordo naturæ, & cognitionis nostræ distinctæ.

[1. Ordo naturæ] dicitur, quem Deus tenuit in omnium rerum creatione, atque etiamnum servat in earundem conservatione, & insuper, quem res creatæ servant inter se mutuò: omnia enim ut certo ordine ac sapienter à Deo sunt creata, ita eodem ordine conservantur, consistunt, atque agunt. Quia vero disciplinæ, sive sint scientiæ, sive artes, sive prudentiæ, nihil sunt aliud quam rerum cognoscendarum expressiones per præcepta definitionum, divisionum, canonum, debet talis servari ordo in illis tradendis, qualem in natura atque in hoc universo tenent: nam nihil debet esse in typo nisi quod est in antitypo; atqui disciplinæ sunt typus rerum cognoscendarum, ipsæ res sunt antitypus, & res debent esse mensura cognitionis nostræ, non vero cognitio nostra debet esse mensura rerum; ideoque talis ordo debet servari in cognos-

cendo, & in disciplinis, qualis rerum ordo est in existendo, & in natura. Per naturam proprie quidem intelligitur essentia cuiusque rei creatæ, & vis illa innata, quæ creaturæ omnes id quod sibi bonum est appetunt, & quantum possunt acquirunt; improprie tamen dicitur inendum de Deo, ac significat essentiam ipsius ac vim quandam, non innatam (nam Deus non nascitur) sed æternam, quæ ab æterno id quod bonum est non quidem sibi, [nam Deus à nullo perfici potest] sed aliis appetit, & in tempore exsequitur. Natura priori modo sumpta dicitur naturata, posteriori modo naturans.]

[2. Quando hæc dicitur, quod Deus bonum ab æterno appetit aliis, videntur alia ab æterno coexistisse Deo, quod tamen falsum est: sed vero hoc illa phrasis non significat, nam sensus ejus hæc est, quod ille appetitus

titus quidem ab æterno sit in Deo quo appetit aliis bonum, sed bonum in tempore conferendum, quando illa alia exstiterint: quemadmodum illa creando jam bonitatem suam exerit, ac multo magis ea postquam sunt creata conservando, & cum illis cooperando.]

[3. Ordo naturæ duplex est, prout ipsa est natura: hæc enim spectatur vel ut intendens aliquid, vel ut id quod erat intentum exsequens, sive produciens, sive generans. Natura dum aliquid intendit ordinem servat, sed plane alium quam est is quem servat dum intentum exsequitur ac generat: imo hi duo ordines naturæ intendens & generantis plane sunt contrarii; nam quod primum est secundum ordinem naturæ intendens, postremum est secundum ordinem naturæ generantis: ita, verbi causa, natura primum intendit finem, tum media; contra, primum exsequitur, producit, ac quasi generat media, postea demum assequitur finem: sic primum intendit totum, postea partes; contra, primum producit partes, postea totum: sic primum intendit effecta, postea causas; contra, primum producit causas, postea effecta. Atque hic est ordo naturæ tum naturantis, ipsius Dei, qui quod primum intendit postremum exsequitur, tum naturæ naturatæ, quæ vicem Dei in inferioribus gerit, & est vis naturalis uniuscujusque naturæ, quæ bonum naturæ suæ intendit atque exsequitur. Jam vero methodus na-

turalis est, in qua servatur ordo utriusque naturæ, tum intendens tum generantis. Ordo naturæ intendens incipit à fine, & desinit in media; ordo naturæ generantis incipit à mediis, & desinit in finem.

[4. Methodus naturæ intendens servatur in cognoscendis rebus contingentibus, & disponendis artibus, ac disciplinis practicis, sive prudentiis, sive artibus.]

[5. Methodus naturæ generantis servatur in tractandis rebus necessariis, & disponendis disciplinis theoreticis.]

6. Ordo cognitionis nostræ distinctæ] est idem cum ordine naturæ, quia tum demum distincte cognoscimus isthuc ordine quo Deus & natura eas & intenderunt & produxerunt.

[7. Cum Deus aliquid dicitur primum intendere, & postremum intendere, illud primum & postremum intelligendum est non ratione Dei, in quo non est prius aut posterius; nam æternitas, quæ Deo competit, omne prius aut posterius excludit: sed hoc intelligendum est ratione nostri intellectus, qui ea quæ in Deo sunt simul, uno conceptu concipere nequit, quia imperfectus est in intelligendo & fixitus, sed quæ in Deo sunt simplicissima in duo dirimit momenta, & duobus distinctis instantibus intelligit; quæ ideo à philosophis vocantur momenta & instantia rationis aut naturæ, juxta quæ intellectus humanus multa distinguit, & dis-

finctis conceptibus apprehendit, quæ tamen in se ac natura sua, ac præsertim in Deo, sunt indistincta.]

[8. Vulgo quidem nos sic de Deo loquimur, ut dicamus eum primo intendere finem, deinde media : non quod hi actus intendendi finem & intendendi media sint in Deo distincti, & distinctis momentis exerantur unus post alium, Deus enim simul & semel, uno actu & ictu, æterno atque interno, suæ voluntatis, decrevit & finem, & media omnia suo tempore ad finis acquisitionem executioni mandanda ; sed quia nos homines duobus diversis actibus distinctisque momentis intendimus & finem & media, hinc fit ut similiter ista in Deo dicamus, quæ tamen ab eo sunt simplicissime ; neque nos aliter de Deo philosophari possumus, propter naturam finitam & imperfectionem nostri intellectus : & quæ nos sic distinguimus nostro intellectu de Deo in diversa momenta, quæ tamen uno instanti indivisibili fiunt, ea vocantur vel momenta naturæ, vel instantia rationis.]

[9. Ut totus hic commentarius feliciter intelligatur, duo sunt tenenda accurate : primo, quid per naturam intelligatur ; secundo, quomodo ei adscribatur duplex ordo, intentionis & executionis. 1. Natura proprie tantum competit rei productæ, sive per generationem sive per creationem, descendit enim à nascendo ; quo sensu Deo tribui nequit, quia hic nunquam na-

scitur, nec enim creatur, nec generatur : quia tamen omnis naturæ in rebus creatis est author, vulgo dicitur natura naturans, & creatura dicitur natura naturata. Improprie natura, significat essentiam cujuscunque rei, seu creatæ seu increatæ, quia per eam unaquæque res est id quod est, & ab aliis rebus distinguitur : hoc sensu Deo tribuitur natura, & sic agunt de natura Dei in locis communibus theologi. 2. Utrique naturæ, & naturanti & naturatæ competit operari, & neutra operatur nisi quod intendit : sed hoc discriminis est, quod natura naturans, scilicet Deus, licet diversis temporibus diversa operetur & exsequatur, omnia tamen uno & indivisibili atque æterno actu suæ voluntatis operari & exsequi intendit : at natura naturata, ut diversis temporibus diversa operatur & exsequitur, ita diversis actibus temporisque vicibus operari atque exsequi intendit. Hic vero observandum est, intentionem naturæ naturatæ esse geminam : unam quæ proficiscitur à voluntate, sequiturque rationem, & competit soli homini, qui intendit quod vult, & vult quod ratio præscribit ; alteram, quæ proficiscitur ab inclinatione naturali, aliis præter hominem creaturis ratione destitutis indita, quæ intendunt operari & exsequi id ad quod naturali instinctu feruntur, & sic omnia intendunt id quod suæ naturæ est conveniens ac bonum, quia unumquodque ad id naturali propensione inclinatur ; ideoque,

que, cum natura naturata producit monstra, dicitur agere præter intentionem. Porro, ordo quidem est in utraque natura, naturante & naturata, secundum quem & intendit & exsequitur; unde aliquid dicitur primum, secundum, tertium, &c. atque ultimum, tum intentione tum executione. Interim, quando aliquid primum aut posterum tribuitur Deo in intentione sua, id non fit ratione Dei, quasi in ipso sint diversi actus intendendi seu decernendi, nam in Deo nihil est prius & posterius, sed & finem, & media omnia ad finem obrinendum necessaria, intendit uno atque individuo æternoque actu; sed hoc fit ratione nostri intellectus & conceptus: quia enim nos non possumus uno simplici conceptu intelligere quæ Deus uno simplici actu intendit, hinc fit ut, licet Deus simul & finem & media decernat, tamen nos concipiamus eum tanquam decernentem primo finem, secundò media; quia hoc divinæ sapientiæ maxime congruit; sic, quamvis & salutem Petri vitamque æternam, tanquam finem, & fidem ac perseverantiam in fide ac bonis operibus, tanquam media, simul intenderit, nos tamen cum concipiamus quasi prius intendisse salutem ut finem, & deinde fidem ut medium. Et hinc liquet, quam male quidam asserant, Deum eligisse hominem ad salutem ex fide aut operibus prævisis; sic enim conciperetur prius intendisse media

quam finem, quod, non tantum divinæ ejus sapientiæ repugnat, sed omni sanæ rationi adversatur. Quando aliquid creatura intendit, ibi in ipsa intentione locum habet prius & posterius; nam revera homo prius intendit finem uno actu suæ voluntatis, & media alio actu suæ voluntatis; ita & natura irrationalis prius intendit ex naturali inclinatione totum ut finem, deinde partes ut media: quando autem vel Deus vel creatura exsequitur id quod intenderunt, ordo executionis plane contrarius est ordini intentionis, hoc est, quæcunque Deus à nobis concipitur prius intendisse, ea posterius exsequitur, aut concipitur exsequi, & quæ concipitur intendisse posterius, ea prius exsequitur, aut concipitur exsequi; sic prius dat fidem Petro, & perseverantiam in fide, quam vitam æternam, & tamen prius intentione concipitur velle dare vitam æternam Petro, quam concipitur velle dare fidem; & quæcunque creatura prius intendit, seu ex voluntate seu ex inclinatione naturali, ea posterius quoque exsequitur; sic in generatione prius producit partes, posterius totum, cum tamen prius intenderit totum, posterius partes; sic studiosus prius studet quam eruditionem adipiscitur, cum tamen prius intenderit eruditionem ut finem, posterius studia ut media.]

eo. *Distincta* cognitio dicitur, quia cognoscuntur omne id quod de re cognosci potest; itaque hæc exhaustit totam rem

cognoscendam, omnesque ejus partes manifestat, & conformis est ipsi rerum ordini: hinc, quæ sunt priora in naturæ ordine, prius debent cognosci, ut habeatur cognitio distincta; sic universalis, si modo cognoscantur pri-

us quam singularia, partes quam totum, causæ quam effecta, habebitur singulare, totius, & effecti distincta cognitio, nam tum exprimitur ipse ordo quem ipse Deus & natura servarunt.

Quæst. V. Quot sunt in naturali methodo observanda?
Duo potissimum.

Quæst. VI. Quanam?

Primo, ut omnes partes sint homogeneæ, hoc est, ut non commisceantur quæ ad diversas disciplinas aut ad diversas ejusdem disciplinæ partes pertinent. Secundo, ut progressus instituatur ab universalibus ad particulariora, utque partes aptis transitionum vinculis connectantur.

[1. Ut omne instrumentum cognoscendi jam explicatum suas habet leges, juxta quas confici debet, ita & methodus suas: fuerunt leges definiendi, dividendi, argumentandi; sequuntur nunc leges ordinandi. Hæ quidem leges tres sunt; lex *homogeniæ*, lex universalitatis, & lex transitionis. Lex *homogeniæ* est vel integrarum disciplinarum, vel variarum in una disciplina partium: utrobique intelligenda est de præceptis definitionum, divisionum, canonum, non vero de commentariis aut explanationibus, ubi illa locum non tenet. Homogenia latine significat id quod pertinet ad idem genus; lex ergo homogenias jubet, ut quæ sunt ejusdem generis in disciplinis integris, ea in singulis tradantur; sunt autem ejusdem generis in disciplinis integris vel quæ pertinent ad idem subje-

ctum, ut in scientiis, vel quæ pertinent ad eundem finem, ut in prudentiis & artibus lex ergo homogenias jubet, in Physica tradi omnia ea præcepta quæ pertinent ad corpus naturale, removeri quæ isthuc non pertinent; eadem jubet in Ethicis illa præcepta tradi quæ pertinent ad summi boni, tanquam finis ultimi, acquisitionem, in Grammaticis item jubet illa tradi præcepta quæ pertinent ad bene loquendum, finem ejus. Lex homogenias in singulis disciplinarum partibus jubet illa tradi præcepta quæ singulis partibus debentur, hoc est, vult in genere tradi quæ pertinent ad generalem disciplinæ alicujus partem, species vero & affectiones speciales tradi jubet in speciali parte disciplinæ. Hinc liquet quod in mathematicis non debeant tradi præcepta ethica, nec contra; præterea, quæ per-

pertinent (in physicis verbi causa) ad doctrinam de corporibus non viventibus, non debeant tradi in doctrina corporum viventium, nec vice versa.]

2. Lex universalitatis habet quoque locum vel in integra disciplinis ordinandis, vel in disponendis singularum disciplinarum partibus: utroque mandat, ut universalis præcedant & disponantur ante particularia & specialia: Verbi causa, in Physica primum agitur de corpore in genere, tanquam aliquo universalis, tum de corporibus particularibus, ut de cælo, elementis, sunt enim hæc omnia species corporum naturalium: & in singulis speciebus explicandis in parte speciali, prius agit de cælo quam de ullo alio corpore, quia cælum est universalissimum omnium corporum in specie sumptorum.

3. Quia universalis facione distinctam cognitionem particularium, ideo in methodo naturali proceditur ab universalibus ad particularia; est enim distincta cognitio methodi naturalis finis.

4. Lex transitionis, facile intelligitur, modo hoc observetur, eam non in totis disciplinis, sed in singulis disciplinarum partibus tantum habere locum: estque Transitio alia perfecta, alia imperfecta. Perfecta est, quando repetitur quod est dictum, & proponitur dicendum, atque ita antecedentia & consequentia tanquam vinculo quodam inter sese colliguntur ac connectuntur; cujus formula est hæc aut similis, *Atque hactenus de hisce actum: sequitur ut agamus de aliis, &c.* Imperfecta, est, cum aut tantum repetitur quod est dictum, aut proponitur tantum quod est dicendum.

Quæst. VII. Quomodo dividitur methodus naturalis?

In syntheticam, & analyticam.

[1. Divisio *naturalis methodi in syntheticam & analyticam* est divisio generis in species, contra quam putavit Ramus, qui methodum sic dividi posse negavit, atque unam asseruit methodum ubique servandam. Quod si sic intellexit, ut in omni methodo servari debeat processus ab universalibus ad singularia, ferri potest, sic enim unica est methodus, hoc enim observatur & in methodo synthetica & analytica; sed si sic senserit, methodum esse uni-

cam quæ non posset dispesci in has species duas, syntheticam & analyticam, erravit, & sic refutari potest. Quotuplex est naturæ ordo, totuplex est methodus naturalis: Sed naturæ ordo est duplex, & quidem specie distinctus: Ergo, &c. Ratio majoris est, quia methodus naturalis servat & exprimit ordinem naturæ; & probari potest hoc syllogismo: Totuplex est typus, quotuplex est antitypus, quia sunt relata, quæ sibi invicem respondent: Sed naturalis metho-

methodus est typus, ordo naturæ antitypus: ergo totuplex est naturæ methodus, quotuplex est ordo naturæ. Minor sic probatur, Ubi duo ordines sunt sibi invicem contrarii, ibi est duplex ordo specie distinctus: Sed in ordine naturæ sunt duo ordines sibi invicem contrarii: Ergo, &c. Ratio majoris est, quia contraria sunt semper species oppositæ ejusdem generis, ex ipsa contrariorum definitione. Minor probatur. Ubi duorum ordinum unus habet pro termino à quo, qui est alterius terminus ad quem, & vice versa, ibi sunt duo ordines, sibi invicem contrarii: Sed in ordine naturæ sunt duo ordines, quorum unus habet pro termino à quo, qui est alterius terminus ad quem, & vice versa: Ergo, &c. Probatur iterum minor. Si terminus à quo in ordine naturæ intendens sit terminus ad quem in ordine generantis, & vice versa, ergo in ordine naturæ sunt duo ordines, quorum unus habet pro termino à quo, qui est alterius terminus ad quem, & vice versa: Sed verum prius: Ergo & posterius. Probatur minor. Terminus à quo in ordine naturæ intendens est finis, quia natura inten-

dens incipit à fine; terminus ad quem sunt media quibus ad finem pervenitur quem natura intendens intendit: contra, terminus à quo in ordine naturæ generantis sunt media, quia à mediis natura generans incipit in rerum productione; terminus ad quem est finis, quia natura generans per media ad finem tendit: Ergo terminus à quo in uno ordine naturæ, puta intendētis, est terminus ad quem in altero ordine naturæ, puta generantis, & vice versa; quod erat demonstrandum.]

2. Methodus potest dici unica vel genere, vel specie. Si Ramus voluit methodum esse genere unicum, hoc est, unum genus methodi, quatenus omnis methodus servat processum à generalibus ad specialia, à facilioribus ad difficiliora, à notioribus ad ignotiora, nihil verius dici potest: sed si voluerit unam methodum esse unam speciem methodi, ut eadem methodo speciali tradantur omnes disciplinæ, serveturque idem processus agendi particularis in scientiis quatenetur in artibus & prudentiis, nihil falsius dici potest: quod patet ex argumentis primo commentario positis atque expōsitis.]

Quæst. VIII. Quid est methodus synthetica?

Quæ progreditur à principiis simplicissimis ad ea quæ ex istis principiis componuntur.

1. *Methodus synthetica*, latine compositiva, sequitur ordinem naturæ generantis; quæ aliquid

produktura initium facit à principiis simplicissimis ut perveniat ad ea quæ ex iis componuntur.

Quæst.

Quæst. IX. *Ubi habet hac methodus locum?*

In disciplinis speculativis, physica, mathematica & metaphysica.

Quæst. X. *Quid est methodus analytica?*

Quæ factò initio à fine, progreditur ad media proxima, & ab his ad remotiora, donec ventum est ad prima ac simplicissima.

1. *Methodus analytica*, latine resolutiva, sequitur ordinem naturæ intendentis; quæ semper primum intendit finem, inde cogitat de mediis quibus finis obtineri possit.

2. *Finis* quasi compositum quid est ex mediis; quare media dicuntur principia. & *finis* prin-

cipiatum; media dicuntur simplicissima & partes, finis compositum & totum: & sane eruditio est quasi aliquid compositum ex multis studiis tanquam mediis; sanitas, finis ægri, est tanquam aliquid compositum ex multis remediis tanquam mediis.

Quæst. XI. *Ubi habet hac methodus locum?*

In artibus & disciplinis practicis; ut in grammatica, rhetorica, logica, medicina, architectonica; item in ethica, politica, & œconomica.

1. Quod in methodo synthetica fiat initium à principiis ad ea quæ ex principiis producuntur ac constant, patet ex Physica, quæ orditur à materia, forma & privatione, corporum naturalium principiis; inde transit ad affectiones, quantitatem, locum, motum, tempus, quæ ab illis principiis proficiuntur; denique ad cælum, elementa, mixta, viventia, cæteraquæ corpora naturalia transgreditur, quæ ex illis principiis componuntur. Quod in methodo analytica fiat initium à fine, atque inde transeat ad media quibus finis obtinetur, patet ex Ethica, quæ orditur à summo bono, fine ultimo; transit ad media explicanda, scilicet virtutes, quibus summum bonum, finis ultimus, acquiritur,

2. *Methodus synthetica & analytica* tam sunt diversæ, ut nunquam ars aut prudentia possit aut debeat tradi methodo synthetica, aut scientia methodo analytica; qui enim alterutrum faciunt, illi ordinem naturæ invertunt. Notandum vero est accuratè, non posse disciplinam aliquam integram methodo synthetica tradendam, tradi analytica, aut vice versa: at hoc fieri potest, ut in tota disciplina, quæ integra tractatur methodo synthetica, partes aliquæ ejus tractentur methodo analytica, & vice versa, ut in disciplina quæ tota & integra tractatur methodo analytica, aliquæ ejus partes tractentur methodo synthetica. sic Grammatica integra tradenda est methodo analytica, ejus tamen partes

partes traduntur methodo synthetica; nam initium fit à principiis simplicissimis, atque transitur ad illa quæ ex illis principiis componuntur: verbi causa, agitur primum de literis, ex quibus componuntur syllabæ, tum de syllabis, ex quibus componuntur dictiones, tum de dictionibus, ex quibus componuntur orationes. Contra in Physica, quæ tota traditur methodo synthetica, pars aliqua traditur methodo analytica, nempe, quæ agit de anima; ibi enim primum agitur de vita tanquam

fine, antequam de generatione ac nutritione, tanquam mediis ad vitam obtinendam necessariis, agatur.

[3. Vox illa *præcæcis* in textu Burgerſdic. hic sumitur stricte, prout praxis opponitur *poetæ*, & constituit prudentiam distinctam ab arte: alioquin, cum sumitur late, præcticum significat non tantum operationem moralem, quæ est prudentiæ, sed & artificialem, quæ est artis; adeoque significat operationem quamcumque, ut ante & sæpius fuit dictum.]

Quæst. XII. *Quid est methodus arbitraria?*

Quæ relicto ordine naturæ, accommodata est ad caput nostrum.

Quæst. XIII. *Ubi habet hæc methodus locum?*

In oratoria & poeti. Oratoribus enim & poetis propositum est auditorem lectoremve movere. Ad eam rem opus est crypsi, quæ potissimum consistit in omissione, additione, & inversione. Omitti solent quæ nocitura videntur dicenti, aut tædium paritura auditoribus, etiamsi ad causam videantur pertinere. Tum multa addenda sunt, quæ ad causam magnopere non faciunt, ut auditorem lectoremve reficiant ac detineant. Omnia denique miro artificio invertenda sunt, ne ars ab auditore animadversa suspecta sit, & assensum impediat.

1. Methodus naturalis usurpari debet in rebus conscribendis, & discendis; res enim debent doceri & disci eo ordine quo sunt in natura: at vero quando scopus est movere, tristitia afficere, vel gaudio aut alio affectu, *methodus arbitraria* adhibenda est, quæ crypsi utitur, id est occultatione artis & ordinis naturæ; atque hæc valet illud,

Summæ artis est occultare artem.

2. *Methodus arbitraria* est triplex: vel deficiens, cum omituntur addenda; vel redundans, cum adduntur superflua; vel inversa, cum ea quæ priori loco erant tractanda, tractantur posteriori, & contra: atque hæc tria in orationibus & poetis aliquid pertractantibus licet reperire.

PRAXIS.

P R A X I S L O G I C A,

Ad seriem & ordinem

S Y N O P S E O S

B U R G E R S D I C I A N æ I n s t i t u t a,

Et ex variis Authoribus congesta,

P E R

A D R I A N U M H E E R E B O O R D.

V *Era Logica Praxis* duabus absolvitur partibus, *Genesi & Analyfi.*

II. *Genesis* definiri potest, modus utendi instrumentis logicis, quo nosmet discursum aliquem de themate aliquo formamus ac producimus,

III. *Analyfis* est modus utendi instrumentis logicis, quo discursum, ab alio aut à nobis formatum ac productum, resolvimus in sua principia, ex quibus formatus est atq; productus. Utroq; modo versatur intellectus noster in rebus cognoscendis & utroq; Logicæ directione eget

IV. Quodcunq; verò utrovis modo intellectui cognoscendum proponi potest, unica voce *Thema* dici consuevit.

Utile fuerit, ad praxin Logicam feliciter exercendam, rem tractandam reducere ad seriem suam, tum disciplinarem tum prædicamentalem; id est, scire ad quam disciplinam aut disciplinæ partem, & ad quam categoriam aut categoricæ classem res pertineat. Pro priori utile fuerit cognoscere divisionem *γενεσις & ἀνάλυσις*, id est, omnium facultatum ac disciplinarum, ac præsertim philosophiæ ejusque partium, an verbi causa res pertineat ad ethicam, an ad physi-

cam, & ad quam alterutrius partem, & c. pro posteriori sciendum est accurate, quænam res pertineant ad prædicamenta directe, quænam indirecte; &, quæ directe pertinent ad ea, an subordinate, an coordinate isthuc pertineant. Quamvis autem 10. vulgò assignentur prædicamenta pro classibus rerum cognoscendarum, tamen non videntur tot esse necessaria, quia sex posteriora nullas continent res, sed tantum modos rerum, vel in fiendo, vel in existendo,

vel

vel in agendo; modus autem omnis dicitur respectum ac relationem ad rem modificatam; ideoque uti omnes relationes, ita & hæc commodè referri possunt ad prædicamentum relationum, modo & hoc ipsum nomen prædicamenti mereatur: nam relationes sunt tam debilis entitatis, ut dici vix aut non possint entia realia, simplicia, per se una, universalia, completa, quæ tamen sunt conditiones ejus quod directe in prædicamenti ponitur. Itaque si debeat omne ens, & quidem reale, esse vel substantia vel accidens, aut quatuor tantum erunt prædicamenta priora, aut tria priora, aut, quod omnium est verisimillimum, tantum duo, substantia & qualitas; nam quantitas vix quoque entis realis nomen meretur. Possunt quidem, verbi causa in mensa, hæc quatuor à mente distinguere; lignum, quod est substantia; color, qui est qualitas; longitudo, latitudo & crassities, quæ est quantitas; & relatio figuræ quadratæ ad ipsam mensam quadratam: sed ut omnia ista quatuor

sint entia realia, vix est credibile. Relationes, autem non sunt; & an quantitas ipsa ac figura ejus ens debeat dici reale, jure merito quis dubitet. Quæ indirectè pertinent ad prædicamentum, illuc referuntur, 1. fundamentaliter, ut *individua*, Petrus, hic albor; 2. analogice, ut Deus, item *transcendentia*, ens, unum; 3. collateraliter, ut *differentiæ*, rationalitas & irrationalitas; 4. reductivè, ut entia *concreta*, justus, aggregata & *collectiva*, ut respublica, exercitus, &c. *partes*, ut manus, caput, &c. 5. per accidens; 1. ut entia *complexa*, homo est justus; 2. entia *intentionalia*, ut species intelligibiles & sensibiles, & colores apparentes; 3. *notiones secundæ*, ut Zodiacus, genus, tropus; 4. *relationes rationis*, ut dextrum & sinistrum in columna; 5. *privationes*, ut cæcitas, &c. 6. *facta possibilia* ut mons aureus, & regia solis, &c. Ab omni categoria excluduntur, & directe & indirectè, facta, impossibilia, & ambigua sive æquivoca, ante vocum ac rerum distinctionem.

V. Ut quis themata quælibet seu *genericè* seu *analytice* feliciter pertractet, sex primum exercitiis præliminaribus animum suum præparet.

1. Primum exercitium erit in reductione rerum ad suos ordines & classes prædicamentales; ut quærenti cuicumque ad quod prædicamentum res cognoscenda sed thema pertineat, sciet Logicæ præceos studiosus apte & ex tempore respondere: Cui inserviunt tabulæ prædicamentales à *Keckermanno* aliisque confectæ, & lib. 1. *Synops. Burgerfeld. cap. 3. 4. 5. 6. 7. 8. 9.*
2. Secundum exercitium præliminare sit, in dignoscendis thematum notionibus secundis, aut respectibus & locis topicis, id est ut quærenti quem respectum topicum, totius an partii, cause an effecti,

Adriani Heereboord.

effecti, subjecti an adjuncti, generis an speciei, an aliter
beat cognoscenda, exercendus sciat satisfacere; seu
modus, affectiones logicas, & notiones secundas, ex rebus
classe prædicamentali dispositis erutas, bene discere
qualis affectio & relatio aut respectus sit in themate
an generis, an speciei, an totius, an partis, &c. istæ ge-
næ affectiones enumerantur in *Synopsi Burgerſdiciana* hoc or-
dicabilia, Totum & Pars, Causa & Causatum, Subjectum
junctum, Convenientia, diversitas, Oppositio, & Ordo. Quæ
noscendis inservit lib. 1. à cap. 10. ad 23. inclusive, &c.
tur.

3. Tertium exercitium esto in dignoscendis rerum nominibus
interpretatione simplici, sed præsertim composita, quæ
enunciatio, ab aliis axioma dicitur: cujus species, simplices
compositam, & affectiones, universalitatem & particularitatem
infinatam & singularitatem, veritatem & falsitatem, necessi-
tatem & contingentiam, affirmationem & negationem, conversio-
nem & oppositionem, exercendus recte intelligat, ac bene dis-
cernat: & præsertim bene respondere sciat, quem respectum to-
picum, seu quam affectionem mutuam, seu relationem logicam ha-
beant subjectum & prædicatum in enunciatione proposita, an se
habeant ut causa & effectum, an ut genus & species, &c. Huic
negotio inserviunt cap. 24, 25, &c. lib. 1. *Synops. Log. ad finem.*
4. Quartum exercitium erit in extruendis rerum definitionibus
variis, tum perfectis tum imperfectis, & extructis in suas partes
resolvendis; ut sciat exercendus & genus accurate ponere, & dif-
ferentiam ex suo loco promere, inspiciendo seriem prædicamentor-
um, & percurrendo notiones secundas; ut norit rem quamlibet, è
vestigio definire, & definitionis cujuscunq; partes rite discernere,
& unde sint desumptæ, judicare. Huc faciunt lib. 2. in *Synops.*
Burgerſd. cap. 1, 2, 3, & 4.
5. Quintum exercitium erit in instituendis variarum rerum divisio-
nibus, ita unam eandemque rem exercendus sciat & essentialiter
& accidentaliter, seu per se & per accidens, in partes, tum uni-
versales, tum singulares, tum essentielles, tum formales, tum in-
tegrales, dividere, & divisiones quasunque dignoscere atque ex-
aminare juxta leges divisionis tradi solitas. Huic facit cap. 5. lib. 2.
Synop. Burgerſd.
6. Sextum exercitium præliminare erit, in conficiendis variis &
quibuslibet cujuscunq; figuræ aut modi syllogismis, ut logicæ
praxeos studiosus sciat respondere de propositi syllogismi parti-
bus, figuræ, modo, verumque à sophistico discernere ex legibus
syllogismorum & fallaciarum doctrina norit; præsertim ut
dicere possit, ex quo loco inventionis, seu ex qua affectione
logica & notione secunda desumptus sit medius terminus, an à
parte

Praxis Logica

...tati an à parte subjecti, & quam relationem ad u-
...cat, an necessario concludat an contingenter; &, sive
...ismos faciat, sive factos resolvat, quam habitudinem,
...ti, generis, speciei, oppositi, convenientiæ, &c. habe-
...us medius ad utramque partem quæstionis, subjectum
...atum conclusionis. Conducunt ad hanc rem cap. 6. &c.
...f. Burgerfeld. ultimam usque lib. 2. exclusive. Et hæc qui-
...t exercitia logicæ praxeos studiose in antecessum præ-
...ta; quibus si animam mentemque præparaverit, in triplici
...us operatione, longe facilior, expeditior, jucundior erit
...bet *Thema* à per *genesis* & *analysis* cognoscendi ratio.

Thema dividi solet in *simplex* & *complexum*. Pri-
...a considerabimus *Genesis* *thematis simplicis*, postea
...plexi.

VII. Tractatio *genetica thematis simplicis* continet ὀνο-
μαλογία & περὶ μαλογία, id est, vel spectat ea quæ
ad *nomen* pertinent, vel ea quæ *rem* ipsam concernunt.

VIII. Tractatio *genetica*, quæ versatur circa *nomen* the-
matis simplicis, generales habet canones, in omni & quo-
libet *thema* *simplici* observandos.

IX. Tractatio *genetica*, quæ versatur circa *rem* ipsam,
speciales habet canones pro diversitate *thematum* *sim-
plicium* quæ pertractanda veniunt.

X. Canones *generales*, in quovis *thema* *simplici* *ge-
netice* pertractando quoad *nomen*, sunt hi.

1. *Thema simplex* unica voce, si fieri potest, proponatur : & si in
ea forte lingua in qua tractatio instituitur, *thema* non habeat
unam aliquam vocem seu appellationem, ad aliam linguam con-
fugiendum est inter doctos usitatam; ut si agendum sit de *natura-
li parentum amore erga liberos*, pro 5. istis vocibus Latinis commo-
dius una vox substituitur Græca, σπργή.
2. Si vox sit composita, resolvi debet in simplices : ut si agendum
sit de *philosophia*, est seorsim excutienda vox Græca utraque,
σοφία & φιλο.
3. Ubi vox inventa fuerit, consideretur an sit abstracta, an concreta.
4. Si vox fuerit derivata, adhibenda est ejus originatio seu etymo-
logia.
5. Si vox sit ambigua, resolvendæ & enumerandæ sunt ejus variæ si-
gnificationes : si una eademq; vox aliter in alia disciplina accipi-
tur, colligantur significationes juxta ordinem disciplinarum.
6. Denique subjungenda sunt vocabula æquipollentia, vulgo syno-
nyma,

nyma, quæ vel in eadem lingua vel in linguis aliis principalibus (quales sunt Latina, Græca, Hebræa,) sunt usitata; & addi possunt vocabula ex aliarum gentium linguis petita, præsertim si res de quibus agimus apud illas ortæ sunt, vel magis usitatæ.

XI. Hi sunt canones circa *nomen* thematis simplicis observandi.

XII. Post *nomen* thematis simplicis explicatum, ad rem ipsam deveniatur: de qua statim videndum *an sit*; quod liquebit statim si ad certam rerum classem aut prædicamentum reducere possis. Si enim thema simplex tractandum neq; directe neq; indirecte ad ullam categoriam pertineat, ac nusquam in ordine prædicamentali existat, habebitur pro non ente, & tractatio ejus cum ipsa nominis consideratione finietur; si verò in aliquo rerum ordine ac prædicamēto reperiatur, à quæstione *an sit* ad quæstionē *quid sit* transeūdū est, ac tota thematis natura exponēda.

XIII. Hic pro varietate thematicum simplicium non uno procedendum est modo. Est igitur tractatio genetica thematis simplicis vel *perfecti* vel *imperfecti*. *Perfectum* thema est, quod in classe rerum categorica, seu in prædicamentis *directe* collocatur; *imperfectum* quod *indirecte*. Quod *directe* in prædicamentis collocatur, debet esse ens reale, quod reuera ponitur atque invenitur in rerum natura, verum, perfectum, unum, universale, ac distincta voce (non ambigua) significatum. Cui aliqua ex hisce conditionibus deest, illud *indirecte* in categoriis ponitur, Utrumque vel *substantiale* est vel *accidentale*.

XIV. Ut thema simplex *perfectum substantiale* pertractetur methodo genetica, ita procedendum est: post *nomen*, & quæstionem *an sit* inquirendum est

1. Genus proximum, & simul differentia; quæ sponte sese exhibent in tabulis prædicamentalibus diligenti inquisitori.
2. Ubi genus & differentia inventa fuerint, per se definitis extrui potest ac debet; plus enim non requiritur. Interim, si in definitione haberi non possit genuina substantiæ differentia, quæ sæpissime nos latet, ejus loco assumi potest proprium quarto modo, quod immediate substantiæ essentiam sequitur: ut, cum ignis designatur elementum calidissimum, siccissimum, levissimum.

3. Collecta ex genere & differentia, definitione thematis, jam forma ejus & materia (si habeant, ut habet eas substantiæ corporeæ) inquirendæ sunt, ac distincte considerandæ. Sed in spiritibus, invento genere, ac differentia, de materia formæque quas non habent, cogitandum non est, sed ad accidentia propria transgrediendum.
4. Post materiam formamque consideratâs, examinari oportet materiæ partes integrales, præsertim principales; in corporibus tamen homogeneis materiam per partes explicare non est necessarium.
5. Hinc accedendum est ad causas externas, efficientem & finem.
6. Tum accidentia propria, veluti effectus à forma fluentes, totique compositio in hærentes, enumerare oportet; etiam alia accidentia effectusque: in quibus tamen enumerandis, si magna satis eorum fuerit multitudo, aliqua observanda est methodus; quod fiet, si in certos ordines redigantur.
7. Addatur tum divisio substantiæ varia, & instituta ex accidentibus primariis, ex partibus integralibus manifestam distinctionem inferentibus, ex propriis effectisque, ac, si thema fuerit genus, præsertim enumerentur species: ubi hoc notandum, interdum thema prius esse dividendum per accidentia quam per species; veluti si quis naturam animalis explicare velit, prius erit divisio in marem & feminam instituenda, quam in hominem & bestiam.
8. Postremo subjici oportet, quæ sint convenientia ac cognata, quæ sint diversa ac pugnantia substantiæ.

XV Hi sunt canones *speciales* in themate simplici substantiali perfecto observandi: de quibus duo referam monita, diligentissime attendenda. Primo, probe tenendum est & attendendum, nihil eorum adferatur in tractatione speciei, quod debet tribui generi aut ad naturam generis spectat: hoc volo, ne causæ, effecta, proprietates cognata aut opposita tribuantur speciei, quæ tribui debet generi. Secundo, observandum est & hoc, Si quod forte themati assignandum est aut genus aut tale quid de quo non constat inter omnes an sit, probandum est illud themati convenire; ut, si de Logica differas probandum fuerit artem esse Logicæ genus. Hoc exemplum non quadrat, quia est accidentale.

XVI De tractatione generica thematis perfecti *accidentalis*, canones speciales hi sunt.

1. Post institutam juxta canones generales accuratam vocis considerationem

derationem, factoque examine *an sit* revera, an verò ens fictum, jam de genere, si ens sit, serio cogitandum.

2. Genere posito accidentis, sive absoluti sive relati, proximo statim *subjectum* ejus inquiratur: si accidens fuerit commune, ad suum primum & adæquatum *subjectum* debet reduci.
3. Si thema propositum fuerit relatio, cum relatio versetur inter duo extrema, quorum unum dicitur relatum, alterum correlatum, ideo utrumque est considerandum.
4. Post *subjectum* accidentium cogitetur de *objecto*, circa quod accidens est occupatum. *Objecti* autem consideratio potissimum locum habet in qualitatibus, & actionibus, quæ etiam ex accidentibus potissimum tractari solent: in quantitate, passionibus, & relatione, *objectum* considerare nihil est necesse.
5. Post considerationem *objecti*, investigandæ sunt *causæ efficientes principales*, & remota & proxima, potissimum verò proxima: in relatione verò, *causæ proximæ* vicem locumque tenet fundamentum. Si aliæ etiam fuerint *causæ accidentis absoluti*, minus *principales* atque *instrumentales*, apponi possunt.
6. Post efficientem causam assignetur *finis*, qui potissimum dominatur in qualitate & affectione: in relationibus verò *causæ finalis* vicem tenet terminus, qui inquirendus est, & in medium proferendus.
7. Ex hisce omnibus, *genere, subjecto, objecto, efficiente, fine*, jam inventis, componatur *definitio* accidentis, pro cujusque, sive absoluti, sive relati, natura. Ubi unum est norandum: omnes hosce terminos in omnium accidentium definitione non esse simul combinandos in una definitione: sed ut accidentia sunt diversa, ita diversæ etiam ratio est definiendi ea: omnis tamen accidentium definitio hosce jam dictos terminos includit, si non omnes, saltem quosdam. Quæ in re, juxta definiendi præcepta in *Logicis lib. 2. cap. 3. 4.* tradita, est procedendum.
8. Sæpe etiam *adjuncta, antecedentia, consequentia, concomitantia, & circumstantiæ* variz sunt adferendæ; quod, pro noticia *thematis* propositi, cujusque judicio est committendum: *effecta* præsertim distincte sunt enumeranda, quæ in plurimis accidentibus reperiuntur.
9. Sequatur *divisio*; vel in species, si thema propositum fuerit genus; vel in alia membra, quæ accidentibus conveniunt pro eorum natura.
10. Postremo accedunt *cognata, similia, diversa, opposita*; quæ enumerare præstat, quàm latius deducere.

XVII. Et hæc quidem ratio est tractandi generice *themata simplicia perfecta*, tum *substantialia*, tum *accidentalialia*: sequitur thema *imperfectum simplex*, quod di-

recte in prædicamentis non collocatur. Themata *imperfecta* dicuntur, vel *respectu intellectus nostri*, vel *ex sua natura*.

XVIII. Thema imperfectum *respectu intellectus nostri*, est thema infinitum, nimirum *Deus Opt. Max.* Est quidem Deus in se perfectissimus, ideoque natura sua notissimus; verum ob imbecillitatem mentis nostræ, Deus inter imperfecta themata referri solet.

XIX. In tractatione hujus thematis *Dei*, sic est procedendum.

1. Post *nominis* considerationem juxta canones generales institutam, conceptus aliquis communis loco *generis* poni potest, licet Deus proprie genus non habeat: aut explicanda potius est absoluta, & tribus Personis communis, *essentia*.
2. Essentiæ considerationem sequuntur *proprietates Dei essentielles & actiones* ab essentia proficiscentes, creatio, conservatio, providentia, concursus.
3. *Cognata* etiam poni possunt, atq; quæ Deo adversantur *opposita*. Hæc quidem suffecerint, si de Deo agendum metaphysice: sed si theologicæ, ulterius est procedendum; ac post *essentiam*, *essentiales proprietates & actiones* ostensas, ostendendum est.
4. In una Dei essentia tres esse *hypostases*, subsistentes *personas*: & singularum personarum *proprietates personales*, quibus personæ singulæ distinguuntur, explicandæ sunt: & addendum, quo distinctionis genere, cum inter se tum ab essentia, distinguantur, &c. demum *cognata* atque *opposita* subjici possunt.

XX. Thema *ex natura sua* imperfectum est vel thema *singulare*, vel *pars*, vel *concretum*, vel *collectivum*, vel *privatio*, vel *notio secunda*, vel *ens inemionale*.

XXI. Thema *singulare* est vel *substantia*, vel *accidens*.

XXII. Inter substantias, licet omnes singulares logice tractari possunt, sæpiissime tamen omnium *personæ* tractantur. Circa *personæ* tractationem sunt hi canones speciales.

1. In personarum tractatione nihil est de *nomine* dicendum, nisi certo consilio sit impositum, aut divina quadam inspiratione, ut fiebat in V. T. ita ratio quadam subest in nominibus Abraham, Messias, Jesus, &c. Sed etsi nulla subest, si nomen cum studiis aut personæ moribus conspiret, tum quoque obiter indicari potest.
2. Considerentur tum *cause*, præcipue *efficiens*, ubi agendum de causis

causis ejus nativitatis, & circumstantiis loci ac temporis. Hæc considerari debent parentes, majores, familia, & quæ conceptio- nem aut nativitatem præcesserunt, vel etiam consecuta sunt; mo- dotalia sint, ut in ordinaria hominum nativitate non soleant evenire.

3. Tum enarrantur *accidentia* personæ, & *adjuncta*; quæ sunt na- turalia, & acquisita. *Naturalia* vel ad corpus pertinent, vel ad animam. Ad corpus pertinent temperamentum, valetudo, for- ma, statura, celeritas, robur, &c. ad animam, ingenium, judicium, indoles, memoria. *Acquisita* sunt religio, mores, studia, eruditio, castitas, liberalitas, aliæque id genus virtutes. Et hæc deduci possunt omnia per ætates, pueritiam, adolescentiam, juventutem, virilem ætatem, & senium.
4. *Effecta* personæ sunt res gestæ: in quibus enarrandis, temporis, ac præsertim ætatis virilis, ratio habenda est.
5. Addenda sunt *cognata*, quo nomine intelligi debent, fratres, so- rores, consanguinei, amici, & ii omnes qui similibus studiis aut rebus gestis claruerunt. Hæc cognata sunt obiter recensenda sed instituta comparatione, quæ fuerit convenientia, indicandum.
6. Denique, *adversa* seu *pugnantia* personæ recensere oportet. *Op- posita* vel externa sunt, ut, hostes, inimici, æmuli: vel interna, ut, res adversæ, morbi, & mors ipsa; cujus indicandæ sunt causæ, ut morbi genus, aut, si violentia fuerit, casus adversi quibus per- sona periit. Connexa quoque mortis commemoranda sunt, præ- sertim si quædam portenta ac signa fuerint, si quid memorabile di- xerit in ultimo vitæ articulo. Postremo, mortis consequentia, do- lor aut lætitia communis in morte, sepultura, honores & orationes funebres, &c.

XXIII. Tractatio thematis imperfecti *accidentalis*, suum etiam usum habet, quare & ejus ratio proponenda fuerit. Illud vero observandum est, accidentia singula- ria non tractari, nisi addito nomine singularis substantiæ, & subjecti cui insunt. Velut si tractanda sit sapientia So- lomonis, nativitas Christi, philosophia Socratis, expeditio Alexandri: aut simile quid.

1. Hic agendum est, post nomen, de ipso accidente in genere; ut de philosophia, sapientia, &c. Tum consideretur
2. Subjectum singulare, cui accidens per se inest.
3. Objectum, si accidens singulare objectum habeat circa quod versetur.
4. *Causæ efficientes principales & minuz principales* diligenter expri- mendæ sunt. *Finis* etiam, si hoc accidens singulare fuerit actio. His addenda sunt *effecta*, si quæ particularia fuerint.
5. Sequantur *adjuncta*, *antecedentia*, *connexa*, *consequentia*, aliæque

- circumstantiæ*, præsertim loci & temporis.
6. Ex hisce omnibus, scilicet nominatione speciei, assignatione subiecti, objecti, circumstantiarum, causarum, efficientis & finis, fiat *descriptio*, seu *definitio imperfecta* ejus.
 7. Nec prætereunda est *divisio* si accidens singulare tale sit ut dividi possit: veluti si de philosophia Socratis dicendum sit, explicandum erit seu si n, quid de physica, mathematica, ethica, &c. philosophiæ partibus, statuerit Socrates.
 8. Postremo ponantur *cognata*, *diversa*, *opposita*, atque imprimis inter sese comparentur.

XXIV. Tractationem accidentis singularis sequitur tractatio *partis*, ubi solum tractanda venit *pars integralis heterogenea*. Hic considerari potest partis *materiale*, & *formale*, substantia & figura: deinde *accidentia*, ut temperamentum, & qualitates ortæ à temperamento, situs & connexio cum cæteris partibus, proprius partis usus & operatio, ad quam à natura adhibetur tanquàm instrumentum. Deniq; adjungatur *cognata* & *repugnantia*: in *cognatis* observari debet convenientia & diversitas; in *repugnantibus* præcipue sunt morbi qui partem illâ infestant.

XXV. In accidentibus *concretis* tractandis nomen concreti præter etymologiam debet reduci ad nomen *abstracti*, imo tota natura concreti debet resolvi in naturam abstracti: concreti enim in absolutum resolutio, est optima concreti explicatio. Itaque accidentis *abstracti*, in quod resolutum est concretum, considerentur *genus*, *causa*, *objecta*, *effectus*, *cognata*, *pugnantia*, & ad concretum applicentur: etiam ex *subiecto*, quod erit loco generis, & *causis* ac *proprietatibus* accidentis in abstracto, conficiatur *descriptio* accidentis concreti.

XXVI. In tractatione thematis *collectivi*, post nomen 1. ponatur *genus*, quod est compages aut tale quid: 2. *materiale*, seu res illæ ex quibus thema collectivum conflat; hoc materiale est instar *differentiæ* genericæ, quod genus remotum faciat quasi proximum; 3. *formale*, quod est ordo ac relatio earum rerum ad se invicem, ex quibus totum illud aggregatur: 4. tradatur *causa efficiens*, & *finis*, si thema collectivum certo fine coaluit, ut fit in mundo,

mundo, exercitu, &c. sin minus, non est necesse causam efficientem aut finem poni. Ex hisce colligenda est *descriptio*; cui adjungantur *proprietas*, *cognata*, & *opposita*. Tum subjungatur *divisio*, si sit, cui subjungenda est *differentia*: Verum rarius occurrunt hæc themata tractanda.

XXVII. In tractatione *privationis*, post *nomen*, ponendum est *genus* remotum, idque faciendum est proximum mentione *habitus* oppositi. Deinde *habitus* tractetur ut accidens, secundum canones jam ante relatos; sed obiter: & sic patebit *subjectum* privationis; cui tum addatur *causa* privationis *efficiens*, seu *deficiens* potius; & si privatio sit *perfectiva*, ut *somnus*, addatur & *finis*. Ex quibus, scilicet *subjecto* & *causis*, fiat *descriptio* privationis, cui subjiciantur *divisio*, *proprietates*, *effecta*, si quæ sunt, *pugnancia* & *cognata*.

XXVIII. In tractatione *notionum secundarum*, post *nomen* diligenter excussum, ponatur *genus* proximum & remotum: deinde accurate explicetur *notionis secundæ objectum*, sive res illa, aut *genus* potius ad rem, quæ illa *notione* repræsentatur; & hinc formetur *definitio*; huic adjungantur *proprietates* & *cognata*. Repugnancia hic nulla sunt.

XXIX. In tractatione *entis intentionalis*, sive imaginis, explicato *nomine*, & proposito *genere*, explicetur ejus *figura*, si sit certa & constans, ut in *iride*; deinde ponatur *subjectum*, *objectum*, *causa efficiens*; ubi explicetur *modus generationis*, & simul quomodo *subjectum* debeat esse dispositum ad *imaginem* propositam recipiendam. Ex quibus confici potest *definitio*; adjectis, si sint, *proprietas*, *cognatis*, *repugnantibus*.

XXX. Ista quidem est *methodus tractandi* per *genesin* *themata simplicia*, *perfecta* & *imperfecta*, *substantialia* & *accidentalialia*; sequitur tractatio *generica thematis complexi*.

XXXI. Ut itaque *complexum* feliciter tractetur, necesse fuerit videre, si *praxeos logicæ studiosus* eousque sit *profectus*, ad quam pertineat *disciplinâ* *thema complexum* quod est *propositum*: illud vero constabit facile, ex *consideratione partium thematis complexi*, quæ sunt *sub-*

jectum & predicatum; unde vulgo distingui solet in purum & mixtum: purum, cujus extremum utrumque ad eandem pertinet disciplinam; mixtum, cujus extremitas ad diversas pertinet disciplinas, unum ad hanc, alterum ad illam. Sed hæc sciri nequeunt, nisi ab eo qui jam philosophiæ, ejusque partium, scientiarum, artium, facultatum, ac disciplinarum divisiones noverit.

XXXII. Hac consideratione veluti præmissa, aut si id facere ignora verit tyro, hoc, quod sequitur, commune est utriusque officium: scilicet, ut *subjectum & prædicatum* thematis complexi rite suo loco collocentur, ut id quod ex natura extra mentem est *subjectum*, subjiciatur, quod in natura non subest, sed inest, prædicetur.

XXXIII. Tractatio thematis complexi distingui solet in *solitariam & sociam*: illa est quæ instituitur, adversario nec præsentem nec instantem, ac dici potest *meditatio*; hæc, quæ cum adversario præsentem atque instantem institui solet, ac dici solet *disputatio*.

1. *Meditatio*, seu tractatio thematis complexi *solitaria* jubet statim inspicere problematis seu quæstionis *subjectum & prædicatum*, sitne utrumque substantia an accidens, an directe an indirecte collocetur in categoriis, & in qua categoriarum serie utrumque inveniat: utilissimum quoque fuerit, utrumque vel agitatione mentis, vel clavis verbis tractari, tanquam thema simplex, hoc enim facit ad euporiam, seu facillem inventionem mediorum.
2. Hinc accedendum est ad *statum controversiæ* rite recteque formandum, ad quam rem requiritur, ut *subjecto & prædicato*, suo loco positis, addantur particulæ syncategorematicæ, quo quantitas thematis complexi queat dignosci, ut sunt *omnis, aliquis, &c.* cum efferatur modo indicativo, verbis perspicuis, ab omni ambiguitate remotis. Quod si fieri nequeat, propter ipsius rei obscuritatem aut propter verborum defectum, addatur quædam explicatio per periphrasin. Et sic statu controversiæ constituto in affirmantem aut negantem sententiam, cogitandum est de *argumentis*, quibus sententia thematis propositi probari potest.
3. *Argumenta* duci possunt ex natura *subjecti & prædicati*; cujus utriusque si considerentur affectiones logicæ, jam copia & seges sese offert argumentorum, quibus veritas thematis complexi propositi probari queat.
4. *Argumenta* ista erunt vel *artificialia*, vel *inartificialia*, id est, vel rationes

rationes vel testimonia, quæ à se invicem sunt distinguenda. Hic duo notanda veniunt.

1. Unum est, ut rationes præcedant, si thema fuerit philosophicum aut medicum : sed si fuerit theologicum vel juridicum, contra ; jurisperitus enim sine lege, theologus sine Dei verbo, loqui erubescit. At in philosophia aut medicina primas tenet ratio, secundas testimonium.
2. Alterum est ; non inconsultum quoque fuerit circa rationes, distinguere argumenta probabilia à necessariis : utrum vero probabilia an necessaria priori loco ponantur, parum refert.
5. Post singula argumenta adjungendæ sunt adversariorum *solutiones*, atque *exceptiones* quæ ab illis fieri solent ad argumenta proposita, vel *negatione simplici* argumenti allati, vel *distinctione*, vel *limitatione*.
6. *Distinctiones* aliz sunt *generales*, & quibuscumque argumentis applicari possunt ; aliz *speciales*, quæ huic aut illi argumento applicantur : illæ prius in genere refutandæ sunt, hæ sigillatim refutandæ. Si quid ab adversariis negari posse putetur, illud confirmandum est.
7. *Distinctiones refutantur*, si ostendatur 1. membra distinctionis coincidere : 2. contradictionem implicari : 3. difficultatem & vim argumentorum positâ distinctione remanere. Sic & *refutantur limitatione*.
8. Postquam argumentis sententia vera & nostra fuerit confirmata, accedendum est ad *refutandam sententiam adversarii* ; & si plures sunt sententiæ dissentientium, singulæ seorsim refutandæ sunt, si seorsim refutari possunt.
9. In *refutatione* observandum est primum, ut argumenta directe opponantur sententiæ contrariæ ; deinde partes argumentorum idoneis distinctionibus & limitationibus fulciendæ sunt, adversus adversariorum solutiones ; tandem accedendum ad solutionem argumentorum, quibus adversarii aut suam sententiam confirmant, aut nostram convellunt. Si quid adversus solutiones allatas excipi posse videtur, id quodque refutandum est.

XXXIV. Et hæc solitaria ac privata ratio est thematis complexi generice tractandi, quam *meditationem* vocavi ; sequitur socia ac publica, quæ *disputatio* dicitur.

XXXV. Hæc ut debite instituat, nonnulla circa ejus *materiam*, alia circa ejus *formam* sunt observanda.

XXXVI. Circa *materiam* disputationis sunt hæc tenendæ regulæ. 1. Quicquid excedit captum disputantium, de eo nulla fiat disputatio. 2. Quicquid controver-

sum non est, objectum disputationis esse non debet. 3. Materia disputationis sit utilis & gravis, & ad veritatem indagandam instituta.

XXXVII. *Forma* disputandi consistit in collatione, *διαλέξει*, ideoque ad eam distinctæ requiruntur personæ, inter quas *διαλέξις* & collatio mutua institui queat: harum una impugnat alterius sententiam, altera sententiam suam tuetur & defendit. Prior *opponentis*, posterior *respondentis* nomine venit.

XXXVIII. *Respondens* est superior, qui *præses*; inferior, qui *defendens* vulgo dicitur.

XXXIX. *Defendens* & *opponens* partes habent quasdam *communes*, quasdam *proprias*.

XL. Canones utrique parti *communes* quidam ex Logica, quidam ex Ethica desumuntur; agendum enim in disputando & Ethice & Logicé.

1. Ad disputationem ab utraque parte adferri debet animi bona intentio, quæ non gloriam, sed veritatem quærat.
2. Adferri debet animus purus & liber ab omni præiudicio.
3. Neuter alterius partes suscipiat, neque opponens in parte respondentis inolet, aut contra.
4. Conveniant inter se de certis præcognitis principiis, ne de re utrimque concessa disputetur.
5. Brevitati & perspicuitati imprimis studeatur, omissis rhetoricarum ambagibus & longis declamationibus.
6. Patienter alter alterum expectet, dum orationem absolvat.
7. Ab omni contumelia, convitio, calumnia, ac risu sycophantico, utrimque abstinetur; & ante victoriam acceptam ne triumphetur.
8. Status controversiæ firmiter utrimque ponatur, ac probe cognoscatur, nec inter disputandum mutetur.

XLI. *Speciale* utriusque etiam est officium: ac primo *opponentis*.

XLII. *Opponentis* est 1. thesin impugnare objectionem movendo; 2. ad solutionem datam instare, excipiendo. Ut feliciter thesin impugnet, requiritur

1. Ut sententiæ respondentis directæ contradicat; quod ut fiat, oportet ante omnia diligenter thesin respondentis considerare, & accurate despicere, quomodo ei antithesis directæ opponi possit.
2. In thesibus respondentis, si plures sint, ut sere esse solent,

exami-

examinandis, accurate distinguat opponens argumenta seu rationes quibus theses probantur, ab ipsis thesibus quibus probandis adhibentur: aliud enim est argumenta destruere, aliud thesin evertere. Itaque aliter est verandum circa thesin, aliter circa theses probationem.

3. In examine probationis consideretur, num argumenta thesi convenient, num eidem probandæ sufficiant, an vero aliena sint à thesi ac minus firma.
4. Thesis autem ipsam expendere oportet, utrum sit affirmativa an negativa, universalis an particularis, synonymica an paronymica; adeoque, secundum affectiones logicas enunciationis eam examinare oportet.
5. Tum oportet formare antithesin & directam oppositionem secundum leges contradictionis, quas præscribit Logica; & non contradicendum verbis tantum theses, sed sensui & menti ipsius adversarii.
6. Si quis non directam antithesin faciat, facile committit peccatum illud quod vocant ignorantiam elenchi.
7. Thesi expensa, cogitandum est opponenti de termino medio, qui invenitur utrumque conclusionis membrum deducendo per loca inventionis aut affectiones logicas, vel afferendo autoritates quæ non possunt rejici.
8. Terminus medius cum partibus quæstionis syllogismo bono comprehendatur.
9. Sed in mediorum inventionem delectus est habendus, neque enim argumenta omnia æque ponderosa sunt.
10. De autoritate hoc etiam tenendum, non esse extra theologiam utendum multâ autoritate.
11. Argumentum, syllogistica forma brevissime & perspicue inclusum, clare proponatur; ac, si fieri possit, forma plerumque sit categorica.
12. Duplici genere argumentationis uti potest opponens; & directâ seu offensivâ, & ea quæ ducit ad absurdum.
13. Præterea, non ea tantum moveat argumenta quæ ex problemat's natura peti possunt, sed etiam quæ ex adversarii hypothese sequuntur.
14. Imprimis urgere potest respondentem ex concessis.
15. Ante omnia attendat diligentissime opponens, ut propositionem, vel negatam vel distinctam, eandem assumat, ac faciat sui syllogismi conclusionem.
16. Semper legitimos & bonos syllogismos producat, conformes legibus syllogisticis.
17. Si figura argumenti sui repudietur, requirat canonem logicum in quem peccet, aut si ipse viderit, statim corrigat.
18. Si ad materiam respondeatur, ut plerumque, videat an sit

fit distinctio vocis ambiguz, an limitatio, an negatio.

19. Si ad distinctionem aut limitationem respondeatur, responsio ad leges & canones distinctionis & limitationis examinetur.

XLIII. Speciale officium respondentis, scilicet inferioris seu descendens, est, argumentum assumere opponentis, & solvere.

1. Respondens non assumat, nisi jam dicendi finem fecerit opponens.
2. Iisdem verbis repetat, quibus argumenta fuerunt proposita.
3. Si opponentis argumentum sit vitiosum, vel obscuritate laboret, monebit eum respondens; vel si juvandus sit opponens, tum licebit evidentioribus verbis & alia figura idem argumentum proponere.
4. Si opponens prolixa utatur declamatione, vel confusa argumentatione, vel obscura locutione, monebit respondens, ut breviter & clare proponatur argumentum in certa figura ac modo.
5. In assumendo argumento prius considerabit ejus figuram, postea materiam.
6. Si forma sit vitiosa, rejiciatur, indicato vitio.
7. Ubi argumenti formam rectam esse viderit ac respondere cogitat, videat primum, an conclusio recte feriat suam thesin.
8. Si non recte ei opponatur, non est necesse respondere aliud, quàm quod ignoratio elenchi sit.
9. Si conclusio sit multiplex, distinguatur: distinctione adhibita, ostendatur in quantum contradicat suæ thesi, & adhibeatur responsio.
10. A conclusione transeundum ad præmissas, & primum ad majorem, deinde ad minorem.
11. Propositiones veræ concedendæ sunt, falsæ negandæ, ambiguz distinguendæ.
12. Si propositio universalis partim vera est, partim falsa ex ambiguitate, adhibenda est distinctio.
13. Si major universalis sit simpliciter falsa, adferenda est instantia ad falsitatem universalem ostendendam.
14. Major propositio neganda si sit hypothetica, debet negari consequentia; si disjunctiva, disjunctio; si categorica, simpliciter neganda.
15. Si distinctio adhibeatur majori, eadem est applicanda minori & conclusioni.
16. Nunquam vero responderi debet negando, si solvi possit argumentum distinguendo & limitando.
17. Major rarius falsa est aperte, sed sapius ambigua; ideoque frequentius distinguenda ac limitanda, quàm neganda.

18. Minor rarius venit limitanda vel distinguenda, sæpius neganda.
19. Nunquam ad minorem respondendum est, nisi constiterit ac certum sit maiorem esse extra omne vitium.
20. Imo minor nunquam limitanda est, nisi limitata maiore.
21. Si autoritates respondententi objiciantur vi-orum docti-ssimorum, illæ non sunt arroganter ipsi rejiciendæ; sed aut conciliet eas cum sua sententia; aut, si non possit, alterius viri æq. & clari ac docti adducat argumentum.
22. Licebit & respondententi interdum responsione uti indirecta, & argumentum retorquere in opponentem, vel aliud fortius adducere.
23. Nunquam tamen est utendum indirecta responsione, nisi prius sit responsum directe.

XLIV. *Respondens superior vocatur præses; cujus munera duo sunt, regere & succurrere.*

1. *Regimen Præsidis* in eo consistit, ut diligenter præses attendat utrum opponens & respondens suo officio fungantur necne; si utrumque aut alterutrum ab officio suo recedentem conspexerit, eum sui muneris admoneat, & intra limites, præsertim disputationis, contineat. ne extra oleas, quod dici solet, vagentur.
2. *Subsidium Præsidis* in eo est, ut solutionem respondentis a probee & commendet, obscuram illustret, imperfectam perficiat, falsam corrigat, ac, si eum argumentis adversarii constrictum videat, eum exsolvat, omnibusque modis licitis defendat.

XLV. *Ista fuit genesis tum simplicis tum complexi thematis: analysis sequitur.*

XLVI. *Analysis* vulgo statuitur triplex; *grammatica, rhetorica, logica.* *Grammatica* circa vocabula & phrasas, *rhetorica* circa utriusque ornamenta versatur. *Logica* analysis est, qua expenditur artificium explicationis, probationis, ordinationis, quod in opere conficiendo est adhibitum: de ea hic tantum agimus.

XLVII. Ut genesis vel *thematis* fuit *simplicis*, vel *complexi*, ita & *analysis*.

XLVIII. Utriusque *analysis* dividitur in *internam* & *externam*.

XLIX. *Externa analysis* est, vel de *scriptore*, vel de *themate scripto*.

I. De *scriptore* cognoscendum est obiter in resolutione, qualis

qualis fuerit ejus *vita*, deinde *occafio* scribendi, & *causa impulsiva* quæ authorem movit ad tractationem thematis.

LI. De ipso *thematē* cognosci potest ejus *necessitas*, *utilitas*, *dignitas*, *jucunditas*.

LII. *Analysī interna* est, quā recognoscimus ipsum modum tractationis in *thematē simplici* & *complexo*.

LIII. Circa utriusque *analysī* tria sint observanda.

1. Tota thematis tractatio prius perlegenda est antequam *analysī* instituat.
2. Amplificationes sunt diligenter discernendæ, distinguendæ, separandæ ab explicatione thematis, & cum ad Rhetoricam pertineant, isthuc sunt refellendæ.
3. Si termini sunt in *analysī* observandi, qui ab authore fuerunt adhibiti; non plures, non pauciores.

LIV. De resolutione *thematī simplici* sunt canones generales & speciales.

LV. *Generales* sunt, qui in omni *thematē simplici* locum habent; *Speciales*, qui locum tenent in hoc vel illo, *substantiali* vel *accidentali*, *perfecto* vel *imperfecto*.

LVI. *Canones generales* sunt hi.

1. Ante omnia, ipsum *thēma*, tanquam totius resolutionis fundamentum, objectum, & scopus, erui debet; quo omnia quæ author dicit sunt in *analysī* referenda. Quod facilius fiet, si quædam inscriptio aut exordium, aut simile quid præmissum fuerit ab authore qui illud *thēma* pertractaverit.
2. Cogitetur diligenter, an *thēma simplex* unica aut pluribus vocibus, an propria vel impropria, an certa vel ambigua voce, proponatur ac pertractetur ab authore quem resolvimus.
3. Dispiciendum tum est serio, an illud *thēma* sit perfectum & in ordine prædicamentali, vel imperfectum & extra categorias locutum, an singulare vel univrsale, *substantialē* vel *accidentale*: ut enim alia sunt præcepta tractandi per genesin *thēma univrsale*; alia tractandi *substantialē*, alia *accidentale*; ita resolutio multo facilius instituetur ad ipsam thematis naturam authorisquē mentem, si, quale *thēma* sit pertractatum, observatum fuerit.
4. Quia raro fit, ut *thēma* aliquod simplex per omnia instrumenta notionum secundarum pertractetur, ideo in *analysī* thematis simplicis addiendus est animus tantum ad istas notiones secundas, per quas author *thēma* suum pertractare voluit; nam in resolutione non debet esse plus quam fuit in compositione: & omittas notiones logicas addere, non pertinet ad *analysī*, sed ad genesin.

5. Notiones secundæ quæ adhibentur in thematis simplicis resolutione indicentur ex logicis, an sint genus, causa, proprietas, effectus, &c. nam isti termini non solent ab authoribus usurpari, sed res tantum quæ est genus, vel causa, vel proprietas, &c. adhiberi; solent enim authores res dicere per notiones primas: itaque analysi notiones primas revocabit ad secundas, & indicabit, quo pertineant notiones primæ ab authoribus usurpatæ.
6. Nec eo ordine, nec eo loco ponuntur ab authoribus affectiones cum adhibentur, & termini Logici, aut potius res iis significatæ, quo poni debere canones ante positi jubent: itaque assuefaciet se in tempore praxeos logicæ studiosus, ut alicujus authoris tractatum de aliquo themate simplici agentem consuê in charta sua no-ter, & simul terminos logicos sub quibus analysin instituet, & eo ordine & loco quo res tractari logice debuisset, addito loco ipsius scripti, ubi hic vel ille terminus, vel res potius termino nunc logico expressa, fuerit ab authore pertractata.

LVII. Canones *speciales* sunt juxta divisionem thematis simplicis à nobis instituti in genesi.

LVIII. Si thema resolvendum sit *substantia universalis*, sequentes canones tenendi sunt.

1. Dispiciendum est, quæ *definitionis* ejus *principia* sint constituta, & quia substantiæ solent definitione essentiali definiri, videndum est, quodnam ejus genus ab authore sit assignatum, quæ differentia, & an recte constituatur.
2. Quod si contingat, ut author principia tantum definitionis ponat, definitionem ipsam non collocet, ea colligenda est analytico ex partibus positis.
3. Postquam definitionem analyticus invenit, aut ejus partes, genus & differentiam, videat an author thema explicat è suis *causis*, tum externis, tum internis: quod si contingat expresse materiam ac formam non poni, sed implicite in definitione involvi, in resolutione distinctius & dilucidius debent monstrari. Quod si efficiens & finis ab autore sint omissa, omittantur quoque.
4. Videndum est, an materiæ partes integrantes, seu implicite seu explicite, ab authore ponantur: si ponantur, non sunt negligendæ.
5. Post essentialiam substantiæ universalis inventam, considerari debet, an author addiderit *proprietas* & *effecta*, &c. quæ in tractando tali themate observanda esse diximus.
6. Inquiratur in *divisionem*, unam, aut plures. & membra ponantur distincte, terminis & notionibus logicis induta.
7. Tandem inquirendum in *cognata opposita*, &c. quæ in talis thematis generica tractatione observari debent.

LIX. Si-

LIX. Similiter procedendum est in resolvendo the-
mate *accidentis universalis*, juxta regulas geneſeos nuper
poſitas. Atque hîc hi canones tenendi ſunt.

1. Ad quod prædicamentum pertinet videndum eſt, an ſit abſolu-
tum accidens, an relatum.
2. Quo nomine veniat apud authorem.
3. Obſervandum eſt *genus*, ſi ſit expreſſum, quale ſit, proximum
an remotum.
4. Inquirendum eſt in *ſubjectum*, quod & quale ei conſtituat au-
thor; ſi fuerit relatum, an relationis tum ſubjectum, tum termi-
nus, tum relatum, tum correlatum, bene ſit expreſſum.
5. Inquirendum eſt in *cauſas*, efficientem & finem, proximam &
remotam, num ſint poſitæ, & quæ: & an fundamentum relationis
ſit expreſſum. Si author accidenti tribuat materiam & for-
mam hoc & norandum, ſed & refutandum.
6. *Effecta, ſpecies, partes, cognata, oppoſita*, & quæcunque obſervari
debent in ejus tractatione, hîc ſunt indaganda. Nam eadem via
eſt analyſeos quæ geneſeos, ſed contraria.

LX. Sequitur resolvendum *thema ſimplex imperfectum*:
primo *ſubſtantiale*, ſcilicet *individuum*, & quidem *rationale*,
id eſt *perſona*: nam hominum ſingularium tractationes
occurrunt præſertim in historiis, qua ſacris, qua profanis.

LXI. In analyſi *perſonarum*, nec *genus* nec *ſpecies* oc-
current, quia ea non habent; ſed attendendum ad ea
quæ de perſona dici poſſunt, juxta regulas ante traditas in
geneſi.

LXII. Antequam ad ſpeciales resolvendi hoc loco ca-
nones accedatur, poſtquam tota historia fuerit perleſta,
obſervandum eſt in genere, quodnam *vita* genus tribua-
tur perſonæ ab authore, an fuerit perſona privata, an
publica, an politica, an eccleſiaſtica, &c.

LXIII. His peractis, ſic eſt procedendum juxta hos
canones.

1. *Nomen* perſonæ, & imprimis in historiis ſacris, probe eſt notan-
dum ac obſervandum; quandoquidem non temere, ſed certo con-
ſilio plerumque eſt impoſitum: ubi circumſtantia, ratione quo-
rum nomen fuerit impoſitum, ſi referantur, etiam notandæ ſunt.
2. Nomine excuſſo, excuſſitur *cauſæ*, præſertim efficientes, ſi
author eas habeat: ubi præſertim attendendum, quomodo ſit
deſcriptus ortus ac nativitas ejus, & circumſtantia loci, tem-
poris

poris, &c. quæ huc spectant, in resolutione ponendæ sunt.

3. Præsertim attendendum, an narret author quasdam personæ proprietates, effecta, & quæ referat cognata ac pugnantiæ; ubi imprimis mors attendenda, & in analysi ponenda, cum iis circumstantiis quibus narratur.

LXIV. *Accidentis singularis* aliorumque thematum imperfectorum analysi tota dependet ex eorum tractatione, & istis regulis insistatur in resolvendo, quibus utimur in componendo.

LXV. Hæc quidem analysi est thematis simplicis, quæ fundamentum est omnis resolutionis in themate complexo. *Thema complexum* vel *nude* ab autore aliquo proponitur, vel suis etiam *argumentis confirmatur*.

LXVI. Quando *nude proponitur*, tum tota analysi thematis complexi instituenda est juxta regulas & leges in doctrina enunciationis explicatas, & explicari solitas; ut, scilicet, enuntiatio aliqua, quæ est thema complexum, in partes secetur, & qualitas & quantitas ejus investigetur; an sit enuntiatio vera an falsa, necessaria an contingens, affirmans an negans, &c.

LXVII. Hoc modo resolvi possunt omnia scripta sententiosa, verbi causa Syracidæ, Solomonis, aliorumque: in talibus enim logica analysi, nihil aliud præstare potest, quam ut dicat tot ac tales esse in aliquo capite enunciationes, easque enumeret, & prædicatum & subiectum, & utriusque quantitatem ac qualitatem ostendat: quæ res cum facilis sit, & ex doctrina enunciationis constet, novis præceptis hic nihil est opus.

LXVIII. At vero cum thema complexum *argumentis confirmatur*, particularibus opus est præceptis.

LXIX. Analysi thematis complexi *confirmati* vel ipsius thematis propositi *naturam* considerat, vel *modum* quo illud pertractatum est.

LXX. Circa analyticam considerationem *ipsius thematis* complexi propositi sequentes observentur canones.

1. Propositio seu thema complexum authoris ante omnia eruatur ex textu seu scripto authoris, juxta canonem generalem.
2. Propositio illa aut enuntiatio. si modo indicativo ab autore non proponatur, ad eum reduci debet.
3. Tum

3. Tum videndum, an propositio sæpe in textu repetatur; quod si fiat, hæ repetitiones in unum colligendæ sunt, & pro una propositione sumendæ. Ista repetitio thematis complexi sæpe fieri solet in materia petitoria, exhortatoria, laudatoria, &c.
4. Si propositio ab autore non fuerit repetita simpliciter, sed etiam ab eo explicata aut limitata, ante argumentorum quibus confirmatur resolutionem explicatio illa & limitatio indicanda est.
5. Quod si author non explicarit aut limitarit, & tamen propositio limitatione aut explicatione indigeat, eam instituere debet analyticus.
6. Tum consideretur, an propositum thema complexum sit universale, vel particulare, vel singulare, an sit thesis an hypothesis, an sit theoreticum vel practicum, &c.
7. Thema complexum theoreticum notitiam tantum pro fine habet; ideoque tantum vel probatur vel refutatur: at practicum affectus movet & impellit ad aliquid agendum; itaque amplificationes potissimum comitantur, quas non præteribit analyticus, sed eas etiam resolveret, & argumenta, verbi causa adhortantia, dehortantia, laudantia, vicuperantia, suadentia, dissuadentia, &c. indicabit.

LXXI. Et hæc quidem est consideratio ipsius thematis complexi, quam sequitur consideratio *mediorum* per quæ, & *modi* quo thema ab autore fuerit tractatum.

LXXII. Hic consideranda sunt quam diligentissime *argumenta* tum *declarantia*, tum *probantia* seu *confirmantia*, tum *refutantia*, insuper *ωεγλήσεις* & *objectionum-solutiones*, denique *amplificationes* & *exaggerationes*.

LXXIII. De singulis hi tenendi sunt canones.

1. Argumenta primum *declarantia* & *confirmantia* seorsim sunt collocanda, & ad suas sedes referenda; *probantia* deinde sunt *refutanda* & examinanda, utraque sunt artificialia vel inartificialia.
2. De artificialibus videndum, an sint necessaria vel contingentia.
3. Argumentum seu medium artificiale reducatur ad suam notionem secundam à qua fuit desumptum; alii dicunt, ad suum locum inventionis.
4. Medium diligenter conferatur cum subiecto & prædicato conclusionis inter resolvendum, ut, quam habitudinem vel respectum, causæ an effecti, subiecti an adjuncti, &c. ad ea dicat, cognoscatur.
5. Videndum an aliqua ex præmissis sit omissa, & tum ea addenda est analytico: si aliqua præmissarum prosyllogismi probatur, in reso-

fi
4
t
-
-
0
.
.
s
s
s
s
.
A



resolūtione prosyllogismi eodem processu utendum, quō usus est analyticus in resolutione syllogismi principalis.

6. Circa *prolepses*, tacitasque aut occultas *objectiones*, notandum est, illas diligenter esse secernendas à confirmatione, & ad syllogisticam formam esse reducendas; simulque attendendum, quomodo author in textu ad illas *objectiones* respondeat.
7. Authoris responsiones sunt resolvendæ, & ad *objectiones* à resolvēte applicandæ.
8. Quales in authore resolvendo syllogismi occurrunt, tales sunt in analysi ponendi, non alia figura aut modo.
9. De *amplificationibus*, hoc tenendum est, eas referendas esse ad sua certa loca, & speciatim in suas partes esse resolvendas: exornationes ad schemata rhetorica reduci debent; probationes & *objectiones* earumque refutationes, proprie ad Logicam pertinent. Quare hisce etiam maxime à studiosis praxeos logicæ est immorandum.

LXXIV. Hæc est resolutio thematis complexi, tum nude propositi, tum argumentis confirmati; magis tamen & sæpius occurrent analytico resolvenda posterioris, quàm prioris generis themata complexa.

LXXV. In hac utraque resolutione quando ad simplices enunciationes deventum est, aut ad nudos syllogismos, ad ipsa præcepta Logicæ recurrendum est, & juxta illa analysis eorum instituenda est, ad themata usq; simplicia.

LXXVI. Quia, quodcunque resolvendum proponitur, fere *tractatus* est, multis constans enunciationibus seu thematibus complexis; summatim hinc ejus resolvendi rationem in tali negotio comprehendam, aliquot canonibus.

1. Fiant legitima præcognita de *authore* scripti, *scripto* & *objecto*, atque *occasione*, juxta 50. canonem.
2. Instituat^r generalis *partitio* totius *tractatus*; atque imprimis *distinctio* instituenda est secundum diversa themata, ut tot sint partes *tractatus*, quot sunt themata ibi tractata: &, si sit divisus in capita, quælibet capita ad suas partes, id est themata, referantur.
3. Facta resolutione ista generali, accedatur ad resolutionem particularem singulorum membrorum, & capitum in quibus vel tractatur thema simplex vel complexum; & tum porro pro ratione alterutrius procedendum est juxta regulas datas.

LXXVII. Hæc quidem analysis est quorumvis thematum, Analysis facultatum & disciplinarum, quæ his solet subijci, tota dependet ex doctrina duplicis methodi syntheticæ & analyticæ, unde peti debet.

LXXVIII. Qua methodo facultas aliqua aut disciplina conscribi debeat, hac resolvitur.

LXXIX. *Disciplina contemplatrix* resolvitur, ut 1. inquiratur *subjectum*, 2. *subjecti principia generalia & affectiones generales*, 3. *subjecti species & affectiones speciales*, 4. *affectionum specialium causa & principia specialia*.

LXXX. *Disciplina operatrix* resolvitur, ut 1. inquiratur *finis* operatione acquirendus, 2. *subjectum* in quod finis introducitur, 3. *media* per quæ introduci debet.

LXXXI. Sedulo hîc est observandum, præcepta à commentariis diligenter esse distinguenda; multa enim in resolvendo invenientur addita commentariis, quæ non pertineant ad præcepta.

• F I N I S.

AUCTA-

AUCTARIUM DE ANALYSI THEOLOGICA

S. Scriptura.

I. **A** *Nalysis* theologica *Scriptura* est, vel integri *Libri*, vel *Capitis*, vel *Sectionis* alicujus capitis, sive unum sive plures versus contineat.

II. In *analysis* cujusque *libri* danda est opera, ut habeamus divisionem principalem; de qua hi sunt canones, ad iudicium informandum.

1. Quidam libri dividi possunt secundum principales personas; ut *Genesis*, libri *Samuelis*, *Regum*, & *Chronicorum*, & *Acta Apostolica*.
2. Quidam dividi possunt secundum personas, res, & actiones: ut *Leviticus*.
3. Quidam habent prologum, rem ipsam, & epilogum; ut quidam prophetici, & omnes epistolici.
4. Quidam methodum habent dialogisticam; ut liber *Jobi*, & *Canticum Canticorum*: ideoque resolvi debent in dialogos.
5. Quidam dividuntur secundum subjectam materiam in certas classes seu potius locos communes, ut *Psalmi*, & *Proverbia*.
6. Quidam resolvuntur in certas conciones: ut *Esaias*, *Jeremias*, *Ezechiel*.
7. Quidam in historiam & prophetias: ut *Daniel*.
8. Quidam in visiones & conciones: ut *Zacharias*.
9. Quidam in visiones meras; ut *Apocalypsis*.
10. Quidam in curricula vitae unius personae; ut 4. *Evangelia* secundum periodos vitae Christi.
11. Quidam in diversas profectioes unius personae; ut speciatim *Evangelium Joannis* secundum profectioes Christi ad diversa paschata.

III. De Analyſi librorum *historicorum* in ſpecie, hi teneantur canones.

1. Hiſtoriæ inter ſeſe aliæ ab aliis diſtinguantur.
2. Cauſæ & occaſiones hiſtoriæ obſerventur.
3. Principia, progreſſus, & finis hiſtoriæ attendantur.
4. Circumſtantiæ omnes accurate expendantur.
5. Obſervetur, ubi unaquæque narratio incipiat, ubi deſinat; num cohæreat cum antecedentibus vel ſequentibus, an vero plane ſit ſeparata.
6. Doctrina ſeu fides, & vita ſanctorum, accurate diſcernantur.
7. Topographia & Chronographia, id eſt, locorum & temporum obſervatio, imprimis notetur.
8. Dogmatica ſecernantur ab hiſtoricis, ſi intercurrent.

IV. De analyſi librorum *dogmaticorum* in ſpecie, hi teneantur canones.

1. Status & generalis propoſitio enodetur.
2. Præcipui loci communes attendantur.
3. Connexio iſtorum locorum inveſtigetur.

V. De analyſi librorum *propheticorum* in ſpecie, hi teneantur canones.

1. Attendatur tempus, quo prophetæ floruerunt.
2. Scopus prophetæ eruatur.
3. Hiſtorica & prophetica ſecernantur, & hiſtorica conferantur cum libris Regum & Chronicorum.

VI. Analyſis theologica *capitis* Bibliici hos habet canones.

1. Diſpiciatur, num caput cohæreat cum præcedenti vel ſequenti capite, an vero plane ſit ſecretum.
2. Attendatur, num tractetur unum thema, an vero plura pertractentur.
3. Si ſint plura themata, videatur num unum ex alio pendeat, vel an proriſus ſint diſjuncta.
4. Argumenta explicantia ac probantia ordine colligantur.
5. Analyſis iſtituatur primum ſcholæſtica, deinde popularis; id eſt, primum terminis logicis diſpoſitio capitis enunciatur, poſtea popularibus.

VII. De

VII. De analysi versuum Biblicorum hi teneantur canones.

1. Attendantur antecedentia, consequentia, & occasio.
2. Observetur thema, & reducat vel ad aliquod caput catecheticum, vel ad aliquem locum communem.
3. Argumenta quæ sunt in singulis versibus eruantur, & themati applicentur.
4. Præter analysin logicam, spectari quoque, imo præmitti potest analysi grammatica verborum & phrasum, & rhetorica troporum ac figurarum; ita ut de quolibet versu institui possint ac debeant quæstiones grammaticæ, rhetoricæ, logicæ.

Positio Agit tantum cum Antecedente

Remotio cum Consequente solum. Aliquando affirmando negata ibi Aliquando negando affirmata in consequente.

FINIS.

ALLO-

ALLOQUIUM AD SCHOLARUM RECTORES.

DEfuncti sumus, *Viri præstantissimi*, atq; multorum è vobis petitioni morem gessimus, in illustranda *Notis & Exemplis Synopsi Logicae Burgerjdicianae*, adjunximusque *Præceos* exercendæ regulas quasdam; ubi tamen exempla nulla apposuimus, quod ea ab ipsis tyronibus & Logicæ studiosis ad regularum normam & amussim componi proprio Marte & institui consultius sit: & si aliquam hinc exigant *Χρηστωρίαν*, adeant *Gymnasium Logicum Keckermanni*, & minus & majus, ubi exemplorum abunde est. Caterum, cum finis Logicæ sit præfixus; mentem dirigere in cognitionem rerum, quinam illi sint mentis actus dirigendi, & quomodo, dicendum est obiter. Intellectus humanus non uno versatur modo circa res cognoscendas. Aut enim res quaslibet apprehendit simplici; ex, quæ vulgo dicitur *prima mentis operatio*, & apprehensio simplex (atque eam juvat *Pradicamentorum, Pradicabilium, & Notionum secundarum, vel affectionum Logicarum doctrina* in hac *Synopsi* tradita:) aut res apprehensas enunciat, & enunciando inter sese vel componit, vel dividit, quæ *secunda mentis* dicitur, & *complexa oratio*; aut naturas rerum apprehensarum interiores in definitiones contrahit ac colligit, aut easdem per *divisionem* resolvit & dilatat (atque hanc in enunciandis, definiendis, dividendis rebus ante apprehensis, operationem mentis secundam, perficit in hac *Synopsi Interpretationis, Enunciationis, Divisionis doctrina*, suis capitibus explicata: aut inferendo & concludendo syllogistice de rebus apprehensis, enunciatis, definitis, promovet *Syllogismorum doctrina*, suo quoq; loco in *Synopsi* exposita: aut denique, quicquid vel simplici apprehensione, vel aliis modis jam dictis, cognovit, *methodice* si Christus non suscitatus foretque mortui inter resurgentes.

Atque Christus suscitatus est
Ergo mortui suscitaturi sunt

inter sese disponit, ordinat, tractat, retractat atque hic men-
tem dirigit ultimum Synopsis Burgerſdicianæ caput. Ver-
um enimvero in poſtrema hæc, res quaſvis ordinata &
artificioſa per modo pertrectandi ratione multum deficit
Synopſis: quem defectum ejus Author aliquando à ſe ſup-
pletum iri promiſerat; ſed aliter viſum fuit ſummo rerum
omnium moderatori Deo, qui ante fidem liberaſcit eum
in beatas tranſtulit ſedes: Ego in munere ipſi ſucces-
ſor, in ejus quoque vicem hic ſuccedere volui: eumque
in finem, Geneſeos & Analyſeos Logica canones ſubjunxi.
Hoc reſtat, ut tyrones & Logica ſtudio continuo exami-
ne circa Synopſeos præcepta, & aſſiduo exercitio circa re-
gulas Praxeos occupentur: quod ſi fieri non poterit,
Viri Præclari, & Deo vos atque ſtudioſam com-
mendo.

ſi Deus eſt Animus, eſt pura mente Colendus

At eſt Ani - Ego

hic præcedit hæc poſſibile eſt Animi ad poſſibile Conſequens

Lugd. Batav. Poſtridie Idus Maii,

voluit M D C L I.

ſi Animus non habet Alas

At non habet Alas Ego

ille - ſentientia eſt Conſequens ad ſentientia Antecedens

ADRIANUS HEEREBOORD

Philosophiæ in Academia patria

Profeſſor Ordinarius.

Non enim dicitur, non eſt affirmatio quod ſubſequens affirmatio

non eſt affirmatio

ſentientia eſt affirmatio eſt Conſequens Negatio

Negatio eſt Conſequens Affirmatum

ſentientia eſt Conſequens

ſi planta non eſt Animal non ſentit

At non eſt Animal Ego poſſibile eſt non eſt negatio

ſentientia eſt Conſequens

ſi planta eſt Animal ſentit poſſibile eſt eſt Conſequens

At planta ſentit eſt affirmatio

‘E R M H N E I A 3.
LOGICA

Seu

SYNOPSIS LOGICÆ

BURGERSDICIANÆ

Explicatio,

Tum per **NOTAS**, tum per **EXEMPLA**;

Authore

ADRIANO HEEREBOORD;

Phil. Profess. Acad. Leid. Primario.

Editio nova accurata.

Accedit ejusdem Authoris

PRAXIS LOGICA.

CANTABRIGIÆ,

Ex Officina *Joan. Hayes*, celeberrimæ
Academix Typographi, 1670.

LOGICA
F. R. M. H. N. I. A.

2m

SYNOPSIS LOGICAE

UNIVERSITATIS


Leipziger

Thomae et Johanne

Auctore

ADRIANO HERREBOORD

Philosophiae Acad. Leid. Primario.



Auctoris

PRAXIS LOGICAE

CAMBRIDGE

At the University of Cambridge, 1850.

URBIUM HOLLANDIÆ, &c.

MAGISTRATUI SUPREMO.

Nobilissimi, amplissimi, spectatissimi
et Viri.



Rigesimus primus labitur annus, ex quo, communi suffragio & publica authoritate *Illustriss. ac Præpotentiss. D. D. Ordinum Hollandiæ West-frisiæque*, in hujus *Provinciae Scholas*, ne tenera Juventus nimium distraheretur, alios præter libros, introducta est *Logica Cl. Viri, Præceptoris ac Prædecessoris mei, Franconis Burgersdicii*, in eum finem ab ipso, eorundem jussu conscripta, eorumque nominibus inscripta, *magna minorque*. Verum enim-vero, cum *magnam* tyronibus hujus artis nimium longam ac difficilem, *parvam* nimis brevem ac sterilem esse, experientia comprobasset, rogatus fui ac postulatus non semel à diversis diversarum Scholarum Rectoribus, ut *Synopsis* ejus, brevior ac steriliore, *Notis* atque *Exemplis*, ad captum tyronum accommodatis, auctiorem redderem ac fertiliorem: quod, tandem me exorari passus, ante sexennium præ-

DEDICATIO.

stiti; & res ista conatusque noster (quod
præfiscine dictum esto) feliciter cessit cecidit-
que. Has curas cogitationesque, tertio nunc
recusas, *Nobiliss. Amplitud. Vestrarum Nomi-
nibus Illustriss.* inscriptum eo, ut *Synopsin*
istam *Burgersdicianam* in Scholas vestrarum
Urbium introducat, aut in eas invecam, *No-
tis* ita à me & *Exemplis* illustratam, & tertio
editam, atq; emendatius auctiusque, in iisdem
retineatis, ad juventutis vestræ commodum,
& ut me *Authorem* in clientelam vestram re-
cipere dignemini. Scripsi *Lugduni Batavorum,*
Nonis Aprilibus, Anno 1657.

Illustriss. Amplitud. Vestrarum Devotiss. cultor,

Adrianus Heereboord, *Philosophia in*

Academia patria Professor primarius.

PRÆ-

P R Æ F A T I O
AD SCHOLARUM
Hollandiæ West-Frisiæq; &
aliarum Rectores.

Sisto vobis jam tertio, eruditissimi Viri, Synopsin Logi-
cæ Burgerſdicianæ, Notis à me, quantum potui, perſpi-
cuis & Exemplis illustratam. Quid me moverit ut
hunc laborem ſuſceperim, paucis olim expoſui verbis, Quinde-
cim ſunt præter propter anni, ex quo Logicam publicè privatiſq;
expono; ac jam aliquoties hoc curriculum à carcèribus ad me-
tam decurri, in publicis lectionibus, nulli adſtriſtus textui,
per locos inceſſi communes & generales rerum Logicarum
titulos, ſilum tamen ſemper ſecutus & ſeriem Logicæ majoris
Burgerſdicianæ, quod eam aut in Scholæ jam præſtaſſent
Logica ſtudioſi recenter ad Academiam promoti, aut privatiſ
enarrationibus à me explicari audirent; in iis enim, ipſi In-
ſtitutionum Logicarum textui, de verbo ad verbum, tum
quoad theorematà, tum quoad commentarios, exponendo,
inſiſtere atq; immorari, conſuetudo mihi fuit, à longo tempore.
Sed enim, ut verum ſcietur, ipſa multorum annorum experien-
tia deprehendi, multa eſſe in Inſtitutionibus iſtis minùs com-
moda, ut pro privata præleſtionis textu inſervire valeant, ne-
dum ut idonea ſint ad capium tyronum in triviali adhuc pulve-
re uſtantium; quippe & ſublimia nimis ſunt ac uerboſiora te-
ra quæ de prædicabilibus & affectionibus Logicis ibi tra-
duntur & multa quoq; in iis exiſtunt, (ut eſt Modalium & E-
nunciationû & Syllogiſmorum doctrina,) quibus abſq; detri-
mento Scholaſtica atq; Academica juvenus carere poteſt; atq;
hinc factum quoque eſt, ut ſua prolixitate tediû ſere pepererint
Logica ſtudioſis, qui ſape dimidia tantû earû parte audita, reli-
quam, & tamen longe uſiſſimam, inſuper neglectui habuerunt.
Sed ne illarum Inſtitutionum Synopſis hîc mihi unquâ ſatis
facere potui, quod ſterilis nimium illa eſſet & jejuna. Quare,

dentis, sed non contradicit, propter conditionem aliquam contradictionis omissam: ut, si quis probaturus, *Christum non esse dominum Davidis*, concluderet, *Christum esse filium Davidis*, peccaret ignoratione elenchi, quia dominum & filium esse non tribuuntur Christo secundum idem; nam dominus Davidis est secundum divinam, filius secundum humanam naturam.

Hoc sophisma vocatur *ignoratio elenchi*, quod tam committitur, quando ignoratur quid debeat thesi adversarii nostri opponi: nam elenchus significat proprie argumentum, quo opponens utitur ad frangendam thesin respondentis, debetque semper esse talis syllogismus, cujus conclusio e diametro contrarietur ipsi thesi

impugnandæ; ut si thesis sit, *Logica est ars*, conclusio syllogismi primi opponentis debet esse, ergo, *Logica non est ars*, & tum dicitur facere bonum elenchum: si vero aliud concludat quam quod directe adversatur thesi quam oppugnat, dicitur committere ignorationem elenchi.

Quæst. VIII. Quomodo solvantur hæc sophismata?

Ostendendo quænam conditio contradictionis omissa sit, [aut quomodo conclusio non adversetur thesi impugnandæ, vel propositioni negatæ.]

Quæst. IX. Quid est fallacia consequentis?

Cum aliqua enunciatio, [id est, conclusionis, scilicet conclusio,] ex altera colligitur, ex qua non sequitur.

Fallacia consequentis non constituit peculiare genus sophismatis, quia est communis omni syllogismo vitioso: nam in omni sophismate colligitur conclusio ex præmissis ex quibus non sequitur.

Quæst. X. Quot modis contingit illud?

Quatuor modis. Primo, cum universalis affirmans convertitur simpliciter; ut si quis, quia *omnis adulator blandus est*, putet *omnem blandum esse adulatorem*. Secundo, cum ex universali affirmante colligitur universalis negans; ut, *quicquid genitum est habet principium*; ergo, *quod non est genitum, non habet principium*. Tertio, cum minor est negans in prima figura, aut, quod eodem redit, cum ex remotione antecedentis colligitur remotio consequentis. Quarto, cum utra-

que

que præmissarum affirmans est in secunda figura; aut, quod eodem redit, cum ex positione consequentis colligitur positio antecedentis.

Quæst. XI. *Ejusmodi paralogismi non videntur esse sophismata, quia aperte peccant in regulas.*

Ita est: sed sophistæ solent vitium formæ occultare, aut alterius præmissæ suppressione, ut, *Crispus est blandus ergo est adulator*; vel ambagibus verborum, ut, *Qui dicit te esse animal, dicit verum: Atqui qui dicit te esse asinum, dicit te esse animal: Ergo qui dicit te esse asinum, dicit verum.* Hæc enim argumentatio perinde se habet, ac si sic frueretur *Asinus est animal; Tu es animal; Ergo tu es asinus*: quæ est argumentatio ex duabus affirmantibus in secunda figura.

Quæst. XII. *Quomodo solvuntur hæc sophismata?*

Citata regula in quam peccat illatio sophistica.

Quæst. XIII. *Quid est sophisma petitionis ejus quod ab initio in quæstione est?*

Cum aliquid probatur per se ipsum, aut per aliquid quod æque ignotum est: ut, si quis probet, *Animam humanam esse ex traduce, quia generatur ex semine parentum; aut, Visionem fieri emissionem, quia non fit receptionem.*

1. Vocatur hoc sophisma *petitio principii*, quia id adfertur in probationem, & probatio id petit, quod in principio erat controversum: Hoc vitium frequentissime committitur, cum terminus medius non differt à partibus quæstionis, nisi verbis tantum; quod fit, cum terminus medius nihil significat diversum à prædicato quæstionis.

2. Quia terminus medius primo omnium disponi solet cum termino majore, recte dicitur probatio in syllogismo initium petere à medio, & recte hoc sophisma dicitur *petitio principii*, quando in conclusione nihil infertur diversum à termino medio; tunc enim reditur ad id quod in initio aut in principio erat positum.

Quæst. XIV. *Quomodo solvuntur sophismata hujus loci?*

Ostendendo medium non esse diversum à quæstione, aut saltem non esse notius quæstione.

Quæst.

Quæst. XV. *Quid est sophisma non-causæ pro causâ?*

In quo id quod causâ non est, ut causâ per accidens, pro causâ verâ ac per se obtruditur: ut, *Vinum inebriat; ergo exterminandum est ex republica.*

Nulla hic quoque ratio est, non generis pro genere, non-cur peculiare genus sophismatis adjuncti pro adjuncto, non-oppositi pro opposito, &c.

causâ, non magis quam sophisma

Quæst. XVI. *Quomodo solvuntur sophismata hujus loci?*

Designatione veræ causæ à qua effectus per se dependet. Exempli gratia, in sophismate prolato neganda est consequentia; quia vinum non est verâ causâ ebrietatis, sed hominum intemperantia vino abutentium.

Quæst. XVII. *Quid est sophisma plurium interrogationum?*

Cum duæ pluresve interrogationes ita proponuntur, ut unius speciem præ se ferant; veluti si quis quærat, *Estne mundus perfectus & æternus?*

Quæst. XVIII. *Quomodo solvuntur hujusmodi sophismata?*

Distinctione quæstionum, & responsione ad singula seorsim applicata. Exempli gratia, ad interrogationem jam propositam, non debet responderi, *Ita*, aut *Non*, sed *mundum perfectum esse, non æternum.*

CAPUT XXVIII.

Quæst. I. *Atque hæc de syllogismo. Quid est methodus?*

Methodus est apta dispositio rerum, [scilicet cognoscendarum] eodem pertinentium, ut quam optime facillimeque intelligantur, & memoriæ quàm tenacissime inhæreant.

[1. *Methodus*] & ordo Zabarellæ aliisque philosophis solent distinguere, ut ordo significet nudam rerum dispositionem, methodus rei unius ex alia no-

tificationem; sed hoc discrimen neque Aristotelis nititur auctoritate, neque ratione solida; nam voces Græcæ, *ἡ μέθοδος* id est ordo, & *ἡ τάξις*, promiscue

usur-

usurp
quod
ficer
alia
fert
idde
trans
termi
semp
termi
2.
apte
tinen
inter
tame
3.
tum
tantu
quate
que
artes
gnose
pris,
canon
hinc
discip
dus
quia
cipili
discu
4.
apra
natur
serva
dis a
omni
rerum
seu,
cantu
prius
5.
sio
in re
screp
ordin

usurpantur : & gratis dicitur, quod vox *methodus* semper significet notificationem unius rei ex alia ; hoc enim ipsa vox non infert, quæ componitur ex *με* & *οδος*, significatque simpliciter transitum à termino à quo ad terminum ad quem, atqui non semper terminus à quo notificat terminum ad quem.]

2. *Dispositio*] id est oratio quæ apte disponuntur res eodem pertinentes. Oratio intelligitur vel interna, vel externa; potissimum tamen interna.

3. Quia *methodus* instrumentum est cognoscendi, sub hoc tantum respectu res disponit, quatenus sunt *cognoscenda* : ideoque respicit propriæ disciplinas, artes, scientias, ubi res quæ cognoscendæ veniunt suis præceptis, definitionibus, divisionibus, canonibus, disponuntur: atque hinc *methodus* præceptorum in disciplinis vulgo vocatur *methodus didascalica* sive doctrinæ, quia ejus beneficio res in disciplinis propositæ docentur ac discuntur.

4. *Methodus* dicitur *dispositio apta rerum*, quatenus congruit naturæ rerum, id est, cum is servatur ordo in rebus explicandis ac cognoscendis qui à Deo, omnis ordinis auctore, in ipsa rerum natura est constitutus; seu, cum illa priori loco explicantur ac cognoscuntur, quæ prius à Deo sunt facta.

5. Uti tota *Logica* est expressio ordinis quem Deus instituit in rerum convenientia ac discrepantia, ita speciatim hunc ordinem exprimit quartum hoc

cognoscendi instrumentum, *methodus* : atque hoc videre est in *methodo Physicæ*, ubi post partem generalem expositam, illa corpora naturalia suo ordine speciatim explicantur, quæ primum à Deo fuerunt condita ; ut ordo *Physicæ* sit expressio ordinis quem Deus servavit in creando.

6. *Finis* *methodi* est, non tantum ut intellectus juvetur in cognitione rerum, sed præsertim ut memoria subsidium accipiat in rebus cognitis diu retinendis.

7. Cum definitio, divisio, & syllogismus, hunc tantum usum habeant, ut intellectum dirigant in cognitionem rerum; *methodus*, quæ idem facit, hoc insuper habet, ut memoriam juvet in rerum cognitarum recordationem, tum sensitivam tum intellectualem.

8. *Res eodem pertinentes*] dicuntur, quæ pertinent ad eandem disciplinam : tales sunt quæ pertinent ad idem subiectum sive objectum, vel quæ pertinent ad eundem finem.

[9. *Res* pertinent ad idem subiectum vel objectum in scientiis strictis didis triplici modo : vel ut principia aut etiam partes subiecti ; vel ut affectiones ejus ; vel ut ejus species. Sic verbi causa ad corpus naturale, objectum *Physicæ*, consequenter ad ipsam *Physicam*, pertinent materia, forma, & privatio, tanquam principia, & priora duo insuper tanquam partes corporis naturalis ; magnitudo, locus, motus, tempus, pertinent ad corpus

corpus naturale tanquam affectiones ejus; cœlum, elementa, metœora, mineralia, mixta, animata, plantæ, bruta, homines, pertinent ad corpus naturale tanquam species ejus. Res pertinent ad eundem finem in artibus & prudentiis, quæ sunt media conducentia ad alicujus artis vel prudentiæ finem obtinendum: ita verbi causa ad Grammaticam pertinent omnia quæ faciunt ad bene loquendum, tanquam Grammaticæ finem; ad Ethicam pertinent omnia quæ faciunt ad beate vivendum in hac vita, tanquam finem Ethicæ.]

[10. Ex verbis liquet quo modo ad Physicam pertineat anima rationalis, quæ quidem non est species corporis naturalis, neque ejus affectio demonstranda, sed tamen ejus pars, aut principium, cum corpus naturale accipitur ut totum compositum constans materia & forma; est enim forma, consequenter causa, & pars essentialis ac principium hominis, qui est corporis naturalis accepti ut compositi species: sed si corpus naturale sumatur pro parte hominis, materia ejus in quantum homo constat corpore tanquam materia, & anima rationali tanquam forma, non est ejus species; sed sic non sumitur corpus naturale ut est objectum Physicæ, & homo ut est ejus species.]

11. Ad idem subiectum sive objectum pertinent res cognoscendæ, cum sunt necessariæ: ad eundem finem, cum

sunt contingentes. Res necessariæ disponuntur in disciplinis theoreticis; res contingentes in practicis.

[12. Quamvis eadem sit res in scientiis & subiectum & objectum, tamen diversos dicunt respectus duo ista vocabula: nam objectum dicitur in ordine ad operationem, subiectum in ordine ad existentiam. Verbi causa, corpus naturale dicitur objectum Physicæ, in quantum circa illud versatur Physica explicando, suis præceptis, definitione, divisione, & canonibus; idem dicitur subiectum respectu quantitatis, motus, loci, temporis, aliarumque affectionum in eo existentium, & de eo demonstrandum.]

[13. Nota, hanc vocem practicis hic sumi late, ut comprehendit non tantum prudentias, quæ sunt disciplinæ practicæ sensu stricto, prout praxis significat actionem moralem, & contradistinguitur *πολιτικὴ* sive actioni artificiali; sed hic quoque intelliguntur artes, & sic vox *πρακτικὴ* significat tum quancumque actionem, non tantum moralem, sed & artificialem, & *πολιτικὴ* non excludit, sed includit: quo sensu Grammatica & Logica etiam dicuntur disciplinæ practicæ.]

[14. Res necessariæ vocantur, vel ipse Deus, vel quæ sunt immediate à Deo, ut quæ creantur, vel quæ sunt à natura per certas causas operante, ut quæ generantur; sic ut illas facere vel non facere, non sit concessum

Lib
sum
sunt
cæ,
hom
duce
teor
ullat
test
am
man
effic
cant
bitri
pote
face
orati
pis &
tem
tribu
am a
rege
sequi
Res

U
tium

[
cogni
medi
bet i
prin
nem
aliqu
cogn
mali
ne ge
nus a
ciei,
nition
gular
& pr
quam

sum potestati humanæ: quales sunt res physicae, mathematicae, metaphysicae: nemo enim hominum potestatem habet producendi cælum, elementa, meteo-
ra, mineralia, plantas, bruta: ullasve res physicas; nemo potestatem habet quantitatem suam augendi; multo minus animam rationalem aut angelos efficiendi. Res contingentes vocantur, quæ ab hominæ pro arbitrio suo produci possunt: ita potest producere syllogismum, facere definitionem, componere orationem, eamque ornare tropis & figuris; potest liberalitatem exercere, unicuique suum tribuere, fortiter agere, familiam administrare, rempublicam regere, leges servare, vel iis obsequi, & alias res similes facere. Res contingentes vocantur hu-

manæ, sicuti res necessaria dicuntur divina: illæ sunt objectum Philosophiæ theoreticæ, hæ sunt objectum philosophiæ practicæ & poeticæ, illæ scientiarum, hæ prudentiarum & artium.]

[15. Quando res contingentes dicuntur produci posse pro arbitrio hominis, id non sic accipiendum est, ac si excluderetur Dei influxus aut concursus; nihil minus; nam is intime includitur, non tantum in omni hominis actione, sed cujuscunque creaturæ: sed vocantur hæ res contingentes, quæ sic sunt à Deo, ut homo cooperetur; & vocantur res necessariae, quæ ita sunt à Deo, ut homo nihil conferat ad illarum productionem, hoc est, ut non sit situm in ejus potestate aut arbitrio, res illas vel efficere vel non efficere.

Quæst. II. Quidnam requiritur ad eam rem?

Ut præmittantur quæ faciunt ad cognitionem sequentium, aut saltem quæ cæteris facilius intelliguntur.

[1. Aliquid dicitur *facere ad cognitionem sequentium*, vel quia medium est, ex quo inferri debet id quod est ignotum; ita principia faciunt ad cognitionem principiatorum: vel quia aliquid tale est, ut sine eo aliud cognosci nequeat; ita sine animali nequit cognosci equus, sine genere, species; ideoque genus ad cognitionem facit speciei, & omne universale ad cognitionem particularium ac singularium: ideoque universalia & prius & facilius cognoscuntur quam singularia, quia illa à pau-

cioribus differentiis abstrahuntur quam hæc; nam singularia includunt omnes differentias quæ includuntur in universalibus, & adhuc insuper proprias: ita species, verbi causa homo, includit differentias omnes animalis, ut generis proximi, & insuper viventis, mixti, corporis, substantiæ, ut generum remotorum; individuum, verbi causa Petrus, includit & speciei, scilicet hominis, differentiam, scilicet rationalitatem, & peculiare differentias omnium superiorum generum, atque insuper propriam,

priam, qua est Petrus, & non Paulus.]

[2. Quæstio de ordine intelligendi, an universalia prius intelligantur quam singularia, sic satis est intricata. Distinguendum hic est inter cognitionem confusam, quæ est sensuum, & distinctam, quæ est rationis: singularia prius cognoscuntur cog-

nitione confusa, quia sensibus sunt vicina; & universalia prius cognoscuntur cognitione distincta, quia hæc sequitur ordinem naturæ; at naturæ ordine universalia sunt priora singularibus, ergo quoque cognoscuntur prius cognitione distincta quam singularia.]

Quæst. III. Quomodo dividitur methodus?
In naturalem, & arbitrariam.

Quæst. IV. Quam vocas naturalem?
In qua servatur ordo naturæ, & cognitionis nostræ distinctæ.

[1. Ordo naturæ] dicitur, quem Deus tenuit in omnium rerum creatione, atque etiamnum servat in earundem conservatione, & insuper, quem res creatæ servant inter se mutuò: omnia enim ut certo ordine ac sapienter à Deo sunt creata, ita eodem ordine conservantur, consistunt, atque agunt. Quia vero disciplinæ, sive sint scientiæ, sive artes, sive prudentiæ, nihil sunt aliud quam rerum cognoscendarum expressiones per præcepta definitionum, divisionum, canonum, debet talis servari ordo in illis tradendis, qualem in natura atque in hoc universo tenent: nam nihil debet esse in typo nisi quod est in antitypo; atqui disciplinæ sunt typus rerum cognoscendarum, ipsæ res sunt antitypus, & res debent esse mensura cognitionis nostræ, non vero cognitio nostra debet esse mensura rerum; ideoque talis ordo debet servari in cognos-

cendo, & in disciplinis, qualis rerum ordo est in existendo, & in natura. Per naturam proprie quidem intelligitur essentia cuiusque rei creatæ, & vis illa innata, qua creaturæ omnes id quod sibi bonum est appetunt, & quantum possunt acquirunt; improprie tamen dicitur interdum de Deo, ac significat essentiam ipsius ac vim quandam, non innatam (nam Deus non nascitur) sed æternam, qua ab æterno id quod bonum est non quidem sibi, [nam Deus à nullo perfici potest] sed aliis appetit, & in tempore exsequitur. Natura priori modo sumpta dicitur naturata, posteriori modo naturans.]

[2. Quando hæc dicitur, quod Deus bonum ab æterno appetit aliis, videntur alia ab æterno coexistisse Deo, quod tamen falsum est: sed vero hoc illa phrasis non significat, nam sensus ejus hæc est, quod ille appetit

Lib.
ticus
quo
num
quan
admi
tate
gis
con
pera
[3
prou
spe
quid
tum
sive
quid
sed p
quem
sequi
ordin
gener
nam
dum
tis, p
ordine
verbi
tendit
tra, p
cit, ac
stea d
sic pr
stea p
ducit
primu
causas
cit cau
hic est
rantis,
mum i
quitur
quæ v
gerit,
cujusq
natura
quitur

titus quidem ab æterno sit in Deo quo appetit aliis bonum, sed bonum in tempore, conferendum, quando illa alia exstiterint: quem admodum illa creando jam bonitatem suam exerit, ac multo magis ea postquam sunt creata conservando, & cum illis cooperando.]

[3. Ordo naturæ duplex est, prout ipsa est natura: hæc enim spectatur vel ut intendens aliquid, vel ut id quod erat intentum exsequens, sive produciens, sive generans. Natura dum aliquod intendit ordinem servat, sed plane alium quam est is quem servat dum intentum exsequitur ac generat: imo hi duo ordines naturæ intenditis & generantis plane sunt contrarii; nam quod primum est secundum ordinem naturæ intenditis, posterum est secundum ordinem naturæ generantis: ita, verbi causa, natura primum intendit finem, tum media; contra, primum exsequitur, producit, ac quasi generat media, postea demum assequitur finem: sic primum intendit totum, postea partes; contra, primum producit partes, postea totum: sic primum intendit effecta, postea causas; contra, primum producit causas, postea effecta. Atque hic est ordo naturæ tum naturantis, ipsius Dei, qui quod primum intendit posterum exsequitur, tum naturæ naturatæ, quæ vicem Dei in inferioribus gerit, & est vis naturalis uniuscujusque naturæ, quæ bonum naturæ suæ intendit atque exsequitur. Jam vero methodus na-

turalis est, in qua servatur ordo utriusque naturæ, tum intenditis tum generantis. Ordo naturæ intenditis incipit à fine, & desinit in media: ordo naturæ generantis incipit à mediis, & desinit in finem.

[4. Methodus naturæ intenditis servatur in cognoscendis rebus contingentibus, & disponendis artibus, ac disciplinis practicis, sive prudentiis, sive artibus.]

[5. Methodus naturæ generantis servatur in tractandis rebus necessariis, & disponendis disciplinis theoreticis.]

6. Ordo cognitionis nostræ distinctæ] est idem cum ordine naturæ, quia tum demum distincte cognoscimus res, quando eas cognoscimus isthoc ordine quo Deus & natura eas & intenderunt & produxerunt.

[7. Cum Deus aliquid dicitur primum intendere, & postremum intendere, illud primum & postremum intelligendum est non ratione Dei, in quo non est prius aut posterius; nam æternitas, quæ Deo competit, omne prius aut posterius excludit: sed hoc intelligendum est ratione nostri intellectus, qui ea quæ in Deo sunt simul, uno conceptu concipere nequit, quia imperfectus est in intelligendo & finitus, sed quæ in Deo sunt simplicissima in duo dirimit momenta, & duobus distinctis instantibus intelligit; quæ ideo à philosophis vocantur momenta & instantia rationis aut naturæ, juxta quæ intellectus humanus multa distinguit, & di-

finctis conceptibus apprehendit, quæ tamen in se ac natura sua, ac præsertim in Deo, sunt indistincta.]

[8. Vulgo quidem nos sic de Deo loquimur, ut dicamus eum primo intendere finem, deinde media: non quod hi actus intendendi finem & intendendi media sint in Deo distincti, & distinctis momentis exerantur unus post alium, Deus enim simul & semel, uno actu & iæu, æterno atque interno, suæ voluntatis, decrevit & finem, & media omnia suo tempore ad finis acquisitionem executioni mandanda; sed quia nos homines duobus diversis actibus distinctisque momentis intendimus & finem & media, hinc fit ut similiter ista in Deo dicamus, quæ tamen ab eo sunt simplicissime; neque nos aliter de Deo philosophari possumus, propter naturam finitam & imperfectiorem nostri intellectus: & quæ nos sic distinguimus nostro intellectu de Deo in diversa momenta, quæ tamen uno instanti indivisibili sunt, ea vocantur vel momenta naturæ, vel instantia rationis.]

[9. Ut totus hic commentarius feliciter intelligatur, duo sunt tenenda accurate: primo, quid per naturam intelligatur; secundo, quomodo ei adscribatur duplex ordo, intentionis & executionis. 1. Natura proprie tantum competit rei productæ, sive per generationem sive per creationem; descendit enim à nascendo; quo sensu Deo tribui nequit, quia hic nunquam na-

scitur, nec enim creatur, nec generatur: quia tamen omnis naturæ in rebus creatis est author, vulgo dicitur natura naturans, & creatura dicitur natura naturata. Improperie natura, significat essentiam cujuscunque rei, seu creatæ seu increatæ, quia per eam unaquæque res est id quod est, & ab aliis rebus distinguitur: hoc sensu Deo tribuitur natura, & sic agunt de natura Dei in locis communibus theologi. 2. Utrique naturæ, & naturanti & naturatæ competit operari, & neutra operatur nisi quod intendit: sed hoc discriminis est, quod natura naturans, scilicet Deus, licet diversis temporibus diversa operetur & exsequatur, omnia tamen uno & indivisibili atque æterno actu suæ voluntatis operari & exsequi intendit: at natura naturata, ut diversis temporibus diversa operatur & exsequitur, ita diversis actibus temporisque vicibus operari atque exsequi intendit. Hic vero observandum est, intentionem naturæ naturatæ esse geminam: unam quæ proficiscitur à voluntate, sequiturque rationem, & competit soli homini, qui intendit quod vult, & vult quod ratio præscribit; alteram, quæ proficiscitur ab inclinatione naturali, aliis præter hominem creaturis ratione destitutis indita, quæ intendunt operari & exsequi id ad quod naturali instinctu feruntur, & sic omnia intendunt id quod suæ naturæ est conveniens ac bonum, quia unumquodque ad id naturali propensione inclinatur; ideoque,

que, cum natura naturata producit monstra, dicitur agere præter intentionem. Porro, ordo quidem est in utraque natura, naturante & naturata, secundum quem & intendit & exsequitur; unde aliquid dicitur primum, secundum, tertium, &c. atque ultimum, tum intentione tum executione. Interim, quando aliquid primum aut posterum tribuitur Deo in intentione sua, id non fit ratione Dei, quasi in ipso sint diversi actus intendendi seu decernendi, nam in Deo nihil est prius & posterius, sed & finem, & media omnia ad finem obtinendum necessaria, intendit uno atque individuo æternoque actu; sed hoc fit ratione nostri intellectus & conceptus: quia enim nos non possumus uno simplici conceptu intelligere quæ Deus uno simplici que actu intendit, hinc fit ut, licet Deus simul & finem & media decernat, tamen nos concipiamus eum tanquam decernentem primo finem, secundo media; quia hoc divinæ sapientiæ maxime congruit; sic, quamvis & salutem Petri vitamque æternam, tanquam finem, & fidem ac perseverantiam in fide ac bonis operibus, tanquam media, simul intenderit, nos tamen cum concipiamus quasi prius intendisse salutem ut finem, & deinde fidem ut medium. Et hinc liquet, quam male quidam asserant, Deum eligisse hominem ad salutem ex fide aut operibus prævisis; sic enim conciperetur prius intendisse media

quam finem, quod, non tantum divinæ ejus sapientiæ repugnat, sed omni sanæ rationi adversatur. Quando aliquid creatura intendit, ibi in ipsa intentione locum habet prius & posterius; nam revera homo prius intendit finem uno actu suæ voluntatis, & media alio actu suæ voluntatis; ita & natura irrationalis prius intendit ex naturali inclinatione totum ut finem, deinde partes ut media: quando autem vel Deus vel creatura exsequitur id quod intenderunt, ordo executionis plane contrarius est ordini intentionis, hoc est, quæcunque Deus à nobis concipitur prius intendisse, ea posterius exsequitur, aut concipitur exsequi, & quæ concipitur intendisse posterius, ea prius exsequitur, aut concipitur exsequi; sic prius dat fidem Petro, & perseverantiam in fide, quam vitam æternam, & tamen prius intentione concipitur velle dare vitam æternam Petro, quam concipitur velle dare fidem; & quæcunque creatura prius intendit, seu ex voluntate seu ex inclinatione naturali, ea posterius quoque exsequitur; sic in generatione prius producit partes, posterius totum, cum tamen prius intenderit totum, posterius partes; sic studiosus prius studet quam eruditionem adipiscitur, cum tamen prius intenderit eruditionem ut finem, posterius studia ut media.]

co. *Distincta* cognitio dicitur, quia cognoscuntur omne id quod de re cognosci potest; itaque hæc exhaustit totam rem

cognoscendam, omnesque ejus partes manifestat, & conformis est ipsi eorum ordini: hinc, quæ sunt priora in naturæ ordine, prius debent cognosci, ut habeatur cognitio distincta; sic universalis, si modo cognoscantur pri-

us quam singularia, partes quam totum, causæ quam effecta, habebitur singulare, totius, & effecti distincta cognitio, nam tum exprimitur ipse ordo quem ipse Deus & natura servarunt.

Quæst. V. Quot sunt in naturali methodo observanda?

Duo potissimum.

Quæst. VI. Quanam?

Primo, ut omnes partes sint homogeneæ, hoc est, ut non commisceantur quæ ad diversas disciplinas aut ad diversas ejusdem disciplinæ partes pertinent. Secundo, ut progressus instituat ab universalibus ad particulariora, utque partes aptis transitionum vinculis connectantur.

[1. Ut omne instrumentum cognoscendi jam explicatum suas habet leges, juxta quas confici debet, ita & methodus suas: fuerunt leges definiendi, dividendi, argumentandi; sequuntur nunc leges ordinandi. Hæ quidem leges tres sunt; lex *homogeniæ*, lex universalitatis, & lex transitionis. Lex *homogeniæ* est vel integrarum disciplinarum, vel variarum in una disciplina partium: utrobique intelligenda est de præceptis definitionum, divisionum, canonum, non vero de commentariis aut explanationibus, ubi illa locum non tenet. Homogenia latine significat id quod pertinet ad idem genus; lex ergo homogeniæ jubet, ut quæ sunt ejusdem generis in disciplinis integris, ea in singulis tradantur; sunt autem ejusdem generis in disciplinis integris vel quæ pertinent ad idem subje-

ctum, ut in scientiis, vel quæ pertinent ad eundem finem, ut in prudentiis & artibus lex ergo homogeniæ jubet, in Physica tradi omnia ea præcepta quæ pertinent ad corpus naturale, removeri quæ isthuc non pertinent; eadem jubet in Ethicis illa præcepta tradi quæ pertinent ad summi boni, tanquam finis ultimi, acquisitionem, in Grammaticis item jubet illa tradi præcepta quæ pertinent ad bene loquendum, finem ejus. Lex homogeniæ in singulis disciplinarum partibus jubet illa tradi præcepta quæ singulis partibus debentur, hoc est, vult in genere tradi quæ pertinent ad generalem disciplinæ alicujus partem, species vero & affectiones speciales tradi jubet in speciali parte disciplinæ. Hinc liquet quod in mathematicis non debeant tradi præcepta ethica, nec contra; præterea, quæ per-

pertinent (in physicis verbi causa) ad doctrinam de corporibus non viventibus, non debeant tradi in doctrina corporum viventium, nec vice versa.]

2. Lex universalitatis habet quoque locum vel in integris disciplinis ordinandis, vel in disponendis singularum disciplinarum partibus: utrobiq; mandat, ut universalia præcedant & disponantur ante particularia & specialia: Verbi causa, in Physica primum agitur de corpore in genere, tanquam aliquo universalis, tum de corporibus particularibus, ut de cælo, elementis, sunt enim hæc omnia species corporum naturalium: & in singulis speciebus explicandis in parte speciali, prius agit de cælo quam de ullo alio corpore, quia cælum est universalissimum omnium corporum in specie sumptorum.

3. Quia universalia faciunt distinctam cognitionem particularium, ideo in methodo naturali proceditur ab universalibus ad particularia; est enim distincta cognitio methodi naturalis finis.

4. Lex transitionis facile intelligitur, modo hoc observetur, eam non in totis disciplinis, sed in singulis disciplinæ partibus tantum habere locum: estque Transicio alia perfecta, alia imperfecta. Perfecta est, quando repetitur quod est dictum, & proponitur dicendum, atque ita antecedentia & consequentia tanquam vinculo quodam inter sese colliguntur ac connectuntur; cujus formula est hæc aut similis, *Atque hæcenus de hisce actum: sequitur ut agamus de aliis, &c.* Imperfecta, est, cum aut tantum repetitur quod est dictum, aut proponitur tantum quod est dicendum.

Quæst. VII. Quomodo dividitur methodus naturalis?

In syntheticam, & analyticam.

[1. Divisio naturalis methodi in syntheticam & analyticam est divisio generis in species, contra quam putavit Ramus, qui methodum sic dividi posse negavit, atque unam asseruit methodum ubique servandam. Quod si sic intellexit, ut in omni methodo servari debeat processus ab universalibus ad singularia, ferri potest, sic enim unica est methodus, hoc enim observatur & in methodo synthetica & analytica; sed si sic fenserit, methodum esse uni-

cam quæ non posset dispesci in has species duas, syntheticam & analyticam, erravit, & sic refutari potest. Quotuplex est naturæ ordo, totuplex est methodus naturalis: Sed naturæ ordo est duplex, & quidem specie distinctus: Ergo, &c. Ratio majoris est, quia methodus naturalis servat & exprimit ordinem naturæ; & probari potest hoc syllogismo: Totuplex est typus, quotuplex est antitypus, quia sunt relata, quæ sibi invicem respondent: Sed naturalis metho-

methodus est typus, ordo naturæ antitypus: ergo totuplex est naturæ methodus, quotuplex est ordo naturæ. Minor sic probatur. Ubi duo ordines sunt sibi invicem contrarii, ibi est duplex ordo specie distinctus: Sed in ordine naturæ sunt duo ordines sibi invicem contrarii: Ergo, &c. Ratio majoris est, quia contraria sunt semper species oppositæ ejusdem generis, ex ipsa contrariorum definitione. Minor probatur. Ubi duorum ordinum unus habet pro termino à quo, qui est alterius terminus ad quem, & vice versa, ibi sunt duo ordines, sibi invicem contrarii: Sed in ordine naturæ sunt duo ordines, quorum unus habet pro termino à quo, qui est alterius terminus ad quem, & vice versa: Ergo, &c. Probatur iterum minor. Si terminus à quo in ordine naturæ intendens sit terminus ad quem in ordine generantis, & vice versa, ergo in ordine naturæ sunt duo ordines, quorum unus habet pro termino à quo, qui est alterius terminus ad quem, & vice versa: Sed verum prius: Ergo & posterius. Probatur minor. Terminus à quo in ordine naturæ intendens est finis, quia natura inten-

dens incipit à fine; terminus ad quem sunt media quibus ad finem pervenitur quem natura intendens intendit: contra, terminus à quo in ordine naturæ generantis sunt media, quia à mediis natura generans incipit in rerum productione; terminus ad quem est finis, quia natura generans per media ad finem tendit: Ergo terminus à quo in uno ordine naturæ, puta intendens, est terminus ad quem in altero ordine naturæ, puta generantis, & vice versa; quod erat demonstrandum.]

2. Methodus potest dici unica vel genere, vel specie. Si Ramus voluit methodum esse genere unicum, hoc est, unum genus methodi, quatenus omnis methodus servat processum à generalibus ad specialia, à facilioribus ad difficiliora, à notioribus ad ignotiora, nihil verius dici potest: sed si voluerit unam methodum esse unam speciem methodi, ut eadem methodo speciali tradantur omnes disciplinæ, serveturque idem processus agendi particularis in scientiis qui tenetur in artibus & prudentiis, nihil falsius dici potest: quod patet ex argumentis primo commentario positis atque expositis.]

Quæst. VIII. Quid est methodus synthetica?

Quæ progreditur à principiis simplicissimis ad ea quæ ex istis principiis componuntur.

1. *Methodus synthetica*, latine compositiva, sequitur ordinem naturæ generantis: quæ aliquid

produçura initium facit à principiis simplicissimis ut perveniat ad ea quæ ex iis componuntur,

Quæst.

Quæst. IX. *Ubi habet hac methodus locum?*

In disciplinis speculativis, physica, mathematica & metaphysica.

Quæst. X. *Quid est methodus analytica?*

Quæ factio initio à fine, progreditur ad media proxima, & ab his ad remotiora, donec ventum est ad prima ac simplicissima.

1. *Methodus analytica*, latine resolutiva, sequitur ordinem naturæ intendentis; quæ semper primum intendit finem, inde cogitat de mediis quibus finis obtineri possit.

2. *Finis* quasi compositum quid est ex mediis; quare media dicuntur principia, & finis prin-

cipiatum; media dicuntur simplicissima & partes, finis compositum & totum: & sane eruditio est quasi aliquid compositum ex multis studiis tanquam mediis; sanitas, finis ægri, est tanquam aliquid compositum ex multis remediis tanquam mediis.

Quæst. XI. *Ubi habet hac methodus locum?*

In artibus & disciplinis practicis; ut in grammatica, rhetorica, logica, medicina, architectonica; item in ethica, politica, & oeconomica.

1. Quod in methodo synthetica fiat initium à principiis ad ea quæ ex principiis producuntur ac constant, patet ex Physica, quæ orditur à materia, forma & privatione, corporum naturalium principiis; inde transit ad affectiones, quantitatem, locum, motum, tempus, quæ ab illis principiis proficiuntur; denique ad cælum, elementa, mixta, viventia, cæteraque corpora naturalia transgreditur, quæ ex illis principiis componuntur. Quod in methodo analytica fiat initium à fine, atque inde transeat ad media quibus finis obtinetur, patet ex Ethica, quæ orditur à summo bono, fine ultimo; transit ad media explicanda, scilicet virtutes, quibus summum bonum, finis ultimus, acquiritur.

2. *Methodus synthetica & analytica* tam sunt diversæ, ut nunquam ars aut prudentia possit aut debeat tradi methodo synthetica, aut scientia methodo analytica; qui enim alterutrum faciunt, illi ordinem naturæ invertunt. Notandum vero est accuratè, non posse disciplinam aliquam integram methodo synthetica tradendam, tradi analytica, aut vice versa: at hoc fieri potest, ut in tota disciplina, quæ integra tractatur methodo synthetica, partes aliquæ ejus tractentur methodo analytica, & vice versa, ut in disciplina quæ tota & integra tractatur methodo analytica, aliquæ ejus partes tractentur methodo synthetica, sic Grammatica integra tradenda est methodo analytica, ejus tamen partes

partes traduntur methodo synthetica; nam initium fit à principiis simplicissimis, atque transitur ad illa quæ ex illis principiis componuntur: verbi causa, agitur primum de literis, ex quibus componuntur syllabæ, tum de syllabis, ex quibus componuntur dictiones, tum de dictionibus, ex quibus componuntur orationes. Contra in Physica, quæ tota traditur methodo synthetica, pars aliqua traditur methodo analytica, nempe, quæ agit de anima; ibi enim primum agitur de vita tanquam

sine, antequam de generatione ac nutritione, tanquam mediis ad vitam obtinendam necessariis, agatur.

[3. Vox illa *præctici* in textu Burgersdici. hic sumitur stricte, prout praxis opponitur *theoretici*, & constituit prudentiam distinctam ab arte: alioquin, cum sumitur late, præcticum significat non tantum operationem moralem, quæ est prudentiæ, sed & artificialem, quæ est artis; adeoque significat operationem quamcumque, ut ante & sæpius fuit dictum.]

Quæst. XII. *Quid est methodus arbitraria?*

Quæ relicto ordine naturæ, accommodata est ad caput nostrum.

Quæst. XIII. *Ubi habet hæc methodus locum?*

In oratoria & poeti. Oratoribus enim & poetis propositum est auditorem lectoremve movere. Ad eam rem opus est crypsi, quæ potissimum consistit in omissione, additione, & inversione. Omitti solent quæ nocitura videntur dicenti, aut tardium paritura auditoribus, etiam si ad causam videantur pertinere. Tum multa addenda sunt, quæ ad causam magnopere non faciunt, ut auditorem lectoremve reficiant ac detineant. Omnia denique miro artificio invertenda sunt, ne ars ab auditore animadversa suspecta sit, & assensum impediat.

1. Methodus naturalis usurpari debet in rebus conscribendis, & discendis; res enim debent doceri & disci eo ordine quo sunt in natura: at vero quando scopus est movere, tristitia afficere, vel gaudio aut alio affectu, *methodus arbitraria* adhibenda est, quæ crypsi utitur, id est occultatione artis & ordinis naturæ; atque hic valet illud,

Summa artis est occultare artem.

2. *Methodus arbitraria* est triplex: vel deficiens, cum omituntur addenda; vel redundans, cum adduntur superflua; vel inversa, cum ea quæ priori loco erant tractanda, tractantur posteriori, & contra: atque hæc tria in orationibus & poetis aliquid pertractantibus licet repetire.

P R A X I S.

PRAXIS LOGICA,

Ad seriem & ordinem

SYNOPSIS

BURGERSDICIANÆ Instituta,

Et ex variis Authoribus congesta,

PER

ADRIANUM HEEREBOORD.

Vera Logica Praxis duabus absolvitur partibus, *Genesis* & *Analysis*.

II. *Genesis* definiri potest, modus utendi instrumentis logicis, quo nosmet discursum aliquem de themate aliquo formamus ac producimus,

III. *Analysis* est modus utendi instrumentis logicis, quo discursum, ab alio aut à nobis formatum ac productum, resolvimus in sua principia, ex quibus formatus est atq; productus. Utroq; modo versatur intellectus noster in rebus cognoscendis & utrobique Logica directione eget

IV. Quodcumq; verò utrovis modo intellectui cognoscendum proponi potest, unica voce *Thema* dici consuevit.

Utile fuerit, ad praxin Logicam feliciter exercendam, rem tractandam reducere ad seriem suam, tum disciplinarem tum prædicamentalem, id est, scire ad quam disciplinam aut disciplinæ partem, & ad quam categoriam aut categoricæ classem res pertineat. Pro priori utile fuerit cognoscere divisionem *ἐπιστήμης κατὰ μέρος*, id est, omnium facultatum ac disciplinarum, ac præsertim philosophiæ ejusque partium, an verbi causa res pertineat ad ethicam, an ad physicam, & ad quam alterutrius partem, &c. pro posteriori sciendum est accurate, quænam res pertineant ad prædicamenta directe, quænam indirecte; & quæ directe pertinent ad ea, an subordinate, an coordinate isthuc pertineant. Quamvis autem 10. vulgo assignentur prædicamenta pro classibus rerum cognoscendarum, tamen non videntur tot esse necessaria, quia sex posteriora nullas continent res, sed tantum modos rerum, vel in fiendo, vel in existendo, vel

vel in agendo; modus autem omnis dicit respectum ac relationem ad rem modificatam: ideoque uti omnes relationes, ita & hæc commodè referri possunt ad prædicamentum relationum, modo & hoc ipsum nomen prædicamenti mereatur: nam relationes sunt tam débiles entitatis, ut dici vix aut non possint entia realia, simplicia, per se una, universalia, completa, quæ tamen sunt conditiones ejus quod directe in prædicamentis ponitur. Itaque si debeat omne ens, & quidem reale, esse vel substantia vel accidens, aut quatuor tantum erunt prædicamenta priora, aut tria priora, aut, quod omnium est verisimillimum, tantum duo, substantia & qualitas; nam quantitas vix quoque entis realis nomen meretur. Possunt quidem, verbi causa in mensa, hæc quatuor à mente distingui; lignum, quod est substantia; color, qui est qualitas; longitudo, latitudo & crassities, quæ est quantitas; & relatio figuræ quadratæ ad ipsam mensam quadratam: sed ut omnia ista quatuor

sint entia realia, vix est credibile. Relationes, autem non sunt; &, an quantitas ipsa ac figura ejus ens debeat dici reale, jure merito quis dubitet. Quæ indirecte pertinent ad prædicamentum, illuc referuntur, 1. fundamentaliter, ut *individua*, Petrus, hic albor; 2. analogice, ut Deus, item *transcendens*, ens, unum; 3. collateraliter, ut *differentia*, rationalitas & irrationalitas; 4. reductivè, ut entia *concreta*, justus, aggregata & *collectiva*, ut respublica, exercitus, &c. *partes*, ut manus, caput, &c. 5. per accidens; 1. ut entia *complexa*, homo est justus; 2. entia *intentionalia*, ut species intelligibiles & sensibiles, & colores apparentes; 3. *notiones secundæ*, ut Zodiacus, genus, tropus; 4. *relationes rationis*, ut dextrum & sinistrum in columna; 5. *privations*, ut cæcitas, &c. 6. *ficta* *possibilia* ut mons aureus, & regia solis, &c. Ab omni categoria excluduntur, & directe & indirecte, ficta, impossibilia, & ambigua sive æquivoca, ante vocum ac rerum distinctionem.

V. Ut quis themata quælibet seu *genericæ* seu *analyticæ* feliciter pertractet, sex primum exercitiis præliminaribus animum suum præparet.

1. Primum exercitium erit in reductione rerum ad suos ordines & classes prædicamentales; ut quærenti cuicunque ad quod prædicamentum res cognoscenda seu thema pertineat, sciet Logica præceos studiosus apte & ex tempore respondere: Cui inserviunt tabulæ prædicamentales à Keckermanno aliisque confectæ, & lib. 1. *Synops. Burgerfl. cap. 3. 4. 5. 6. 7. 8. 9.*
2. Secundum exercitium præliminare sit, in dignoscendis thematum notionibus secundis, aut respectibus & locis topicis, id est ut quærenti quem respectum topicum, *totius an partis, causæ an effecti,*

effecti, subiecti an adjuncti, generis an speciei, an alterius, res habeat cognoscenda, exercendus sciat satisfacere; seu ut rerum gradus, affectiones logicas, & notiones secundas, ex rebus in ordine & classe prædicamentali dispositis erutas, bene discernere norit, qualis affectio & relatio aut respectus sit in themate proposito, an generis, an speciei, an totius, an partis, &c. ista generales affectiones enumerantur in *Synopsi Burgerſdiciana* hoc ordine; *Prædicabilia, Totum & Pars, Causa & Causatum, Subiectum & Adjunctum, Convenientia, diversitas, Oppositio, & Ordo*. Quibus dignoscendis inservit *lib. 1. à cap. 10. ad 23. inclusive*, ut loquuntur.

3. Tertium exercitium est in dignoscendis rerum nominibus, atque interpretatione simplici, sed præsertim composita, quæ vulgo *enunciatio*, ab alijs *axioma* dicitur: cujus species, simplicem & compositam, & affectiones, universalitatem & particularitatem, infinitatem & singularitatem, veritatem & falsitatem, necessitatem & contingentiam, affirmationem & negationem, conversionem & oppositionem, exercendus recte intelligat, ac bene discernat: & præsertim bene respondere sciat, quem respectum topicum, seu quam affectionem mutuam, seu relationem logicam habeant subiectum & prædicatum in enunciatione composita, an se habeant ut causa & effectum, an ut genus & species, &c. Huic negotio intervniunt *cap. 24, 25, &c. lib. 1. Synops. Log. ad finem*.
4. Quartum exercitium erit in extruendis rerum definitionibus variis, tum perfectis tum imperfectis, & extructis in suas partes resolvendis; ut sciat exercendus & genus accurate ponere, & differentiam ex suo loco promere, inspiciendo seriem prædicamentorum, & percurrendo notiones secundas; ut norit rem quamlibet, è vestigio definire, & definitionis cujuscunque partes rite discernere, & unde sint desumptæ, judicare. Huc faciunt *lib. 2. in Synops. Burgerſd. cap. 1, 2, 3, & 4.*
5. Quintum exercitium erit in instituendis variarum rerum divisionibus, ita unam eandemque rem exercendus sciat & essentialiter & accidentaliter, seu per se & per accidens, in partes, tum universales, tum singulares, tum essentielles, tum formales, tum integrales, dividere, & divisiones quasunque dignoscere atque examinare juxta leges divisionis tradi solitas. Huic facit *cap. 5. lib. 2. Synop. Burgerſd.*
6. Sextum exercitium præliminare erit, in conficiendis variis & quibuslibet cujuscunque figuræ aut modi syllogismis, ut logicæ praxeos studiosus sciat respondere de propositi syllogismi partibus, figura, modo, verumque à sophistico discernere ex legibus syllogismorum & fallaciarum doctrina norit; præsertim ut dicere possit, ex quo loco inventionis, seu ex qua affectione logica & notione secunda desumptus sit medius terminus, an à parte

parte prædicati an à parte subjecti, & quam relationem ad utrumque dicat, an necessario concludat an contingenter; & sive ipse syllogismus faciat, sive factos resolvat, quam habitudinem, causæ, effecti, generis, speciei, oppositi, convenientiæ, &c. habeat terminus medius ad utramque partem quæstionis, subjectum & prædicatum conclusionis. Conducunt ad hanc rem cap. 6. &c. ad *Synops. Bargerfd. ultimum usque lib. 2. exclusive*. Et hæc quidem sunt exercitia logicæ praxeos studioso in antecessum præmittenda; quibus si animam mentemque præparaverit, in triplici intellectus operatione, longe facilius, expeditior, jucundior erit qualibet *Themata per genesin & analysin* cognoscendi ratio.

VI. *Thema* dividi solet in *simplex & complexum*. Primum considerabimus *Genesin* *thematis simplicis*, postea *complexi*.

VII. *Tractatio genetica thematis simplicis* continet *νομολογίαν & περὶ νομολογίαν*, id est, vel spectat ea quæ ad *nomen* pertinent, vel ea quæ *rem* ipsam concernunt.

VIII. *Tractatio genetica*, quæ versatur circa *nomen* *thematis simplicis*, generales habet canones, in omni & quolibet *themate simplici* observandos.

IX. *Tractatio genetica*, quæ versatur circa *rem* ipsam, speciales habet canones pro diversitate *thematium simplicium* quæ pertractanda veniunt.

X. *Canones generales*, in quovis *themate simplici* *genetice* pertractando quoad *nomen*, sunt hi.

1. *Thema simplex* unica voce, si fieri potest, proponatur: & si in ea forte lingua in qua tractatio instituitur, *thema* non habeat unam aliquam vocem seu appellationem, ad aliam linguam confugiendum est inter doctos usitatam; ut si agendum sit de *naturali parentum amore erga liberos*, pro 5. istis vocibus Latinis commodius una vox substituitur Græca, *σπνχ*.
2. Si vox sit composita, resolvitur in simplices: ut si agendum sit de *philosophia*, est seorsim excutienda vox Græca utraque, *σοφία & φιλο*.
3. Ubi vox inventa fuerit, consideretur an sit abstracta, an concreta.
4. Si vox fuerit derivata, adhibenda est ejus origination seu etymologia.
5. Si vox sit ambigua, resolvendæ & enumerandæ sunt ejus variæ significationes: si una eademq; vox aliter in alia disciplina accipitur, colligantur significationes juxta ordinem disciplinarum.
6. Denique subjungenda sunt vocabula æquipollentia, vulgo *synonyma*,

nyma, quæ vel in eadem lingua vel in linguis aliis, principalibus (quales sunt Latina, Græca, Hebræa,) sunt usitata; & addi possunt vocabula ex aliarum gentium linguis petita, præsertim si res de quibus agimus apud illas ortæ sunt, vel magis usitatæ.

XI. Hi sunt canones circa *nomen* thematis simplicis observandi.

XII. Post nomen thematis simplicis explicatum, ad rem ipsam deveniatur: de qua statim videndum *an sit*; quod liquebit statim si ad certam rerum classem aut prædicamentum reducere possis. Si enim thema simplex tractandum neq; directe neq; indirecte ad ullam categoriam pertineat, ac nusquam in ordine prædicamentali existat, habebitur pro non ente, & tractatio ejus cum ipsa nominis consideratione finietur; si vero in aliquo rerum ordine ac prædicamento reperiatur, à quæstione *an sit* ad quæstionem *quid sit* transcūdū est, ac tota thematis natura exponēda.

XIII. Hic pro varietate thematum simplicium non uno procedendum est modo. Est igitur tractatio genetica thematis simplicis vel *perfecti* vel *imperfecti*. *Perfectum* thema est, quod in classe rerum categorica, seu in prædicamentis *directe* collocatur; *imperfectum* quod *indirecte*. Quod directe in prædicamentis collocatur, debet esse ens reale, quod revera ponitur atque invenitur in rerum natura, verum, perfectum, unum, universale, ac distincta voce (non ambigua) significatum. Cui aliqua ex hisce conditionibus deest, illud indirecte in categoriis ponitur. Utrumque vel *substantiale* est vel *accidentale*.

XIV. Ut thema simplex *perfectum substantiale* pertractetur methodo genetica, ita procedendum est: post *nomen*, & quæstionem *an sit* inquirendum est

1. *Genus proximum*, & simul *differentia*; quæ sponte sese exhibent in tabulis prædicamentalibus diligenti inquisitori.
2. Ubi genus & differentia inventa fuerint, per se *definitio* exstrui potest ac debet; plus enim non requiritur. Interim, si in definitione haberi non possit genuina substantiæ differentia, quæ sapissime nos latet, ejus loco assumi potest proprium quarto modo, quod immediate substantiæ essentiam sequitur: ut, cum ignis definitur *elementum calidissimum, siccissimum, levissimum*.

3. Collecta ex genere & differentia, definitione thematis, jam forma ejus & materia (si habeant, ut habet eas substantiæ corporeæ) inquirendæ sunt, ac distincte considerandæ. Sed in spiritibus, invento genere, ac differentia, de materia formæque quas non habent, cogitandum non est, sed ad accidentia propria transgrediendum.
4. Post materiam formamque consideratas, examinari oportet materia partes integrales, præsertim principales; in corporibus tamen homogeneis materiam per partes explicare non est necessarium.
5. Hinc accedendum est ad causas externas, efficientem & finem.
6. Tum accidentia propria, veluti effectus à forma fluentes, torique compositio inherentes, enumerare oportet; etiam alia accidentia effectusque: in quibus tamen enumerandis, si magna satis eorum fuerit multitudo, aliqua observanda est methodus; quod fiet, si in certos ordines redigantur.
7. Addatur tum divisio substantiæ varia, & instituta ex accidentibus primariis, ex partibus integralibus manifestam distinctionem inferentibus, ex propriis effectibusque, ac, si thema fuerit genus, præsertim enumerentur species: ubi hoc notandum, interdum thema prius esse dividendum per accidentia quam per species; veluti si quis naturam animalis explicare velit, prius erit divisio in marem & foeminam instituenda, quam in hominem & bestiam.
8. Postremo subjici oportet, quæ sint convenientia ac cognata, quæ sint diversa ac pugnantia substantiæ.

XV Hi sunt canones *speciales* in themate simplici substantiali perfecto observandi: de quibus duo referam monita, diligentissime attendenda. Primo, probe tenendum est & attendendum, nihil eorum adferatur in tractatione speciei, quod debet tribui generi aut ad naturam generis spectat: hoc volo, ne causæ, effecta, proprietates cognata aut opposita tribuantur speciei, quæ tribui debet generi. Secundo, observandum est & hoc, Si quod forte themati assignandum est aut genus aut tale quid de quo non constat inter omnes an sit, probandum est illud themati convenire; ut, si de Logica disseras probandum fuerit artem esse Logicæ genus. Hoc exemplum non quadrat, quia est accidentale.

XVI De tractatione generica thematis perfecti *accidentalis*, canones speciales hi sunt.

1. Post institutam juxta canones generales accuratam vocis considerationem

derationem, factoque examine *an sit* revera, an vero ens fictum, jam de genere, si ens sit, serio cogitandum.

2. Genere posito accidentis, sive absoluti sive relati, proximo statim *subiectum* ejus inquiratur: si accidens fuerit commune, ad suum primum & adæquatum *subiectum* debet reduci.
3. Si thema propositum fuerit relatio, cum relatio versetur inter duo extrema, quorum unum dicitur relatum, alterum correlatum, ideo utrumque est considerandum.
4. Post *subiectum* accidentium cogitetur de *objecto*, circa quod accidens est occupatum. *Objecti* autem consideratio potissimum locum habet in qualitatibus, & actionibus, quæ etiam ex accidentibus potissimum tractari solent: in quantitate, passionibus, & relatione, *objectum* considerare nihil est necesse.
5. Post considerationem *objecti*, investigandæ sunt *causæ efficientes principales*, & remota & proxima, potissimum vero proxima: in relatione vero, *causæ proximæ* vicem locumque tenet fundamentum. Si aliæ etiam fuerint *causæ accidentis absoluti*, minus *principales atque instrumentales*, apponi possunt.
6. Post efficientem causam assignetur *finis*, qui potissimum dominatur in qualitate & affectione: in relationibus vero *causæ finalis* vicem tenet terminus, qui inquirendus est, & in medium profectendus.
7. Ex hisce omnibus, *genere, subiecto, objecto, efficiente, fine*, jam inventis, componatur *definitio* accidentis, pro cujusque, sive absoluti, sive relati, natura. Ubi unum est notandum: omnes hosce terminos in omnium accidentium definitione non esse simul combinandos in una definitione: sed ut accidentia sunt diversa, ita diversæ etiam ratio est definiendi ea: omnis tamen accidentium definitio hosce jam dictos terminos includit, si non omnes, saltem quosdam. Qua in re, juxta definiendi præcepta in *Logicis lib. 2. cap. 3, 4.* tradita, est procedendum.
8. Sæpe etiam *adjuncta, antecedentia, consequentia, concomitantia, & circumstantiæ* variz sunt adferendæ; quod, pro notitia thematici propositi, cujusque judicio est committendum: *effecta* præsertim distincte sunt enumeranda, quæ in plurimis accidentibus reperiuntur.
9. Sequatur *divisio*; vel in species, si thema propositum fuerit genus; vel in alia membra, quæ accidentibus conveniunt pro eorum natura.
10. Postremo accedunt *cognata, similia, diversa, opposita*; quæ enumerare præstat, quàm latius deducere.

XVII. Et hæc quidem ratio est tractandi generice themata simplicia perfecta, tum substantialia, tum accidentalialia: sequitur thema *imperfectum simplex*, quod di-

T

recte

recte in prædicamentis non collocatur. Themata imperfecta dicuntur, vel respectu intellectus nostri, vel ex sua natura.

XVIII. Thema imperfectum respectu intellectus nostri est thema infinitum, nimirum *Deus Opt. Max.* Est quidem Deus in se perfectissimus, ideoque natura sua notissimus, verum ob imbecillitatem mentis nostræ, Deus inter imperfecta themata referri solet.

XIX. In tractatione hujus thematis *Dei*, sic est procedendum.

1. Post nominis considerationem juxta canones generales institutam, conceptus aliquis communis loco generis poni potest, licet Deus proprie genus non habeat: aut explicanda potius est absoluta, & tribus Personis communis, *essentia*.
2. Essentiae considerationem sequuntur proprietates Dei *essentiales* & *actiones* ab essentia proficiscentes, creatio, conservatio, providentia, concursus.
3. Cognata etiam poni possunt, atq; quæ Deo adversantur *opposita*. Hæc quidem suffecerint, si de Deo agendum metaphysice: sed theologicè, ulterius est procedendum; ac post essentiam, essentialis proprietates & actiones ostensas, ostendendum est.
4. In una Dei essentia tres esse *hypostases*, subsistentes *personas*: & singularum personarum *proprietates personales*, quibus personæ singulæ distinguuntur, explicandæ sunt: & addendum, quo distinctionis genere, cum inter se tum ab essentia, distinguantur, & tandem *cognata* atque *opposita* subjici possunt.

XX. Thema ex natura sua imperfectum est vel themata *singulare*, vel *pars*, vel *concretum*, vel *collectivum*, vel *privativum*, vel *notio secunda*, vel *ens intentionale*.

XXI. Thema *singulare* est vel *substantia*, vel *accidens*.

XXII. Inter substantias, licet omnes singulares logicè tractari possunt, sæpiissime tamen omnium *personæ* tractantur. Circa *personæ* tractationem sunt hi canones speciales.

1. In personarum tractatione nihil est de nomine dicendum, nisi certo consilio sit impositum, aut divina quadam inspiratione, ut fidebat in V. T. ita ratio quadam subest in nominibus Abraham, Melchisedech, Jesus, &c. Sed etsi nulla subest, si nomen cum studiis aut personæ moribus conspiraret, tum quoque obiter indicari potest.
2. Considerentur tum *causæ*, præcipue *efficiens*, ubi agendum d

causæ

causis ejus nativitatis, & circumstantiis loci ac temporis. Hic considerari debent parentes, majores, familia, & quæ conceptio- nem aut nativitatem præcesserunt, vel etiam consecuta sunt; mo- dotalia sint, ut in ordinaria hominum nativitate non soleant evenire.

Tum enarrantur *accidentia* personæ, & *adjuncta*; quæ sunt na- turalia, & acquisita. *Naturalia* vel ad corpus pertinent, vel ad animam. Ad corpus pertinent temperamentum, valetudo, for- ma, statura, celeritas, robur, &c. ad animam, ingenium, judicium, indoles, memoria. *Acquisita* sunt religio, mores, studia, eruditio, castitas, liberalitas, aliæque id genus virtutes. Et hæc deduci possunt omnia per ætates, pueritiam, adolescentiam, juventutem, virilem ætatem, & senium.

Effecta personæ sunt res gestæ: in quibus enarrandis, temporis, ac præsertim ætatis virilis, ratio habenda est.

Addenda sunt *cognata*, quo nomine intelligi debent, fratres, so- rores, consanguinei, amici, & ii omnes qui similibus studiis ac rebus gestis claruerunt. Hæc cognata sunt obiter recensenda sed instituta comparatione, quæ fuerit convenientia, indicandum.

Dénique, *adversa* seu *pugnantiæ* personæ recensere oportet. *Op- posita* vel externa sunt, ut, hostes, inimici, æmuli: vel interna, ut, res adversæ, morbi, & mors ipsa; cujus indicandæ sunt causæ, ut morbi genus, aut, si violentia fuerit, casus adversi quibus per- sona periit. Connexa quoque mortis commemoranda sunt, præ- sertim si quædam portenta ac signa fuerint, si quid memorabile di- xerit in ultimo vitæ articulo. Postremo, mortis consequentia, do- lor aut lætitia communis in morte, sepultura, honores & orationes funebres, &c.

XXIII. Tractatio thematis imperfecti *accidentalis*, tum etiam usum habet, quare & ejus ratio proponenda erit. Illud vero observandum est, *accidentia* singula- ria non tractari, nisi addito nomine singularis substantiæ, subjecti cui insunt. Velut si tractanda sit sapientia So- monis, nativitas Christi, philosophia Socratis, expedi- tio Alexandri: aut simile quid.

Hic agendum est, post nomen, de ipso accidente in genere; ut de philosophia, sapientia, &c. Tum consideretur Subjectum singulare, cui accidens per se inest.

Objectum, si accidens singulare objectum habeat circa quod versetur. *Causæ efficientes principales* & *minimæ principales* diligenter expri- mendæ sunt. *Finis* etiam, si hoc accidens singulare fuerit actio. His addenda sunt *effecta*, si quæ particularia fuerint.

Sequantur *adjuncta*, *antecedentia*, *connexa*, *consequentia*, aliæque

- circumstantie*, præsertim loci & temporis.
6. Ex hisce omnibus, scilicet nominatione speciei, assignatione sub-
jecti, objecti, circumstantiarum, causarum, efficientis & finis, fiat
descriptio, seu *definitio imperfecta* ejus.
7. Nec prætereunda est *divisio* si accidens singulare tale sit ut dividi
possit: veluti si de philosophia Socratis dicendum sit, explicandum
erit scilicet si n, quid de physica, mathematica, ethica, &c. philoso-
phiæ partibus, statuerit Socrates.
8. Postremo ponantur *cognata*, *diversa*, *opposita*, atque imprimis in-
ter sese comparentur.

XXIV. Tractationem accidentis singularis sequitur
tractatio *partis*, ubi solum tractanda venit *pars integralis*
heterogenca. Hic considerari potest partis *materiale*, & *for-*
male, substantia & figura: deinde *accidentia*, ut tempe-
ramentum, & qualitates ortæ à temperamento, sicut &
connexio cum cæteris partibus, proprius partis usus &
operatio, ad quam à natura adhibetur tanquã instrumẽ-
tum. Deniq; ad jungatur *cognata* & *repugnancia*: in *cogna-*
tis observari debet convenientia & diversitas; in *repug-*
nantibus præcipue sunt morbi qui partem illâ infestant.

XXV. In accidentibus *concretis* tractandis nomen con-
creti præter etymologiam debet reduci ad nomen *abstracti*,
imo tota natura concreti debet resolvi in naturam
abstracti: concreti enim in absolutum resolutio, est opti-
ma concreti explicatio. Itaque accidentis *abstracti*, in
quod resolutum est concretum, considerentur *genus*, *cau-*
sa, *objecta*, *effectus*, *cognata*, *pugnancia*, & ad concretum ap-
plicentur: etiam ex *subjecto*, quod erit loco generis, &
causis ac *proprietatibus* accidentis in abstracto, conficiatur
descriptio accidentis concreti.

XXVI. In tractatione thematis *collectivi*, post nomen 1.
ponatur *genus*, quod est compages aut tale quid: 2. *materiale*,
seu res illæ ex quibus thema collectivum conflat; hoc materiale est instar *differentiæ* genericæ, quod genus
remotum faciat quasi proximum; 3. *formale*, quod est
ordo ac relatio earum rerum ad se invicem, ex quibus
totum illud aggregatur: 4. tradatur *causa efficiens*, &
finis, si thema collectivum certo fine coaluit, ut sit in
mundo,

mundo, exercitu, &c. sin minus, non est necesse causam efficientem aut finem poni. Ex hisce colligenda est *descriptio*; cui adjungantur *proprietates, cognata, & opposita*. Tum subjungatur *divisio*, si sit, cui subjungenda est *differentia*: Verum rarius occurrunt hæc themata tractanda.

XXVII. In tractatione *privationis*, post *nomen*, ponendum est *genus* remotum, idque faciendum est proximum mentione *habitus* oppositi. Deinde *habitus* tractetur ut accidens, secundum canones jam ante relatos; sed obiter & sic patebit *subiectum* privationis; cui tum addatur *causa* privationis *efficiens*, seu *deficiens* potius; & si privatio sit *perfectiva*, ut *somnus*, addatur & *finis*. Ex quibus, scilicet *subjecto & causis*, fiat *descriptio* privationis, cui subjiciantur *divisio, proprietates, effecta, si quæ sunt, pugnantia & cognata*.

XXVIII. In tractatione *notionum secundarum*, post *nomen* diligenter excussum, ponatur *genus* proximum & remotum: deinde accurate explicetur *notionis secundæ objectum*, sive res illa, aut *genus* potius ad rem, quæ illa *notione* representatur; & hinc formetur *definitio*; huic adjungantur *proprietates & cognata*. *Repugnantia* hic nulla sunt.

XXIX. In tractatione *entis intentionalis*, sive *imaginis*, explicato *nomine*, & proposito *genere*, explicetur ejus *figura*, si sit certa & constans, ut in *iride*: deinde ponatur *subjectum, objectum, causa efficiens*; ubi explicetur *modus generationis*, & simul quomodo *subjectum* debeat esse dispositum ad *imaginem* propositam recipiendam. Ex quibus confici potest *definitio*; adjectis, si sint, *propriatibus, cognatis, repugnantibus*.

XXX. Ista quidem est methodus tractandi per *genesin* themata simplicia, perfecta & imperfecta, substantialia & accidentalia; sequitur tractatio generica *thematis complexi*.

XXXI. Ut itaque *complexum* feliciter tractetur, necesse fuerit videre, si *praxeos logicæ* studiosus eousque sit *profectus*, ad quam pertineat disciplinâ *thema complexum* quod est propositum: illud vero constabit facile, ex *consideratione partium* *thematis complexi*, quæ sunt *sub-*

jectum & prädicatum; unde vulgo distingui solet in purum & mixtum: purum, cujus extremum utrumque ad eandem pertinet disciplinam; mixtum, cujus extrema ad diversas pertinent disciplinas, unum ad hanc, alterum ad illam. Sed hæc sciri nequeunt, nisi ab eo qui jam philosophiæ, ejusque partium, scientiarum, artium, facultatum, ac disciplinarum divisiones noverit.

XXXII. Hac consideratione veluti præmissa, aut si id facere ignora verit tyro, hoc, quod sequitur, commune est utriusque officium: scilicet, ut subiectum & prædicatum thematis complexi rite suo loco collocentur, ut id quod ex natura extra mentem est subiectum, subjiçatur, quod in natura non subest, sed inest, prædicetur.

XXXIII. Tractatio thematis complexi distingui solet in *solitariam & sociam*: illa est quæ instituitur, adversario nec præsentē nec instantē, ac dici potest *meditatio*; hæc, quæ cum adversario præsentē atque instantē institui solet, ac dici solet *disputatio*.

1. *Meditatio*, seu tractatio thematis complexi *solitaria*, jubet statim inspicere problematis seu quæstionis *subiectum & prædicatum*, sitne utrumque substantia an accidens, an directe an indirecte collocetur in categoriis, & in qua categoriarum serie utrumque inveniat: utilissimum quoque fuerit, utrumque vel agitatione mentis, vel clavis verbis tractari, tanquam thema simplex, hoc enim facit ad euporiam, seu facilem inventionem mediõrum.
2. Hinc accedendum est ad *statum controversiæ* rite recteque formandum, ad quam rem requiritur, ut subiecto & prædicato, suo loco positis, addantur particule syncategorematicæ, quo quantitas thematis complexi queat dignosci, ut sunt *omnis*, *aliquis*, &c. tum efferatur modo indicativo, verbis perspicuis, ab omni ambiguitate remotis. Quod si fieri nequeat, propter ipsius rei obscuritatem aut propter verborum defectum, addatur quædam explicatio per periphrasin. Et sic statu controversiæ constituto in affirmantem aut negantem sententiam, cogitandum est de *argumentis*, quibus sententia thematis propositi probari potest.
3. *Argumenta* duci possunt ex natura subiecti & prædicati; cujus utriusque si considerentur affectiones logicæ, jam copia & seges sese offert argumentorum, quibus veritas thematis complexi propositi probari queat.
4. *Argumenta* ista erunt vel *artificialia*, vel *inartificialia*, id est, vel rationes

rationes vel testimonia, quæ à se invicem sunt distinguenda. Hic duo notanda veniunt.

1. Unum est, ut rationes præcedant, si thema fuerit philosophicum aut medicum: sed si fuerit theologicum vel juridicum, contra; jurisperitus enim sine lege, theologus sine Dei verbo, loqui erubescit. At in philosophia aut medicina primas tenet ratio, secundas testimoniū.
2. Alterum est; non inconsultum quoque fuerit circa rationes, distinguere argumenta probabilia à necessariis: utrum vero probabilia an necessaria priori loco ponantur, parum refert.
3. Post singula argumenta adjungenda sunt adversariorum solutiones, atque exceptiones quæ ab illis fieri solent ad argumenta proposita vel negatione simplici argumenti allati, vel distinctione, vel limitatione.
4. Distinctiones aliæ sunt generales, & quibuslibet argumentis applicari possunt; aliæ speciales, quæ huic aut illi argumento applicantur: illæ prius in genere refutandæ sunt, hæ sigillatim refellendæ. Si quid ab adversariis negari posse putetur, illud confirmandum est.
5. Distinctiones refutantur, si ostendatur 1. membra distinctionis coincidere: 2. contradictionem implicari: 3. difficultatem & vim argumentorum positâ distinctione remanere. Sic & refutantur limitationes.
6. Postquam argumentis sententia vera & nostra fuerit confirmata, accedendum est ad refutandam sententiam adversarii; & si plures sunt sententiæ dissentientium, singulæ seorsim refutandæ sunt, si seorsim refutari possunt.
7. In refutatione observandum est primum, ut argumenta directe opponantur sententiæ contrariæ; deinde partes argumentorum idoneis distinctionibus & limitationibus fulciendæ sunt, adversus adversariorum solutiones; tandem accedendum ad solutionem argumentorum, quibus adversarii aut suam sententiam confirmant, aut nostram convellunt. Si quid adversus solutiones allatas excipi posse videtur, id quodque refutandum est.

XXXIV. Et hæc solitaria ac privata ratio est thematis complexi generice tractandi, quam *meditationem* vocavi; sequitur sociæ ac publicæ, quæ *disputatio* dicitur.

XXXV. Hæc ut debite instituatur, nonnulla circa ejus materiam, alia circa ejus formam sunt observanda.

XXXVI. Circa materiam disputationis sunt hæc tenendæ regulæ. 1. Quicquid excedit captum disputantium, de eo nulla fiat disputatio. 2. Quicquid controver-

sum non est, objectum disputationis esse non debet. 3. Materia disputationis sit utilis & gravis, & ad veritatem indagandam instituta.

XXXVII. *Forma* disputandi consistit in collatione, *διαλέξει*, ideoque ad eam distinctæ requiruntur personæ, inter quas *διαλέξις* & collatio mutua institui queat: harum una impugnat alterius sententiam, altera sententiam suam tuetur & defendit. Prior *opponens*, posterior *respondens* nomine venit.

XXXVIII. *Respondens* est superior, qui *præses*; inferior, qui *defendens* vulgo dicitur.

XXXIX. *Defendens* & *opponens* partes habent quasdam *communes*, quasdam *proprias*.

XL. Canones utrique parti *communes* quidam ex Logica, quidam ex Ethica desumuntur; agendum enim in disputando & Ethice & Logicé.

1. Ad disputationem ab utraque parte adferri debet animi bona intentio, quæ non gloriam, sed veritatem quærat.
2. Adferri debet animus purus & liber ab omni præiudicio.
3. Neuter alterius partes suscipiat, neque opponens in parte respondentis inolet, aut contra.
4. Conveniant inter se de certis præcognitis principiis, ne de re utrimque concessa disputetur.
5. Brevitati & perspicuitati imprimis studeatur, ommissis rhetoricarum ambagibus & longis declamationibus.
6. Patienter alter alterum expectet, dum orationem absolvat.
7. Ab omni contumelia, convitio, calumnia, ac risu sycophantico, utrimque abstinetur; & apte victoriam acceptam ne triumphetur.
8. Status controversiæ firmiter utrimque ponatur, ac probe cognoscat, nec inter disputandum mutetur.

XLI. *Speciale* utriusque etiam est officium: ac primo *opponens*.

XLII. *Opponens* est, 1. thesin impugnare objectionem movendo; 2. ad solutionem datam instare, excipiendo. Ut feliciter thesin impugnet, requiritur.

1. Ut sententiæ respondentis directe contradicat, quod ut fiat, oportet ante omnia diligenter thesin respondentis considerare, & accurate despicere, quomodo ei antithesis directe opponi possit.
2. In thesibus respondentis; si plures sint, ut fere esse solent,

exami-

examinandis, accurate distinguat opponens argumenta seu rationes quibus theses probantur, ab ipsis thesibus quibus probandis adhibentur: aliud enim est argumenta destruere, aliud thesin evertere. Itaque aliter est verlandum circa thesin, aliter circa thesios probationem.

3. In examine probationis consideretur, num argumenta thesi convenient, num eidem probandæ sufficiant, an vero aliena sint à thesi ac minus firma.
4. Thesin autem ipsam expendere oportet, utrum sit affirmativa an negativa, universalis an particularis, synonymica an paronymica; adeoque, secundum affectiones logicas enunciationis eam examinare oportet.
5. Tum oportet formare antithesin & directam oppositionem secundum leges contradictionis, quas præscribit Logica; & non contradicendum verbis tantum thesios, sed sensui & menti ipsius adversarii.
6. Si quis non directam antithesin faciat, facile committit peccatum illud quod vocant ignorantiam elenchi.
7. Thesi expensa, cogitandum est opponenti de termino medio, qui invenitur utrumque conclusionis membrum deducendo per loca inventionis aut affectiones logicas, vel afferendo authoritates quæ non possunt rejici.
8. Terminus medius cum partibus quæstionis syllogismo bono comprehendatur.
9. Sed in mediolorum inventione delectus est habendus, neque enim argumenta omnia æque ponderosa sunt.
10. De authoritate hoc etiam tenendum, non esse extra theologiam utendum multâ authoritate.
11. Argumentum, syllogistica forma brevissime & perspicue inclusum, clare proponatur; ac, si fieri possit, forma plerumque sit categorica.
12. Duplici genere argumentationis uti potest opponens; & directâ seu offensivâ, & ea quæ ducit ad absurdum.
13. Præterea, non ea tantum moveat argumenta quæ ex problematis natura peti possunt, sed etiam quæ ex adversarii hypothesis sequuntur.
14. Imprimis urgere potest respondentem ex concessis.
15. Ante omnia attendat diligentissime, opponens, ut propositionem, vel negatam vel distinctam, eandem assumat, ac faciat sui syllogismi conclusionem.
16. Semper legitimos & bonos syllogismos producat, conformes legibus syllogisticis.
17. Si figura argumenti sui repudietur, requirat canonem logicum in quem peccet, aut, si ipse viderit, statim corrigat.
18. Si ad materiam respondeatur, ut plerumque, videat an sit

fit distinctio vocis ambigua, an limitatio, an negatio.

19. Si ad distinctionem aut limitationem respondeatur, responsio ad leges & canones distinctionis & limitationis examinetur.

XLIII. Speciale officium respondentis, scilicet inferioris seu descendens, est, argumentum assumere opponentis, & solvere.

1. Respondens non assumat, nisi jam dicendi finem fecerit opponens.
2. Iisdem verbis repetat, quibus argumenta fuerunt proposita.
3. Si opponentis argumentum sit vitiosum, vel obscuritate laboret, monebit eum respondens; vel si juvandus sit opponens, tum licet evidentioribus verbis & alia figura idem argumentum proponere.
4. Si opponens proluxa utatur declamatione, vel confusa argumentatione, vel obscura locutione, monebit respondens, ut breviter & clare proponatur argumentum in certa figura ac modo.
5. In assumendo argumento prius considerabit ejus figuram, postea materiam.
6. Si forma sit vitiosa, rejiciatur, indicato vitio.
7. Ubi argumenti formam rectam esse viderit ac respondere cogitat, videat primum, an conclusio recte feriat suam thesin.
8. Si non recte ei opponatur, non est necesse respondere aliud, quàm quod ignoratio elenchi sit.
9. Si conclusio sit multiplex, distinguatur: distinctione adhibita, ostendatur in quantum contradicat suæ thesi, & adhibeatur responsio.
10. A conclusione transeundum ad præmissas, & primum ad majorem, deinde ad minorem.
11. Propositiones veræ concedendæ sunt, falsæ negandæ, ambiguae distinguendæ.
12. Si propositio universalis partim vera est, partim falsa ex ambiguitate, adhibenda est distinctio.
13. Si major universalis sit simpliciter falsa, adferenda est instantia ad falsitatem universalem ostendendam.
14. Major propositio neganda si sit hypothetica, debet negari consequentia; si disjunctiva, disjunctio; si categorica, simpliciter neganda.
15. Si distinctio adhibeatur majori, eadem est applicanda minori & conclusioni.
16. Nunquam vero responderi debet negando, si solvi possit argumentum distinguendo & limitando.
17. Major rarius falsa est aperte, sed sæpius ambigua; ideoque frequentius distinguenda ac limitanda, quàm neganda.

18. Minor rarius venit limitanda vel distinguenda; sapius neganda.
19. Nunquam ad minorem respondendum est, nisi confiteretur ac certum sit maiorem esse extra omne vitium.
20. Imo minor nunquam limitanda est, nisi limitata maiore.
21. Si auctoritates respondententi obijciantur virorum doctissimorum, illæ non sunt arroganter ipsi rejiciendæ; sed aut conciliat eas cum sua sententia; aut, si non possit, alterius viri æque clari ac docti adducat argumentum.
22. Licebit & respondententi interdum responsione uti indirecta, & argumentum retorquere in opponentem, vel aliud fortius adducere.
23. Nunquam tamen est utendum indirecta responsione, nisi prius sit responsum directe.

XLIV. Respondens superior vocatur *præses*; cuius munera duo sunt, regere & succurrere.

1. *Regimen Præsidis* in eo consistit, ut diligenter præses attendat utrum opponens & respondens suo officio fungantur, necne; si utrumque aut alterutrum ab officio suo recedentem conspexerit, eum sui muneris admoneat, & intra limites, præsertim disputationis, contineat, ne extra oleas, quod dici solet, vagentur.
2. *Subsidium Præsidis* in eo est, ut solutionem respondentis aprobeat & commendet, obscuram illustret, imperfectam perficiat, falsam corrigat, ac, si eum argumentis adversariis constrictum videat, eum exsolvat, omnibusque modis licitis defendat.

XLV. Ista fuit *genesis* tum simplicis tum complexi thematis: *analysis* sequitur.

XLVI. *Analysis* vulgo statuitur triplex; *grammatica*, *rethorica*, *logica*. *Grammatica* circa vocabula & phrasas, *rethorica* circa utriusque ornamenta versatur, *Logica* *analysis* est, qua expenditur artificium explicationis, probationis, ordinationis, quod in opere conficiendo est adhibitum; de ea hic tantum agimus.

XLVII. Ut *genesis* vel *thematis* fuit *simplicis*, vel *complexi*, ita & *analysis*.

XLVIII. Utriusque *analysis* dividitur in *internam* & *externam*.

XLIX. *Externa analysis* est, vel de *scriptore*, vel de *thematate scripto*.

L. De *scriptore* cognoscendum est obiter in resolutione; qualis

qualis fuerit ejus *vita*, deinde *occafio* scribendi, & *causa impulsiva* quæ authorem movit ad tractationem thematis.

LI. De ipso *themate* cognosci potest ejus *neccessitas*, *utilitas*, *dignitas*, *jucunditas*.

LII. *Analysis interna* est, qua recognoscimus ipsum modum tractationis in *themate simplici* & *complexo*.

LIII. Circa utriusque *analysis* tria sint observanda.

1. Tota thematis tractatio prius perlegenda est antequam *analysis* instituat.
2. Amplificationes sunt diligenter discernendæ, distinguendæ, separandæ ab explicatione thematis, & cum ad Rhetoricam pertineant, isthuc sunt resellendæ.
3. Si termini sunt in *analysis* observandi, qui ab authore fuerunt adhibiti; non plures, non pauciores.

LIV. De resolutione *thematis simplicis* sunt canones generales & speciales.

LV. *Generales* sunt, qui in omni *themate simplici* locum habent; *Speciales*, qui locum tenent in hoc vel illo, *substantiali* vel *accidentali*, *perfecto* vel *imperfecto*.

LVI. *Canones generales* sunt hi.

1. Ante omnia, ipsum thema, tanquam totius resolutionis fundamentum, objectum, & scopus, erui debet; quo omnia quæ author dicit sunt in *analysis* referenda. Quod facilius fiet, si quædam inscriptio aut exordium, aut simile quid præmissum fuerit ab authore qui illud thema pertractaverit.
2. Cogitetur diligenter, an thema simplex unica aut pluribus vocibus, an proptia vel impropria, an certa vel ambigua voce, proponatur ac pertractetur ab authore quem resolvimus.
3. Dispicendum tum est serio, an illud thema sit perfectum & in ordine prædicamentali, vel imperfectum & extra categorias locatum, an singulare vel universale, substantiale vel accidentale: ut enim alia sunt præcepta tractandi per *genefin* thema universale, alia tractandi substantiale, alia accidentale; ita resolutio multo facilius instituetur ad ipsam thematis naturam authorisque mentem, si, quale thema sit pertractatum, observatum fuerit.
4. Quia raro fit, ut thema aliquod simplex per omnia instrumenta notionum secundarum pertractetur, ideo in *analysis* thematis simplicis adjiiciendus est animus tantum ad istas notiones secundas, per quas author thema suum pertractare voluit; nam in resolutione non debet esse plus quam fuit in compositione: & omittas notiones logicas addere, non pertinet ad *analysis*, sed ad *genefin*.

5. Notiones secundæ quæ adhibentur in thematis simplicis resolutione indicentur ex logicis, an sint genus, causa, proprietas, effectus, &c. nam isti termini non solent ab authoribus usurpari, sed res tantum quæ est genus, vel causa, vel proprietas, &c. adhiberi; solent enim authores res dicere per notiones primas: itaque analysi notiones primas revocabit ad secundas, & indicabit, quo pertineant notiones primæ ab authoribus usurpatæ.
6. Nec eo ordine, nec eo loco ponuntur ab authoribus affectiones cum adhibentur, & termini Logici, aut potius res iis significatæ, quo poni debere canones ante positi jubent: itaque assuesfaciet se in tempore praxeos logicæ studiosus, ut alicujus authoris tractatum de aliquo themate simplici agentem consule in charta sua no-ter, & simul terminos logicos sub quibus analysin instituet, & eo ordine & loco quo res tractari logice debuisset, addito loco ipsius scripti, ubi hîc vel ille terminus, vel res potius termino nunc logico expressa, fuerit ab authore pertractata.

LVII. Canones *speciales* sunt juxta divisionem thematicis simplicis à nobis instituti in genesi.

LVIII. Si thema resolvendum sit *substantia universalis*, sequentes canones tenendi sunt.

1. Dispiciendum est, quæ *definitionis* ejus *principia* sint constituta, & quia substantiæ solent definitione essentiali definiri, videndum est, quodnam ejus genus ab authore sit assignatum, quæ differentia, & an recte constituantur.
2. Quod si contingat, ut author principia tantum definitionis ponat, definitionem ipsam non collocet, ea colligenda est analytico ex partibus positis.
3. Postquam definitionem analyticus invenit, aut ejus partes, genus & differentiam, videat an author thema explicat è suis *causis*, tum externis, tum internis: quod si contingat expresse materiam ac formam non poni, sed implicite in definitione involvi, in resolutione distinctius & dilucidius debent monstrari. Quod si efficiens & finis ab autore sint omissa, omittantur quoque.
4. Videndum est, an materiæ partes integrantes, seu implicite seu explicite, ab authore ponantur: si ponantur, non sunt negligendæ.
5. Post essentiam substantiæ universalis inventam, considerari debet, an author addiderit *proprietates* & *effectus*, &c. quæ in tractando tali themate observanda esse diximus.
6. Inquiratur in *divisionem*, unam, aut plures, & membra ponantur distincte, terminis & notionibus logicis induta.
7. Tandem inquirendum in *cognata opposita*, &c. quæ in talis thematicis generica tractatione observari debent.

LIX. Si-

LX. Similiter procedendum est in resolvendo *thema accidentis universalis*, juxta regulas *geneseos* nuper *positas*. Atque hinc hi *canones* tenendi sunt.

1. Ad quod *prædicamentum* pertinet videndum est, an sit *absolutum* *accidens*, an *relatum*.
2. Quo *nominis* veniat apud *authorem*.
3. Observandum est *genus*, si sit *expressum*, quale sit, proximum an *remotum*.
4. Inquirendum est in *subjectum*, quod & quale ei constituat *author*; si fuerit *relatum*, an *relationis* tum *subjectum*, tum *terminus*, tum *relatum*, tum *correlatum*, bene sit *expressum*.
5. Inquirendum est in *causas*, *efficientem* & *finem*, proximam & *remotam*, num sit *posita*, & *quæ*: & an *fundamentum* *relationis* sit *expressum*. Si *author* *accidenti* tribuat *materiam* & *formam* hoc & notandum, sed & *referendum*.
6. *Effecta*, *species*, *partes*, *cognata*, *opposita*, & quæcunque observari debent in *ejustractione*, hinc sunt indaganda. Nam *eadem* via est *analyseos* *quæ* *geneseos*, sed *contraria*.

LX. Sequitur resolvendum *thema simplex imperfectum*: primo *substantiale*, scilicet *individuum*, & quidem *rationalis*, id est *persona*: nam *hominum* *singularium* *tractationes* occurrunt *præsertim* in *historiis*, *qua* *sacris*, *qua* *profanis*.

LXI. In *analyfi personarum*, nec *genus* nec *species* occurrent, quia ea non habent; sed attendendum ad ea *quæ* de *persona* dici possunt, juxta regulas ante traditas in *genesi*.

LXII. Antequam ad *speciales* resolvendi hoc loco *cautiones* accedatur, postquam tota *historia* fuerit *perlecta*, observandum est in *genere*, quodnam *vita* *genus* tribuatur *personæ* ab *autore*, an fuerit *persona* *privata*, an *publica*, an *politica*, an *ecclesiastica*, &c.

LXIII. His *peractis*, sic est procedendum juxta hos *canones*.

1. *Nomen* *personæ*, & imprimis in *historiis* *sacris*, probe est notandum ac observandum; quandoquidem non temere, sed certo *consilio* *plerumque* est *impositum*: ubi *circumstantiæ*, *ratione* *quorum* *nomen* fuerit *impositum*, si *referantur*, etiam *notandæ* sunt.
2. *Nomine* *excusso*, excutiantur *causæ*, *præsertim* *efficientes*, si *author* eas habeat: ubi *præsertim* attendendum, quomodo sit *descriptus* *ortus* ac *nativitas* *eius*, & *circumstantiæ* *loci*, *temporis*

poris, &c. quæ huc spectant, in resolutione ponendæ sunt.

3. Præsertim attendendum, an narret author quasdam personæ proprietates, effecta, & quæ referat cognata ac pugnantia; ubi imprimis mores attendenda, & in analysi ponenda, cum iis circumstantiis quibus narratur.

LXIV. *Accidentis singularis* aliorumque thematum imperfectorum analysi tota dependet ex eorum tractatione, & istis regulis insistatur in resolvendo, quibus utimur in componendo.

LXV. Hæc quidem analysi est thematis simplicis, quæ fundamentum est omnis resolutionis in themate complexo. *Thema complexum* vel *nude* ab autore aliquo proponitur, vel suis etiam *argumentis confirmatur*.

LXVI. Quando *nude proponitur*, tum tota analysi thematis complexi instituenda est juxta regulas & leges in doctrina enunciationis explicatas, & explicari solitas; ut, scilicet, enuntiatio aliqua, quæ est thema complexum, in partes secetur, & qualitas & quantitas ejus investigetur; an sit enuntiatio vera an falsa, necessaria an contingens, affirmans an negans, &c.

LXVII. Hoc modo resolvi possunt omnia scripta sententiosa, verbi causa Syracidæ, Solomonis, aliorumque: in talibus enim logica analysi, nihil aliud præstare potest, quam ut dicat tot ac tales esse in aliquo capite enunciationes, easque enumeret, & prædicatum & subiectum, & utriusque quantitatem ac qualitatem ostendat: quæ res cum facilis sit, & ex doctrina enunciationis constet, novis præceptis hæc nihil est opus.

LXVIII. At vero cum thema complexum *argumentis confirmatur*, particularibus opus est præceptis.

LXIX. Analysi thematis complexi *confirmati* vel ipsius thematis propositi *naturam* considerat, vel *modum* quo illud pertractatum est.

LXX. Circa analyticam considerationem *ipsius thematis* complexi propositi sequentes observentur canones.

1. Propositio seu thema complexum authoris ante omnia eruat ex textu seu scripto authoris, juxta canonem generalem.
2. Propositio illa aut enuntiatio, si modo indicativo ab authore non proponatur, ad eum reduci debet,
3. Tum

3. Tum videndum, an propositio saepe in textu repetatur; quod si fiat, hae repetitiones in unum colligendae sunt, & pro una propositione sumendae. Ista repetitio thematici complexi saepe fieri solet in materia petitoria, exhortatoria, laudatoria, &c.
4. Si propositio ab autore non fuerit repetita simpliciter, sed etiam ab eo explicata aut limitata, ante argumentorum quibus confirmatur resolutionem explicatio illa & limitatio indicanda est.
5. Quod si author non explicarit aut limitarit, & tamen propositio limitatione aut explicatione indigeat, eam instituere debet analyticus.
6. Tum consideretur, an propositum thema complexum sit universale, vel particulare, vel singulare, an sit thesis an hypothesis, an sit theoreticum vel practicum, &c.
7. Thema complexum theoreticum notitiam tantum pro fine habet; ideoque tantum vel probatur vel refutatur: at practicum affectus movet & impellit ad aliquid agendum; itaque amplificationes potissimum comitantur, quas non praeteribit analyticus, sed eas etiam resolvere, & argumenta, verbi causa adhortantia, dehortantia, laudantia, vituperantia, suadentia, dissuadentia, &c. indicabit.

LXXI. Et haec quidem est consideratio ipsius thematici complexi, quam sequitur consideratio *mediorum* per quas, & *modi* quo thema ab autore fuerit tractatum.

LXXII. Hic consideranda sunt quam diligentissime *argumenta* tum *declarantia*, tum *probantia* seu *confirmantia*, tum *refutantia*, insuper *ωεγλήσεις* & *objectionum solutiones*, denique *amplificationes* & *exaggerationes*.

LXXIII. De singulis hi tenendi sunt canones.

1. Argumenta primum *declarantia* & *confirmantia* seorsim sunt collocanda, & ad suas sedes referenda; *probantia* deinde sunt *refutanda* & examinanda, utraque sunt artificialia vel inartificialia.
2. De artificialibus videndum, an sint necessaria vel contingentia.
3. Argumentum seu medium artificiale reducatur ad suam notionem secundam a qua fuit desumptum; alii dicunt, ad suum locum inventionis.
4. Medium diligenter conferatur cum subiecto & praedicato conclusionis inter resolvendum, ut, quam habitudinem vel respectum, causae an effecti, subiecti an adjuncti, &c. ad ea dicat, cognoscatur.
5. Videndum an aliqua ex praemissis sit omissa, & tum ea addenda est analytico: si aliqua praemissarum prosyllogismi probatur, in
reso.

- resoluzione pro syllogismi eodem processu utendum, quo usus est analyticus in resolutione syllogismi principalis.
6. Circa *prolepses*, tacitasque aut occultas *objectiones*, notandum est, illas diligenter esse secernendas à confirmatione, & ad syllogisticam formam esse reducendas; simulque attendendum, quomodo author in textu ad illas *objectiones* respondeat.
 7. Authoris responsiones sunt resolvendæ, & ad *objectiones* à resolvente applicandæ.
 8. Quales in authore resolvendo syllogismi occurrunt, tales sunt in analysi ponendi, non alia figura aut modo.
 9. De *amplificationibus*, hoc tenendum est, eas referendas esse ad sua certa loca, & speciatim in suas partes esse resolvendas: exornationes ad schemata rhetorica reduci debent; probationes & *objectiones* earumque refutationes, proprie ad Logicam pertinent. Quare hisce etiam maxime à studiosis praxeos logicæ est immorandum.

LXXIV. Hæc est resolutio thematis complexi, tum nude propositi, tum argumentis confirmati; magis tamen & sæpius occurrent analytico resolvenda posterioris, quam prioris generis themata complexa.

LXXV. In hac utraque resolutione quando ad simplices enunciationes deventum est, aut ad nudos syllogismos, ad ipsa præcepta Logicæ recurrendum est, & juxta illa analysis eorum instituenda est, ad themata usque simplicia.

LXXVI. Quia, quodcunque resolvendum proponitur, fere tractatus est, multis constans enunciationibus seu thematibus complexis; summam hic ejus resolvendi rationem in tali negotio comprehendam, aliquot canonibus.

1. Fiant legitima præcognita de authore scripti, scripto & objecto, atque occasione, juxta 50. canonem.
2. Instituat generalis partitio totius tractatus; atque imprimis distinctio instituenda est secundum diversa themata, ut tot sint partes tractatus, quot sunt themata ibi tractata: & si sic divisus in capita, quælibet capita ad suas partes, id est themata, referantur.
3. Facta resolutione ista generali, accedatur ad resolutionem particularem singulorum membrorum, & capitum in quibus vel tractatur thema simplex vel complexum; & tum porro pro ratione alterutrius procedendum est juxta regulas datas.

LXXVII. Hæc quidem analysis est quorumvis thematum, Analysis facultatum & disciplinarum, quæ his solet subijci, tota dependet ex doctrina duplicis methodi syntheticæ & analyticæ, unde peti debet.

LXXVIII. Quæ methodo facultas aliqua aut disciplina conscribi debeat, hæc resolvitur.

LXXIX. *Disciplina contemplatrix* resolvitur, ut 1. inquiratur *subjectum* 2. *subjecti principia generalia & affectiones generales*, 3. *subjecti species & affectiones speciales*, 4. *affectionum specialium causa & principia specialia*.

LXXX. *Disciplina operatrix* resolvitur, ut 1. inquiratur *finis* operatione acquirendus, 2. *subjectum* in quod finis introducitur, 3. *media* per quæ introduci debet.

LXXXI. Sedulo hîc est observandum, præcepta à commentariis diligenter esse distinguenda; multa enim in resolvendo inveniuntur addita commentariis, quæ non pertineant ad præcepta.

FINIS.

AUCTA-

AUCTARIUM DE ANALYSI THEOLOGICA

S. Scriptura.

I. **A** *Nalysis* theologia *Scriptura* est, vel integri *Libri*, vel *Capitis*, vel *Sectionis* alicujus capitis, sive unum sive plures versus contineat.

II. In *analysis* cujusque *libri* danda est opera, ut habeamus divisionem principalem; de qua hi sunt canones, ad iudicium informandum.

1. Quidam libri dividi possunt secundum principales personas; ut Genesis, libri Samuelis, Regum, & Chronicorum, & Acta Apostolica.
2. Quidam dividi possunt secundum personas, res, & actiones: ut Leviticus.
3. Quidam habent prologum, rem ipsam, & epilogum; ut quidam prophetici, & omnes epistolici.
4. Quidam methodum habent dialogisticam; ut liber Jobi, & Canticum Canticorum: ideoque resolvi debent in dialogos.
5. Quidam dividuntur secundum subjectam materiam in certas classes seu potius locos communes, ut Psalmi, & Proverbia.
6. Quidam resolvuntur in certas conciones: ut Esaias, Jeremias, Ezechiel.
7. Quidam in historiam & prophetias: ut Daniel.
8. Quidam in visiones & conciones: ut Zacharias.
9. Quidam in visiones meras; ut Apocalypsis.
10. Quidam in curricula vite unius personæ; ut 4. Evangelia secundum periodos vite Christi.
11. Quidam in diversas professiones unius personæ; ut speciatim Evangelium Joannis secundum professiones Christi ad diversa paschata.

III. De Analyfi librorum *historicorum* in specie, hi teneantur canones.

1. Historiæ inter sese aliæ ab aliis distinguantur.
2. Causæ & occasiones historiæ observentur.
3. Principia, progressus, & finis historiæ attendantur;
4. Circumstantiæ omnes accurate expendantur.
5. Observetur, ubi unaquæque narratio incipiat, ubi desinat; num cohæreat cum antecedentibus vel sequentibus, an vero plane sit separata.
6. Doctrina seu fides, & vita sanctorum, accurate discernantur.
7. Topographia & Chronographia, id est, locorum & temporum observatio, imprimis notetur.
8. Dogmatica secernantur ab historicis, si intercurrent.

IV. De analyfi librorum *dogmaticorum* in specie, hi teneantur canones.

1. Status & generalis propositio enodetur.
2. Præcipui loci communes attendantur.
3. Connexio istorum locorum investigetur.

V. De analyfi librorum *prophetiarum* in specie, hi teneantur canones.

1. Attendatur tempus, quo prophetæ floruerunt.
2. Scopus prophetæ eruatur.
3. Historica & prophetica secernantur, & historica conferantur cum libris Regum & Chronicorum.

VI. Analyfis theologica *capitis* Biblici hos habet canones.

1. Dispiciatur, num caput cohæreat cum præcedenti vel sequenti capite, an vero plane sit secretum,
2. Attendatur, num tractetur unum thema, an vero plura pertractentur.
3. Si sint plura themata, videatur num unum ex alio pendeat, vel an prorsus sint disjuncta.
4. Argumenta explicantia ac probantia ordine colligantur.
5. Analyfis instituatür primum scholastica, deinde popularis; id est, primum terminis logicis dispositio capitis enūncietur, postea popularibus.

VII. De

VII. De analysi *versuum* Biblicorum hi teneantur canones.

1. Attendantur antecedentia, consequentia, & occasio.
2. Observetur thema, & reducatur vel ad aliquod caput catecheticum, vel ad aliquem locum communem.
3. Argumenta quæ sunt in singulis versibus eruantur, & themati applicentur.
4. Præter analysin logicam, spectari quoque, imo præmitti potest analysi grammatica verborum & phrasium, & rhetorica troporum ac figurarum; ita ut de quolibet versu institui possint ac debeant quæstiones grammaticæ, rhetoricæ, logicæ.

FINIS.

ALLO-

ALLOQUIUM AD SCHOLARUM RECTORES.

DEfuncti sumus, *Viri præstantissimi*, atq; multorum
 è vobis petitioni morem gessimus, in illustrandâ
Notis & Exemplis Synopsi Logicæ Burgerjdiciæ,
 adjunximusque *Præceos* exercendæ regulas qualiviam; ubi
 tamen exempla nulla apposuimus, quod ea ab ipsis ty-
 ronibus & Logicæ studiosis ad regularum normam & a-
 mussum componi proprio Marte & institui consultius sit:
 & si aliquam hic exigant *Χειρογρῳγία*, adeant *Gymnasium*
Logicum Keckermanni, & minus & majus, ubi exemplorum
 abunde est. Cæterum, cum finis Logicæ sit præfixus; *men-*
tem dirigere in cognitionem rerum, quinam illi sint mentis
 actus dirigendi, & quomodo, dicendum est obiter. Intel-
 lectus humanus non uno versatur modo circa res cognos-
 cendas. Aut enim res quaslibet apprehendit *simpliciter*, quæ
 vulgo dicitur *prima mentis operatio*, & *apprehensio simplex*
 (atque eam juvat *Pradicamentorum*, *Pradicabilem*, &
Notionum secundarum, vel *affectionum Logicarum* doctrina
 in hac *Synopsi* tradita:) aut res apprehensas enunciat, &
 enunciando inter sese vel componit, vel dividit, quæ *secun-*
da mentis dicitur, & *complexa oratio*; aut naturas rerum
 apprehensarum interiores in *definitiones* contrahit ac colli-
 git, aut easdem per *divisionem* resolvit & dilatat (atque
 hanc in enunciandis, definiendis, dividendis rebus ante
 apprehensis, operationem mentis secundam, perficit in
 hac *Synopsi Interpretationis*, *Enunciationis*, *Divisionis* do-
 ctrina, suis capitibus explicata: aut inferendo & conclu-
 dendo syllogistice de rebus apprehensis, enunciatis, defi-
 nitis, promoveret *syllogismorum* doctrina, suo quoq; loco in
Synopsi exposita: aut denique, quicquid vel simplici appre-
 hensione, vel aliis modis jam dictis, cognovit, *methodice*
 inter

inter sese disponit, ordinat, tractat, retractat atque hic
rem dirigit ultimum *Synopses Burgerſdicianæ* caput.)
rum enimvero in poſtrema hac, res quaſvis ordinata &
artificioſa methodo pertrectandi ratione, multum deficit
Synopſis: quem defectum ejus *Author* aliquando à ſe ſup-
pletum iri promiſerat; ſed aliter viſum fuit ſummo rerum
omnium moderatori Deo, qui ante fidem liberatam eum
in beatas tranſtulit ſedes. Ego in munere ipſi ſucceſ-
ſor, in ejus quoque vicem hic ſuccedere volui: eumque
in finem, *Geneſeos & Analyſeos Logicæ* canones ſubjunxi.
Hoc reſtat, ut tyrones & *Logicæ* ſtudioſi continuo exami-
ne circa *Synopſeos præcepta*, & aſſiduo exercitio circa *re-
gulas Præceos* occupentur: quod veſtræ fidei committo,
Viri Præclari, & Deo vos ac Juventutem ſtudioſam com-
mendo.

Lugd. Batav. Poſtridie Idus Maii,
M D C L I.

ADRIANUS HEEREBOORD,
Philosophiæ in Academia patria
Professor Ordinarius.